



VERS. IN LING.
ANTICHE

161

A

76-81.

BIRNAZNAPOLI

BIBI. NAZ.

161

A

76-81

NAZI

~~161~~
~~D S~~
~~76-81~~

17

18

19



2

PENTATEUCHUS

EX

RECENSIONE

TEXTUS HEBRAEI

ET

VERSIONUM ANTIQUARUM

LATINE VERSUS

NOTISQUE PHILOLOGICIS

ET CRITICIS

ILLUSTRATUS

JOANNE AUGUSTO DATHIO

S. THEOL. DOCT. ET PROF. LINGUAE HEBR. ORD.

IN ACAD. LIPSIENS.

HALAE

SUMTIBUS ORPHANOTROPHEI

MDCCLXXI.



CONFIDENTIAL

SECRET

1950

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL

CONFIDENTIAL





PRAEFATIO



Quod ante biennium dedi promissum de Pentateucho latine vertendo, id jam exsolvo. Quam bene hoc labore sum perfunctus, Lectorum est dijudicare, meum vero, breviter exponere, quomodo in eo sum versatus. — Idem mihi in

ratione vertendi fuit consilium, quod in prophetarum versione sum secutus. Nimirum ut sensum textus plane redderem, neque singulorum verborum nimis tenax essem, ita tamen, ut dum linguae idiotismos transferre in linguam latinam vitarem, a paraphraseos additionibus me abstinerem.* Atque ab hoc quidem facilius sibi cavere potest interpres, quam ab illo. Etenim quoniam characterem scriptoris simul debet servare, facile fit, ut huic tribuat, quod linguae sittribuendum, imprimis cum termini utriusque nondum satis certo consti-

- * Illius interpretis partes mihi sumsi, quas S. R. *Griesbach* Theologus Jenensis Celeberrimus ei tribuit, qui neque literam textus presse sequatur, neque paraphrastica ratione verba explicet, sed scriptores sacros ex suis quidem moribus, modo non hebraice loquentes inducat. vid. *Repertorium* literaturae biblicae et orientalis P. VI. p. 277. seqq.

constituti sint et definiti. Atque haud scio an hæc difficultas major sit in stilo Hebræorum historico quam dogmatico. Nam in hoc scriptoris sententia ut plurimum tam clare est proposita; ut eam a verborum structura facile possis discernere, et sic quoque judicare, quid ingenio scriptoris, quid linguæ sittribuendum. Sed in historia enarranda stilius scriptorum hebræorum multo magis redundans est et verbosus. Quem si interpres latinus ubique imitari velit, ne is aures latinas nimis offendat et peregrinus videatur. Igitur media quadam via ei incedendum est, qua antiqua Hebræorum simplicitas in modo narrandi ita servatur, ut nec Latinorum historiæ scribendæ leges prorsus negligentur. Equidem operam dedi, ut hanc viam tenerem. Attamen vereor ne aliis in hanc, aliis in illam partem nonnunquam deflexisse videar. Perspicuitatem vero et fidem in vertendo nullibi, uti spero, desiderabunt. Illius

* 3

quidem

quidem studiosus fui in omnibus locis, quæ, si verborum nimis tenax fuisset, sensum habuissent obscurum et difficilem. Hanc vero videor mihi præstitisse, dum sensum verborum nudum et simplicem, sine additionibus, quas paraphrasis admittit, exhibui. Cujus quoque propterea, si esset ambiguus aut probatu difficilior, in notis adpersis rationem reddidi. Igitur de his quoque pauca dicam. — In prioribus Geneseos capitibus has observatiunculas paullo prolixiores esse et frequentiores quam in reliquis, Lectores, uti spero, veniam mihi dabunt. Non poteram silentio præterire hypotheses varias a Viris doctissimis nostra imprimis ætate ad illorum capitum interpretationem allatas. Quanquam enim mihi id minime sumo, ut inter dissentientes arbitrum agam, tamen, quin libere profiterer, quæ sententia mihi in quæstione exegetica verissimilior videatur, hominem, qui nullius in verba jurare consueverit, parum

parum decere arbitrabar. In reliquis hanc rationem secutus sum, ut vel explicarem, quod lectori ex simplici verborum versione obscurum esse posset; vel in locis difficilioribus aut ambiguis causas indicarem, cur hunc, quem in versione posuissim sensum, alii præferendum putarim. Ceterum numerum notarum præter illud consilium ut augerem, consulto me abstinui. Noli enim commentarium scribere, sed versionem, quæ sacrarum literarum studiosis sensum librorum sacrorum indicaret et occasionem præberet ad ea quæ a viris doctis ad scripturæ sacræ illustrationem scripta essent, facilius vel invenienda vel dijudicanda. Propterea quoque laudavi subinde interpretes eruditos, recentiores inprimis, eorumque libros e quibus didici, ne aliorum inventa mihi tribuere viderer, et rationes exposui nonnunquam, si ab eis dissentirem, quod tamen non ita sæpe factum est, quoniam laudare lubentius quam reprehendere soleo.

leo. — *Notas criticas*, in quibus de dissensione antiquarum versionum a lectione recepta dixi, si illarum lectiones huic praeferendae mihi videbantur, in hoc quidem volumine ipsi versioni subjeci, non, quod in prophetarum volumine factum est, in uno fasciculo collectas in fine exhibui, quoniam non nimis multae sunt, neque lectionem versionis copia sua interrumpunt, aut retardant. — Si vitam Deus et valetudinem concesserit, excipiet hoc volumen *Liber Psalmorum*, ut voluntati eorum satisfaciam, qui hanc librorum sacrorum partem prius quam libros historicos ex versione mea legere praepotarunt. Ego quidem vehementer gaudebo, si hicce labor meus sacrarum literarum studiosis profuerit ad libros Mosaiscos recte intelligendos et explicandos. Scripsi in Acad. Lips. mens. Sept. A. R. S. MDCCLXXXI.



GENESIS ^{a)}

CAPUT

- a) Quæstio de fontibus Archæologiæ Mosaicæ, sive, unde Moyses hauserit rerum ante eum gestarum historiam? nostris temporibus decisa videtur, postquam Theologi et Philologi eruditissimi satis probarunt, Moysen composuisse Archæologiam suam ex monumentis antiquis majorum suorum. *Vitrings*, quod ego quidem sciam, primus (nam timidiuscule hoc fecit) paullo prolixius et allatis rationibus hanc sententiam proposuit et defendit in *Obss. S. Lib. I. Cap. III. p. 29* seqq. Post eum vero complures alii. Integrum super hoc argumento librum scripsit *Astrucius*, nomine tamen suo suppresso, cui titulum fecit: *Conjectures sur les memoires originaux, dont il paroît, que Moïse s' est servi pour composer le livre de la Genèse. Bruxelles 1753.* Io. Clericus in *Dissert. III de Scriptore Pentateuchi, Moysè*, ejus Commentariis præmissa. *Jo. Jac. Schultens* diss. qua disquiritur, unde Moyses res in libro Geneseos descriptas didicerit, quæ inserta est *Oelrichs* Belgii literati opusculis Tom. I. p. 245. *Bremæ 1774.* S. R. *Jerusalem* in epistolis super libris Mosaicis p. 80 seqq.

S. R. *Döderlein* in *Institutione Theologi Christiani* p. 113. seqq. Neque etiam est, quod quis defendat ineptam Judæorum sententiam, qui Moſen ſingula Geneſeos verba dictante Spiritu ſancto excepiſſe exiſtimant; aut vereatur, ne quid ſacræ hiſtoriz auctoritatꝝ divinæ decedat, ſi Moſen uſum eſſe antiquiſſimis majorum ſuorum monumentis hiſtoricis aſſeramus. Etenim, ut de utroque pauca modo dicam, quis libros Regum, Chronicorum, ex commentariis majoribus et prolixioribus compoſitos eſſe neget, cum eorum auctores ad illos ſubinde lectores remittant? neque tamen hoc horum librorum auctoritati canonicæ adverſatur. Lucas item ipſe fatetur, ſe evangelium ſuum ex aliorum traditionibus concinnaviſſe, et quis unquam ejus fidem ſuſpectam fecit, aut hoc ſcriptore divino indignum judicavit? Quidni igitur idem ſtatuatur de Archæologia Moſaica ſalva ejus fide et auctoritate divinæ? Verum etiam ex ſingulis hujus hiſtoriz partibus facile intelligitur, Moſen uſum eſſe commentariis aut monumentis antiquis in familiis majorum ſuorum ſervatis, quæ in ordinem digeſſit, mutatis hinc inde et additis quæ ei neceſſaria videbantur. Arguunt hoc frequentes illæ inſcriptiones, quas præpoſuit initio novi cujuſque fragmenti quod in manibus habuit, et præcedenti, quanquam eandem rem ſed paullo plenius enarravit, attexuit. Genealogias porro patriarcharum cum accurata annorum enarratione, quibus ſinguli vixerint, gentium antiquiſſimarum origines, et alia minutiora, quæ in familiis Abrahami, Iſaaci et Jacobi evenerant, quis ſibi perſuadeat hæc omnia dictante Spiritu S. Moſen literis conſignaviſſe? Qua peculiari inſpiratione præterea opus non erat, cum maxime probabile ſit, pios Iſraelitarum majores rerum antiquiſſimarum memoriam conſervaviſſe

CAPUT I

Mundi origines. b)

1. Prin-

vasse suisque tradidisse posteris. Artem enim scribendi Moſis ætate longe priorem eſſe, neque Iſraelitis incognitam, argumentis defenditur non contemnendis, de quibus vero hoc loco plura dicere non atinet. Caterum ſubtiliter magis, quam utiliter, *Aſtrucius* libro ſupra citato inveſtigavit per integrum Geneſeos librum ſingula loca, in quibus ſingula fragmenta, quæ Moſes contexuit, incipiant et deſinant. Cujus quidem rei in prioribus undecim capitibus indicia ſunt non obſcura, ſed inde a capite duodecimo, ubi Abrahami hiſtoria incipit, non niſi ex levi conjectura horum fragmentorum diſcrimen adſtruitur; qua cognitione etiam tuto carere poſſumus, cum neino dubitet Moſen ſchedas, quas in manibus habuit, hæc, non aliis ratione digeſſiſſe. Nec tamen ſine ratione *Aſtrucius* exiſtimat, initium quoque Exodi Moſen ſcripſiſſe ex ſchedula in familia ſua ſervata, in qua cum de initio crudelitatis Pharaonis in Iſraelitas, tum de Moſis nativitate et prima educatione expoſitum eſſet uſque ad Caput II, 11, in quo jam ipſe Moſes inciperet ſuam rerum a ſe geſtarum hiſtoriam enarrare.

- b) Ex tot Theologorum et Philoſophorum hypotheſibus ad hujus capitis interpretationem allatis, mihi quidem hæc eligenda videbatur, quæ tum verbis textus hebræi aptiſſima eſſet, tum obſervationibus virorum doctiſſimorum de interiori terræ noſtræ ſtructura non adverſaretur. Atque talis, ex meo quidem judicio, eſt ea, quam S. R. *Rosenmüller* propoſuit in libello, cui titulum fecit: *Antiquiſſima telluris hiſto-*

ria a Mose Cap. I. descripta. Ulmæ 1776. Cui jungi velim
 en, quæ S. R. Döderlein super eadem quaestione doctè ad-
 modum et subtiliter, uti solet, differuit, in *Institut. Theol.
 Christ.* p. 402 seqq. Summa hypotheseos est hæc: 1) Mo-
 numentum illud antiquissimum, quod Moses historiz suæ
 præposuit, *historice* est explicandum. Omnes allegoriæ, pi-
 cturæ hieroglyphicæ et subtiles geogoniæ in ejus interpreta-
 tione alienæ sunt. Nulla ne remotissima quidem indicia
 ostendi possunt sensus allegorici, aut, quod verba minime
 rara, sed sæpissime obvia, aliter sint accipienda, ac ex usu
 loquendi in aliis locis haud dubie sunt vertenda. 2) Sed
 scriptum est hoc monumentum stilo infantiz generis huma-
 ni accommodato, dictionibus nimirum anthropopathicis et
 opticis pleno. Est enim sine dubio antiquissimum, com-
 positum fortasse ex ipsius Adami narratione, cui Deus veras
 mundi origines revelarit necesse est, quas homo sola ratione
 duce nunquam investigasset. Primi vero homines singulari
 Dei curs educati et multarum rerum usu adhuc expertes,
 quomodo aliter de Deo loqui potuerunt, quam homo de
 homine, et res aliter æstimare, ac eis in sensus incurrebant?
 3) Non describitur prima telluris nostræ productio, sed al-
 tera, sive ejus restauratio. Quod partim per observationes
 physicoorum recentiorum probabile fit, qui in interioribus
 terræ partibus multa vestigia deprehendunt vetustioris et
 diuturnioris cujusdam inundationis, quam Noëchicæ, cui
 insignes illæ mutationes, quas terra nostra subiit, olim
 multis, sed parum accurate tribuebantur; partim ex verbis
 ipsius textus, argumento, uti arbitror, non contemnendo.
 Etenim *תהו ובהו* de Chao s. mole rudi et indigesta nun-
 quam dicitur, ex qua Deus ab initio ex traditione genti-
 lium

nam totum hoc universum creasse fingitur. Sed loca Jel. 34, 11. Jer. 4, 23. Pl. 107, 40 plane evincunt illa verba dici tantum de locis vastatis, destructis, incultis. Atque talis erat terra nostra aquis obiecta, cum Jova eam ex abyssis emergere juberet. — Neque hæc antiqua telluris nostræ facies scriptoribus sacris ignota fuisse videtur. Davides quidem Pl. 104, 6 seqq. ita loquitur de hujus terræ creatione, ut Deum ventis usum fuisse dicat, ad aquas, quibus summa montium cacumina tecta erant, dissipandas; et Petrus in epistola sua posteriori Cap. 3, 5 dicit *ἀπὸ τοῦ ὕδατος καὶ τοῦ γῆς* aqua perisse, quibus opponuntur *οὐρανὸς καὶ γῆ* igni destinata. Ex oppositione igitur prior destructio non potest ea esse, quæ Noachi temporibus facta est, de qua Cap. 2, 5. sed diverso longe contextu dixerat. Tandem 4) sese hæc hypothesis valde commendat a facilitate sua, quæ difficultates in illis Cosmogoniis subtiliter excogitatis obvias, (ex quibus unam illam de prima luce, quali? cum sol nondum exiit, nominare lubet) minime coacte removet. Ipsam singulorum verborum interpretationem versioni subjiciemus, ubi commodius legitur. Alia vero complura lectu digna ex ipso S. R. *Rosenmulleri* libello facile parabili petantur. Non adversari videntur huic hypothese, quæ S. R. *Doederlein* l. l. p. 403 ex oratione quadam *Linnei* attulit: non esse primam telluris formam e nostris temporibus nostroque conspectu æstimandam, sed a tenuibus insitiis terram firmam nova identidem incrementa cepisse, contractis litoribus et oceano deminuto. Dummodo sub verbis *יָדָה* non intelligatur Chaos illud gentilitum, in quo tanquam in ovo omnes hujus mundi particule conclusæ fuissent, et quo, nesciaque causa, rupto, totum hoc universum

1. **P**rimordio creavit Deus cœlum et terram. c)
 2. Posthæc d) vero terra facta erat vasta et
 deser-

motu quodam interno extitisset. Ex significatione verborum תרו וברו Moses dicit terram nostram fuisse vastatam et destructam, ex voluntate vero Dei eam ex aqua, sub qua demersa fuisset, iterum emeruisse, et quoad solem, lunam et reliqua astra cœlestia eandem relationem accepisse, quam etiamnum habet. Caterum de ejus amplitudine nihil dicit. Igitur ego quoque nihil neque affirmare neque negare audeo, annon postea aliæ quædam partes accesserint, aut aliæ rursus interierint, aut aliæ insignes subierint mutationes etc. de quibus omnibus ex mea sententia salva historia mosaica potest disputari.

c) *Principio*, h. e. cum tempus esse inciperet, quod factum est tum cum Deus totum hoc universum crearet. Cœlum h. l. dicitur in oppositione ad terram, ideoque omnia corpora cœlestia notat: Ingens quidem spatium et longe maxima corpora, si cum nostro terrarum orbe comparantur. Sed quod Moses tantum de creatione terræ dicere volebat, cœli tantum mentionem fecit, quoad illud ad nostram terram suam relationem habet.

d) *Vau* ante וְאֶרֶץ non potest verti per *et*, nam refertur ad v. 1, ubi narratum fuit, terram æque ac cœlum a Deo esse creatam. Jam pergit v. 2. de terra, eam, incertum quo tempore, insignem subiisse mutationem. Igitur *Vau* per postea est explicandum, uti sapē, e. c. Num. 5, 23. Deut. 1, 19.

deserta ^{e)} et aquarum profundis tenebris offusa; tum ventus a Deo immissus ^{f)} movebat has aquas.

3. Et iussit Deus ut lux oriretur: ^{g)} Orta igitur lux est.

e) De propria significatione verborum רוח וברך confer dicta in nota b). Antiquorum interpretum explicationes omitto, a Geneleos Commentatoribus abunde allatas et dijudicatas.

f) רוח אלהים nolim h. l. per vim divinam explicare, uti S. R. Dederlein l. l. p. 330. placuit. Quamquam enim verba hebræa admitterent hanc explicationem, tamen h. l. eorum propria significatio videtur præferenda, quoniam *lucis orta* in sequenti versu rationem reddunt. Vento enim a Deo aquas, quibus terra oblecta erat, immisso, orta est huic iterum lux sc. a sole. — Verbi רוך bis tantum præter h. l. obvii Deut. 32, 11. et Jer. 23, 9. primaria significatio videtur esse *movere, agitare*. In hunc sensum etiam antiquiores interpretes explicarunt. Onkelos: מנ יכח *sufflabat*, sic quoque paraphrasis Samaritana. Versio Arabica in plurali habet: *venti Dei spirabant super aqua*. Syrus idem vocabulum retinuit. Cui explicationi convenit Psalmus 104, in cuius versu septimo Deus dicitur ventis usus esse in terræ creatione.

g) hebr. *dixit Deus, fiat lux, et facta est lux*. Αἰσχρονομῶς de Deo dictum, uti in sequentibus complura alia. Admissa hypothese, ex qua hoc caput explicamus, omnes disparent difficultates de ratione hujus lucis, quod sol cum luna et stellis quarto demum die creatus dicatur. Non opus est ut lux aut ignis peculiaris cujusdam naturæ fingatur. Nimi-

est. 4. Quæ cum divino consilio conveniens esset, *h*) ei ut et tenebris Deus certos terminos fixit. 5. Nimirum destinavit *h*) lucem diei, tenebras vero nocti. Ita ex vespere et mane extitit dies primus. *h*)

6. Tum

rum sol et omnia astra cælestia utique adfuerunt secundum v. 1, non demum quarto die creata. Igitur lux illa, quæ ex voluntate divini orbi terrarum affulgere debebat, nulla alia est, quam *lux solis*, quæ terræ affulgere incipiebat, cum aquæ illæ, quibus terra esset immersa, per ventum illum essent dissipatæ, ita ut splendor solis ad terram penetrare posset, quæ sic ex aquis quasi emergere incipiebat.

h) hebr. *et vidit Deus lucem esse bonam*. Est iterum locutio anthropopathica, quæ in sequentibus septies repetitur. Sumta est ab homine opus feliciter peractum examinante et probante, quæ tamen non sine ratione aut consilio de Deo adhibetur. Sistit enim hæc phrasis Deum ut creatorem bonum et sapientem, qui omnia, quæ produxerit, perquam bona fecerit, ideoque mala quæ sunt in hoc mundo, aut imperfecta, non posse esse ab illo Deo. —

h) *N* *h* sequente *h* est *designare, assignare*. Sic quoque v. 8. et 9. dicitur. Cohæret hæc propositio cum antecedenti: Deus luci et tenebris certos terminos posuit, atque lucem diei, tenebras nocti destinavit.

h) Dissentiunt interpretes, utrum dies naturales viginti quatuor horarum sint intelligendi, an tempus longius. Equidem non video, cur a propria verborum significatione discedamus. Dierum et noctium vicissitudo efficitur mora tel-
luris

6. Tum iussit Deus ut existeret spatium expansum *l)* inter aquas, quod aquam ab aqua separaret. 7. Paravit igitur Deus illud spatium sic, ut alia aqua esset sub eo, alia juxta illud. Quod cum factum esset, 8. Deus hoc spatium cœlo assignavit: *m)* Ita ex vespere

luris circa axem suam: quæ jam locum habebat, cum impedimenta, aqua nempe, qua circumfusa erat, essent remota. Qui obiciunt, opus tertii diei nimis magnum esse, quam ut intra quatuor et viginti horas potuisset absolvi, præsupponunt, Deum, postquam Chaos illud creasset, non amplius omnipotentia sua egisse, sed naturam effecisse omnia per vires a Deo collatas. Sed uti Chaos illud philosophorum jam repudiavimus, ita omnis narrandi modus mihi videtur innuere, Deum in rerum omnium procreatione et constitutione non tam viribus naturæ, quam potius omnipotentia suæ egisse; his verò unum diem, et si Deo visum fuerit, brevius adhuc tempus suffecisse, ne illi quidem, contra quos disputamus, negant.

ד) רָקִיעַ • רָקַע extendit, diduxit, vers. 8. vocatur cœlum, nempe ærium f. æthereum, quo mediante duplicis generis aquæ separarentur. Nubes enim, quibus terra adhuc tecta erat, ascenderunt; quas aquam vocari neminem offendat, cum reversa ær aqua sit, modo longe tenuior, quam aqua proprie sic dicta.

m) Deest ad opus hujus diei formula approbationis, quam ei ὁ habent: *רַק יִהְיֶה ה' Θεὸς ὄντι καλόν.* Quæ lectio magnam accipit

spere et mane extitit dies secundus. — 9. Porro iussit Deus, ut aqua quæ sub cœlo esset, in unum locum conflueret, ut siccum appareret. ⁿ⁾ Quod cum factum esset, 10. siccum terræ destinavit, aquarum vero confluxum mari. Atque hæc quoque voluntati divinæ responderunt. 11. Tum iussit Deus, ut terra gramen pareret, herbas semine instructas, nec non arbores frugiferas varii generis, quæ omnes in terra semen suum emitterent. Quod ita etiam factum est. 12. Edidit enim terra gramen et herbam varii generis singula semine instructa, arbores frugiferas, quarum quæque in suo genere semen secum habebant. Hæc quoque Deo probabantur. 13. Tum ex vespere et mane extitit dies tertius. — 14. Tum iussit Deus, ut lumina illa in cœlo diem a nocte dis-

cerne-

cipit probabilitatem, quod in sequentis diei opere hæc formula bis occurrit et prima pars sequentis pericopæ videri posset ad hunc diem transferenda, quod in ea opus secundum vers. 8. incœptum, perfectum et absolutum narratur. Similitudo clausularum facile occasionem dare potuit huic transpositioni. Neque tamen ex testimonio unius versionis græcæ audeo aliquid definire, cum reliquæ versiones omnes et Codd. in lectione recepta consentiant.

- ⁿ⁾ Quanquam primo et secundo die aqua non parum immixta esset, tamen terra nondum ita erat exsiccata, ut edendis herbis et arboribus apta esset: hoc igitur factum est die tertio, cum quo cf. plenior narratio Cap. 2, 5-6.

cernerent, o) ut menses, dies et annos signarent: p)
 15. ut tanquam lumina in illo cœli expanso lucem
 suam in terram emitterent. Quod ita etiam factum est.
 16. Deus igitur constituit q) duo luminaria magna,
 alterum quidem ad diem regundum, alterum paullo
 minus

o) Non deum quarto die sol, luna et reliqua astra creata
 sunt, quod ex nostra interpretatione secundum v. 1. jam du-
 dum factum erat. Sed verba intelligenda sunt de constituto
 et determinato solis et lunæ usu, quem terræ præstare debe-
 bant. Sic quoque in aliis locis כִּדְיָה cum ל constructum
 notat *determinationem* rei ad certos usus. e. c. Num. 10, 11.
 Zach. 8, 14. Caterum *oprice* dici astra illa esse in cœlo illo
 æthereo, ut in sequentibus plura, facile intelligitur.

p) אֲתִוְתָּה nonnulli interpretes distinguunt a sequenti מִזְעָר,
 ut illa sint signa tempestatis, quæ observant nautæ et agri-
 colæ; prognostica pluvie, serenitatis, ventorum. Sed ma-
 lim explicare per Hendiadys: *inserviant anni tempestatibus*,
 sive etiam *mensibus*. quorum determinatio lunæ tribuitur
 Pf. 104; 19.

q) Cum v. 14. et 15. Moyses in genere dixisset, ex astris quædam
 ex voluntate Dei terræ usibus inservire debere, jam pergit
 in specie recensere ea lumina cœlestia, quæ maximam terræ
 utilitatem præstant; ubi iterum phrasæ optice observandæ
 sunt. Luna enim non habet propriam lucem, et stellæ lu-
 nam magnitudine longe superant. — עֵשָׂה et in sequenti
 versu בְּרִי non de *creatione* sunt accipienda, sed utrumque
 h. l. uti sæpe, est *constituere, perficere*.

minus ad noctem moderandam, nec non stellas :

17. Voluitque, ut ea ex coelo terram collustrarent:

18. ut diem et noctem gubernarent, utque inter lucem et tenebras discrimen facerent. Hæc quoque

voluntati divinæ responderunt. 19. Et sic vespere cum mane commutato dies quartus est peractus. —

20. Porro jussit Deus ut aqua ederet animalia viva natatilia et aves, quæ sub terra in aëre volarent.

21. Tum creavit Deus immania cete et omnis generis animalia viva, quæ in aqua natant, et volucrum varia genera; quæ omnia, uti Deus voluit, valde bona erant. 22. Hīs Deus largitus est vim prolificam, ut aquam foetu suo replerent, et ut volucres in

terra multiplicarentur. 23. Quo facto ex vespere et mane extitit dies quintus. —

24. Tum porro jussit Deus, ut terra ederet varia animalium genera, cum majorum tum minorum, tum et ferarum. Quod ita etiam factum est. 25. Igitur creata sunt a Deo

omnis generis animalia, quæ in terra vivunt, cum majora tum minora; atque hæc quoque Deo probabantur. 26. Tandem etiam hominem Deus decre-

vīt creare, r) qui per similitudinem, quam cum eo habe-

r) Phrasis *faciamus hominem* a multis interpretibus ad pluralitatem personarum in Deo probandam adhibetur. Sed per-

param. Est anthrop. locutio, quæ indicatur dignitas homi-

nis

haberet,† ejus imaginem adumbraret: qui dominaretur piscibus, avibus, pecudibus, et omnino toti terræ, et quæ in ea vivunt. 27. Igitur creavit† Deus hominem ad† imaginem suam; marem et foeminam Deus ad imaginem suam creavit. 28. Atque eis his verbis bene precatus est: Fœtificate, multiplicamini, replete terram, eamque vobis vindicate; estote domini piscium, avium, omniumque quæ in terra vivunt, animalium. 29. Porro Deus eis dixit: En concedo vobis omnes, quæ e terræ solo procreantur, herbas frugiferas, nec non omnes arborum fructus femine præditarum, quibus omnibus in cibum utamini.†) 30. Similiter animalia omnia, aves et quæcunque

eis a Deo creandi, quem dominum rerum omnium facere volebat. Cap. 2, 18. in singulari dicitur: faciam ei auxilium. Sic enim solent homines in rebus gravioribus gerendis et constituendis agere, cf. Zachariæ in Theol. bibl. P. II. p. 52.

- *) His verbis herbæ tantum et terræ fructus homini in alimentum a Deo conceduntur, omissa animalium carne. Hinc viri quidam docti collegerunt *αποφαιλα* ante diluvium interdictam fuisse hominibus. Non quod in se crudelis sit, aut naturæ humanæ adversetur, sed quod necesse fuerit animalia multiplicari, antequam eis vesci homines inciperent, cum a Deo non nisi paria creata esse probabile sit. Quæ sententia, cui equidem nolim contradicere, tamen tantum ad commorationem in paradiso restringenda videtur. Nam statim

cunque in terra vivunt, pascantur viridi omnis generis herba. Quo facto, 31. Deus consideravit omnia quæ fecerat, et erant valde bona. Tunc ex permutatione vespere cum tempore matutino existit dies sextus.

CAPUT II

Diei septimi feriæ. Alia descriptio terræ et creationis hominum ex alio fragmento. a)

1. Sic cælum, terra et astra perfectæ sunt. 2. Cumque septimo die ^{b)} Deus opus suum absolvisset, eo die feriatum est ab opere, quod fecerat. 3. Atque hunc septimum diem Deus sanctum et sacrum esse voluit, ^{c)} quod in eo feriatum esset ab opere, quod creando

statim post lapsum clara indicia habemus animalium mactatorum in sacrificiis Abeli, atque Cap. 7. animalia pura et impura nominantur.

a) Male capita, hoc loco sunt divisa. Tres versus priores, ad primum caput sunt referendi.

b) Pro ^{הַשְּׁבִיעִי} Cod. Sam. ^{וְהַשְּׁבִיעִי} et Syrus legunt ^{וְהַשְּׁבִיעִי} *die sexto absolvit.* Hubigantio quidem hæc lectio præferenda videtur. Sed quoniam recepta lectio commodam admittit explicationem, nolui eam deferere, quanquam nec illa omni caret probabilitate.

c) hebr. *benedixit Deus diei septimo.* Phrasin *benedicere diei* recte explicatur ex opposita *maledicere diei*, quæ significat diem

*benedicere, propter quod
benedicere*

diem execrabilem, infaustum habere. Sic Jerem. 20, 14. *maledictus sis dies quo natus sum*; h. e. *infaustus sis ille*. Similia habet Jobus Cap. III, 1. seqq. Ejusmodi dies tristis debebat peragi sine ullo lætitiæ signo. Igitur *benedicere diei* est velle, ut dies faustus sit et læte peragatur. — Non possum hoc loco silentio præterire quæstionem inter viros doctissimos antiquioribus et recentioribus temporibus agitatum, utrum Moses hæc verba addat ad rationem legis Israelitis lætæ de sabbato celebrando explicandam, an sint ipsius monimenti historici verba, quibus narretur, Deum statim in principio rerum humanarum legem de sabbato sanxisse? Equidem non dubito assentiri eis, qui posteriorem sententiam defendant. Nam si prior locum haberet, si Moses legem suam commendare Israelitis voluisset, profecto sua verba non conjunxisset per copulam Vau, ut reliqua totius narrationis connectuntur; sed distinxisset ea per particulam על כן *propterea*, uti Cap. 2, 24. atque Exod. 20, 11. hac ipsa de re agens. Non minus grave mihi quidem videtur argumentum; quod Ikenius imprimis urget in Dissert. 1. de institutis et ceremoniis legis Mosaicæ ante Moysen, Vol. II. Dissertat. philol. theol. p. 27. Breuiorem nempe illam periodum septem dierum, quæ hebdomadis aut septimanæ nomine usurpatur, jam antiquissimis temporibus obtinuisse, cuius non solum inter alias gentes, sed etiam in historia S. luculenta vestigia deprehendantur. Genes. 29, 27. 28. 7, 4. 10. 8, 10. 12. Jam vero intelligi non posse, quomodo hic cyclus observari potuerit, nisi peculiari quadam ratione dies septimus a sequenti primo distingueretur. Non posse dici, dies successive tantum numeratos esse, et septimo numerum esse finitum. Nam præterquam quod nulla ratio commoda ostendi

ostendi queat, cur primi homines id fecissent, aut quando et qua occasione id primum cœperit: vix concipi posse, quo pæsto, præcipue rudiori illo mundi ævo, tam exacte per nudam dierum numerationem septimanæ successive et quidem ab omnibus supputatæ fuissent, ut nunquam confusio oriretur. Contra si adinittatur, septimum diem aliqua ratione præ aliis sacrum fuisse, certisque religionis exercitiis transactum, errorem facile caveri potuisse. Hæc ferè *Ikenius* l. c. Tandem locus Exodi 16, 23. non sine vi ad primam sabbati Mosaici institutionem, uti mihi quidem videtur, trahi potest. Nihil enim in eo præcipitur, quod ad sabbati celebrationem pertinet, sed monetur tantum, eo die, ut jam noto, Mannam non esse colligendam. — At enim vero hæc sententia non est ita intelligenda, quasi sabbatum, quod primi homines aut sic dicti patriarchæ et eorum posteri celebrarunt, idem prorsus fuerit cum sabbato Mosaico. Ritus, quos Moses eo die observandos Israelitis præscribit, plane docent hunc diem olim ab iis non ita esse peractum. Sed non probant id, quod aliter sentientes volunt, hunc diem prorsus non distinctum fuisse a reliquis. Quod esse potuit exercitiis quibusdam religionis aut cultus sacri habitis, si vel otium illud aut abstinencia a labore, quæ sabbati Mosaici primaris lex fuit, in solennitate illa antiqua diei septimi non obtinuerit. Qua limitatione admissa concedi possunt *Spencero* omnia, quæ prolixè probavit (Lib. I. Cap. V. Sect. VII. seqq.) sabbatum a Deo Israelitis præscriptum fuisse, ut ejus celebratione ab aliis gentibus scernerentur; atque tamen locum habere potuit inter eoa consecratio quædam diei septimi a majoribus eis tradita, quæcunque illa fuerit.

do perfecerat — d) 4 | Hæ sunt origines e) coeli et
terrae | I

d) **בְּרָא לַעֲשׂוֹת** Hæret in lectione Illustris *Michaelis*, quæ ei tautologica videtur, et quia si ē vertunt *τοῦ ἀρχαίου ποιήσαντος*, putat legendum esse **בְּרָא** ab Arab. *incipere, invenire*, hinc vertit: die er zu machen erfunden hatte. Sensu, uti mihi videtur, non minus frigido. cf. Ejus Biblioth. Orient. P. IX. p. 172. Sed lectio sana est. Est hebraïsinus, quo infinitivus verbi similem actionem indicantis verbo finito jungitur. Simillimus locus est Eccles. 2, 11. **עָמַלְתִּי לַעֲשׂוֹת** *operatus sum faciendo*. Sic et in aliis verbis Jud. 13, 19. 2 Reg. 21, 6. Ps. 126, 2. In hac constructione verbum finitum sæpe adverbialiter verti potest et infinitivus per tempus antecedentis verbi explicari. Sic *Lud. de Dieu* in Crit. S. ad h. l. qui tamen recte quoque observat, infinitivum sæpe redundare. Quoniam vero **עָשָׂה** generalius verbum est quam **בְּרָא**, nam non omnis rei perfectio est creatio, verti potest: *creando perfecit*. cf. de hoc hebraïsmo *Glossius* in Philol. S. p. 273. edit. novæ.

e) **תּוֹלְדוֹת** modo origines ejus rei, de qua sermo est, modo posteros eorum, de quibus agitur, significat. Priori sensu hoc loco sumitur, posteriori Cap. 5, 1. — Cæterum ex hac inscriptione apparet, novum h. l. incipere fragmentum historicum a Mose insertum, quod in Capite III desinit atque primo brevem terræ a Deo creatæ descriptionem continet, deinde plenius de homine, domicilio ei a Deo tradito, paradiso, interdicto arboris cujusdam usu, muliere creatæ et lapsu primorum hominum exponit. Quam peri-

copam difficillimam esse, facti sunt omnes omnium temporum interpretes, atque diversa hypothefes ad eam explicandam allatae testantur. Equidem pro brevitate, cui in his notulis studendum est, lubenter ab earum recensione. Potiores ex antiquioribus qui nosse velint, evolvat *Clericum* in Commentario. Ne recentiorum quidem hypothefes h. l. commemorare libet, præter eam quæ P. IV. *Repertorii literaturæ orientalis* p. 172 seqq. sub titulo: Versuch über die Urgeschichte, inserta est. Cujus auctor anonymus non minori ingenii acumine quam linguarum peritis eam hujus pericopæ interpretandæ viam ingressus est, quæ plerasque difficultates removit, atque narratam historiam ita explicavit, ut neque fides historica tolleretur, neque ratio humana offenderet in modo quo res gestæ dicebantur. Hypothefis quidem, ex qua hæc pericopa interpretatur, nova non est, sed a bonis interpretibus dudum admissa et probata, ita ut fere non amplius in hypothefibus, sed in legitimæ interpretationis regulis sit habenda. Sed nemo eam ad integram hæc pericopam transtulit. Quod cum videret Auctor ingeniosissimus fieri posse atque adeo debere, factum est, ut, quod tentaret, multis qui præconceptis non essent opinionibus impediti, aut antiquarum explicationum non nimis tenaces, asscurus videretur. — Est vero hypothefis, sive potius regula, ex qua hæc pericopa interpretanda est, hæc: Cum hoc fragmentum historicum sine dubio sit ex antiquissimis temporibus, modus narrandi etiam remotissimæ antiquitati convenit. Qui nimirum perquam imperfectus est, prodit linguæ insignem paupertatem, quæ nondum culta erat, carebatque verbis et phrasisibus, quæ res universas indicant, quorum loco igitur singulares

Solet

terre, cum creata essent. Eo tempore, quo Deus
coelum

solet adhibere; ordinem, quo quæque facta sunt, non accurate servat. Relinquit igitur lectoribus nonnunquam nonnulla supplenda. De Deo semper humano more loquitur. Ubique eum immediate loquentem et agentem inducit; ubi homines agere solent. Quæ pluribus exponit Auctor l. I. p. 177 sqq. Ex his igitur tenuibus antiquissimæ linguæ initiis et cum illis conjuncta primorum hominum de rebus eis obviis sentiendi et loquendi simplicitate roræ hæc pericopa dijudicanda est, et quæ illi suo more simplici dixerunt et narrarunt, nostris temporibus accommodatæ sunt explicanda. Viderunt hoc in nonnullis, quod antea jam observavi, interpretes, v. c. in iis quæ de Deo *אֱלֹהִים* dicuntur. Sed cum in aliis indagatio horum defectuum antiquæ linguæ difficilior nonnunquam sit, factum est, ut verba et modum narrandi ex nostris temporibus æstimarent, et propterea sese in difficultates inextricabiles immitterent. Verum Auctor anonymus laudatæ dissertationis pro ingenii sui facilitate acute vidit, quæ ex linguæ antiquissimæ simplicitate, prouti in sensus cadebant, narratæ essent, atque ex vero eventu ea explicavit. In nonnullis quidem non possum ei assentiri. Sed in summa rei lucem mihi ab eo esse accensam gratus profiteor.

f) In hoc secundo Archæologia Mosaicæ monumento Deus non uti in primo *אֱלֹהִים* sed *יְהוָה אֱלֹהִים* vocatur. Deinde in Capp. IV. VI, 1 — 8. uno nomine *יְהוָה* venit, et sic variant etiam sequentes pericopæ in designando nomine divino. Fortunatam hanc esse variationem, parum probabile

coelum et terram fecerat, ^{5.} nulli adhuc in agris frutices existerant, nec gramina in campis succreverant, siquidem Jova Deus nondum pluviam in terram demiserat, ^g nec homines erant, qui terram colerent.

bile est, sed non minus difficile veram ejus rationem indicare. Missis aliis conjecturis, placet ea quæ hanc variationem ex discrimine istorum monumentorum derivat, ex quibus librum Geneseos a Mose compositum esse diximus. cf. not. a) Cap. I. Dubium quod contra hanc hypothesein moveri potest, Deum nomen יהוה sibi longe post, cum populum ex Aegypto vellet educere, imposuisse, solvemus infra ad Exod. VI, 3. qui proprius est hujus quæstionis locus.

- g) Plerique interpretes existimant suppleri in hoc et sequenti versu nonnulla, quæ ad opus tertii diei pertineant. Sed ut taceam, non posse hæc commodè cum v. 11. Capitis primi conciliari, contrarium etiam apparet ex eo, quod hæc pericopa separatum sit a primo capite fragmentum, in quo igitur auctor, diversus sine dubio a priori, nihil neque potuit neque voluit supplere. — Equidem in sensu verborum non magnopere laboro. Dicit auctor fragmenti, terram ab initio omnem fertilitatem suam ab immediata Dei potentia, non ab hominis studio et labore accepisse. v. 5. Itaque reperit, cum v. 7. hominem a Deo creatum dixisset, v. 8. de paradiso in Edene plantato. — Venit tamen in mentem, annon de ea tantum regione sermo sit, quam Deus primæ hominum commorationi destinaverat, de Edene, quam fortasse eo ipso die, quo hominem creavit, ad hunc usum

rent. 6. Tum igitur nubes e terra ascenderunt, quae
eam irrigabant. 7. Hominem vero finxit Jova Deus
e terra pulvere, et spiritu vitali animavit; Sic homo
factus est creatura vivens. 8. Plantaverat vero Jova
Deus hortum in regione Eden^{h)} orientali, quem
homini modo creato assignavit. 9. In hoc horto Jo-
va Deus e terra procreaverat omnis generis arbores
cum ad aspectum pulcras, tum ad victum suaves; in
his quoque arborem vitae et arborem discriminis boni
et maliⁱ⁾. 10. Fluvius vero promanabat ex Ede-
ne,

usum adaptavit. In qua deinde praeterea plantavit: paradi-
sum, secundum v. 8. Nimis quaesita mihi videtur explicatio
ab auctore der Urgeschichte allata p. 178.

b) **עץ** non est nomen appellativum, sed proprium, coll. v. 10;
et 4. 16. quod etiam legitur 2 Reg. 19, 12. Jes. 37, 12.

c) *Arbor vitae* praedita erat sine dubio vi conservandae vitae hu-
manae, coll. 3, 22. *Arborem discriminis boni a malo* multi
putant arborem fuisse naturae suae noxiam, cujus fructus es-
sent venenati et vitae hominis perniciosi. Sed negat hoc
S. R. *Ernesti* in Opusc. Theol. p. 230. primo, quod hoc
contrarium sit verbis hujus ipsius versus, in quibus dicatur,
Deum non nisi bonas arbores in hoc horto plantasse, quod
de hac arbore aequae ac de arbore vitae et reliquis hujus po-
marii arboribus est accipiendum, et propterea **עץ**
recte, uti videtur, explicatur per *in his*, uti et in aliis locis,
v. c. vers. 19. Deinde quod haec hypothesis tollat *arbitrium*

20, k) qui hortum illum irrigabat, ex quo deinde in
quatuor

legis divinae in hoc præcepto. Neque video quæ sit hujus opinionis necessitas. Etenim quæ legem violatam secuta est corruptio corporis animique humani, potuit utrumque invadere, si quoque fructus arboris interdictæ perniciosi non fuerint, tantum ex comminatione divina. — Neque in eo assentiri possum Auctori der Urgeschichte, quod negat p. 198. Deum hanc arborem hoc nomine insignivisse, quoniam boni et mali notitiam homines tunc nondum haberent, atque omnia bona essent; postea demum homines nomen hoc ei dedisse ab eventu, quem eius fructuum interdictorum in eis habuerat. Mihi quidem verba serpentis ad mulierem, sive potius dubitationes ipsius mulieris Cap. 3, 5. de quibus plura ad illum locum, contrarium haud obscure videntur innuere, quæ nomen arboris manifeste respiciant. Potuit vero Deus aliqua saltem notione mali utut imperfecta primos homines imbuere, quemadmodum idem in notione *mortis* factum esse ipse Vir doctissimus suspicatur p. 198.

- k) Ex multis auctoribus, qui de situ Paradisi scripserunt, unum laudasse sufficiat *Relandum*, qui lectu dignissimam super hoc argumento scripsit dissertationem, quæ prima est in parte prima Dissert. Miscell. (Traject. ad Rhenum, 1706. octonis). Cujus de singulis sententiam paucis indicabo. Nimirum flumen Phischon *Relando* est illud, quod a Græcis et antiquis Geographis *Phasis* dicitur. Terra *Chavila* ei est pars Scythiæ ea, quæ *Colchis* vocatur. Prædicata terræ *Chavilæ* a Mose tributa optime conveniunt *Colchidi*, aurum nempe et lapides pretiosi; quorum nomina magis nota admo-

quatuor capita fidebatur. 11. Primum vocatur Phis-
chon,

admodum incerta sunt. Relando quidem *Bdolab* videtur
esse Crytallus et *Schobam* Smaragdus. — Flumen *Gibon*
est Araxes, quod regionem *Cossæorum* Mediæ proximam
peragrat. — *Chidekel* est Tigris, in quo etiam plerique
consentiunt, et de *Euphrate* nullum est dubium. — Ubi
autem horum quatuor fluviorum fontes sunt, ibi collocari
debere videtur Paradisus. Jam vero in Armenia illos inve-
niri, constat ex scriptoribus geographicis. Unus vero ille
Paradisi fluvius, ex quo quatuor illi orti sunt, una cum
arboribus Paradisi et omni ejus elegantia post primorum ho-
minum expulsionem evanuit, et frustra hodie quaeritur.
Sic fere *Relandus*. Cum quibus in plerisque consentit Ill.
Michaelis, tantum in explicando fluvio illo Paradisi v. 10. a
plurimorum interpretum sententia discedit. Singularem il-
lum numerum רְדִּי pro plurali positum esse putat; non
peculiarem aliquem fluvium indicari, ex quo reliqui orti
sint, sed hos ipsos, qui in sequenti versu nominentur. Es
quollen auch Flüsse aus Eden hervor, den Garten zu wäs-
sern, und sie giengen immer weiter von einander, und hat-
ten vier Ursprünge oder Quellen. Sic *Grosius* quoque est
interpretatus, provocans imprimis ad v. 14, in quo tamen
nullum video argumentum pro hac sententia. Quæ qui-
dem apta est ad difficultatem tollendam, si de fluvio illo Pa-
radisi quaeritur, ubinam sit? sed adversari ei videntur ultima
verba v. 10, quæ esse deberent $\text{רְדִּי לֹא אֶרְכָּעָהָר}$ si id di-
cerent, quod Ill. *Michaelis* in versione posuit; deinde fri-
gidus esse sensus videtur, si de fluvio narratur, eos habere
fontes, ex quibus oriantur.

schon, quod totam regionem Chayilam auriferam obit,
 12. Aurum vero illius regionis præstantissimum habetur. Cryalli quoque et Smaragdi ibi reperiuntur.
 13. Alterius fluminis nomen est Gihon, quod totam terram Cusch permeat. 14. Tertium flumen vocatur Chidekel, quod versus Assyriam fertur, et quartum est Euphrates. — 15. Tradidit vero Jova Deus homini illum hortum, ut eum coleret et custodiret:
 16. Eique his verbis præcepit: de omnibus horti arboribus edere tibi licitum sit, 17. modo non de arbore discriminis boni a malo: Simulac ea vesceris, morti eris obnoxius. — 18. Judicavit autem Jova Deus non bonum esse, Adamum esse solum; igitur decrevit ei adjutricem dare ejus naturæ accommodatam 1). 19. Nam cum Jova Deus omnis generis ani-

1) hebr. עֵזֶר כְּנֶגְדּוֹ Lutherus non recte vertit כְּנֶגְדּוֹ die um ihn sey, quod כְּנֶגְדּוֹ non significat, sed ex prima significatione est *anterius*. Contextus plane docet *socium ejusdem naturæ* intelligi. Nam in sequentibus narratur, Adamum non invenisse inter animalia ullum sibi simile, propterea Deum formasse fæminam ex ejus corpore. In quem sensum כְּנֶגְדּוֹ duplicem in modum potest explicari, vel ut pleonastice positum sit, et præfixum et affixum tantum attendatur, q. d. כָּמוֹ דְּוָא ut in לְכֶנֶדּוֹ et כְּנֶגְדּוֹ vel ut de *conjunctione matrimoniali* intelligatur, quam sententiam Schubertus defendit in Animadv. philol. ad h. l. Priorem sensum antiquiores

animalia, in his quoque aves, e terra formasset, atque adduxisset ea ad Adamum, ut nomina eis daret, quæ deinceps, prouti eis ab Adamo imposita essent, ut eis propria gererent: *m*). 20. Adamus quidem nomi-

quiores interpretes videntur intendisse, *ol s, בן־בן נא־לֵאֵי־רָאָה*. Vulg. adiutorium simile sibi. *Chald.* כִּמְךָ כְּבִלְיָה

Syrus: מְעֻדְרָנָא אֲכֻתָּה.

- m*) Quæ in hoc et sequenti versu narrantur, non sunt nimis ad literam urgenda, uti fecerunt plurimi ex antiquioribus interpretibus, quasi nempe solennis omnium animalium conventus esset habitus, in quo Adamus singula singulis suis nominibus compellasset. (vid. Bochartus in Hieroz. P. I. Lib. I. Cap. IX.) Non opus est, ut difficultates, quæ hanc sententiam premant, enumerem. Qui res ex verò iudicare didicerit, neque miracula præter necessitatem augere consueverit, facile intelliget, huiusmodi omnium animalium conventum et nominum impositionem ab hominibus recens creati insentia et a consilio divino, quod in versu 18. indicatur, admodum esse alienum. Mihi quidem sic videtur res intelligenda. Deus hominem recens creatum duxit in locum, in quo multa videbat animalia congregata. Nemo *כֵּן* h. l. ut sæpe non universe dici apparet ex eo, quod piscibus nulla nomina indita sint. Adamus igitur formam eorum, sonos quos edebant, et alia, quæ ejus attentionem inprimis excitabant, considerans, nomina eis dedit, simul vero intellexit, nullum in his esse ejusdem secum naturæ. — Linguae originem per istam nominum impositionem indigi-

na imposuit cunctis animalibus, avibus quoque et feris agrestibus; sed nullam in iis deprehendit adjutricem, quæ naturæ suæ conveniret. 21. Tum Jova Deus gravem Adamo soporem immisit, et unam ex costis ejus extraxit, in cujus locum carnem substituit. 22. Ex qua costa mulierem formavit eamque ad Adamum adduxit. 23. Tum hic, id tandem est, o) inquit,

tari putem cum S. R. *Herdero* (in *Diff. germ. vom Ursprunge der Sprache* p. 79.). Neque intra breve tempus, quod narratur, videtur peractum, uti sibi persuadent, qui literæ nimis adhærent. Sed cum Adamus inter animalia viveret, et cum eis versaretur, fieri non potuit, quin multa ab eis disceret, multa in iis observaret, quæ nominibus eis imponendis occasionem darent. Sed hoc auctor fragmenti more suo breviter et paucis verbis multa complectendo narravit.

*) Quam ingeniose auctor saepe laudatus der *Urgeschichte* p. 181. difficultates hujus loci de Eva ex costa Adami creata, removeat, legatur l. c. Non ausim conjecturam sive impugnare sive defendere.

*) עֵשֶׂת אָדָם referendum est ad contemplationem animalium, in quibus Adamus nullum invenerat, quod ejusdem secum naturæ esset. Hoc tandem est, inquit, tale animal, quod meæ naturæ est conveniens. Et quoniam antea reliquis animalibus nomina imposuerat, hinc quoque nomen dat conveniens cum suo ipso nomine. Vocat eam אִשָּׁה *viram* ab אִישׁ *vir*, in quo commode potest paronomasia, quæ

inquit, os de ossibus meis, et caro de carne mea, igitur vira vocetur, quod de viro sumta est. —

24. Propterea vir patrem et matrem relinquet *p)* et suæ adhærebit uxori, unamque carnem constituent;

25. Ambo autem, Adamus et uxor ejus, nudi erant, nec tamen propterea erubescabant. *q)*

CAPUT

quæ in lingua hebræa est, in latina quoque servari. Nam latini veteres dixerunt *viram* pro *femina*, teste *Festo*. vid. *Gesnerus* in *Thes. L. L.* *Hieronymus* male *virago*, quæ proprie significat *mulierem animi virilis*. *Symmachus* finxit verbum *ἀνδρῆς*, ab *ἀνδρ*. et *ῆς* habent: *γυνή*.

p) Hæc non sunt verba Adami, qui eo ipso die quo creatus est *patris* et *matris* nondum habebat notitiam, sed Moïsi, qui hanc addidit observationem ad dissuadenda divortia inter Israelitas usitata. Gravissimum hoc esse peccatum dicit, gravius adhuc quam parentes deserere; quod non separationem ab iis notat, sed denegationem auxilii et amicitiae, quæ inter parentes et liberos semper locum habere debet. Innuit igitur insolubilem esse debere illam inter conjuges conjunctionem. Quæ scita est observatio III. *Michaelis* ad h. l. In hunc sensum citantur etiam hæc verba a Christo *Math. 19, 4. 5.*

q) Docetur primos homines, prouti a Deo creati erant, nullos habuisse affectus libidinosos, propterea vestibus finè incommodo caruisse, quippe quæ necessaria factæ sunt post corruptionem illam naturæ humanæ. cf. 3, 7. Omnis pudor venit ex sensu indecori, propterea additur, eos non erubuisse.

CAPUT III

Lapsus protoplastorum et pœna eum subsequuta. a)

3. **S**erpens *b)* vero, callidissimum omnium animalium

a. 1. ova

a) Quoniam hoc caput cum antecedenti manifeste unum fragmentum constituit, historice etiam uti illud est explicandum. Continuaturs historia, et quid protoplastis in horto, qui eis a Deo traditus erat, evenirit, narratur. Quis vero, nisi ludere velit in re seria, topographicam paradisi descriptionem allegorice explicet? Sequens etiam tristis hominum status, qui priori opponitur, satis probat hoc secundum litteram interpretandum esse et veram narrare historiam. Neque fortasse interpretes allegoriam, aut imaginem hieroglyphicam, aut apologum moralem quævisissent in hoc capite, si modum narrandi ex antiqua historiae simplicitate, de qua antea dictum est, judicassent. Quod, si sit, difficultates, quæ sensum allegoricum requirere eis videbantur, disparent, atque in rebus nihil absurdi, nihil ab eo quod probabile sit, aut a vero alienum deprehenditur. Tentabimus igitur brevem loci difficillimi illustrationem duce Anonymo illo auctore in libro laudato.

b) Serpentem vere et proprie sic dictam esse intelligendam, omnes historiae circumstantiæ probant. Eva vidit serpentem, atque in excusatione sua apud Deum etiam tantum serpentem nominat, quæ eam seduxerit. Pœna quoque, quæ ei v. 14. statuitur, tantum huic animali convenit. Neque de diabolo quidquam suspicata est mulier, cujus sine dubio

ne

accipere potest per semetipsum

p Jova creatorum, dixit c) mulieri: Itane est? num
inter-

ne notitiam quidem habuit. Nam si eam habuisset, tenta-
tionem fortasse facilius supersasset.

Sed quid? an non loca Nov. Test. probant, diabolum
fuisse, qui Evam seduxerit? Non probant. Nam 2 Cor. 11, 3,
nihil de diabolo legitur, tantum de serpente. Joh. 8, 44
sermo est de studiis diaboli, atque homicida vocatur, quon-
iam eadem Cairio suavit, cf. 1 Joh. 3, 12. Si draco et serpens
vocatur diabolus Apoc. 12, 9. hoc fit ex usu loquendi Ju-
daeorum tempore Nov. Test. qui ad nostri loci interpretatio-
nem transferri non potest. Plura vide L. L. p. 203. seqq. et
S. R. Daderlein in der auserlesenen Theol. Bibliothek Vol. I.
p. 367. — Callidissimum animal vocatur serpens ab even-
tu, quoniam dubia in muliere excitavit adversus legem
divinam atque tandem etiam ad ejus violationem seduxit.

e) Sermones serpentis cum muliere nulli fuerunt. Sed mu-
lieri, cum videret serpentem de fructu arboris vetitae comede-
re, subortae sunt cogitationes de ejus salubritate, quae in
sequentibus ex antiquo narrandi more tanquam sermones
aut colloquium inter utrumque habitum referuntur. In
lingua enim antiqua *dicere* etiam pro *cogitare* usurpatur,
quoniam nulla sine verbis cogitatio esse potest. Sic Deus
complura *dixisse* fertur, quae tantum de ejus decretis expli-
canda sunt. At enim vero fortasse de hoc minus dubita-
tur, quam de illo, quod ab initio innuebam, mulierem vi-
disse serpentem de fructu arboris comedentem. In textu
quidem hoc non expressis verbis legitur, sed perquam pro-
babiliter hoc colligitur ex spe, quam mulier concepit,
cum

interdixit vobis Deus comedere de omnibus pomarum arboribus? 2. Respondit mulier serpenti: omnibus arborum fructibus pomarii vesci nobis licitum est. 3. Tantum fructu unius arboris hujus pomarii vesci Deus nobis interdixit, et ne tangere quidem eam licet, alioquin moriemur. 4. Ad hæc serpens mulieri, nequaquam moriemini, inquit, 5. Sed novit Deus, d) si de hoc fructu comederitis, tum oculos vestros apertum iri, e) Deoque similes vos esse futuros, boni et mali

eum serpentem videret et fictos illos cum ea haberet sermones. Cæterum ne quis, ut nonnunquam fit, novitate hujus explicationis offendatur, observo eam satis esse antiquam. Sic enim *Abarbanel* jam locum intellexit a *Clerico* citatus, itemque *Simeon de Muis*, qui hanc Abarbanelis sententiam pluribus exposuit et approbavit in *Criticis Anglicanis*.

d) Poterant hæc mulieri in mentem venire, cum videret fructum arboris vitæ serpenti non esse lethalem. Igitur suspicabatur, eum sibi multo magis esse profuturum, inprimis quod Deus ipse arbori scientiam boni et mali nomine ei dato tribuerat. Hæc aut similis mulierem cogitasse ex v. 6. fit probabile: *judicavit fructus arboris ad comedendum esse aptos*, nimirum quoniam serpens eis sine damno vesceretur — — et *desiderabiles ad intelligendum*, h. e. propter scientiam, quam secuturam esse esum fructuum colligebat ex nomine arbori dato.

e) Apertio oculorum dicitur de incremento cognitionis. Sic proprie phrasia legitur de animadversione rei antes non visa. *Genes.* 21, 19.

mali intelligentes. 6. (Tum mulier aspiciens arborem judicabat fructus ejus ad comedendum perquam aptos esse, aspectu esse pulcherrimos et propter prudentiam quam efficerent valde optabiles;)cepit igitur de fructu ejus et edit. Dedit etiam marito suo, qui ipse *de eo* edit. 7. Tum vero aperti sunt amborum oculi.) Animadverterunt sese nudos esse et ex complicatis foliis ficulneis fecerunt sibi subligacula. — 8. Sub vesperam *f*) audiverunt vocem Jovæ Dei *g*) appa-

לרוח הים? *circa tempus venti vespertini.* Solet in Oriente circa vesperam ventus æstivus dici atque adeo ipsam noctem flando recreare. Oppositum est רווח הים Genes. 10, 1. Cant. 1, 17.

g) Inde ab hoc loco incipit hujus historię explicatio ab anonymo auctore sæpe laudato l. c. allata, longe diversa a vulgari, quod ego sciam, omnium interpretum. Quæ quidem cum primum eam legeris, habet in quo hæsites et tantum non offendas. Sed si argumentorum probabilitatem examina-veris, modumque, quo secundum hanc explicationem omnia evenierint, rei naturę aptum et convenientemprehenderis, defines hæsitare, et, si antiquarum opinionum non justo es tenacior, novitas te non amplius offendet. Summam tantum hypotheseos breviter recensẽbo. Quam docte, quam ingeniose Auctor eam ornaverit, legatur l. d. In versione vero singula textus verba expressi, liberum lectori de hypothesi, ex qua illa interpretari velit, judi-

judicium relinquens. — *Vox Dei per horum ambulantis*
est tonitru, quod constat saepe hoc nomine venire. Sub
vesperam nempe oritur tempestas, prima fortasse in orbe
recens citato. Cujus tonitru et fulgure homines peccati
sibi conscii terrentur, mortem timentes, quam Deus eis mi-
natus fuerat, si de fructu arboris vetitæ ederent. Collo-
quium Dei cum Adamo et Eva v. 9 — 13. morsus conscientiae
sunt cum excusationibus, quibus culpam alter in alterum
deolvit. Sed tempestate ingravescente, tonitru continuo
resonante, ita ut nullibi se tutos existimarent, fugiant e pa-
radiso, hinc v. 23. Jova dicitur eos ex horto expulisse. —
At enim vero, dicis, hujus expulsionis in fine capitis de-
num mentio fit, et multa narrantur, quæ eam præcesserint;
sententia dicta in Adamum, Evam et serpentem, nomen
Eve ab Adamo mutatum, vestium usus monstratus. Reso-
quidem. At quis ab auctore, tantæ imprimis antiquitatis,
requirat, ut quo ordine singula se exceperint, narret?
Fuisse vero hominum fugam e paradiso; sive expulsionem
eorum, conjunctam cum illa tempestate, sive terrore propter
vocem Dei concepto, apparet ex eis, quæ v. 20. et 22. nar-
rantur, quæ nemo dixerit in paradiso esse facta. — Homi-
nes igitur postquam e paradiso auferant, omnia longe
alia et diversa a priori sua commoratione inveniebant. Jam
vitam agebant multis cum molestis et doloribus conjun-
ctam. Adamus cum vultus sui sudore agrum colebat, Eva
inter dolores partus enjebatur. Unde vero illa subita nec
expectata mutatio? Infantia generis humani atque imperfecta
Dei et effectuum naturalium cognitio hæc omnia immedia-
tæ Dei sententiæ dictæ in homines et terram die illo perni-
cioso tribuebant. Non probabile est Deum ipsum senten-
tiam

tiam hanc pœnalem in Adamum, Evam et serpentem iisdem verbis, quæ v. 14 — 20. leguntur, pronuntiasse. Pro linguæ paupertate, quæ Adamus et Eva utebantur, et pro experientia admodum exigua, quam tunc habebant, non intellexissent, quæ de graviditate, partu et aliis rebus dicuntur. *Pœnæ interminatæ* tantum *temporales* sunt. Non opus erat, ut Deus eis prædiceret mala et incommoda, quæ brevi ipsi sensuri essent et expertari, cum nihil de gravioribus malis, de *æternis* pœnis, quas promeruerant, diceret. At *æterni* notionem homines nondum habebant, igitur non poterat Deus pœnas æternas minari! Recte. At neque Eva intelligebat, quid sit gravidum esse, quid parere. Igitur neque hæc Deus ei dixit. — Neque *serpenti* pœnas, quos v. 14. seqq. legimus, Deus est minatus. Cum non nisi causâ occasionalis lapsus protoplastorum esset, pœnam ne promeruerat quidem. Sed primi homines fugam animalium a serpente eis noxia arbitrabantur pœnam esse serpenti divinitus inflictam. Atque Evæ odium in serpentem nemo mirabitur in posteros quoque propagatum, qui omnes eam tanquam animal perniciosissimum persequuntur. — Difficiliorem habent explicationem phrasæ: *ventre tuo incedes et pulverem comedes*, ex quacunque hypothesi locum interpreteris. Quod ad priorem attinet, fabulæ Judæorum sunt dudum explosæ, serpentes ab initio pedibus incesnisse, quibus post seductionem protoplastorum essent privata. Sed neque eorum interpretum sententia potest probari, qui quædam serpentum genera colli et corporis anterioris erigendi facultate instructa esse dicunt. Omnia serpentum genera habent hanc facultatem, quæ tamen pro earum magnitudine differt, nec tamen incessus erectus dici potest. Na-

C

tura

apparentis in horto, seque abdiderunt ab eo inter arbores.

turæ omnium serpentum proprium est, ut in ventre sese moveant. Duplicem modum ostendit Auctor anonymus, hujus difficultatis removendæ. *Vel* ut hæc verba: *in ventre incedes et pulverem comedes*, non sint pars pœnarum serpenti indictarum, sed ipsius serpentis descriptio, qua indicetur, mirum videri posse, omnes res creatas, animalia et homines sibi ab hac bestia humi repente timere, q. d. *tu qui in ventre incedis et pulverem comedis*. Quam explicationem ex eo probat, quoniam hæc verba interposita sunt pœnæ opinatæ serpenti dictæ, odio nempe animalium et hominum adversus eam. — *Vel* ut utrumque a primis hominibus per errorem habitum sit pro pœna serpenti inflicta ob esum fructus vetiti. — At sic non continent hæc verba promissionem de Messia mittendo aliquando generi humano? At quibus argumentis probatur eam his verbis inesse? Num protoplasti sensum ejus intellexissent? Illi quibus de pœnis æternis quas promeruiissent nihil dictum erat, num muneris mediatorii rationem percepissent? Nunquam neque Jesus neque Apostoli locum in hunc sensum explicarunt. Paulus sæpe de lapsu Adami locutus, nullibi hæc verba citavit. Tandem neque ipsa membra sibi opposita admittunt hanc explicationem. Quod breviter sed acute ostendit Auctor laudatus. Pluribus vero hanc mysticam hujus loci interpretationem impugnavit *Zacharia* in Theol. Bibl. P. II. p. 318—330. — Non faveo illis, qui promissiones de Messia e Vet. Test. destrudere student. Sed intrudere eas in loca, in quibus non leguntur, æque ac illud temerarium mihi videtur.

- bores. 9. Sed Jova Deus Adamo acclamavit: ubi es?
 10. Ille respondit: Audita voce tua per pomarium
 ego territus utpote nudus abscondi me. 11. Tum
 ille, quis tibi indicavit te nudum esse? Num edisti de
 arbore, de qua ne comederes, tibi præceperam?
 12. Adamus respondit: mulier quam mihi associaſti,
 dedit mihi de fructu illius arboris, quod comedi. —
 13. Tum Jova Deus mulieri dixit: cur tu hoc fecisti?
 Illa respondit: serpens me decepit ut comederem.
 14. Tum Jova Deus serpentem his verbis est allocu-
 tus: quoniam tu illud fecisti, omnibus animalibus *h*)
 cum cicuribus, tum feris eris detestabilis, in ventre
 tuo incedes, et pulverem comedes, *i*) quam diu vi-
 ves. 15. Inimicitiam inter te et mulierem, inter
 tuam et ejus progeniem conciliabo. Hæc capiti tuo
 infudiabitur, tu ejus calci *k*) — 16. Mulieri vero
 dixit:

- b*) מְכַל הַחַיָּה non per comparativum potest explicari,
 uti placuit nonnullis interpretibus, sed per præpositionem
ab omnibus animalibus eris maledictus. Reliqua enim anima-
 lia huic maledictioni non sunt subjecta. cf. Cap. 4, 11. 34, 19.
i) Pulverem comedere i. q. in pulvere jacere. cf. Jes. 49, 23.
 Michæ 7, 17. Pf. 71, 9. Similis phrasıs est Pf. 101, 10. *cine-
 rem comedere*, pro *federe in cinere*.
k) Nondum satis certa et explorata videtur significatio verbi
 שָׁחַ. Duo loca, in quibus præter nostrum legitur Job. 9, 17.

dixit: augebo tibi graviditatis molestias; cum dolore liberos paries, et tamen mariti tui consuetudinem appetes. 1) Is vero erit tuus dominus. — 17. Adamo dixit: quoniam uxori tuæ obtemperans de arbore comedisti, cujus esum tibi interdixeram: infelix fit propter

בְּשִׂעָרָה יִשְׁפָּנִי et Ps. 139, 11. חֵשֶׁךְ יִשְׁפָּנִי non admodum favent significationi *conterendi*, quæ vulgo ei tribuitur. Neque in nostro loco, in quo manifeste in utroque membro eodem sensu dicitur, in posteriori membro per *contere* verti potest. Antiquiores interpretes dissentiunt. O! habent: αὐτὸς οὐα τηρήσει (lectio Complut. τηρήσει sine dubio falsa est,) κεφαλὴν, καὶ οὐ τηρήσεις αὐτῶ πῖλιναν. Eodem sensu Onkelos et Jonathan. Vulgatus in altero membro: *et tu insidiaberis calcaneo ejus*. Sed Syrus: *ille conculcabit caput tuum, et tu feries eum in calce*, et Arabs: *ille findet caput tuum, et tu mordebis eum in calce*. Priorem explicationem præfero, utrique h. l. membro aptam, et quæ etiam ex Arab. شاف ex alto in aliquem prospicere s. oculos defigere, quod est insidiantium, potest illustrari.

- 1) Sunt interpretes bene multi, qui vocabulum תְּשׁוּקָה de obedientia mulieris viro debita explicant, et hoc membrum cum sequenti connectunt. Sed propter locum Cant. 7, 11. et creberrimum usum verbi شاف apud Arabes de *appetitu venereo*, hanc significationem præferendam putavi. Quæ sententia etiam est complurium interpretum cum antiquiorum, tum recentiorum, vid. Lette in *Animadv. S. ad textum hebr.* qui tamen priorem explicationem defendit.

propter te terra, multa cum molestia fructus ejus comedes per omnem vitam tuam. 18. Spinās et carduos tibi procreabit, et agri herbis vesceris. 19. Cum vultus tui sudore vidūm tibi comparabis; donec in terram redeas, ex qua sumtus es; pulvis enim es, et in pulverem reverteris. — 20. Adamus mulierem suam Chayvā vocavit *m*), quod ea mater esset omnium viventium. 21. Jovā Deus vero ostendit Adamo ejusque uxori, quomodo sibi tunicas ex pellibus facerent, quibus se amicirent. —

22. Jo-

m) In fine fragmenti addit auctor nonnulla, quæ manifeste referenda sunt ad tempus, quo protoplasti jam extra paradisum vivebant. Adamus, vers. 20. mulierī suæ nomen Chayvā dedit, matris viventium. Incertum quidem est, quæ occasione; *vel* cum primum filium peperisset, quæ sententia est auctoris anonymi in Repertorio p. 283, *vel* secundum alios, cum spes ei facta esset, eum ex conjuge sua posterōs esse habiturum. Sed quidquid de occasione nominis impositi statueretur, de tempore dubitari vix potest, nempe in paradiso hoc minime factum esse, cum trepide a Jovæ tonitru sefe abderet et mox fugeret. Item quod v. 21. narratur de primis vestibus, quarum inventionem nemo dixerit a Deo primis hominibus monstratam antequam ab eo ex paradiso expellerentur. — De quaestione a Theologis adh. l. mota, an origo sacrificiorum ab his animalibus ab Adamo mactatis repetenda sit. vid. S. R. *Ernesti* Opusc. Theol. p. 243.

22. Jova Deus dixit: En Adamus nobis similis factus est, boni malique intelligens — — n). Cavendum vero, ne porrecta manu capiat de fructu arboris vitalis, eoque gustato vivat in perpetuum.
23. Igitur expulit eum Jova Deus ex Edenis pomario, ut terram, ex qua ortus erat, coleret.
24. Quo facto collocavit ab orientali parte horti Edenis Cherubos cum ense flammas vibrante ad arboris vitalis aditum custodiendum.

CAPUT IV

Cain et Abel nascuntur. Ille hunc interficit. A Deo propterea puniuntur. Ejus posterij, et quidam artium inventores.

1. **P**osthæc Eva ex Adamo marito suo gravida facta, peperit

n) Hic et sequens versus non parum confirmare videntur explicationem totius loci allatam. Nam quæ in hoc versu Jova dixisse fertur, nemo iisdem verbis a Deo dicta putabit; Ironia enim, quæ ei tribuitur, semper Deo est indigna. — Auctor fragmenti narrare vult: Spem immortalitatis et similitudinis cum Deo consequendæ protoplastos misere fefellisse. Quippe ejectos e paradiso de arbore vitæ comedere non potuisse, neque unquam ad illam regionem potuisse redire tonitru et igne subterraneo prohibitos. — Sed hæc pro antiqua rerum dijudicandarum ratione, quæ Deum ubique immediate agentem inducit, narrantur. Hinc sermones illi, quos Deus secum ipse instituit, et consultatio de eo quod factu opus sit, tandemque hujus decreti executio.

peperit Cainum. a) Dicebat enim: Virum acquisi-
 Deo juvante. 2. Deinde iterum peperit fratrem ejus
 Abelem; is quidem opilio fuit, Cainus vero agricola.
 3. Sub finem anni obtulit Cainus de frugibus ter-
 ræ Jovæ oblationem. 4. Idem etiam Abel fecit e
 primogenitis maxime gregis sui. Hujus quidem mu-
 nus Jovæ b) gratum habuit: 5. Caini vero oblatio-
 nem

a) h. e. *acquisitio*. Sic enim nomen mater ipsa explicat, et
 subindicat gaudium, quod conceperat ex illa nova acqui-
 sitione, sive augmento familiæ. — אָת h. l. positum est
 pro מֵאֵת ut Genes. 49, 25, 2 Reg. 23, 35. Sic quoque αὐ-
 τοῦ Θεοῦ. Vulg. *per Deum*. Onkelos מִן קֶדֶם Syrus
 tantum presse textum secutus vertit לְמֵרִינָא. Nonnulli
 interpretes, *Munsterus*, quem multi secuti sunt, in his
 etiam *Lutherus*, vertunt in Accusativo *virum Jovam*, quasi
 Eys credidisset, se *Messiam* peperisse. Quem errorem jam
Drusius et copiosius adhuc *Amama* refutavit in *Antibarb.*
Bibl. p. 232. Si scivit, *Messiam* esse debere Jovam, quo-
 modo existimare potuit, Cainum esse *Messiam*, quem scie-
 bat, esse ab Adamo genitum?

b) *respexit ad Abelem et sacrificium ejus*. Quod factum est
 probabiliter igne cælitus demisso, ex quo Abel favorem Dei
 cognoscere potuit, uti sequentibus temporibus factum est
 Jud. 6, 21. 1 Reg. 18, 38. Quam sententiam versio *Theodo-*
tionis expressit, teste *Hieronymo*; καὶ ἐνέπρησεν ὁ Θεὸς, et
inflammavit Deus super Abel et super sacrificium ejus, super
Cain vero et super sacrificium ejus non inflammavit.

nem est averſatus. Qua de re Cainus gravem iram concepit, quam et vultu oftenderet. 6. Tum Jova Caino dixit: quid iraceris? cur capite demifſo incedis? 7. Nonne ſi benefeceris, capite erecto potes incedere? Si male egeris, ſtatim ſe prodet peccatum tuum. Hoc quidem te *inſtar meretricis* tentabit, ſed tu debes ei dominari. c) 8. Sed dure locutus eſt

- c) Hanc difficillimi loci interpretationem in verſione poſui, non quod eam unice veram puto, ſed quod eam verba textus admittunt. Dantur vero alia quoque explicationes non minus probabiles. Nam חטאת pro diverſis verbi נשא ſignificationibus diverſimode poteſt explicari. Illa, quam in verſione poſui, ſic probatur. חטאת *elevation* ſc. faciei tibi erit. Qui ſenſus bene reſpondet precedentibus, *cur vultu demifſo incedis?* לפתח חטאת רבך *ante fores peccatum jacet*, h. e. manifeſtum fiet peccatum, non magis id celari poteſt, quam id quod pro foribus jacet. Multi interpretes *peccatum* h. l. dictum volunt pro *pæna peccati*, quæ imminet ſeu parata ſit peccatori. Præferrem hanc explicationem ei, quam adſcripſi, niſi tunc in ſequenti membro אליך תשיקו *ad te appetitus ejus ſc. חטאת* peccatum in alio ſenſu ſumendum eſſet, quam in precedenti membro, nempe pro ipſo peccato, quod hominem tentat. Qui phraſin לפתח חטאת רבך de inſidiis explicant, quas ſtruit peccatum homini, non attendunt, hunc ſenſum minus convenire ſubjecto propoſitionis, *ſi male feceris*. Ei qui male facit, peccatum non amplius inſidiatur. — In ultima

est d) Cainus cum Abele fratre suo; et cum aliquando
rure

ultimo membro תשוקתו accipio in eodem sensu, quo Cap. 2, 16. adfuit. Sic eleganti prosopopœia peccatum tanquam mulier impudica sistitur, quæ hominem ad libidinem suam explendam tentet, cui igitur resistere debeat. Levis est in vocabulo חטאת difficultas, quam miror interpretes quosdam movisse, ut explicationes valde contortas afferrent: vid. Clericus et Hubigantius. חטאת ex forma quidem fœmininum in h. l. tamen tanquam masculinum construitur cum sequenti רבין et cum affixo in תשוקתו, ejusmodi syntheses generis sæpe obviæ sunt. Sic supra 2, 15. נן construitur sequentibus affixis fœminini generis. — Ex aliis explicationibus, non minus quam hæc quam adscripsi probabilibus, duas tantum breviter indicabo. תשואה potest explicari ex phrasi נשאת פנים faciem suscipere h. e. æstimare, rationem alicujus habere. Tunc sensus erit non incommodus: si recte feceris, gratus mihi eris, acceptum erit sacrificium etc. Vulgatus interpretes vertit תשואה recipies, h. e. fructum percipies, s. mercedem habebis. Sic נשאת dicitur de eo, quod factum sequitur, sive bonum sit sive malum, v. c. Prov. 9, 12. et hinc h. l. sensus erit aptissimus: Si bene feceris, habebis hujus tuæ pietatis præmium et mercedem. — In verbis adeo ambiguis nihil audeo definire.

d) In textu est ויאמר קין אל הבל אחיו quæ verba, si vertuntur: et dixit Cainus ad Abelem fratrem suum, unique defunt nonnulla, quoniam nihil sequitur, quod Cainus Abeli dixerit. Supplent vero ea, quæ deesse videntur, Co-

dex Samaritanus ejusque versio per verba גלכה השדה. Similiter *oi ó*, Aquila: ἀλλ' ἐξέλθωμεν εἰς τὸ πεδίον, Vulgatus: *egrediamur foras*; Syrus, Targum Jonathanis et Hierosolymitanum. Propter tot testes pro hoc additamento non dubitarunt *Hubigantius* et *Kennicotius* in Dissert. super ratione textus hebr. I. p. 332. et II. p. 341. vers. lat. quin illa verba textui hebraico essent restituenda. Attamen illis testibus alii non contemnendi opponi possunt, qui hæc verba non legerunt, Onkelos, Symmachus, Theodotio et uterque Arabs. Ipsi Masorethæ, de quorum nota *Kennicotius* l. c. multa, sed parum accurate disputavit, dissentiunt, dum alii Codicibus hebraeis notam adscripserunt: פסקא באמצע פסוק, deesse aliquid, alii, et quidem plerique, uti videre est in Bibliis Kennicotianis, eam omiserunt, alii contrariam addiderunt, monentes lectorem בלא פסקא nihil deesse. *Montesalcanius* in Hexaplis duo attulit Scholia Codd. græcarum versionum adscripta, in quibus negatur, hæc verba apud Hebræos extare, sed esse in Apocrypho. Qui vero ille fuerit, ignoratur. — Illustris *Michaelis* etiam de lectione recepta judicavit (in Biblioth. Or. P. IX. p. 179.) eam nullum sensum dare, deesse aliquid. Neque tamen fauet illi additamento *eamus in agrum*, quam illud in versione germanica posuit. Vidit enim, ea verba perquam inepta esse. Quid opus erat, ut Cainus Abeli persuaderet, ut secum rus exiret, cum rure degerent? Ex conjectura igitur emendat lectionem receptam, et pro ויאמר legendum putat וימר a מרר *amarus fuit*: attamen amaro animo Cainus fuit in Abelem. Nemo negabit, conjecturam esse ingeniosam, et auctore suo dignam. Neque tamen necessaria videtur, quoniam lectio recepta utriusque sensum

rure essent, ille hunc aggressus est et interfecit.
9. Quo facto Jova eum interrogavit, e) ubi Abel

fra-

nsensum admittit, quonquam Vir Illustris hoc tam confiden-
ter negat. Miror, ei non in mentem venisse significatio-
nem verbi אָמַר apud Arabes obviam, *durius loqui cum*
aliquo. Nam quod dubitet, eam verbo אָמַר h. l. substi-
tuere, non arbitrer, cum alias in transferendis significatio-
nibus verborum Arabicis ad hebraica minime parcus sit.
Letse in Animadv. ad textum hehr. *Haismam* citat, qui
pluribus exemplis hunc verbi אָמַר usum probat. Ipse
quidem, ut alii, אָמַר pro colloqui dictum putat, sed lo-
cus Genes. 32, 7. tam parum hanc significationem probat,
quam alter ille Exod. 19, 25. Neque probanda est ellipsis,
qua in subsidium advocata *Hieronymus* in Quæst. in Gene-
sin locum explicat: Dixit Cain Abeli fratri suo אֱלֹהִים דְּבָרִים
hæc verba; ea nempe, quæ Deus cum Caino erat locutus.
Utraque explicatio sensum facit frigidum et parum proba-
bilem.

- e) Colloquium Dei cum Caino mihi quidem non videtur ex-
plicandum ex hypothesi, de qua ad præcedens cepit di-
ctum est, quasi nempe ex antiquo de rerum eventu judi-
candi modo, qui Deum ubique immediate agentem et lo-
quentem inducit, effectus tantum indicarentur fratricidii in
animo Caini, morsus scilicet conscientiæ, timor a Deo ca-
dis commissæ vindice, exilium, in quo oberraverit, et aliis.
Auctor quidem anonymus der Urgeschichte p. 240. ita sen-
tit, atque hunc locum præcedenti simillimum judicat. Sed
signum

frater ejus esset, ille vero se hoc nescire respondit, neque se fratris sui esse custodem. 10. Tum vero Jova, quid fecisti? inquit, fratris tui sanguis ad me e terra clamat. 11. Jam igitur detestabilis eris ipsi terræ, quæ os suum aperuit ad recipiendum sanguinem fratris tui a tuis manibus. 12. Quando eam coles, vim suam tibi non amplius præbebit, extorris et incertis sedibus per terram vagaberis. 13. Ad hæc Cainus Jovæ respondit, major est mea culpa, quam ut remittatur. 14. Expellis me hodie ex hac regione. *℟* Latebo tuæ præsentiae, et dum vagus et profugus per terram oberro, futu-

signum, quo versu 15. Deus Cainum a metu violentæ mortis pacatum reddit, supponit colloquium, quod re vera præcesserit. — Omnino frequentiores apparitiones et consuetudo quædam Dei cum hominibus prima mundi ætate negari non potest, quanquam modum ejus et rationem ignoramus. Historia Noachi, Abrahami et reliquorum patriarcharum nimis clare eam indicant; cui explicandæ non sufficiunt, quæ auctor laudatus p. 232. habet.

℟ He articuli h. l. vim habet *δεξιαν*, atque eam in specie regionem indicat, in qua Adamus sedem fixerat cum familia sua; ex qua verebatur Cainus discedere, quoniam in hac potissimum se tutum existimabat, in qua Deus hominibus sæpe solebat apparere. Hinc etiam sequentiâ verba sunt explicanda *וּמִפְנֵי אֵתֶר*.

futurum est, ut qui in me inciderit, interficiat. g)
 15. Nequaquam, h) inquit Jova, quicumque te in-
 terfecerit, septupli pœnam subibit. Deinde signo
 quodam coram Caino edito i) eum certiore fecit,
 quod nemo, qui forte in eum incideret, eum esset
 inter-

g) Illustris *Michaelis* putat, Cainum sibi tantum a feris ani-
 malibus timuisse, non ab hominibus, quoniam alix regio-
 nes nondum erant habitatae. Quanquam illud nolim ex-
 eludere, tamen poterat etiam Cainus vereri vindictam aliô-
 rum e familia Adami. Neque enim repugnat, ipsum Abe-
 lem jam liberos habuisse. In domo paterna fortasse tutus
 fuisset, sed cum ex ea ejiceretur, vindicem sanguinis uti-
 que poterat metuere.

h) כִּן non potest veri per *ideo* aut *propterea*, quia Deus re-
 spondet ad præcedentem Caini sermonem; neque satis apte
 per particulam affirmandi, *sane, utique*, quam significatio-
 nem interdum habet. *ei s*, Symmachus, Theodotion, Vul-
 gatus, Syrus legerunt כִּן אֵלֹהִים אָמַר, *nequaquam*. Quos
 in versione secutus sum. Ill. *Michaelis* omisit hoc vocabu-
 lum. *Hubigantius* vertit: *omnino is, qui occideris*.

i) *Signum* illud non intelligo de signo, quo Deus Cainum
 ipsum notaverit, aut insigniverit, uti plerique interpretes.
Clericus quidem existimat, Cainum iussu esse a Deo, de-
 posita veste ferina aliam vestem, nescio qualem, induere,
 qua dignosci facile ab aliis potuerit. Inepte. שֵׁן sepe
 idem est quod כִּן. Igitur putem, Deum signo aliquo edi-
 to Caino confirmasse, nihil ei neque a feris animalibus,
 neque ab hominibus esse metuendum.

interfecturus. — — 16. Igitur Cainus discessit *ex eo loco*, ubi Jova *cum eo locutus erat*, et confedit in terra Nod, Edeno ab oriente. 17. Uxor ejus ex eo gravida facta peperit Chanochum, *k)* quod nomen filii sui deinde urbi a se exstructæ imposuit. 18. Chanocho natus fuit Irad, Irad genuit Mechujaelem, Mechujael Metuschaelem, et Metuschael Lamechum. 19. Is duas duxit uxores. Alterius nomen erat Ada, alterius Zilla. 20. Ada Jabalem peperit. Is primus fuit eorum, qui pastoritiam vitam sub tentoriis agunt. *l)* 21. Frater ejus Jubal inventor est citharæ

k) Genealogiam hanc quorundam ex Caini posteris Moses non sine causa videtur inseruisse. Nam de reliquis ejus posteris, ut et de aliis Adami filiis, quos habuit secundum 5, 4. præter hos tres, Cainum, Abelem et Schethum, nullum nominavit. Sed quoniam in his sunt primi artium quarundam inventores, digna habita fuerunt eorum nomina, quæ servarentur in monumentis illis antiquissimis.

l) h. e. *Nomadum* antiquissimum vitæ genus, quo deinde Noachi posteris, Abrahamus, Isaacus et Jacobus usi sunt. De quo vid. Ill. *Michaelis* diss. von der Schafzucht der Morgenländer, P. I. der vermischten Schriften. — In verbis textus est aliqua difficultas, יֵשֶׁב אֶדֶן וּמִקְנָה. Ante מִקְנָה videtur רֶעָה supplendum. *ol* *o* habent *παραπορεύων*. Vulg. atque *pastorum*. Syrus: וּקְנִי קִנְיָנָא. Onkelos: וּמְדִי בְעֵר.

ræ et tibiæ. 22. Deinde Zilla peperit Tubalem, fabrum ferrarium, qui omnia malleabat atque æs et ferrum fabricare cœpit. *m*) Ejus soror fuit Naamah;

m) Antiquiores interpretes dissentiunt in vertendis verbis hebr.

וְצִלָּה גַם הָיָה יִלְדָּה אֶת-תּוּבַל קַן לְחֵשׁ כָּל-חֶרֶשׁ
נַחֲשֶׁת וּבְרָזָל Oī é habent: Σεωά τε καὶ αὐτὴ ἔτεκε τὸν Θόβιλ.
βλ. Καὶ ἦν σφυροκόποι χαλκὸς καὶ σιδηρε.

Primo clarum est, eos omittere vocabulum קַן quod etiam faciunt in ultimo membro hujus versus, ἀδελφὴ δὲ Θόβιλ, Νοεμά.

Deinde recte vertunt לְחֵשׁ καὶ ἦν σφυροκόποι, *erat malleator*. Nam notio *acuendi et poliendi*, quæ huic verbo vulgo tribuitur in quinque illis locis, in quibus in codice

hebræo extat, h. l. apta non est. Sed apud Arabes كطس significat quoque *tundere, contundere*. Tandem omittunt

כָּל Vulgatus: *Sella quoque genuit Tubalcain, qui fuit malleator et faber in cuncta opera aris et ferri*. Apparet eum legisse: "חֶרֶשׁ כָּל וּג". Syrus nomen integrum retinuit,

sed omittit לְחֵשׁ atque ut Vulgatus כָּל post חֶרֶשׁ legisse videtur: אֹמֵן בְּכָל דְּנַחֲשָׁא וּפְרָזָלָא *artifex in omni*

arte et ferro. Ego quidem primo assentior Ill. Michaeli in eo, quod קַן h. l. non sit pars nominis proprii, sed cognomen viri ab arte, quam invenit, ei datum. Apud Arabes

فابن fabrum ferrarium notat, neque probabile est, matrem præfegisse, cujus opificii inventor filius suus sit futurus. Probant quodammodo conjecturam *el é*, qui nomen

קַן omittunt, uti supra jam est observatum. Deinde כָּל melius

mah. — — 23. *Aliquando* Lamech dixit uxori-
bus suis: Ada et Zilla, audite vocem meam, Lame-
chi mulieres, attendite meo sermoni: 24. Si pro-
pter viri aut juvenis cædem vulnera et plagæ mihi in-
tendantur, cum de Caino poena septuplex statuta ef-
fet, in Lamecho id fiet septuagies septies. n) — —
25. Adami conjux denuo gravida facta peperit
filium, quem Sethum nominavit. Restituit mihi, in-
quie-

melius jungitur cum לַחַיִּים quam cum שְׁרִירָה. Sensum
enim nullo modo probabilem reddit inasorethica verborum
distinctio, quod Onkelosi paraphrasis probat, qui Tubal-
cainum *magistrum* dicit eorum, qui *periti fuissent in operibus
æris et ferri*. Quasi jam illo tempore hoc artificium a plu-
ribus fuisset excultum, et Moses non contrarium diceret,
dum artium inventores enarrat.

n) Plerique interpretes existimant, Lamechum cædem com-
misisse et vindictam minari, si quis eum propterea punire
velit, graviorem quam qua Cainus ulciscendus dicebatur.
Sed parum apta est hæc explicatio, neque contextui neque
ipsius carminis apodofi. Placuit igitur ea, quam S. R. *Hest*
de hoc loco dedit in Historia populi Israeliici germanice
scripta Parte I. p. 83. Nempe Lamechum sese jactare pro-
pter filios illos, qui artium adeo utilium essent inventores:
Cainum progenitorem suum propter cædem non esse puni-
tum, multo minus se posse puniri, si vel simile scelus com-
misisset. Verba enim non clare dicunt cædem ab eo esse
patratam, sed sunt hominis admodum insolentis et profani,
quales fuerunt sine dubio omnes Caini posterii.

quiebat, Deus aliam sobolem, loco Abelis, quem Cainus interfecit. 26. Cui Setho etiam filius natus est, quem Enosch vocavit. Tunc coeperunt *homines* de nomine Jovæ vocari. a)

CAPUT V

Adami ex Setho prosapia usque ad Noachum.

1. **H**ic est catalogus posterorum Adami. Cum Deus homines creavit, fecit eos ad imaginem suam. 2. Marem et scēminam creavit; benedixit iis, hominesque vocavit ipso illo creationis die. 3. Annū Adamus egit trigessimū supra centesimū, quando filium procreavit sibi similem, Sethum. 4. Quem postquam genuerat, vixit adhuc octingentos annos, et complures habuit filios filiasque, 5. et anno ætatis non-

- a) Hæc verba respiciunt discrimen, quod Cap. 6, 2. clarius indicatur inter filios Dei et filios hominum. *Filii Dei* vocabantur, qui *Deum Adami* colebant. Adamus fuit filius Dei, Luc. 3, 38. et omnes, qui hunc Deum profitebantur, annumerabatur his filiis Dei. Inter Caini posteros cognitio Dei probabiliter mature est extincta. Ipse enim remotus a patris sui consuetudine et reliquorum ex familia ejus, homo natura sua pessimus, habuit sine dubio progeniem ipso vitiosiore, qui propterea ab illis *Dei filiis*, filii hominum vocabantur. Phrasis **כָּרְאָה בְּשֵׁם** hoc sensu extat etiam Es. 44, 5. 48, 1.

nongentesimo et trigésimo mortuus est. 6. Sethus centesimo quinto ætatis suæ anno genuit Enoschum. 7. Posthæc vixit octingentos et septem annos; cumque complures liberos procreasset, 8. annumque duodecimum supra nongentesimum complevisset, diem obiit supremum. 9. Enosch anno ætatis suæ nonagesimo genuit Kenanem, 10. postea vixit quindecim et octingentos annos, pluresque habuit utriusque sexus natos, 11. tandemque anno ætatis quinto et nongentesimo mortuus est. 12. Kenan vixerat septuaginta annos, cum Mahalallelem gigneret. 13. Postea vixit quadraginta et octingentos annos, genuitque plures liberos, 14. ita ut decimum supra nongentesimum annum ageret, cum diem obiret. 15. Mahalallel vixerat quinque et sexaginta annos, cum Jaredum filium suum videret. 16. Postea vixit triginta et octingentos annos, aliosque præter illum filios filiasque genuit, 17. et mortuus est, cum annum ageret octingentesimum nonagesimum quintum. — 18. Jered anno ætatis centesimo sexagesimo quinto genuit Chanochum. 19. Posthæc octingentos annos vivendo complevit, viditque plures liberos, 20. tandemque anno ætatis nongentesimo sexagesimo secundo vitam cum morte commutavit. 21. Chanoch vixerat quinque et sexaginta annos, cum Methusalam procrearet. 22. Fuit vero homo eximie pietatis. Trecentos annos vixit, postquam

quam Methusalam genuerat, et complures utriusque sexus habuit liberos. 23. Trecentos sexaginta quinque annos Chanoch vivendo complevit. 24. Vita hac summa cum pietate exacta, deinde non fuit in terris, a) a Deo quippe sublatus. 25. Methusalah centum octoginta et septem annos natus, genuit Lamechum. 26. Postea septingentos octoginta et duos vixit, et complures alios habuit liberos, 27. tandemque anno ætatis nongentésimo sexagesimo nono e vita discessit. 28. Lamech vixerat centum et octo annos, cum filium procrearet, quem. 29. Noachum vocavit, is enim, inquiebat, nos consolabitur b) de

D 2

labore

a) Sic vertimus וַיִּינֶנּוּ phrasi Livio usurpata I, 16. de Romuli decessu. Indicatur subitus ἀφαιρέσις Henochi, quem sequens formula, *sumsit eum Deus*, quoque indicat, quæ de raptu Eliæ adhibetur. 2 Reg. 2, 3.

b) וַיְנַחֵםנו. Quoniam ab hoc verbo nomen נָח derivari non potest, atque ei ὁ legisse videntur וַיְנַחֵם, dum vertunt διευπαρύνει ἡμᾶς, *Subigantius* hanc lectionem præferendam judicavit, et in versione sua posuit: *iste requiem dabit nobis*. At enim vero non videtur sollicitanda lectio recepta, quam non caret aliqua veri specie lectio græcorum interpretum, quoniam Codex Samaritanus et versiones omnes lectionem textus hebræi exprimunt, atque etiam supra jam Cap. IV, 1. simile exemplum adfuit in nomine Caini, ex quo apparet, Hebræos in illa nominum notatione sensum magis quam verba respexisse. cf. Commentarij Cappellorum.

labore nostro admodum molesto in cultu terræ, cui Deus maledixit, perferendo. 30. Postquam Lamech Noachum genuerat, vixit quingentos nonaginta quinque annos, et complures habuit liberos. 31. Tandemque anno ætatis septingentesimo septuagesimo septimo diem suum obiit. 32. Noachus cum esset quingentos annos natus, genuit Semum, Chamum et Japhetum.

CAPUT VI

Summa hominum corruptio, propter quam Deus omnes delere decernit, excepto Nocho, quem jubet navem edificare.

1. **D**einde cum crescere hominum multitudo in terrarum orbe cœpisset, filiæque eis nascerentur, 2. harum pulcritudine capti sunt, qui de nōmine Dei vocabantur, a) et in matrimonium duxerunt, quascunque placuisset. 3. Tum Jova, non in perpetuum, inquit, redarguam propter errores suos homines fragilis et imbecillis adeo naturæ, b) constituo eis

a) hebr. *filii Dei*. cf. dicta ad Cap. 4, 26.

b) Verba textus sunt **לֹא יָדֹון רוּחַי בָּאָדָם לְעֵלָם בְּשָׁרָם**. Verbum **יָדֹון**, in quo maxime est difficultas, antiquiores interpretes fere omnes explicant per *manere*. Οὐ ὅ, ἔ μὴ καταλείψω τὸ πνεῦμά μου ἐν τοῖς ἀνθρώποις τέλει εἰς τὸν αἰῶνα διὰ τὸ εἶναι αἰτὰς σάρκα. *Vulgatus: non permanebis spiritus meus in homine in æternum, quia caro est.*

Syrus.

Syrus לא תעמר לא *non habitabis* etc. Onkelos לא יתקם לא *non permanebis generatio hac pessima coram me in aeternum.*

Tandem Arabs in Polygl. لا تحل לא *non habitabit* etc. At tamen Symmachus habet: ἡ ἀρετὴ τὸ πνεῦμά μου κ. λ. etque Hieronymus in quaest. Genes. testatur, in hebræo scriptum esse, *non judicabit spiritus meus* etc. Sane non adeo facile est ad divinandum, cur illi interpretes tanto consensu ירוּן

per *manere* explicarint. Variæ sunt virorum de eo conjecturæ, quæ quoad antiquiores legi possunt apud Fullerum in Miscell. S. Lib. 5. Cap. 5. et Glossium in Philologia S. p. 66. antiquæ edit. Recentiorum plerique putant eos ילון aut ירוּן legisse, quam lectionem etiam Clericus et Hubigantius probant. Et ille quidem ירוּן de vita hominum explicat, in hunc sensum, quem et Chaldaus verbis hebræis subiecit: *non manebis in hominibus in perpetuum vita, quam eis concessi.* At enim vero, quanquam ירוּן de vita dicitur, ut Ezech. 37, 5. 6. 8. Pl. 104, 29, tamen durum videtur *spiritum Dei* h. l. de vita hominibus a Deo data explicare, quod in locis citatis ירוּן simpliciter dicitur de hominum vita. Neque לון five ירוּן satis aptum videtur verbum, quod in hac sententia esset adhibitum. Propterea non sollicitandam putem lectionem receptam, in primis quoniam necdum satis certum est, illos interpretes alias literas legisse in Codd. suis, quanquam aliis puncta subjecerint, aut ab alio verbo ירוּן derivarint. — בְּשֵׁנִים verti cum Guffesio et aliis (vid. Simonis Lex. Hebr.) *propter errores suos.* Antiquiores interpretes vero omnes per particulam causalem expresserunt. Dubito.

eis terminum centum et viginti annorum. — 4. Latrones eo tempore per terram grassabantur. Quod factum est etiam postquam illi, qui filii Dei vocabantur, connubia inierant cum puellis eorum, qui se humanæ tantum originis esse profitebantur, ab his enim sobole aucti sunt. Atque isti sunt famosi illi antiqui orbis heroes. — 5. Cum vero Jova videret magnam esse hominum in terra nequitiam, omnesque quas animis suis conciperent cogitationes pravas tantum esse: 6. pœnituit eum fecisse homines in terra, animoque suo indoluit. 7. Delebo, inquit, homines quos creavi e terrarum orbe; cum homines, tum pecora, tum alia animalia atque adeo volucres: Pœnitet enim eos fecisse. 8. Noachus vero Jovæ probabatur. — — 9. Hæc est historia Noachi. c)

Noa-

c) Inscriptio novi fragmenti. In qua מִלְכוּת non potest verti per *genealogiam*. Nam nomina trium filiorum Noachi versu decimo non possunt argumentum constituere totius pericopæ. Sed significat *historia*, ut Cap. 2, 4. et infra Cap. 37, 2. Narratur enim, quomodo Noachus a Deo servatus sit in diluvio. — In hac pericopa, quæ hoc et tribus sequentibus capitibus continetur, creberrimus est rerum repetitio cum levi aliqua mutatione, quam Celeb. Eichborn (in Repertorio literaturæ orient. P. V. p. 185.) ex eo venisse suspicatur, quod duo monumenta antiqua, in quibus hæc historia memoriæ fuit prodita, conjunctim a

Mose

Noachus fuit vir probus, omnium illius ætatis maxime pius, et Deum sincere colens, 10. (habebat vero tres filios, Semum, Chamum et Japhetum,) 11. cum omnes homines perditissimi essent, et omnia violentia et rapinis plena essent. 12. Cum igitur Deus hanc tantam totius generis humani corruptionem videret, et quod omnes flagitiosissime viverent: 13. Instat finis omnium hominum, inquit; Nam cum tota terra illorum sceleribus repleta sit, auferam eos ex ea. 14. Aedificato igitur navem d) ex lignis cupressi-

Mose in una hac pericopa sint exhibita. Favet huic conjecturæ præter alia, quæ ingeniose a Viro Eruditissimo extricata sunt, permutatio nominum divinatorum, Jehovah et Elohim, quæ omnino in his fragmentis, quibus Moses in congerenda Archæologia sua usus est, solent variare. cf. Cap. 2. not. f)

- d) תִּבְרָה Originatio vocis dubia est. Præter h. l. legitur Exod. 2, 3. 5. In nonnullis Codd. (vid. Biblis Kennicott.) plene scribitur תִּיבְרָה, quæ scriptio innuit radicem יָבַע. Clericus quidem confert Chald. תִּבְרָה, quod ut est hebr. תִּבְרָה nonnunquam est *habitare*, ut Ps. 23, 3. 6; hinc putat תִּבְרָה proprie esse *habitationem*. Quod negat Clodius in Lex. hebr. selecto, et confert Arab. تَبَّي vel تَبَّي collegit, congregavit, ex quo תִּבְרָה locum significet, in quem res colligantur. Olé vertunt h. l. per תִּבְרָה, quam vocem Syrus quoque habet, sed Exod. 2, 3. 5. per תִּבְרָה, quam vocem

pressinis cum variis cellis: eamque bitumine intus et foris obducto. 15. Hæc vero sit illius extruendi ratio: Longitudo ejus sit trecentorum cubitorum, quinquaginta latitudo, et triginta altitudo. 16. Tetum ei impones. Iplius vero navis *culmen* superne

lexica antiqua explicant per arcam ex papyro confectam. vid. *Biel Lex.* sub voce *Ἰβήα*. Celeb. *Forsterus* in libro de *Byssu Antiquorum* p. 113. ex lingua Coptica explicat, ut sit vox ex duabus composita, *navis rami* s. *fulci palma*. Quæ originatio, si quoque loco Exodi aptari posset, nostro tamen non convenit. Onkelos et Arabs hebraicum תבה retinuerunt. Vulgatus *arca*, *Josephus* quoque *λαγράξ*. Sed male sine dubio vox hebraica sic explicatur. Nam forma *arca* usui, cui תבה destinata erat, prorsus inepta fuisset, quod bene observat Ill. *Michaelis*. Navigii formam necessario habere debuit *rotundam*. Alias enim vi fluctuum et aquarum non potuisset resistere.

- e) Significatio vocabuli צהר incerta est. Plerique per *fenestram* explicant, a צהר *splenduit*. *Schultensius* in *Clave dialect.* p. 187. per *rectum*, coll. Arab. *ظفر* *dorsum*, quo sane hoc ædificium carere non potuit, propter plurimam tot dierum continuam. Sed multo magis difficilia sunt sequentia verba: ואל-אמה תבלנה מלמעלה quæ vulgo ad צהר referuntur, quod eis magnitudo fenestræ definiretur, cum tamen propter affixum fæminini generis necessario ad תבה sint referenda. Evolvi ductore *Castellione*, quem valde laudar, libellum *Jo. Butacis de Arca Noæ* (insertus est

Tom.

perne facies cubitale. In latere ejus januam aptabis, et tres construes *contignationes*, infimam, mediam et supremam. 17. Etenim ego aquarum inundationem terræ immittam, qua omnia animalia viva sub cœlo auferantur, et omnia quæ in terris sunt, extinguantur. 18. Tibi vero id beneficii tribuam. Tu una cum filiis tuis, uxore tua, filiorumque uxoribus hanc navem conscendetis, 19. atque in eam de singulis animalibus singula paria, marem et fœminam, tecum inferes, ut in vita ferventur. 20. Ex singulis avium et animalium cum majorum tum minorum generibus paria singula vitæ suæ servandæ causâ tecum introibunt. 21. Igitur et cibum omnis generis comportato, quo tu et illa alantur. 22. Fecit vero Noachus omnia, quæ a Deo jussus erat.

CAPUT VII

Noachus in navem cum suis et animalibus omnis generis receptus servatur. Reliqua omnia aquarum inundatione percunt.

1. Tandem jussit Jova Noachum una cum suis navem conscendere, quod eum unum inter omnes
D 5 alios

Tom. II. Crit. Angl.) qui hæc verba de testi culmine explicat, quod per totam navis longitudinem unius cubiti fuerit. Quem sensum verba hebræa videntur admittere.

alios ejus ætatis vere pium reperisset, 2. ex omnibus animalibus mundis secum recipere septena paria, ex immundis vero tantum bina de singulis, 3. similiter de avibus mundis 4) septena paria, ut eorum genera in terrarum orbe conservarentur. 4. Nam post septem dies sese pluviam in terram esse demissurum, quadraginta dies totidemque noctes duraturam, qua omnes res creatæ in terra existentes sint delendæ. 5. Noachus igitur omnia diligenter executus est, quæ Jova jusserat. 6. Agebat vero annum ætatis suæ sexcentefimum, cum aquæ terram inundarent. 7. Cujus diluvionis vitandæ causa navem illam conscendit, cum ipse, tum et ejus filii, conjux et filiorum conjuges. 8. De animalibus mundis et immundis, nec non de avibus reliquisque bestiis 9. paria, mas et foemina, ad Noachum in navigium

- a) In Codice Samaritano additur **וְיָבִיטָם**, quod etiam legunt **וְיָבִיטָם** et Syrus. Sed non Vulgatus, Onkelos, Arabs. Oppositio ad versum præcedentem videtur hanc lectionem probare. Sed constat, Hebræos non semper satis accurate esse in repetendis iis, quæ ex antecedentibus possunt intelligi. Multo minus in textum recipiendum putemus quod *Hubigantius* vult, quæ **וְיָבִיטָם** præterea habent: **וְיָבִיטָם** πάντων τῶν πετεινῶν τῶν μὴ καθαῶν διὰ δύο ἄρσεν καὶ θῆλυ. Nam manifeste hæc sunt a glossatore, qui hunc versum simillimum facere voluit præcedenti. Quod ipsum etiam priorem lectionem suspectam mihi facit.


gium intromissa sunt, quemadmodum Deus jufferat. 10. Exactis tandem septem diebus aquæ terram inundarunt. 11. Anno ætatis Noachi sexcentesimo, die septimo decimo mensis secundi *b)* fontes Oceani magni proruperunt et nubes immensam aquarum vim effuderunt. 12. Sic imbres per quadraginta dies continuos totidemque noctes cecidere. 13. Eo ipso die Noachus ejusdemque filii, Semus, Chamus et Japhetus, conjux ejus et tres filiorum conjuges navem conscenderunt. 14. Una cum omnibus animalium generibus diversis, cum majorum tum minorum, nec non volucrum variarum. 15. Ingressa vero sunt Noachi navigium omnia animalia, quæ spiritum vitalem trahunt, paria, 16. mas et foemina, quemadmodum Deus Noacho jufferat. Quo facto Jova ipse fores obstruxit. *c)* 17. Cum vero terræ inundatio per quadraginta dies continuaret, aquæ adeo excreverunt, ut navigium super terram attollerent, 18. et cum indies magis magisque crescerent, ferri cœpit

b) h. e. Novembris. Ante exitum ex Aegypto Israelitæ annum incipiebant ab Octobri mense, qui postea eis Tisri vocabatur. Post illum exitum ab Aprili, quem Nisan dicebant.

c) Nempe quoniam Noachus foris rimas januæ bitumine obducere non poterat, Deus ipse cura sua prospexit, ne aqua posset pertumpere.

cepit per aquas. 19. Quæ tandem tantopere au-
 stæ sunt, ut non tantum altissimos montes æquarent,
 20. sed ad quindecim cubitos etiam superarent. d)

21. Sic

- d) Num diluvium totum terrarum orbem inundarit, an re-
 giones tantum eo tempore habitatas, dissentiunt interpre-
 tes. Ego quidem facio cum his, qui posteriorem senten-
 tiam defendunt. 1. Consilium Dei fuit delere *genus huma-
 num*. Jam vero Noachi tempore nondum tota terra habi-
 tata est. 2. Vocabulum *omnis*, non probat inundationem
 fuisse universalem. Constat multis in lucis  intelligen-
 dum esse tantum de re, sive loco, de quo agitur. Sic Cap.
 2, 19. 20. Adamum omnibus animalibus nomina dedisse
 narratur. Ezech. 31, 6. sub arbore, cujus imago esse de-
 bebat rex Aegypti, nidificasse dicuntur *omnes* aves cæli, et
 omnes feræ agrestes genuisse. Sic quoque Dan. 4, 18.
 Igitur *omnia animalia* in navem intromissa sunt *eorum regio-
 num*, quæ aquis erant inundandæ. Sic quoque de *monti-
 bus* sentiendum est, quos aquæ superarunt. Neque verba
sub omni cælo contrariam sententiam probant, siquidem in-
 terdum etiam de finitimis regionibus adhibentur, ut Deut.
 2, 25. — 3. Hac hypothesi admissa multæ objectiones re-
 moventur, ad quas non nisi multis miraculis admissis, h. e.
 contra omnem veri speciem, potest responderi: v. c. quo-
 modo animalia aliarum mundi partium indigenæ, Africæ
 nimirum et Americæ, a Noacho ex remotissimis illis regio-
 nibus in Mesopotamiam sint deducta, cum pabulo singulis
 proprio, et quomodo ab eo post diluvium in patriam suam
 iterum sint dimissa. vid. S. R. *Jerusalem* in Dissert. super
 Reli-

21. Sic expirarunt omnia terræ animalia, volucres, pecora et feræ, omnia omnino terræ animalia et omnes homines. 22. Omnia, inquam, quæ in terra continenti spiritum vitalem naribus ducunt, extincta sunt. 23. Quicquid in terra subsistebat, cum de hominibus tum de animalibus, bestiis et volucribus, periit, Noacho solo, et quæ cum eo in nave essent, superstite. 24. Exundarunt vero aquæ super terra centum et quinquaginta dies.

CAPUT VIII

Postquam aquæ diluvii decrevissent et terra esset siccata, Noachus cum suis navigio egreditur, et Deo sacrificium offert, quod hic acceptum habet.

1. **T**um Deus Noachi omniumque quæ cum eo in navi-

Religione P. II. Obs. III. — Illustris Michaelis quidem arguet inprimis, quod aqua centum et quinquaginta dies supra montes altissimos stetisse dicatur, quod fieri non potuisse existimat, nisi universale fuerit diluvium, quoniam aqua alias necessario defluxisset, nisi in aliis regionibus æquali stetisset altitudine. At enim vero Vir Celeb. videtur præsupponere, aquas per illud tempus, quo in tantam altitudinem excrevit, nullum amplius habuisse affluxum ex meatibus terræ subterraneis. Sed si contrarium admitatur, quod etiam ex Cap. 8, 2. 3. colligi potest, nihil obstat, quo minus aqua propter perpetuum affluxum tamen per tot dies montes altissimos superaret.

navigle essent animalium memor, spirare jussit ventum, quo aquæ in terra desidere cœperunt. 2. Tum obstructi sunt Oceani fontes, nec imbres amplius de celo cadebant. 3. Igitur aquæ continuo e terra diffuentes magis magisque imminutæ sunt post centum quinquaginta dies. 4. Decimo septimo die mensis septimi *a)* navis delata est in Armeniæ *b)* montes. 5. Aquæ vero continuo decreſcebant, usque ad decimum mensem, *c)* ejus primo die montium cacumina conspiciebantur. 6. Finitis quadraginta diebus Noachus nâvis fenestram aperuit, 7. atque corvum emisit, qui avolabat et revolabat, donec aqua in terra esset exſiccata. 8. Deinde columbam emisit, ut resciret, num aqua e terra defluxisset. 9. Sed cum illa non inveniret ubi quiescere posset, rediit ad eum in navem, quoniam terra adhuc aquis tecta erat. Noachus igitur porrecta manu eam ad se in navem recepit. 10. Cum deinde alios septem dies expectasset, iterum columbam emisit. 11. Quæ circa vesperam ad eum rediit, oleæ folium, quod decerpserat, rostro tenens. E quo Noachus intelligebat, aquas e terra defluxisse. 12. Interjectis aliis septem diebus columbam emisit, quæ non amplius ad eum rediit. 13. Anno
pri-

a) Aprilis. —

b) hebr. montes Ararat. vid. *Bochartus* in *Phaleg*, Lib. I. cap. 3.

c) Julii.

primo et sexcentesimo, primo primi mensis die, *d*) aqua in terra erat exsiccata, quod Noachus remoto navigii tecto intellexit. 14. Septimo et vicesimo tandem secundi mensis *e*) die tota terra fuit exsiccata. — — 15. Tum Deus iussit Noachum 16. navigio egredi una cum conjugē suā, filiis eorumque uxoribus, 17. omnia quoque animalia, aves, bestias et quaecunque in terra vivunt, secum educere, ut per terram iterum dispergerentur, propagarentur, multiplicarentur. 18. Escenderunt igitur navigio Noachus cum conjugē suā, filiis eorumque conjugibus, 19. omnia animalia, aves, bestiae, secundum varia sua genera. 20. Noachus vero in ara Jovae exstructa immolavit de omni pecorum et avium mundarum genere. 21. Quod sacrificium *f*) Jovae acceptum habuit, atque apud animum suum

d) scil. vitæ Noachi, secundum Cap. 7, 11. unde et *si* *é* addiderunt *ה' ק' ע'פ' י'ז נֹחַ*, sed nullus reliquorum interpretum.

e) Quoniam diluvium incepit septimo decimo die mensis secundi, integrum annum et dies undecim duravit. Qui si est annus lunaris, uti probabile est, trecentorum quinquaginta quatuor dierum, illis undecim diebus computatis vera diluvii duratio fuit anni integri solaris, qui trecentos sexaginta quinque dies complet. Hæc *Michaelis*.

f) *ריח ה'נחמד* in lexicis vulgaribus explicatur odor acquiescentiæ s. suavisitatis, h. e. summe gratus, aut suavis, ex auctori-

suum statuit, nunquam amplius terram hominum causa (quorum quippe conatus omnes pravi tantum essent inde a pueritia) ita perdere et destruere, ut omnia animalia viva perirent; quemadmodum tum quidem factum esset. 22. Nec unquam deinceps, dum terra esset, intermissuras esse vicissitudines sementis et messis, frigoris et caloris, æstatis et hiemis, diei noctisque.

CAPUT IX

Deus bene precatur Noach et ejusque familie, concedit esum carnis, sanguinis vero interdicis. Iridem ut signum diluvii non iterandi constituit. Noachus ex vino recens plantato ebrius videtur a Chamo filio suo. Cui propterea imprecatur, Semo contra et Japhetho fausta

ominatur.

1. **N**oachum vero ejusque filios benigne Deus est allocutus his verbis: fortificate et terram numerosa prole complete. 2. Timori et terrori estote omnibus

fortitate נֹחַ וְet Vulgati, ὁσμὴν εὐωδίας, odor suavitatis. Non male quidem quoad sensum, nec tamen satis accurate. Substantivum נִיחוּי explicandum est ex phrasi חֲמֵה חֲמֵה quiescere facere iram, h. e. placare, Ezech. 21, 22, 24, 11. hinc substantivum נִיחוּי expiatio s. placamen et נִיחוּי חֲמֵה odor placaminis sæpe de sacrificiis dicitur per ὁσμὴν θυμίου, quasi nūmen sacrificii nidorem olfaceret, eoque placaretur et oblectaretur, pro quo verba propria substitui.

bus terræ animalibus et avibus. Omnia quæ in terra vivunt, nec non pisces maris vestræ voluntati permittuntur. 3. Omnibus animalibus vivis vesci potestis, ut herbam viridem omnia vestris usibus trado. 4. Modo carnem cum vita h. e. sanguine a) ne comedatis. 5. Animadvertam in omne animal, quod hominem necaverit, poenasque repetam ab omni homine, qui alium interfecerit. 6. Qui cædem commiserit, supplicio debet affici: ego enim hominem ad imaginem meam creavi. b) 7. Vos vero genus vestrum larga sobole propagate et in terra augeamini. — — 8. Porro Deus Noacho ejusque filiis dixit: 9. En ego vobis posterisque vestris promitto, 10. simul quoque omnibus animantibus, avibus et bestiis, omnibus, quæ vobiscum navigio egressa

a) hebr. בְּנֶפֶשׁוֹ דָּמוֹ in vita ejus, sanguine ejus, דָּמוֹ explicat נֶפֶשׁ quod clarum est ex Deut. 12, 13.

b) In contextu hebr. est: nam in imagine Dei fecit hominem. Constructio verborum mutata est. Nam quoniam verba Dei sunt, esse deberet: ad imaginem meam feci hominem. Ol i habent *imago*, quasi legissent עֲשִׂיתִי. Vulgatus: ad imaginem quippe Dei factus est homo. Sic quoque Syrus q. e. נֶעֱשָׂה. Lectio recepta sana videtur, repetendum est עֲשֵׂה אֱלֹהִים post נֶעֱשָׂה. In versione tamen constructionem servandam putavi.

egressa sunt, 11. promitto, inquam, vobis, neque animalia aquarum inundatione amplius perditum iri, neque terram diluvione iri in posterum corruptum. 12. Pignus vero illius promissionis, pergebat Deus, quam vobis omnibusque animalibus, quæ apud vos sunt, in perpetuum dedi, 13. arcus meus in nubibus sit. Hunc habete pro pignore illius promissionis terræ datæ. 14. Quando terram obnubilavero, arcus ille in nubibus conspicietur. 15. Tum vero memor ero promissionis vobis omnibusque animalibus datæ. Non amplius aquarum inundatione corrumpentur. 16. Hunc igitur in nubibus arcum aspiciens recordabor hujus promissionis meæ omnibus animantibus et creaturis datæ. 17. Hoc igitur, inquebat Deus Noacho, habetote pignus promissionis omnibus in terrarum orbe animantibus datæ. — — 18. Noachus tres habebat filios, qui cum eo nave egressi erant, Schemum, Chamum, qui pater est Canaanis et Japhetum, 19. quorum progenies per totum terrarum orbem diffusa est. — — 20. Noachus vero agriculturæ deditus, vineas cœpit conferere. 21. Aliquando cum ex vino inebriatus nudus in tabernaculo jaceret, 22. vidit Chamus pater Canaanis pudenda patris sui, idque Schemo et Japheto duobus fratribus suis renunciavit. 23. Hi vero pallio, quod ambobus suis humeris imponunt, retro gradientes patris sui verenda tegunt. — Averfi
erant

erant eorum vultus, ita ut patris sui verenda non viderent. 24. Noachus quum vinum edormisset, et certior esset factus de eo, quod filius suus natu minimus ipsi fecisset, 25. dixit: Infelix sit Canaan, perpetuæ fratrum suorum servituti sit addictus. 26. Laudetur Jova Deus Schemi, Canaan vero sit ejus servus. 27. Fortunet Deus Japhetum et habitet in tentoriis Schemi, Canaan vero sit eorum servus. c) — 28. Noachus cum post diluvium trecent-

c) Ol é et Vulgatus יפת vertunt *πλατύνω*, *dilates*, quos recentiores interpretes sequuntur, ex significatione Chaldaica et Syriaca verbi פתח neque sensu incommodo. Sed פתח significat etiam *liberalem*, *munificum* esse, et sic Arabs vertit ^{يُحَسِّن} quem in versione secutus sum. Sequens יִשְׁכֵּן construo cum אלהים non cum יפת, sic quoque Chaldaeus et Arabs. Neque difficilem habet hæc formula explicationem, respondet enim יפת in præcedenti membro. Sed quoad pronomen לִמּוֹ quod in utroque versu legitur, est ambiguitas quædam. Potest enim in singulari et plurali verti. Onkelos et Syrus in versu 26. et 27. per pluralem vertunt. Arabs et Syrus in singulari. Jonathan et Ol é in versu 26. in singulari, sed in versu 27. in plurali, (in Cod. Alex. Vaticanus habet *אֵלֶיךָ*) et hi quidem recte videntur vertisse, quoniam in versu 27. uterque fratrum Semus et Japhetum nominantur.

centos quinquaginta annos vixisset, completis non-
gentis et quinquaginta annis e vita discessit.

CAPUT X

*Origines gentium Moysi aetate celebriorum ex
tribus Noachi filiis.*

1. **H**æc est genealogia filiorum Noachi, Schemi,
Chami et Japheti, quibus post diluvium nati sunt fe-
quentes: a) 2. Posterii Japheti sunt: Gomer, Ma-
gog, Medi, Græci, Tubal, Meseg, et Tiras.
3. Posterii Gomeri sunt Ascenas, Riphath et Togarma.
4. Græcorum coloniæ sunt Elis, Tartessus, Italia et
Dodanæi. 5. Ab his originem habent regionum ex-
terarum incolæ, lingua, genere et natione diversi.
6. Posterii Chami sunt Aethiopes, Aegyptii, Phud et
Canaan. 7. Aethiopum coloniæ sunt Seba, Chavi-
lah, Sabla, Rama, Sabtcha. Coloniæ Ramæ sunt
Scheba

a) De his gentium originibus omnino conferendus est *Bo-
chartus* in Phaleg l. Geographia S. quod opus amplissimum
continet in hoc caput Commentarium. Cui addendus est
Ill. *Michaelis* in Spicilegio Geographiæ externæ Hebræorum
post Bochartum; cujus *prima* pars prodiit 1769, *secunda* 1780.
Gættinꝰ. Brevitas notarum, quas versioni subijcio, non
permittit, ut horum nominum rationes reddam. Qui eas
scire velint, legant libros laudatos, in quibus magno doctri-
næ atque eruditionis apparatu de singulis disseritur.

Scheba et Dedan. 8. Cusch genuit Nimrodum, qui primus fuit potentia insignis. 9. Fuit autem artis venandi inprimis peritus; *b)* unde dici solet: uti Nimrodus venator eximius. 10. Initia regni ab eo constituti fuere Babylon, Edeffa, Nefibis et Ctesiphon in regione Sinear. 11. Ex qua egressus est Assur, qui Niniven, Rechobot, Calah, 12. et Resen ædificavit, quod Niniven et Calah interjacet atque oppidum est permagnum. — 13. Aegyptiorum coloniae sunt Lydii, Anamæi, Lehabæi, Naphchilæi, 14. Patrisæi, Caslichæi: quorum coloniae fuerunt Philistæi et Caphtoræi. 15. Ex Canaanis filio primogenito originem habent Sidonii, et Chittæi, 16. Jebusitæ, Amoritæ, Gergasitæ, 17. Chivæi, Arkæi et Sinnæi, 18. Arvadæi, Semaræi, Chama-tæi; postea et ulterius progressi sunt Cananæi, 19. ita ut eorum termini paterent a Sidone usque ad

b) hebr. *is fuit* גִּבּוֹר-צֵיד לִפְנֵי יְהוָה *fortis venatione coram Jova*, quæ nonnulli deteriorem in partem interpretantur, quasi tyrannidem in alios exercuerit. Sed alii rectius, uti arbitror, explicant ex idiotismo linguae, quo magnitudo et excellentia rei adhibito nomine Dei indicatur. Fortitudo ejus sine dubio causa fuit, cur alii lubenter ejus imperio paruerint. Magnum enim erat illis temporibus, quibus homines vitam pastoritiam agebant beneficium, si in tentoriis suis a ferarum impetu tuti reddebantur.

ad Gerarem, Gazam, Sodomam, Gomorrhā, Seboim et Lefcham. 20. Qui omnes sunt Chami posterī, diversi in genere et lingua, diversarum quoque regionum gentes. — 21. A Semo multæ gentes habent originem. Hic est pater Hebræorum, frater Japheti natu majoris. c) 22. Posterī ejus sunt Elamitæ,

c) Valde laborant interpretes in hujus versus explicatione, imprimis in priori ejus membro וְיֵשׁוּ יֶלְדָּי גִם־דָּוָא. Primo non apparet, quid sibi velit illud גִם, etiam, quoque. Deinde דָּוָא non potest construi cum passivo יֵלְדָּי, esse enim deberet לָּי Semo nati sunt filii etiam ipsi. Et tamen omnes Codices et versiones consentiunt in lectione recepta. Syrus tantum יֵלְדָּי active legit: et Semus genuit etiam ipse etc. In qua lectione tamen remanet dubium illud, cur de Semo narratur, cum æque ac fratres suos filios genuisse. Ill. Michaelis in Spicilegio P. II. p. 64. nihil interpreti præter conjecturam relinqui arbitratur atque illud דָּוָא prorsus vult eliminatum. — Sed tamen putem posse locum suum tenere, dummodo non ut particula vertatur, sed ut substantivum, (quod in aliis quoque Hebræorum particulis nonnunquam fieri debere, a Schulensio, Schrædero et aliis observatum et exemplis probatum est. cf. Glassius p. 361.) Jam ve-

ro דָּוָא significat, multus fuit, abundavit, et substantivum

דָּוָא copiam et abundantiam. Quæ significatio aptissima h. l. videtur: Et Semo nata est copia, hoc est aliis verbis: Semus pater

mitæ, Assyrii, Arphachfad, Lud et Aram. 23. Aram filios habebat, Uzum, Chalem, Gederem et Maschum. 24. Arphachfad genuit Schelachum atque hic Eberum. 25. Duos vero habebat Eberus filios, alium

pater multarum gentium fuit. — אֲבִי דָּוָא vero construo cum sequentii אֲבִי, *hic est pater omnium Hebræorum.* Assentior enim illis qui עֶבֶר pro nomine proprio habent illius Eberi, qui vers. 24. nominatur. Nam qui בְּנֵי עֶבֶר de incolis regionis transeuphratenfis explicant, usum linguæ habent repugnantem, secundum quem עֶבֶר post בֶּן aut בְּנֵי positum semper est nomen proprium. Nunquam vero בֶּן additur præpositioni, ut taceam ellipsin נֶדֶר נֶדֶר sane duram. cf. Num. 34, 24. ubi אֶשׁוּר עֶבֶר — Clerici aliorumque objectio, sensum esse frigidum, si dicatur posteros pronepotis esse quoque proavi posteros, remouetur, si admittitur priorum verborum explicatio quam dedi. Sic enim Moses pergit enumerare gentes istas multas, quarum pater sit Semus. Tandem ultima verba אֲחִי יִפֶּת הַגֵּרִל per rationes chronologicas non possunt aliter intelligi, quam quod Semus frater dicatur Japheti natu majoris, coll. Cap. 11, 10. et Cap. 9, 24. Chamus diserte natu minimus dicitur. Ratio vero aliqua saltem, si quoque non omni modo satisfaciat, cur hoc a Mose hoc loco repetatur, reddi potest ex priorum verborum interpretatione: Semum nempe patrem multarum gentium non inferiorem Japheto fratre suo natu majore fuisse illo honore aut felicitate.

alium quidem Pelegi nomine, quod ejus ætate terræ fuit divisa; alium, illius fratrem Jokdanem. 26. Ab hoc Jokdane originem habent: Almodad, Schaleph, Chozarmaphet, Jarach, 27. Doram, Ufal, Dikla, 28. Obal, Abimael, Scheba, 29. Ophir, Chavilah, Jobab; hi omnes ab Jokdane orti sunt. 30. Quorum habitationes a Mescha usque ad Sepharam patent, quæ regio montana est versus Orientem. 31. Hi sunt Schemi posterī in familiis suis et linguis diversi, diversarum regionum gentes. 32. Atque hi sunt omnino posterī Noachi, secundum familias varias gentes constituentes, e quibus omnes aliarum regionum gentes ortæ sunt post diluvium.

CAPUT XI

*Irriti conatus hominum de urbe et turri exstruenda. Semī
usque ad Abramum posterī. Terachus Abrami pater
ex Ure Chaldaeorum urbe migrans
Charanem pervenit.*

1. **O**mnes homines tunc una eademque lingua utebantur. 2. Proficiscentes vero ex Oriente invenerunt vallem in regione Sinear, in qua confederunt. 3. Hic alter alterum cœpit cohortari, ut lateres facerent, et cœquerent, quibus pro lapidibus, bitumine vero pro luto uterentur, 4. eo consilio ut urbem exstruerent et turrem eximiæ altitudinis, quæ
eis

eis signum esset, a) ne per orbem dispergerentur.

5. Tum.

a) hebr. נַעֲשֶׂה לָנוּ שֵׁם פֶּן-נִפְרָץ. Multi interpretes hæc verba explicant de fama et gloria, quam sibi isti homines hujus turris exstructione parare voluissent. Quanquam vero hæc phrasis: *facere sibi nomen*, nonnunquam in hunc sensum dicitur, tamen hoc loco contextus nullo modo admittit hanc explicationem. Etenim tum non cohæret factum ipsum cum consilio, sive *finis* cum *medio*. Ille esse debebat, ne *dispergerentur*, hoc, exstructio urbis et מִשְׁכָּן. Quid, quæso, gloria apud posteros conferre poterat ad finem illum obtinendum? — Quæ cum viderent alii interpretes sibi non respondere, varias inierunt rationes ad ea concilianda. E quibus tamen una illa cum verbis textus, tum historiæ apta videtur, quam Perizonius in Orig. Babyl. Cap. VIII—XIV. fuisse probavit. Nimirum מִשְׁכָּן h. l. esse *signum*, atque hujus turris exstructores, qui cavere volebant, ne *dispergerentur*, sperasse, neque id temere, se per pascua et prata vagantes hoc signo eminus conspecto facile sedes suas reperire posse. Satis quoque probavit Perizonius significationem *signi* מִשְׁכָּן ex Jes. 55, 13. ubi מִשְׁכָּן אֵלֶיךָ jungitur atque ex Cap. 56, 5. ubi synonymum est מִשְׁכָּן יִרְיָ, quod *signum* et *monumentum* notare plane apparet ex 1 Sam. 15, 12. et 2 Sam. 18, 18. Quibus locis addi potest 2 Sam. 8, 13. ubi narratur Davidem signum eminens s. tropæum erexisse propter victoriam de Syris reportatam. Origo est *eminuit, excelsus fuit*. Epitomen dissertationis Perizonianæ super hoc loco dedi in Præfatione ad *Waltoni Prolegomena* pag. XII. seqq.

E 5

5. Tum Jova cœlo descendit, ut videret hanc urbem et turrem quam homines extruerent, 6. et dixit: una est omnium lingua, neque nimis arduum est consilium, quod susceperunt, quin illud exequantur. 7. Jam descendamus et confundamus eorum linguam, ita ut alter alterum non intelligat. b)

8. At-

b) Servanda putavi verba textus in versione, quoniam intellectu non sunt difficilia, et nemo facile hunc Dei e cœlo descensum ejusque apud se deliberationem, quid facto opus sit, secundum literam intelliget. Narrantur hæc ex imperfecta illa primorum hominum de Deo et effectuum divinorum cognitione, de qua dictum est ad Caput II. Miraculum quod videbant in linguæ confusione inter ipsos paratum, non poterant nisi Deo tribuere. Recte. Sed Deum non nisi præsentem hoc miraculum edere potuisse, hoc tum quidem sibi persusdebant eo facilius, quo frequentiores vel fuerant, vel adhuc erant visibiles Dei apparitiones. Etenim vere miraculo quodam Deum hujus turris extruccionem impedivisse, verba textus docent, quæ non possunt nisi de linguæ confusione explicari. *Vitringa* quidem eam de animorum diffensione et consiliorum diversitate intellexit, sed solide eum refutavit *Perizonius* l. c. Cap. IX. p. 112. seqq. Qui præterea bene ostendit illam labii confusionem non constituisse in origine variarum linguarum, sed ad tempus modo immissam fuisse ad impediendos istos hominum conatus; linguas vero varias et diversas, sive potius mutationes linguæ primæ

ortas

8. Atque hac ratione Jova per totum terrarum orbem homines disperfit, qui ab urbe ædificanda mox desistebant. 9. Propterea urbs illa Babel (h. e. confusio) vocata est, quoniam ibi Jova linguam hominum confudit eosque per omnes terrarum regiones dissipavit. — — 10. Sequitur Schemi genealogia. Schemus anno ætatis suæ centesimo genuit Arphachfadum biennio post diluvium. 11. Deinde vixit quingentos annos et plures utriusque sexus liberos procreavit. 12. Arphachfadus anno ætatis suæ quinto et trigésimo Schalechum genuit. 13. Postea quadringentos et tres annos vixit et complures vidit liberos. 14. Schalechus vixerat triginta annos, cum Eberum procrearet, 15. postea quadringentos et tres annos vixit, aliosque utriusque sexus liberos genuit. 16. Ebero anno ætatis quarto supra trigésimum natus est Pelegus. 17. Vixit deinde triginta et quadringentos annos, et plures habuit utriusque sexus liberos. 18. Pelegus anno ætatis trigésimo genuit Reuhum, 19. postea ducentos et novem annos vixit, aliosque utriusque sexus liberos procreavit. 20. Vixerat Reuhus duo et triginta annos, cum Serugum procrearet. 21. Quo factò septem et ducentos

ortas esse iisdem ex causis, ex quibus constat linguis recentioribus insignes esse mutationes illatas. — Sed legendus est ipse *Perizonius*, nec legisse pœnitebit.

tos annos vixit, pluresque filios filiasque habuit. 22. Serugus triginta annos vixerat, cum Nachorem procrearet. 23. Postea vixit ducentos annos, aliosque ex se natos utriusque sexus liberos vidit. 24. Nachor anno ætatis undetrigesimo Teracham procreavit. 25. Postea centum annos et undeviginti vixit, aliosque filios filiasque habuit. 26. Terachus Abramum, Nachorem et Haranem genuit post annum ætatis suæ septuagesimum. — — 27. Terachi genus sic se habet: Terachus genuit Abramum, Nachorem et Haranem; atque hic quidem filium habuit Lotum. 28. Ipse vero vivo adhuc patre suo Teracho Ure Chaldæorum, ubi natus fuerat, mortuus est. 29. Abramus et Nahor quoque uxores duxerunt; illius quidem uxor Sarai vocabatur; hujus vero Milca, quæ filia fuit Haranis et soror Iiscæ. 30. Sarai vero sterilis erat et sine sobole. 31. Tum Terachus Abramum filium; Lotum nepotem ex Harane, Saram nurum suam Abrami filii sui conjugem ex Ure Chaldæorum eduxit, c) ut in Cananæam proficisce-

c) In textu hebræo legitur: וַיֵּצֵאוּ אֹתָם *et exierunt cum illis*. Sed quoniam præcedit וַיִּקַּח *lectio Cod. Sam. videtur præferenda וַיֵּצֵא אֹתָם* *eduxit eos*. Sic quoque *ol d, αγ* *ἐξήγαγεν αὐτούς*. Vulgatus: *eduxit eos*. Syrus in singulari legit *וַיֵּצֵא* *et egressus est cum illis*.

ficiscerentur. Cum vero Charanem venissent, ibi confederunt. 32. Terachus vero vixit omnino quinque annos supra ducentos, et Charane mortuus est.

CAPUT XII

Abramus jussu Dei in Canaanem proficiscitur una cum Lot, ibique primum a Deo promissionem accipit de hac terra aliquando a posteris suis possidenda. In Aegyptum cum propter famem migrasset, Sara ejus conjux ad regem Aegypti deducitur, sed mox restituitur.

1. **J**usserat autem Jova Abramum relicta patria sua et cognatis migrare in terram, quam ei deinceps esset indicaturus: 2. Tunc efficiam, inquiebat, ut magna ex te gens proveniat, fortunabo te, magnam nominis famam consequeris et omnis generis bonis eris cumulatus. 3. Amicis tuis favebo, perdam inimicos, atque omnes terræ nationes per te erunt felices. a) 4. Profectus igitur est Abramus, quemadmodum Jova jusserat, et una cum eo etiam Lotus fratris filius, (annum vero ætatis suæ tum, cum Charane emigraret, quintum et septuagesimum agebat,) 5. quem ut et Saram conjugem suam, omnesque opes et familiam b) Charane acquisitas secum duxit, in illo in

a) cf. Cap. 22, 18. not.

b) שָׂרָה h. l. servi. Sic et Ezech. 27, 13. et *facere i. q. acquirere*, ut Cap. 30, 30. Deut. 8, 17.

in Cananæam itinere. Quo cum venisset, 6. et per terram illam esset progressus usque ad Sichemum et terebinthum Moreh, (Cananitæ vero jam tum terram occupant) 7. apparuit ei Jova, eique promisit sese ejus posteris hanc terram esse daturum. Tum Abramus in eo loco ubi Jova ei apparuerat, aram extruxit. 8. Progressus deinde est in itinere suo versus montanam regionem, quæ est Betheli ab Oriente, ibique tentoria sua fixit, ita ut ei Bethel esset ab occasu, Ai vero ab ortu. Aram quoque ibi in honorem Jovæ collocavit et sacra fecit. — 9. Indefensim profectus est Abramus versus regiones meridionales. 10. Orta vero fame consilium cepit abire in Aegyptum, ibique peregrinari. Fames enim in illa regione ingravescibat. 11. Cum igitur Aegyptum appropinquaret, Saræ conjugii suæ dixit: Novi te mulierem esse formosam. 12. Jam si viderint te Aegyptii, cognoverintque te conjugem meam esse, me occident, te incolumi. 13. Quare dicas, quæso, te sororem meam esse, ut tua causa vitæ et salutis meæ consulatur. 14. Cum igitur in Aegyptum venissent, et Aegyptii eximiam mulieris pulcritudinem vidissent; 15. in his etiam proceres Pharaonis, qui eam regi valde laudarent, in ejus palatium deducta est, 16. Abramus vero propter eam liberaliter habitus est, ita ut pecore et armento, asinis, servis, ancillis, asinabus et camelis admodum dives esset.

effet. 17. Sed Jova Pharaonem et domum ejus graviter afflixit propter Saram Abrami uxorem. 18. Tum Pharao Abramum arcessi jussit, eumque objurgavit, quod eam non conjugem suam, 19. sed sororem esse dixisset: ut ipse eam in matrimonium ducere decrevisset. Nunc igitur suam sibi uxorem haberet, et abiret. 20. Præcepit deinde certis hominibus, ut eum cum uxore sua, et omnibus quas haberet facultatibus, ex Aegypto deducerent.

CAPUT XIII

Abramus ex Aegypto redux pristinas sedes repetit. Separat se à Loto, qui in planitie Jordani sedes suas figit. Abramus iteratam a Deo promissionem accipit de Canaan aliquando a posteris suis possidenda.

1. **R**emigravit igitur Abramus ex Aegypto una cum uxore sua, suisque, Loto quoque comitante in tractum meridionalem. 2. Erat vero admodum dives tum pecore, tum argento et auro. 3. Sic lente progressus est cum agmine suo a meridie usque ad Bethalem, ad eum locum ubi ab initio tentoria sua posuerat, Bethalem inter et Ajam, 4. ubi antea Jovæ aram exstruxerat, ibique denuo sacra fecit. — 5. Lotus quoque, qui Abramum comitabatur, pecoris, armenti, et tentoriorum tantam copiam habebat, 6. ut regio non permitteret eos una habitare. Nimis enim erant eorum facultates, quam ut unam ean-

eandemque regionem possent incolere. 7. Aliquando cum rixæ et contentiones intercessissent inter Abram et Loti pastores: (Canaanitæ vero et Phereisitæ jam tum terram incolebant) 8. ille cum hoc sic egit: Equidem nolim dissidium esse inter me et te, inter tuos et meos pastores, qui homines sumus consanguinei. 9. Universa regio tibi patet. Optimum est ut nos separemus. Liberum tibi sit quam in partem velis discedere, ipse in diversam abiturus. 10. Lotus igitur totum illum Jordani tractum contemplatus, animadvertit eum esse, quam late pateat, irriguum: (antequam enim Jova Sodomam et Gomorram perderet, similis erat ea regio horto amœnissimo, sive Aegypto, usque ad Zoarem) 11. elegit illum Jordani tractum, et orientem versus profectus est. Sic alius ab alio discessit. 12. Abramus quidem Cananæam inhabitavit, Lotus vero in oppidis campetribus, et sua tentoria usque ad Sodomam posuit. 13. Incolæ verò istius urbis erant pessimi homines, et in Deum quam maxime impii. 14. Postquam Lotus ab Abramo discesserat, Jova Abramum his verbis est allocutus: attolle oculos tuos et circumspice omnes regiones circumjacentes versus septentrionem, meridiem, orientem et occidentem. 15. Totam hanc terram, quam vides, tibi dabo, tuisque posteris in perpetuum: quos quidem pulveri terræ æquabo. Quem si quis poterit numerare, idem quoque
in

in posteris tuis fieri poterit. 17. Age! terram longe lateque peragra, nam tibi eam dabo. 18. Igitur Abramus tentoria fixit et confedit ad terebinthos Mamræ, quæ sunt juxta Hebronem. Ibi que aram Jovæ exstruxit.

CAPUT XIV

Abrami victoria de quatuor regibus, qui Canaanam invaserant et una cum reliquis incolis etiam Lotum captivum abduxerant. Melchisedecus rex Salemi bene precatur propter hanc victoriam Abramo, atque accipit ab eo decimam prædæ partem. Reliqua omnia restituit Abramus regi Sodomæ.

1. **A**ccidit autem ut Amraphel rex Babylonis, Ariochus rex Ellafaris, Kedorlaomerus rex Elami et Tidal rex Gojitarum, 2. bellum gererent cum Bera Sodomæ, Birscha Gomorræ, Schinabo Adamæ, Schemebro, Zeboim et Belæ, quæ jam Zoar vocatur; regibus. 3. Hi omnes copias suas contraxerunt in valle Sittim, ubi nunc est mare salsum. 4. Undecim annos tributa pependerant Kedorlaomero, tertio et decimo vero anno defecerunt. 5. Quarto decimo anno Kedorlaomer et reges ei confociati profligarunt Rephæos in Aschteroth Karnaim, Susæos in Hama, Emæos in Schavekiratajim, 6. Troglodytas ^{a)} in montibus

a) חֲרִי Chorim sunt Troglodytæ, antiqui isti speluncarum

tibus Seir, usque ad Elparan, quod est juxta solitudinem. 7. Hinc reversi venerunt ad fontem Muschpad, qui et Kadesch vocatur, et vastarunt terram Amalekitarum *b)* et Amoritarum Chazazon Tamar incolentium. 8. Contra hos rex Sodomæ, Gomorræ, Adamæ, Zeboim et Belæ, quæ et Zoar vocatur, aciem instruxerunt in valle Sittim. 9. Nempe contra Kedorlaomerum regem Elami, Tidalem regem Gojitarum, Amraphelem Babylonis et Ariochum Elafari regem, quatuor reges contra quinque. 10. Planities vero Sittim abundabat puteis bituminosis, in quos reges Sodomæ et Gomorræ in fugam conyerſi *partim* ceciderunt, partim ad montes confugerunt. 11. *Victores* igitur diripuerunt omnes Sodomitarum et Gomorræorum opes et commeatum. 12. Præterea quoque Lotum Abrami fratruelem, qui Sodomæ habitabat, cum suis facultatibus abegerunt. —

13. Qua

incolæ, de quibus vid. *Michaelis* in Syntagm. Commentt. P. I. p. 193. et *Faber* in Archæol. Hebr. p. 20. Infra sæpe eorum mentio fit, Cap. 36, 20. Deut. 2, 12. etc. Pro בְּהָרֵם שְׁעִיר in monte suo Seir, legendum est בְּהָרֵי in montibus. Sic Cod. Sam., et 6, Syrus, Vulgatus.

b) Hi Amalekitæ non sunt ex nepote Esavi posteri, qui Amalek vocatur Cap. 36, 12. Sed sunt Cananitæ in Arabia viventes, quibuscum Israelitæ grave bellum gesserunt. cf. Exod. 17, 8. 1 Sam. 15, 2.

13. Qua de re certiore[m] fecit quidam, qui e praelio evaserat, Abramum Ebræum, habitantem tunc juxta terebinthos Mamrei; (is erat gente Amorræus, frater Escoli et Aneri, atque Abramo cum eis fœdus intercedebat.) 14. Qui cum cognovisset fratruelem suum captivum esse abductum, vernas in armis exercitatos numero trecentos et duodeviginti armavit, atque *hostes* usque ad Danem persecutus est. 15. Ibi divisis copiis eos noctu cum servis suis aggressus est et profligavit et persecutus est usque ad Chobam, quod oppidum est ad sinistrum Damasci. 16. Et reduxit omnes facultates *directas*, in his etiam Lotum fratruelem suum, cum suis opibus, mulieres quoque et reliquos de populo. 17. Tum obviam ei venit rex Sodomæ, cum ex illa pugna cum Kedorlaomero et regibus ei adsociatis rediret, in vallem Schave, quæ et regia vallis vocatur. 18. Melchisedecus vero, rex Schalemi, idemque Dei summi sacerdos, panem et vinum attulit: 19. et bene precatus est Abramo his verbis: Faveat Deus summus cæli et terræ creator Abramo. 20. Laudetur Deus summus, qui hostes tuos tibi tradidit. Huic Abramus decimam omnis prædæ partem dedit. — 21. Rex vero Sodomæ sese homines reposcere dixit, opes vero sibi sumeret. 22. Cui Abramus respondit: Sublata ad Joyam Deum summum, cujus cælum et terra sunt, manu juro: 23. me ne filium quidem aut cal-

cei corrigiam de his omnibus, quæ tua sunt, accepturum esse; ne dicere possis, me tua liberalitate esse ditatum. 24. Præter victum tantum servorum et præter partem eorum, qui me comitati sunt, Aneri, Eschkoli et Mamrei, qui suas de præda partes accipiant.

CAPUT XV

Deus Abramo posteros quam plurimos promittit, qui post quadringentos annos Cananæam occuparent et possiderent, atque in hujus promissionis confirmationem fœdus cum Abramo risu solenni pangit.

1. **P**osthæc Jova Abramum in visione his verbis compellavit: Noli timere, Abrame, ego te defendam et præmia longe maxima a me accipies. 2. Ad hæc Abramus respondit: o Domine Jova, quid mihi dabis? Sine prole ego ex hac vita discedam. Dispensator domus meæ est *) Elieser ille Damascenus.

*) hebr. כֹּהֵן מֵשֶׁק בֵּיתִי Plerique interpretes consentiunt quidem in interpretatione horum verborum, ut *procuratorem domus* significent, sed de origine vocis מֵשֶׁק inter eos non convenit. Vulgo a שָׁק vel שָׁקַק currere derivatur, ut procurator domus dictus sit *filius cursationis*, vel quod ad eam omnes currunt ad mandata ab eo accipienda, vel quod ipse omnia inspecturus per omnes partes domus currit. Sed *Schultensius* de defectibus L. H. §. 33. p. m. 17. confert

nus. 3. En hic verna meus, inquit Abramus, quod sobolem mihi non dedisti, heres meus est futurus. 4. Minime vero, respondit Jova, ille, sed is, qui ex te natus fuerit, heres tibi succedet. 5. Tum jussit eum prodire foras, coelum intueri et numerare stellas, si posset; tot erunt queque posterii tui, inquit. 6. Et credidit Abramus Jovæ, qui hoc ut insigne pietatis documentum accepit. 7. Atque porro ei dixit: ego sum Jova, qui te Ure Chaldaeorum migrare jussi, ut tibi hanc terram darem possiden-

fert Arab. מִשֶּׁךְ *pestinare, carminare*, quod deinde transfertur etiam ad *polituram* & *curam rerum*. Quæ originatio mihi quidem præferenda videtur priori, utpote usui hujus verbi in aliis tropis et analogiæ linguæ latinæ convenientior, quod docte probavit *Schultensius* l. c. *Simonis* quidem in Lexico sub h. v. improbat utramque originationem, et confert Arab. מִשְׁךָ *possedit*, hinc *filius possessionis* idem h. l. fit quod *heres*. — Sed quoniam lingua cognata offert radicem earundem literarum מִשֶּׁךְ, non satis tutum videtur, aliam similem מִשְׁךָ in subsidium vocare, quanquam sensum dat illa originatione satis commodum. Verbum addo de versionibus antiquis. Consentiant omnes in lectione hebræa præter Syrum, qui vocabulum מִשֶּׁךְ omittit et locum sic vertit: *Elieser Damascenus בר ביתי, הוא ירת לי* *domesticus meus hic est heres meus*. v. 3. *Et dixit Abramus, ecce mihi non dedisti filium, ecce domesticus meus heres meus*.

fidendam. 8. Ad hæc Abramus: unde vero cognoscam, o Domine Jova, id aliquando esse eventurum? *b)* 9. Tum ille jussit afferre vitulum trimum, itemque capram et arietem ejusdem ætatis, turturem et pullum columbinum. 10. Quæ cum adessent dissecuit omnia, exceptis avibus, in partes duas, singulasque singulis opposuit. *c)* 11. Ad illa cadavera cum aves rapaces irruerent, abegit eas Abramus. *d)* 12. Sub occasum solis Abramus gravi sopore oppressus

b) Hæc Abrami quæstio non satis convenire videtur fidei ejus modo laudatæ. Non satisfaciunt, quæ interpretes ad eam excusandam vulgo afferunt, dum negant eam semper signum esse diffidentiae, ut in exemplo Gideonis Jud. 6, 36. et Hiskiae Jer. 36, 7. Placet solutio dubii non levis, quam Ill. *Michaelis* dedit: Abramum prospicere quasi voluisse posteris suis, et confirmationem promissionis sibi a Deo expectasse irrevocabilem, quam etiam ab eo impetravit fœdere, quod Deus super hac re cum eo pepigit.

c) Fœdera inter Hebræos pangenda hoc ritu peragebantur, ut partes paciscentes per animalis dissecta transfirent: Deus adeo sese demittit, ut fœdus cum Abramo inest, eodem ritu adhibito, cf. v. 17. — Abramus etiam statim intelligit, quid Deus intendat, cum jubet ista animalia afferri. cf. Cap. 21, 27. et Jer. 34, 18. Ab hoc ritu etiam ipsum nomen *fœderis* ברית est a ברה *dissecuit*.

d) Videtur hoc ominosum fuisse, posteros Abrami diripiendos et vexandos esse ab aliis gentibus.

sus et magno tenebrarum terrore est correptus. 13. Tum Jova eum sic alloquitur: Scito, posteros tuos peregrinos futuros esse in terra aliena, cujus incolae dura eos servitute affligent per quadringentos annos. 14. Sed ego in hanc gentem cui servient animadvertam, et tandem admodum divites emigrabunt. 15. Tu vero salvus et incolumis ad majores tuos collectus in summa senectute sepelieris. 16. Quarta vero generatio demum huc redibit, improbitas enim Amorrhæorum nondum ad summum pervenit. — — 17. Deinde cum sol occidisset et tenebræ essent, fumus ad instar fornacis et flamma ignea per partes illas animalium dissectas transibat. 18. Illo die Jova Abramo hanc dedit promissionem: sese ejus posteris daturum esse hanc terram a flumine Aegypti usque ad flumen magnum, usque ad Euphratem. 19. Kenitas, Kenisitas, Kadmonitas, 20. Chetitas, Pheresitas, Rephitas, 21. Amoritas, Cananitas, Gergaschæos et Jebusitas.

CAPUT XVI

Sara sterilis Abramo suadet, ut Hagar ancilla sua pro pellice utatur. Quæ gravida spernit beram suam et durius habita fugit. Sed jussu angeli domum redit, et Abramo parit Ismaelem.

i. Attamen Sara Abrami uxor ei non peperit.

F 4

Habe-

*) Abrami somnus cum terrore conjunctus est ob instantem Numinis præsentiam.

Habebat vero ancillam Aegyptiacam, Hagarem nomine. 2. Suasit igitur Abramo, ut, quod Jova sibi prolem non daret, ancillam suam iniret, si forte per eam posset liberos consequi. Qua in re cum Abramus voluntati Saræ concederet: 3. Hæc Hagarem ancillam suam illi in matrimonium dedit. (Quod factum est sub finem decimi anni, ex quo Abramus in Cananæa confederat.) 4. Coiit igitur cum Hagarē; quæ et ex hoc ipso coitu gravida facta est. Sed cum se gravidam sentiret, heram suam coepit contemnere. 5. Tum Sara Abramo dixit: tuum est injuriam mihi illatam ulcisci; a) ancillam meam tuis

- a) hebr. חַמְסִי עָלַי. Multi interpretes עָלַי explicant, quasi esset מְעַלְיךָ injuria, qua mihi fit, est a te, sive: tu es auctor injuriæ mihi illatæ. Sed non opus esse illa eclipsi, *Eud. de Dieu* in Critica S. ad h. l. observat. לַי sæpe debitum et officium notat. Sic infra cap. 17, 13. Jud. 19, 20, 2 Sam. 18, 12. Attamen *Schultensius* in Animadv. ad h. l. paullo aliter explicat: ut חַמְסִי sit pœna illata injuriæ, et sensus: injuriæ mihi factæ pœna sit in te. Quæ explicatio propter ultima Saræ verba, quæ animum in ipsam adeo Abramum exacerbatum produunt, satis apta videtur. Nec tamen propterea Judæi cujusdam explicationem probem, quam idem *Schultensius* affert; nempe quoniam חֲמִישׁ est faciem unguibus lacerare, Saram Abramo comminatum esse, se in faciem ejus involaturam eamque suis esse unguibus dilaceraturam.

amplexibus tradidi, jam cum se gravidam videt, me despicit: ipse Jova nostram litem dirimat. 6. Ad hæc Abramus Saræ respondit: ancilla tua est in tua potestate, potes pro arbitrio cum ea agere. Sara igitur eam durius tractavit, ita ut aufugeret. 7. Sed offendit eam Jovæ angelus ad fontem in deserto, in via qua Schurem itur: 8. atque nomine suo eam compellens ex ea quæsit, unde veniret? quo tenderet? Ego, inquit, ab Sara heræ meæ aufugi. 9. Tum Jovæ angelus eam admonuit, ut ad heram suam rediret, seque ei submitteret. 10. Innumera-
bilem posterorum ejus multitudinem esse futu-
ram prædixit. 11. Puerum vero illum, quem pa-
ritura sit, nominaret Ismaelem, quod Jova afflictio-
nis ejus rationem habuerit. 12. Hominem ferissimæ
naturæ, instar onagri futurum esse, omnium adver-
sarium, quem vero vicissim omnes essent infestaturi;
Sedes ejus futuras esse ab Oriente *b)* fratribus suis.
13. *Hagar* vero vocavit Jovam cum ea colloquentem,
Deum visionis. Dicebat enim: num etiam video
(sive

b) hebr. *עַל פְּנֵי* ad faciem fratrum suorum. Ad situs re-
gionum describendos Hebræi faciem versus Orientem ver-
tunt, uti nos versus septentrionem. Constat etiam Ismaeli-
tas regiones orientales inhabitasse, unde et *בְּנֵי קֵדְרָא*
filii Orientis vocantur. *Michaelis.* cf. 23, 19. 25, 9. 18.

(sive vita fruor) c) post illam visionem? 14. Hinc puto illi nomen venit putei vivæ visionis; qui est inter Kadeschum et Baratum. 15. Deinde Hagar Abramo filium peperit, quem hic Ismaelem vocavit; 16. Sextum vero et octogesimum annum agebat, cum ei Ismael nasceretur.

CAPUT XVII

Deus Abramo denuo multam sobolem promittit eique nomen dat Abrabami. Circumcisionem ut signum fœderis instituit.

Ex Ismaele multos posteros, ex Sarai vero, Sarâ in posterum vocanda, filium Isaacum. Abramu se suosque circumcidit.

i. Cum Abramus annum ageret undecentesimum, apparuit ei Jova et dixit: ego sum Deus summus a). Dum-

c) Verba textus ex breviloquentia, ut alia hujus generis, sunt difficilia. Mihi quidem רָאִי non est participium videns me, sed substantivum visio, ut עָנִי ab עָנָה. Sic etiam Syrus interpres accepit. — הֲלֹם רָאִיתִי num video? ego explicem, uti Clericus, de illa veterum opinione, eis qui Deum aut angelum vidissent, moriendum esse. Cujus opinionis multa sunt exempla. Exod. 30, 19. Deut. 18, 16. Jud. 6, 22. 23.

a) De originatione nominis divini עֶלְיִי adhuc sub judice lis est. Ill. Michaelis ad Lowthum p. 504. derivat a سَدَّ summam rei conscendere; hinc esset summi cœli seffor, quam origi-

Dummodo me constanter et sincere colas, 2. fœdus tecum inibo, teque mirum in modum multiplicabo. 3. Tum Abramus pronus in terram cecidit, Deus vero ita rursus exorsus est: 4. Fœdus tecum faciam: pater eris multarum gentium. 5. Non amplius Abramus, sed Abrahamus *b)* voceris. Efficiam enim ut sis pater complurium gentium. 6. Vehementer te augebo, faciam te parentem gentium, regesque ex te prodibunt. 7. Fœdus tecum inibo et cum posteris tuis, in æternum duraturum, ut tu et posteri tui me ut Deum *suum* colant. 8. Dabo tibi posterisque tuis terram, in qua jam ut peregrinus vis, totam nempe terram Cananæam, in perpetuum possidendam, dummodo me ut Deum venerentur.

9. Por-

originem et ô subindicant Ps. 68, 15. ubi *רֵם הַנְּסִינִים* habent. Ikenius in Dissert. Philol. Diss. I. deducit a *נָסַח* quod non solum est *vastavit*, sed etiam *prævaluit*; hinc significaret *omnipotentem*. Cui sententiæ parum adversatur, quod alias plerumque Schin Hebræorum respondeat *רָם* Arabum. Multa enim hujus regulæ exempla in contrarium afferri possunt. Alii a *נָסַח* *copiose profudit*, ut Deus *fons uberrimus omnis boni* dicatur. cf. Drusus ad h. l. Clodius in Lexico hebr. selecto et Vriemoet ad dicta Classica P. I. p. 133.

b) h. e. pater magnæ multitudinis, ex *אֲבִי* pater et *רַמְיָם* numerosa multitudo, vid. Ikenius in l. l. Disp. II. de mutatione nominum Abrahami et Saræ p. 10. seqq.

9. Porro Deus Abrahamo dixit: Tu et posteris tui servare debetis fœdus meum. 10. Lex vero hujus fœderis, quod tecum et posteris tuis pango, sit hæc: omnes mares inter vos debent circumcidi. 11. Circumcidetis vero præputia vestra. Hoc sit signum fœderis illius inter nos. 12. Omnes mares octavo die circumcidentur, sive domi nati sint, sive pretio emti a peregrinis, qui non vestræ sunt originis. 13. Dum sic omnes domi tui nati aut emti circumcidentur, signum hoc fœderis mei in corpore vestro erit perpetuum. 14. Mares vero qui præputia sua non ceciderint, supplicio afficientur, c) quod fœdus meum violarunt. — 15. Porro Deus Abrahamo dixit: Nomen uxoris tuæ Sarai, non sit in posterum Sarai, sed Saræ. d) 16. Reddam eam fœcundam, dabo tibi

c) hebr. *exscindetur illa anima e populo suo*. Dissentiunt interpretes, utrum hac phrasi *supplicium* et *pœna capitalis*, an *privatio tantum juris civitatis judaicæ* intelligatur. Posteriorem sententiam defendit Clericus, cui Michaelis in versione germanica et in notis assentitur; sed postea mutavit sententiam in Jure Mosaico P. V. p. 41. et 148. De ipso vero circumcisionis instituto data opera egit I. I. P. IV. ab initio.

d) Nominis Saræ originatio minus certa est ac illa Abrahami. Ikenius quidem in Dissertatione laudata confert arab. سرا *numerosam prolem habuit*. Quæ significatio non solum in prima conjugatione, sed etiam in secunda, quæ hebr.

tibi ex ea filium; mater erit gentium, reges adeo ex ea originem ducent. 17. Tum Abrahamus in faciem suam prolapsus mirabatur, atque ita secum cogitabat: num seni centum annorum filius nascetur? num Sara nonaginta annorum pariet? 18. et Deo dixit: utinam Ismaelem serves eique faveas! 19. Respondit Deus: Verum ex Sara conjuge tua filium tolles, quem Isaacum vocare debes: quocum mihi et cum posteris ejus foedus æternum intercedet. 20. Quod vero de Ismaele rogabas, in eo quoque votis tuis annuam. Favebo ei atque vehementer ipsum auge-
bo

hebr. Piel respondet, locum habet. Atque hanc fortasse interpretes Alexandrini respexerunt, qui omnem nominis immutati differentiam in duplicatione literæ *p* ponunt.

Novum igitur nomen ex sententia Ikenii *mulierem prolificam* s. *fecundam* notat. Antiquum vero *Sarai* vel ab hebr.

שרה vel arab. سريه potest derivari, atque *feminam principem* indicat. Aliam de horum nominum significatione conjecturam dedit Ill. Michaelis Bibl. Or. P. IX. p. 186. Antiquum nempe nomen שרה (aliis punctis pronunciandum)

respondere arabico سريه *colocynthis*. Novum vero (per

Schin pronunciandum) originem habere a سر *latari*, et significare *latam*. Sic meliorem esse oppositionem inter utrumque nomen. Illud ab illo frutice *amaritudinis*, hoc ex propria sua significatione *lætitiæ* notionem innuere.

bo et multiplicabo. Duodecim principes ex eo orientur, et in magnam gentem meo beneficio evadet.

21. Foedus vero meum erit cum Isaaco, quem tibi Sara suo tempore anno sequenti pariet. 22. Quæ

cum dixisset Deus Abrahamo, ab eo discessit.

23. Hic vero filium suum Ismaelem et omnes domi suæ natos et pretio emtos, omnes omnino mares domi suæ eo ipso die circumcidit, quod a Deo jussus erat, ut hoc faceret. 24. Abrahamus vero annum agebat undecentiesimum, cum sese circumcidere.

25. Ismael vero tertium decimum. 26. Uno eodemque die circumcisi sunt Abrahamus et Ismael, 27. nec

non omnes servi ejus, sive domi nati essent, sive emti a peregrinis.

C A P U T XVIII

Nova Dei apparitio et promissionis de Isaaco ex Sara filio repetitio. Intercessio Abrahami pro Sodoma et Gomorra.

1. **D**einde ei Jova apparuit ad terebinthos Mamre. Cum horis meridianis federet ad januam tentorii, 2. videt tres viros ipsi ex adverso stare. Quibus statim ex tentorio obviam procedit, eosque salutatos his verbis alloquitur: 3. Exhibe quæso domine a) mihi hanc gratiam, ut ne me prætereas.

4. Per-

a) **יְהוָה** sic scriptum per Kametz est nomen Dei, quod et Maso-

4. Permite, ut aqua offeratur ad pedes lavandos, et requiescite sub hac arbore. 5. Ego vero interea frustulum panis depromam, quo animos vestros recreetis, postea iter continuaturi; Opportune enim accidit, ut *mea tabernacula* transiretis. Illi igitur eum indicarent, sese ejus liberalitate lubenter usus esse, 6. Abrahamus properat ad Saram in tentorium, eique mandat, ut sine mora tria sata farinæ similæ depfat et panes subcinericios paret. 7. Ipse vero ad armenta currit, vitulumque tenerum et pinguem puero tradit, qui eum propere instruat. 8. Deinde cremorem lactis *b)* et lac dulce et carnes
vitu-

Masorethæ in margine notarunt per vocem קדש h. e. hoc nomen esse h. l. nomen Dei. Codd. nonnulli a Kennicoro citati habent quoque nomen יהוה ut etiam Onkelos. Sed quoniam Abraham rogat hospitem, ut *laves pedes* etc. non credibile est, eum statim intellexisse non hominem, sed Deum esse, quocum loquatur. Igitur videtur legendum esse אֲדֹנָי *mi domine*. Oi ó habent κύριε, Syrus כִּדְשָׁא quod est nomen *Dei*. Codex Samaritanus in sequentibus habet pluralem. Igitur אֲדֹנָי legit, quam lectionem *Hugobianus* defendit. Sed potest quoque numerus singularis defendi, in quo etiam Abrahamus in hoc versu pergit, et videtur unum aliquem compellasse ut principem, cujus comites sint aut servi duo reliqui.

b) חֲמָצָה non est *butyrum*, sed *lac acidum*, f. *cremor lactis*,
qui

vitulinas apposuit, eisque sub arbore cœnantibus ministravit. 9. Tum illi, ubinam est, inquiunt, Sara uxor tua? hic, in tentorio, respondet. 10. Redibo ad te, pergebat unus ex eis, anno proximo sequenti et Sara uxor tuâ habebit filium. Quæ cum Sara post tentorii januam audiret, (11. erant vero Abrahamus et Sara senes et ætate provecti, atque hæc mensura pati defierat,) 12. ridebat, ita apud se cogitans: ego scilicet in senectute mea voluptati indulgebo, et dominus meus etiam senex? 13. Tum Jova Abrahamo dixit: quid ridet Sara et dubitat an in senectute parere possit? 14. Num quidquam Jovæ nimis arduum esse potest? hoc ipso tempore redibo, atque anno proximo sequenti habebit Sara filium. 15. Negabat quidem Sara sese risisse, metuebat enim; Sed ille, imo vero risisti, inquit. — — 16. Postea viri illi versus Sodomam se convertunt, Abrahamo eos prosequente. 17. Tum Jova dixit: Num ab Abrahamo c) celabo quod facturus sum? 18. qui pater gentis amplissimæ et potentissimæ est futurus, et per quem omnes gentes felices erunt. 19. Novi enim,

eum

qui ex more orientali statim hospiti offertur, a *خبا* spissum fuit lac. vid. Celeb. Ravii Dissp. de re cibaria veterum Hebr. et de his Ernestii Biblioth. Theol. Tom. X. pag. 178.

c) Ol é addunt *אֵל עֲבָדֶיךָ* me, et Syrus *עֲבָדֶיךָ מִן* sed non reliqui.

um præcepturum esse filiis suis et posteris suis, ut instituta mea fervent et iuste et probe vivant, ita ut præstare Abrahamo possim, quæ ei promisi. 20. Deinde pergebat Jova: Scelera et flagitia multa et maxima Sodomæ et Gomorræ vindictam meam provocant. 21. Veni igitur, ut ipse præsens viderem, num secundum querelas ad me perlatas planè fecerint an minus. d) 22. Tum duo illi hospites sese convertunt Sodomam perrecturi. Abrahamus vero stabat adhuc coram Jovâ: 23. Accedit deinde paullo propius et dicit: num perdes pium cum impio? 24. Fortasse quinquaginta supersunt in urbe probi. Num perdes? neque condonabis loco propter quinquaginta illos bonos? 25. Absit ut ita agas: ut pium cum impio auferas; ut eadem conditione tibi sit bonus et malus: Absit hoc a te, totius terrarum orbis iudex, non ita judicabis. 26. Respondit Jova, si quinquaginta probos Sodomæ invenero, condonabo propter eos toti urbi. 27. Tum Abrahamus pergebat: Ausus sum loqui cum domino, qui ipse sim pulvis et cinis: 28. Fortasse defunt quinque in illo numero quinquaginta bonorum, num perdes propter quin-

d) Deus de se humano more loquitur, se velle agere ut iudex justus, qui non cuiusvis accusatori credit, sed ipse inquirat; idque jam ipsum Sodomæ esse experturum.

quinque istos urbem? non perdam, inquit, si quinque et quadraginta ibi reperero. 29. Quid? si, pergebat, forte tantum quadraginta reperiantur; vel propter hos, respondebat, abstinebo. 30. Ne irascaris, quæso, domine, inquit, dum loquor, fortasse tantum triginta adsunt. — Etiam tunc ignoscam, respondebat. 31. Ne nimis audax tibi videar, o domine, pergebat, fortasse viginti tantum inveniantur. Vel propter viginti promisit se non perditurum esse urbem. 32. Ne irascaris, inquit, o domine, si semel adhuc intercedam, fortasse decem tantum invenientur: Et ne sic quidem urbem evertam, Jova respondit. 33. Quo colloquio Jovam inter et Abrahamum finito hic in locum suum rediit.

CAPUT XIX.

Loti erga angelos qui Sodomam veniunt hospitalitas. Oppidanorum mores corruptissimi. Angeli Lotum cum suis ex urbe deducunt, quæ cum finitimis urbibus igne subterraneo evertitur. Lotus servatus præter uxorem, cum filiabus suis concumbit ebrius, e quibus Moabita et Ammonita orti sunt.

1. **D**uo autem illi angeli Sodomam circa vesperam veniunt. Quos cum Lotus, qui in porta urbis forte sedebat, videret, obviam eis procedit, eosque salutatos his verbis alloquitur: 2. Divertite quæso, domini

mini mei, domum meam, ibi pernoctaturi. Lavate pedes vestros, postridie iter vestrum continuaturi. Verum illi recusabant; sese foris pernoctaturos esse significabant. 3. Sed cum precibus instaret, diverterunt ad eum. Qui eos convivio excepit appositis panibus non fermentatis. 4. Cibo sumto, antequam cubitum discessissent, oppidani ad unum omnes, juniores et seniores, domum cingunt, 5. Lotumque vocantes clamant: ubi sunt homines isti, qui ad te hac nocte venerunt? educ eos, ut eos corrumpamus. 6. Tum Lotus egressus foribus clausis, 7. eos hortatur, ne tantum scelus committerent. 8. Malle se duas suas filias virgines eis tradere, quibus pro arbitrio uterentur: quam ut hospitibus suis injuriæ quidquam inferretur, qui in ædibus ejus tutos se futuros esse sperassent. 9. Tum illi, huc ades, inquit. Unus ille isque peregrinus judicis partes inter nos aget? immo vero graviora tibi inferemus, atque impetu in Lotum facto accedunt ad fores effringendas: 10. Sed hospites illi manibus porrectis Lotum domum receperunt foresque obserrarunt. 11. Oppidanis vero qui foris essent junioribus et senioribus tenebras offuderunt, ut frustra januam quærerent. 12. Lotum vero jusserunt cum suis omnibus, five generis, five filiis, five filiabus urbem relinquere: 13. Se enim hunc locum esse

perdituros, cujus scelera vindictam Dei provocarent, atque hunc ipsum in finem se a Jova missos esse. 14. Lotus igitur statim convenit generos suos, quibus ejus filiæ desponsatæ erant, eosque hortatur, ut sine mora urbem relinquerent, quam Jova esset perditurus: Sed videbatur eis joculari. 15. Sub ortum auroræ urgebant angeli Lotum, ut una cum muliere et duabus filiabus egrederetur, ne in urbis judicio periret. 16. Et cum cunctaretur, eum, mulieres, duasque filias manibusprehendunt, quod Jova eis parcebat, atque ex urbe educunt. 17. Eumque hortantur, ne si salus sua ipsi curæ esset respiceret, neque in toto illius regionis tractu subsisteret; ad montem evaderet, ne periret. 18. Quibus Lotus respondet: Minime, quæso, domine, a) 19. Agnosco tuam erga me benevolentiam, et favorem insignem, quem mihi exhibes, ut me salvum esse velis: sed vereor, si in montem evadam, ne malo cor-

a) Hoc loco iterum ut in Capite præced. v. 3. mutatio numeri est et diversa lectio in voce אֱלֹהִים quæ ex Masoretharum lectione nomen Dei est, quod etiam אֱלֹהִים et Chaldaeus exprimunt. Sed Vulgatus habet: domine mi! h. e. אֱלֹהִים et Syrus אֱלֹהֵי domini mei, in numero plurali, qui quidem præcedit, sed in sequentibus Lotus tantum cum uno agit, ita ut tertius aliquis, cum urbe essent egressi, accessisse videatur.

corruptus peream. 20. Propinquum est oppidulum, ad quod confugiam. Eo evadam, parvum est, et sic salutem meam prospicietur. 21. Ad hæc ille: etiam hac in re tibi indulgebo, ne eam evertam, 22. dummodo propere eo evadas; neque enim possum quicquam facere, donec eo perveneris. Hinc factum est, ut hoc oppidum *postea* Zoar vocaretur. 23. Cum sol ortus et Lotus Zoarem esset ingressus, 24. Jova in Sodomam et Gomorram imbrem sulphureum et igneum demisit a Jova e cælo. 25. Atque evertit has urbes, omnemque tractum finitimum, una cum hominibus et arboribus. 26. Uxor vero Loti cum respiceret, *b)* in solo saluginoso hæsit infixæ. 27. Po-
stridio

b) Perquam probabile est, uxorem Loti non solum respexisse, sed rediisse etiam in urbem, quod ex verbis Christi Luc. 17, 31. haud obscure intelligitur. — Sequentia verba מְלַח נָצִיב וְתָהִי multi interpretes, antiquiores et recentiores, vel de statua salina, in quam ista mulier conversa sit, vel de monumento explicant, quod ei a posteris ex sale in illa regione ubivis obvius sit erectum. Sed נָצִיב nunquam alias statuum aut monumentum indicat, sed מְצִיבָה. Forma nominis est adjectivi, *positum*, *collocatum* et תָּהִי idem est quod תִּתְּצֶיךָ *substitit*, *et* passive *infixa est*. — מְלַח h. l. *solum falsum* notat, ut Deut. 29, 22. alias מְלַחָה. Ad quod si suppletur præpositio כ, quæ

stridie Abrahamus mane repetiit locum, ubi cum Jova locutus fuerat. 28. Et cum versus Sodomam et Gomorram omnemque illam regionem prospexisset, vidit fumum e terra ascendentem instar fornacis. 29. Cum vero Deus urbes illius regionis everteret, amore erga Abrahamum permotus, eduxit Lotum circa has urbes habitantem ex isto earum interitu. 30. Hic vero præ metu ex Zoare ad montem sese convertit cum duabus filiabus, et in spelunca quadam habitavit. 31. Hic natu major cum natu minore egit, ut patrem senem, cum nemo esset, qui eas rite in matrimonium duceret, 32. vino inebriarent, et deinde cum eo concumberent ad prolem ex eo accipiendam. 33. Igitur patri suo illa nocte largius vinum propinant, et natu major cum eo concumbit, qui nihil hac de re suspicabatur, neque cum cubaret, neque cum surgeret. 34. Postridie natu major narrat juniori, quid fecisset, hortaturque eam, ut ipsa idem hac nocte faciat. 35. Igitur illa nocte patrem iterum vino obruunt, et junior cum eo concumbit, facti prorsus ignaro.

fortasse propter præcedens \square excidit, aptissimam habemus explicationem: *substitit*, s. *infixa hæsit in terra salisuginea*, quam nemo negat etiam per verborum hebræorum constructionem admitti posse. Plura dabit *Clericus* in Dissert. de statua salina, Commentario in Genesin adjecta.

ignaro. 36. Ambæ gravidæ factæ sunt ex isto cum patre suo concubitu. 37. Filius quem natu major peperit, Moab est vocatus, ex quo Moabitæ originem deducunt. 38. Filius natu minoris Ben Ammi nominatus est, ex quo Ammonitæ orti sunt. c)

CAPUT XX

Abrahamus Gerare peregrinans Saram uxorem suam esse dissimulas. Ad regem deducitur, qui vero in somnio hac de re admonitus eam Abrahamo liberaliter restituit.

1. **T**um Abrahamus exinde profectus versus meridiem,

c) Ex observatione Ill. Michaelis ad h. l. multum lucis accipit hæc historia, in qua semper offendi, nec me expedire potui. Nimirum arbitratur Vir ingeniosissimus, Lotum non bona sua omnia in harum urbium interitu amisisse; ipsum quidem Sodomæ habitasse, sed greges cum servis et ancillis pro more Nomadum peragrasse vicinas regiones, et perquam probabile esse, illos eo tempore extra fines harum urbium fuisse. Etenim Lotus cum filiabus suis non ad Abrahamum fratrem suum confugit, quod sine dubio fecisset, si bona sua omnia perdidisset. Ejus filiz vinum habent, quo patrem inebriant, et ancillis ut pellicibus utitur. Nam his sese filiz substituebant et hinc Lotus nesciebat, quacum rem habuerit. Ipse existimabat ancillam fuisse, et per ebrietatem errorem s. facili turpitudinem non suscabatur.

diem, confedit inter Cadefchem et Schurem. Cum vero Gerare peregrinaretur, 2. Saram conjugem suam, sororem suam esse perhibebat, unde Abimelech rex Geraris eam ad se curavit arcessendam. 3. Tum Deus Abimelecho in somnio nocturno apparuit, mortemque minatus est, quod mulierem raptisset, quæ maritum haberet. 4. Ad hæc Abimelech, qui eam non tetigerat, respondet: o domine, num etiam infantes interficies? 5. Nonne ille dixit eam sororem suam esse, et hæc illum fratrem suum simulavit? animo integro manibusque intemeratis hoc feci. 6. Ad hæc Deus in somnio respondet: Equidem novi te animo non malo istud fecisse, propterea quoque te retinui, ne contra me peccares: neque permisi, ut rem cura ea haberes. 7. Igitur redde viro uxorem suam, nam propheta est, et si pro te intercesserit, convalesces. Quod ni feceris, scito te tuosque omnes esse morituros. 8. Postridie Abimelech summo mane convocavit amicos suos, eisque exposuit omnia; qua de re homines vehementer territi sunt. 9. Tum Abimelech Abrahamum ad se evocatum sic alloquitur: Quid nobis fecisti? aut quid ego contra te commisi, ut me regnumque meum tanti criminis reos faceres? Certe fecisti mihi quæ non debebas, 10. qui tibi poterant ista in mentem venire? 11. Cui Abrahamus

hamus respondit: Ego existimabam, nullam esse hoc loco religionem. Verebar igitur, ne me propter mulierem meam interficerent. 12. Atque vere foror mea est ex patre, sed non ex matre, igitur eam duxi in matrimonium. 13. Deinde cum Deus me ex patria mea migrare juberet, rogavi eam, ut hoc mihi beneficii tribueret, ut quocunque venissemus me fratrem esse diceret. 14. Tum Abimelechus Abrahamo non solum pecora, servos et ancillas donavit, sed etiam Saram conjugem suam restituit: 15. fecitque ei liberam potestatem habitandi, in quacunque terræ suæ parte ipsi videretur. 16. Sarræ vero dixit: Dedi mille siclos argenteos fratri tuo, pro quibus velamen faciei tuæ emas, ut cum omnes qui tecum sunt, tum et alii, qui te viderint, intelligant te esse a) maritam. 17. Deinde Abrahamus
apud

- a) Versionem hanc versus hujus difficilis sic probo: 1) **וְהָיָה** referendum est ad **כֶּסֶף** non ad **אֶחָא**. Sic etiam **וְהָיָה לְךָ** *et* **וְהָיָה לְךָ**, et *Valg. hoc eris tibi in velamen ocularum.*
2) Ad **כֶּסֶף עֵינַיִם** supplendum est verbum ex contextu: quod argentum *tibi* sit pro velamine, h. e. *eme tibi velamen.* Antiquissimis temporibus mulieres tantum velamine vultum occultabant, non virgines, uti nunc in oriente omnes de sexu muliebri. 3) **לְכָל אֲשֶׁר אִתְּךָ** omnes qui tecum sunt, h. e. tui, qui te jam norunt. 4) **וְהָיָה**

apud Deum precibus suis effecit, ut Abimelechum, mulierem ejus et pellices sanaret, eisque pariendi facultatem restitueret, 18. quam omnibus propter Saram Abrahami mulierem ademerat.

CAPUT XXI

Nascitur Isaacus. Ismael cum Hagar matre sua ex voluntate Saræ ab Abrahamo dimittitur. Hagar et Ismael errantes in deserto et sui fere extincti recreantur ex fonte, quem angelus eis monstrat. Quo facto Ismael in deserto Pharan educatur. Abraham cum Abimelecho Philistæorum rege fœdus pangit, et complures annos in illa regione commoratur.

1. Tandem Jova Saræ, quæ dederat promissa, implevit. 2. Peperit Abrahamo filium dicto a Deo tempore, 3. quem Abrahamus Isaacum vocavit, 4. atque octavo die, quemadmodum Deus præceperat, circumcidit. 5. Compleverat vero Abrahamus annum centesimum ætatis suæ, cum ei Isaacus filius nasce-

1. q. ל in antecedentibus: et apud omnes alios, ad quos scilicet Sara erat ventura. 5) In וְנִכְחַת Vau delendum videtur, neque si ה, Vulgatus, Syrus illud exprimunt. Est vero נִכְחַת ada fœm. præt. in Niphal a יָכַח, quod in Niphal ut in Hiphil est: *demonstrare*. Posset etiam נִפְּחַל Niphal significatio נִפְּחַל Hithpael tribui, quam sæpe habet, hoc sensu: ut temet ipsa demonstres, qualis sis fœmina, nempe marita, non virgo.

nasceretur. 6. Sara vero dixit: risum mihi Deus paravit, a) ut qui de eo audiverit, mecum sit risus. 7. Quis unquam, addebat, Abrahamo dixisset, Saram liberos esse lactaturam? Attamen ei seni filium peperit. 8. Deinde cum puer Isaacus ablatus esset, Abrahamus magnum paravit convivium. 9. Qua occasione animadvertibat Sara, filium Hagaris Aegyptiæ, quem Abrahamo peperisset, Isaacum ridere. b) 10. Propterea postulavit, ut ancillam cum filio suo domo ejiceret, quod hic non sit heres futurus cum filio suo Isaaco. 11. Hoc vero Abrahamo vehementer displicuit, *inprimis* propter filium suum. 12. Deus vero eum monuit, ne nimium de puero et ancilla esset sollicitus; faceret modo omnia, quæ Sara dixisset, nam ex Isaaco posteros promissos ei futuros esse. 13. Attamen etiam filium ancillæ gentis auctorem esse evasurum, quod ejus esset filius.

14.

a) Respicit ad historiam Cap. 18, 10 — 15. et innuit se jam intelligere, eum qui ipsam ob risum reprehendisset, non hominem sed Deum fuisse. In verbo קחץ est ambiguitas, quam, nescio an recte, in versione expressi. Nam Sara illum aliorum risum non de irisione, sed de lætitia et congratulatione intelligit. Quod si recte per συγχαίρειν gratulari explicant. Syrus et Onkelos per לרץ *letari*.

b) Hoc si addunt: καίτοι μετὰ Isaac τῶ υἱῷ αὐτῆς, et Vulgatus: *ludentem cum Isaaco filio suo*.

14. Postridie Abrahamus mane panes et utrem aquæ Hagaris humeris imposuit eamque cum puero dimisit: illa vero in itinere per desertum Berscheba a via aberravit. 15. Aqua ex utre consumpta, deposuit puerum sub arbusculum. 16. Ipsa vero confedit e regione ad teli iactum, ne morientem puerum videret, et acerbe ploravit. 17. Tum Deus precibus pueri permotus, Hagarem per angelum e cœlo nomine suo compellavit: quid agis? inquit, bono animo sis. Deus vocem pueri ex eo loco ubi est, audivit. 18. Age jam, tolle eum et ducem te ei præbe, auctorem magnæ gentis eum efficiam. 19. Ostendit ei deinde puteum, ex quo utrem aqua replevit, pueroque bibendum dedit, 20. qui Deo juvante adolevit et in solitudine habitavit, factusque est sagittarius. 21. Vixit vero in deserto Pharan, et mater ei uxorem Aegyptiam duxit. 22. Eodem tempore Abimelechus cum Phichole duce exercitus sui convenerunt Abrahamum, atque *ille* his verbis eum est allocutus: Deus tibi adest in omnibus quæ suscipis. 23. Jam igitur jura mihi per Deum hoc ipso in loco, te non mutaturum esse amicitiam erga filium meum et nepotem, sed eadem benevolentia usurum erga me et hanc terram, qua te in ea peregrinum excepi. 24. Ad hæc Abrahamus, jurabo, inquit, 25. simul vero conquestus est erga Abimelechum

lechum de puteo, quem servi ejus ipsi eripuissent. 26. Tum Abimelechus, nescio, inquit, quis id fecerit, neque tu mihi hoc indicasti, equidem totius rei usque ad hoc tempus ignarus fui. 27. Deinde Abrahamus tradidit Abimelecho oves et boves, et sic fœdus inter eos initum est. 28. Septem vero agnas Abrahamus seorsim collocaverat. 29. Et cum Abimelechus ex eo quæreretur, quem in finem fecisset: 30. Respondit: tu quidem has septem agnas a me accipere debes, ut eo certius constet, me hunc puteum fodisse. 31. Hinc ille locus nomen Bersabæ accepit, quia utrique ibi jurejurando interposito fœdus pepigerant. 32. Quibus rebus confectis Abimelechus et Phichol, dux ejus exercitus, in Palæstinam reverterunt. 33. Abrahamus vero Bersabæ tamariscos c) plantavit, et sacra Jovæ Deo æterno fecit, 34. omninoque diu in Palæstina commoratus est.

CAPUT XXII

Jubet Deus Abrahamum sibi immolare Isaacum ejus filium. Quod cum Abrahamus sine recusatione facere vellet, in ipso facto impeditur et novas accipit promissiones. In fine recensentur nonnulli ex posteris Nachoris fratris Abrahami.

1. **P**osthæc Deo visum est, Abrahami fidem tentare.
2. Propterea eum his verbis est allocutus: Profici-

scere

c) vid. *Celsus* in Hierobot. Tom. I. p. 534.

scere cum filio tuo unico tibiue carissimo Isaac in regionem Moriam, ibique eum in monte quodam, quem tibi ostendam, immola. 3. Abrahamus mane surrexit atque asino clitellato, assumtis etiam duobus servis et Isaac filio, fissis quoque lignis sacrificio adhibendis profectus est ad locum, de quo Deus ei dixerat. 4. Tertio die vidit locum e propinquo. 5. Tum iussit, ut servi cum asino remanerent, se cum puero ad illum locum esse abiturum precandi causa, mox ad eos rediturum. 6. Deinde sacrificii ligna Isaac filio suo imposuit, et sic ipse ignem et cultrum manu tenens, simul eunt. 7. Tum Isaac patrem suum interrogans dixit: ignis quidem et ligna adsunt, mi pater, ubi vero agnus est sacrificii? 8. Ad hæc Abrahamus respondet: ipse Deus sibi providebit agnum sacrificii, mi fili: et sic pergunt utrique. 9. Cum venissent in locum a Deo indicatum, Abrahamus extructo altari lignisque dispositis, constrinxit Isaacum filium suum, eumque in altari lignis imposuit. 10. Jam manu cultrum tenebat, et in eo erat, ut filium suum mactaret, 11. cum angelus Jovæ ei ex cælo acclamaret: Abrahame, Abrahame! Cui ille, adsum. 12. Noli, inquit, manum tuam puero inferre, nec quicquam contra eum committere. Jam enim pietas tua satis mihi explorata est, quod nec filio tuo unico mea causa
peper-

pepercisti. 13. Tum Abrahamus, cum respiceret, videt arietem in dumo hærentem, quem loco filii sui immolavit. 14. Locum vero illum vocavit: Jova Jireh (Jova providebit). Inde etiamnum in proverbio dicitur: In monte Jovæ (Jeraeh) providebitur. 15. Tum altera vice Jovæ angelus Abrahamum his verbis e cælo est allocutus: 16. Per me juravi, inquit Jova, quoniam ne filio quidem tuo unico pepercisti, 17. te felicissimum efficiam. Posteriores tuos augebo, sicuti stellas cæli, sicuti arenam ad maris littora. Hostiumque suorum oppida occupabunt. 18. In uno quodam posterorum tuorum sese beatas existimabunt omnes gentes, a) quoniam mihi morem

- a) Hic est ille locus, quem Paulus Gal. 3, 16. de Christo explicat. Argumentationem ex verbis textus **הַתְּבָרָכָה** **בְּיָרֵעַ** כל גוי הארץ III. *Michaelis* recte uti arbitror, hunc fere in modum instituit: *Sibi benedicere in aliquo* nihil aliud est, quam per et propter aliquem Dei amorem aut beneficia divina sperare. Hanc vero spem concipere debent omnes gentes in s. a *semine* Abrahami. — Sub *semine Abrahami* possunt quidem omnes ejus posterii intelligi, ut in præcedenti versu, sed non in his verbis, quia aliæ gentes e. c. Cananiticæ in et per Abrahami posteriores sese minime felices existimare potuerunt. Ex quo sequitur, vocabulum *semen* h. l. de uno aliquo ex posteris Abrahami accipiendum esse, et sic Paulus est interpretatus. Quæ.

morem gessisti. 19. Quo facto rediit Abrahamus ad servos suos, omnesque una Bersebam profecti sunt, ubi Abrahamus habitabat. — 20. Posthæc Abrahamo nuntiatum est, Milcam Nachori fratri ejus peperisse,

Quæritur igitur, quænam sit illa persona singularis, a qua tantam felicitatem sperare poterant? Non Isaacus, non Jacobus, quibus hæc ipsa promissio repetita est Cap. 26, 4. et 28, 14. Multo minus hoc de Jacobi filiis aut de ullo posterorum ejus cum veri quidam specie potest probari. Tantum in Jesu Nazareno hæc promissio impleta est, a quo et per quem h. e. fide in ipsum omnes nationes, quæ quidem ejus notitiam acceperunt, sese beatas, h. e. divinæ gratiæ participes existiment, quod quidem est, quod Paulus *credere* vocat. — Secundum hanc argumentationem non diversa mihi videtur, quod tamen Ill. Michaeli placet, promissio jam antea Cap. 12, 3. Abrahamo facta. Quanquam enim in hoc loco *femini* s. posterorum ejus mentio non fit, tamen ei promittitur *felices per eum futuros omnes terræ nationes*. Quod in ipso Abrahamo, quomodo impletum sit, ego quidem non intelligo. Neque **מִשְׁפְּחוֹת הָאֲדָמָה** tantum ex regiones esse possunt, in quibus Abrahamus peregrinabatur, quod nonnullis interpretibus in mentem venit. Etenim in eodem capite narratur vers. 10. seqq. fame in illa regione orta Abrahamum coactum esse in Aegyptum abire. Atque cap. 28, 14. legimus Jacobo eandem promissionem iisdem verbis repetitam esse, addito **וּבְיָדְךָ** explicandi causa, *nempe in semine tuo*.

perisse, 21. Uzum primogenitum, Busum et Kémuelem patrem Arami, 22. Cefedum, Chafoum, Pildaschum, Jidlaphum et Bethuelem, 23. qui pater fuit Rebeccæ: quos octo omnes Milca peperit Nachori Abrahami fratri. 24. Pellicem habuit nomine Ramam, quæ peperit Tebachum, Gachamum, Tachaschum et Maacham.

CAPUT XXIII

Sara moritur et sepelitur in spelunca, quam Abrahamus ab Ephrone pretio soluto emit.

1. **E**xactis centum et quadraginta septem annis, 2. Sara mortua est in urbe Arba, quæ deinde Hebron vocata est in terra Cananæa. 3. Quam cum pro more Abrahamus luxisset, egit cum Chetitis hunc in modum: 4. Peregrinus sum et advena inter vos, date mihi locum sepulturæ, ut mortuum meum possim sepelire. 5. Ad hæc Chetitæ Abrahamo respondent: 6. Audi nos, domine, te ut principem eximium veneramur: in optimo sepulcrorum nostrorum potes mortuum tuum condere, nemo nostrum suo te sepulcro prohibebit. 7. Tum Abrahamus assurrexit et submisit salutavit Chetitas, 8. dixitque: Si velitis mihi permittere, ut mortuum meum sepeliam, intercedite pro me apud Ephronem Zocharis filium, 9. ut mihi speluncam Machpelam,

H

quæ

quæ est in extremo fundi sui, iusto pretio vendat, qua pro sepulcro inter vos utar. 10. Tum Ephron, qui inter alios Chittæos fedebat, respondit Abrahamo audientibus omnibus urbis civibus. 11. Audi quæso, domine, dono tibi fundum et speluncam quæ in eo est, præsentibus meis popularibus, in qua ossa mortui tui condas. 12. Abrahamus, postquam iterum eos qui aderant submisit salutaverat, 13. Ephroni dixit, rogo ut pretium fundi soluta pecunia accipias; et sic ibi condam ossa uxoris meæ. 14. Tum hic Abrahamo: 15. Audias quæso, domine, pretium fundi sunt quadringenti sicli argentei; sed non opus est, ut hos mihi solvas. 16. Sed Abrahamus appendit Ephroni statutum ab eo audientibus omnibus pretium quadringentorum siclorum argenteorum, et a mercatore signatorum. 17. Sic cessit fundus ille Ephronis, qui Machpelæ est e regione Mamræ, una cum spelunca et arboribus quæ in agro erant, omnibusque ejus finibus, 18. Abrahamo in possessionem præsentibus Chetitis, *nempe* incolis urbis. 19. Qui deinde Saram conjugem suam in illa spelunca sepeliit, quæ est in fundo Machpelæ e regione Mamræ, quæ jam Hebron vocatur. 20. Sic fundus ille, cum spelunca quæ in eo est, Abrahamo ut sepulcrum ei proprium a Chetitis est additus.

CAPUT XXIV

*Abrahamus mittit servum in Mesopotamiam ad uxorem
Isaaco inde petendam; qui itinere feliciter peracto Re-
becca ad Isaacum reducit, quam hic in
matrimonium accipit.*

1. Cum vero Abrahamus consenuisset, et Jova eum
omnis generis bonis cumulasset: 2. dixit servo suo
primario, quem rei familiari præfecerat: jura mihi,
subiecta femori meo dextra tua, 3. per Jovam Deum
cæli et terræ, te non collocaturum filio meo Isaa-
co uxorem ex feminis Cananitis, inter quas habito:
4. sed te hujus rei causa in patriam meam esse pro-
fecturum. 5. Ad hæc servus respondet: quid? si
nolit mulier me in hanc terram sequi? num potero
reducere filium tuum in terram e qua migrasti?
6. Minime vero, inquit Abrahamus. 7. Sed *certo*
scio, Deum cæli conditorem, qui me paternam do-
mum terramque patriam relinquere jussit, et jure-
jurando interposito mihi posterisque meis hanc ter-
ram promisit, angelo suo tibi esse adfuturum, ut
inde filio meo uxorem capias. 8. Quodsi noluerit
femina te sequi, jurejurando hoc eris solutus: Ca-
ve modo tibi, ne filium meum eo reducas. 9. Igi-
tur juravit servus eo modo, quo Abrahamus dixerat.
10. Deinde cum decem camelis heri sui onustis re-
bus omnis generis pretiosissimis profectus est in Me-

sopotamiam in urbem, in qua Nachor habitabat.

11. Quo cum venisset atque camelos foris extra urbem ad puteum recumbere iussisset, tempore vespertino, quo puellæ aquatum egredi urbe solebant,


12. hunc in modum est precatus: o Jova Deus domini mei Abrahami, fac pro tuo erga dominum meum Abrahamum amore, ut mihi jam, *quam quero*, occurrat. 13. Ego ad hunc fontem constitutus, ad quem puellæ urbis aquatum accedent,

14. rogabo unam forte obviam, ut mihi e cado suo bibendum præbeat. Quæ si dixerit: bibe, camelis tuis etiam bibendum dabo, ea sit, quam Isaaco tuo destinasti, atque ex eo intelligam, te domino meo favere. 15. Antequam precandi finem fecisset, venit Rebecca filia Bethuelis ex Milca conjugē Nachoris fratris Abrahami cum cado in humero suo. 16. Erat vero puella admodum pulcra et virgo. Hæc descendit ad fontem et implet cadum suum. Cum ascendisset,

17. properat ei obviam servus, rogatque ut aquæ paulum ex cado suo bibendum præberet. 18. Illa vero, bibe, inquit, domine, et statim cadum demittit in manum et bibendum ei offert. 19. Et cum bibisset, addebat, camelis tuis etiam hauriam eosque omnes adaquabo. 20. Et statim effundit cadum in aquarium et recurrit ad puteum et haurit tantum, quantum omnibus camelis aquandis

suffi-

sufficiebat. 21. Homo vero tacitus eam admirabatur, dubius adhuc, num Jova iter suum prosperaret, nec ne. 22. Postquam vero omnes cameli biberant, dedit puellæ aureum nasi annulum. ^{a)} dimidii sicli pondo duasque manuum armillas, quarum pondus erat decem aureorum siclorum. 23. Simul eam interrogavit cujus filia esset, num posset in ædibus patris ipsius pernoctare. 24. Illa vero respondit, se filiam esse Bethuelis, Milcæ et Nachoris filii. 25. Straminis et pabuli multum esse apud ipsos, nec locum deesse ad pernoctandum. 26. Tum homo Deum supplex veneratus, 27. Laudetur, inquit, Jova, Deus domini mei Abrahami, quod constanter pergit ei favere meque ad ejus familiam perduxit. 28. Interea properat puella ad matrem, et rem enunciat. 29. Frater Rebeccæ, Laban, festinat ad hominem foris ad puteum, 30. cum vidisset annulum et armillas in sorore sua et audisset, quæ

a)  est annulus vel nasi vel auris. Hujus quidem significationis exemplum infra occurrit Cap. 35, 4. Sed h. l. *nasi annulum* esse, ex versu 47. plane apparet. Neque de usu hujusmodi annulorum amplius dubitari potest post diserta *Petri de la Valle* et *Arvienfis* testimonia. Erudite, uti solet, de vera hujus vocis significatione egit Celeb. *Ravus* in Dissert. quæ inscripta est: *Observatt. ad varia V. T. loca* P. 3.

quæ cum ea esset collocutus; eumque offendit adhuc ad camelos juxta puteum. — 31. Postquam eum humanissime salutarat, rogat, ne foris stare, paratum jam esse locum camelis ejus. 32. Introducit *b)* igitur hominem domum, detrahit camelis clitellas eisque stramen dat et pabulum; homini vero eisque quos secum habebat, aquam offert ad pedes lavandos. 33. Tum cibi apponuntur. Sed servus negat se cibum esse capturum, nisi prius mandata sua exposuisset. *c)* Quod cum ei esset concessum, 34. hunc in modum verba fecit: Ego sum servus.

b) In textu legitur נִדְּבָהּ sed legendum videtur in Hiphil: Attamen solus vulgatus interpres habet: *introduxit eum in hospitium.* *Oi 6*, Syrus et Chaldaeus cum recepta lectione consentiunt, quæ etiam defendi potest. Constat enim scriptores hebraeos non solere semper satis אנפֿיִן esse in notandis propositionibus. Sæpe omittunt nominativum ex contextu supplendum. Sic h. l. ad alterum membrum nomen *Labanis* repetendum est: *Ingressus est vir domum, Laban vero detrahit camelis clitellas etc.*

c) Solebant veteres post cenam deum hospites rogare, cur advenissent, quod *Clericus* pluribus testimoniis ex Homero illustrat. Atque idem narrat *Arvinsius* in relatt. suis de Arabibus P. III. p. 14. vers. germ. Sed servus Abrahami, qui jam felicem successum negotii sui ex eo quod factum erat ominabatur, noluit diu expectare, sed cupit quam primum mandata sua exponere.

fervus Abrahami: 35. Hunc herum meum Jova vehementer opibus auxit, pecorisque et armenti, argenti, auri, fervorum, ancillarum, camelorum et asinorum magnam copiam dedit. 36. Huic hero meo Sara conjux ejus filium peperit ætate jam pro-
vecta, quem heredem ex asse constituit. 37. Me vero jurejurando obstrinxit, ne filio suo uxorem ducerem ex Cananitis, quorum in terra habitaret: 38. Sed ex familia patris sui, ad quam mihi hunc in finem iter sit suscipiendum. 39. Cum ego hero meo responderem, mulierem fortasse me non esse secuturam, 40. Is mihi affirmavit, Jovam, quem coleret, mihi per angelum suum esse adfuturum et felices successus largiturum, ut ex familia patriæ possem ejus filio uxorem ducere. 41. Quod si mihi ab ea denegaretur, tum me a jurejurando liberum fore. 42. Ego igitur cum hodie ad fontem venissem, hunc in modum precatus sum; o Jova, Deus heri mei Abrahami, utinam tibi placeret iter meum prosperare! 43. Confisto jam ad hunc puteum. Rogabo puellam, quæ hac aquatum veniet, ut mihi paululum aquæ ex cadq suo bibendum præbeat. 44. Si responderit: bibe, camelis tuis quoque hauriam, hæc sit mulier, quam heri mei filio destinasti. 45. Antequam ego has animi mei cogitationes absolvissem, venit Rebecca cadum ferens, descendit ad puteum:

cum haussisset, rogavi eam ut bibendum mihi præberet. 46. Illa statim cadum demittebat, potum offerebat, et camelos quoque aquandos fuscipiebat. Quod utrumque cum factum esset, 47. eam interrogabam, cujus filia esset? Respondebat se esse filiam Bethuelis, filii Nachoris et Milcæ. Tum ego eam nasi annulo et armillis donavi, 48. et supplex veneratus sum Jovam gratiasque egi Deo heri mei Abrahami, qui me recta huc duxisset, ut neptem fratris heri mei ejus filio uxorem ducerem. 49. Jam vero mihi indicetis rogo, num velitis hunc favorem et benevolentiam hero meo exhibere, nec ne, ut alio me convertam. 50. Ad hæc Laban et Bethuel respondebant: d) hæc res a Deo venit, non possumus ei ullo modo repugnare. 51. Potes igitur Rebecca ut mulierem filii heri tui tecum deducere, quæ ipsa Dei voluntas esse videtur. 52. Quod cum audiret servus Abrahami, humi suppliciter Jovam

- d) Dignum est observatu, quod in tota hac historia *fratris* partes posteriores sunt, non patris, cujus tantum in hoc versu mentio fit. Videntur omnino apud Hebræos fratres sororum suarum tuendarum jus habuisse. Aliud exemplum est in filiis Jacobi Cap. 34. et Jud. 21, 22. locus est inprimis clarus. *Arviofius* l. c. p. 263. auctor est, Arabes mulierum adeo suarum læsum honorem non tam ægre ferre quam sororum. cfr. *Niebuhrus* in descriptione Arabiz p. 31. seqq. et *Michaelis* in Jure Mosaico Tom. V. p. 253.

vam veneratus est: 53. et protulit vasa argentea et aurea et vestes, quæ dono dedit Rebeccæ, fratri vero et matri alia pretiosa munera e) dedit. 54. Deinde cœnarunt cum ipso, tum ejus comites. Postridie mane rogavit, ut eum ad herum suum dimitterent. 55. Attamen, cum frater puellæ et mater ejus optarent, ut puella apud ipsos annum aut decem menses f) manerët; et deinde cum eo proficiscere-

e) מְדִנּוֹתָא quid proprie indicet, incertum est. Probabiliter *fructus arefacti, aut aromata*, de illis Syriacum מְדִנָּא dicitur. cf. *Faber ad Harmarum P. II. p. 415.*

f) Sic verti יָמִים אֵין עֲשׂוֹר Sed dubito num recte. Ol s. habent *hulpas wœi dixu.* Vulgatus: *dies saltem decem,* Sed אֵין nunquam alias significat *certe, saltem,* neque particula sic inter adjectiva et substantiva ponuntur. Dura quoque videtur ellipsis עֲשׂוֹר חֲרֵשׁ post עֲשׂוֹר et quam parum, quæso, credibile est Labanem hoc respondisse homini, qui eo ipso die proficisci volebat? Quod dicunt, tantum temporis spatium concessum fuisse inter desponsationem et nuptias, (coll. Jud. 14, 8.) Abrahami temporibus nondum moribus videtur receptum. Servus enim non tam urgere potuisset reditum suum, neque Laban et parentes Rebeccæ tam faciles sese præbuisissent in concedendo. Lectio textus recepta utique videtur in mendo cubare, ex Cod. Sam. et versione Syriaca fortasse restituenda. Ille habet יָמִים חֲרֵשׁ hæc חֲרֵשׁ יָמִים quam lectionem Hubigantius sequent-

sceretur. 56. Ille, nolite me morari, inquit, Jova felices itineri meo successus dedit; permittite igitur, ut ad herum meum revertar. 57. Tum illi, advocemus igitur puellam, ut ejus sententiam audiamus. 58. Quæ cum adesset, rogant eam, num velit cum homine isto discedere? Illa vero se velle respondet. 59. Dimiserunt igitur Rebeccam sororem suam una cum nutrice ejus g) et servo Abrahami ejusque comitibus, 60. eamque piis votis profecuti sunt: Proles tua, o soror nostra, inquiebant, crescat in mille myriadas, et posteri tui occupent hostium suorum portas. 61. Igitur Rebecca et ancillæ ejus camelis equitantes cum viro h) profectæ sunt. 62. Isaacus vero redierat a puteo h) Lechairoi. Confederat enim in tractu

sequendam censet: *maneat puella nobiscum mensem totum, postea proficisceris.*

g) Cujus nomen fuit Debora. Cap. 35, 8. narratur eam a Jacobo sepultam esse.

h) Laborant interpretes in verbis textus בַּאֲמָרֵי. Sed facilis videtur explicatio, quam Aben Esra dedit a *Münstero* citatus, ut sit אֲמָרֵי nomen verbale cum præpositione *venis a venire*, h. e. ex itinere rediit. Quem sensum etiam Syrus, Onkelos et Arabs indicarunt. Neque suspecta mihi videtur lectio recepta propter lectionis varietatem, quæ est in Codice Samaritano בַּאֲמָרֵי quem etiam *ol ó*, uti solent, secuti sunt: *ἰσὺν διαπορεύετο τῆς ἰσὺν κατὰ τὸ ὄριον α. λ.*

tractu meridionali, 63. et cum circa vesperam deambulatum i) exiisset, vidit camelos venientes. 64. Rebecca vero Isaacum conspicata defiluit de camelo, 65. et servum interrogat, quis ille esset, qui eis obviam veniret. Cum servus responderet, hunc esse herum suum, sumto flammeo sese obvelat. 66. Tum servus Isaacō enarrat omnia quæ gesta essent. 67. Isaacus vero introduxit Rebeccam in tentorium Saræ matris suæ, et cum ea matrimonium init, doloremque, quem ex morte matris suæ conceperat, in ejus amore lenit.

CAPUT XXV

Abrahami ex Ketura liberi et mors. Ismaelis posterī. Incipit Isaaci historia. Rebecca primum sterilis, parit tandem Esavum et Jacobum. Horum mores diversi. Ille huic vendit jus primogenitura.

1. **A**brahamus deinde aliam uxorem duxit nomine Ketura,

i) לִשְׁחָתָה Male a Vulgato *ad meditandum in agro*, sive *ad precandum*, secundum Onkelosium et multos alios. Recte Syrus לְמַהֲלָכָה *ad deambulandum*. Quam primariam verbi significationem probavit *Schultensius* ad Jobum Cap. 10, 1. et ad Proverbia 6, 22. Hinc שִׁחָתָה *frutex* in terra expansiōis s. serpens. Quæ physica verbi significatio translata deinde est, ut in innumeris aliis, ad *cogitationes* et ad *sermōnes*.

Ketura, 2. quæ ei peperit Simranum, Jokſchanum, Medanum, Midianum, Jiſchbakum et Schuachum. 3. Jokſchan genuit Schebaum et Dedanem; ex quo Aſchuræi, Letuſchæi et Leumnæi originem habent. 4. Filii Midianis fuerunt Epha, Ephér, Chanoch, Abidah et Eldaa. Qui omnes poſteri ſunt Keturæ. 5. Abrahamus vero bona ſua omnia dedit Iſaaco. 6. Filios vero concubinarum muneribus donatos, cum adhuc in vivis eſſet, dimiſit a filio ſuo Iſaaco in régionem orientalem. 7. Vixit autem omnino Abrahamus centum et ſeptuaginta quinque annos. 8. Sic e vita diſceſſit admodum ſenex et mori non detreſcans ad populares ſuos aggregatus eſt. a) 9. Sepe-
liverunt eum Iſaacus et Iſmael filii in ſpelunca Machpelah, in fundo Ephronis Zochariſ filii Chittæi, qui eſt e regione Mamre. 10. Quem fundum Abrahamus emerat a Chittæis atque in eo cum ipſe, tum Sara uxor ejus eſt ſepulta. 11. Mortuo Abrahamo

a) Poſt יִצְחָק legendum eſt יָמִים non ſolum ex auctoritate Cod. Sam. et verſionum omnium, ſed etiam quinque Codd. a Kennicottio collatorum, qui præterea auctor eſt (in Diſſ. II. p. 174. verſ. lat.) extare illud יָמִים in paraphraſi Chaldaica non impreſſa. Sic quoque legitur Job. 42, 17. — Pro עָמִי legitur עָמִי in Cod. Sam. et verſione græca. Sed utrumque videtur in uſu fuiſſe. cf. Deut. 32, 50. Num. 32, 2. et 27, 13.

hamo Deus favere perrexit ejus filio Isaaço, qui juxta puteum Lechairoi habitavit. — 12. Hæc est genealogia Ismaelis, filii Abrahami, quem ex Hagaræ Aegyptia Saræ ancilla sustulit: 13. Nomina filiorum Ismaelis secundum diversas suas generationes sunt hæc: Primogenitus Nebajoth, Kedar, Adbeel, et Mibsam. 14. Mischma, Duma et Massa. 15. Chailad, Tema, Jedur, Nabisch et Kedma. 16. Qui omnes sunt filii Ismaelis, atque horum posterii iisdem nominibus distincti in casis et mapaliis *b)* sub ducibus duodecim degunt. 17. Ipse vero Ismael anno ætatis suæ centesimo trigesimo septimo diem suum obiit. 18. Posterii vero ejus habitant a Chavila usque ad Schurum, contra Aegyptum, versus Assyriam; consanguineis suis ab oriente. *c)* — — 19. Sequitur historia *d)* Isaaci filii Abrahami. 20. Quadragesimum ætatis

b) טִירָה vulgo *castella*. Sed h. l. non satis apta videtur hæc significatio, quod Ismaelitæ talia extruxisse non probabile est. Faber in Archæologia Hebr. p. 164. *casas* s. *mapalia* diversas a tabernaculis (Hüttendörfer) intelligit.

c) Fuerunt posterii Ismaelis Nomades, qui has regiones non in certis s. fixis sedibus habitabant, sed cum gregibus suis peragrabant in duodecim tribus divisi, quarum quæque suum principem habebat, quales hodiernum Arabes scenitz habent, *Emirs* dictos.

d) cf. Cap. 6, 9.

ætatis suæ annum agebat Isaacus, cum Rebeccam in matrimonium duceret, quæ filia erat Bethuelis Syri e Mesopotamia et soror Labanis Syri. 21. Sed cum sterilis esset, intercessit pro ea apud Jovam precibus, atque impetravit etiam ut conciperet. 22. Cum vero foetus in utero conflarentur, doluit per impatientiam, sese gravidam factam esse, abiitque consultum Jovam. 23. A quo hoc responsum tulit: duæ gentes sunt in utero tuo, duæque nationes ex te orientur. Altera altera erit potentior, et potentior serviet impotenti. 24. Completo autem partus tempore enixa est gemellos. 25. Qui prior exiit, rufus erat, totusque uti pallium hirsutus, qui propterea Esavus (obtectus) vocatus est. 26. Post eum frater prodit, qui manu sua calcem Esavi tenebat, hinc nomen Jacobi accepit. Isaacus annum agebat sexagesimum, cum hi ejus filii nascerentur. 27. Pueri vero postquam adoleverant, Esavus venationi operam dedit, in agris continuo versans, Jacobus vero mitioris erat naturæ, vitam pastoritiam præferebat. 28. Isaaco quidem Esavus carior erat, quod carne ejus ferina delectabatur, Rebeccæ vero Jacobus. 29. Aliquando cum Esavus fessus rure rediret, coxerat Jacobus pulmentum. 30. Tum ille hunc rogat, ut ipsi daret de cibo illo perquam rufus, se enim valde esse delassatum. (hinc etiam Edomi, h. e. rufi nomen

nomen accepit.) 31. Jacobus postulavit, ut ei prærogativas primogenituræ venderet. 32. Respondet Esavus: en brevi mihi erit moriendum, quid illa ætatis prærogativa mihi prodest? 33. Jacobus porro postulabat, ut hoc ei jurejurando confirmaret. 34. Quod cum fecisset, dedit ei Jacobus panem et pultem illam e lentibus confectam. Sic cibo et potu recreatus rus iterum exiit, parvi æstimans ætatis suæ privilegia.

CAPUT XXVI

Isaaci Geraræ commoratio, ubi repetitas a Deo accipit promissiones. Dissimulat Rebecam uxorem suam esse, sed falsè convincitur. Agricultura operam dat. Contentiones cum Philistæis pastoribus de fontibus. Abimelech rex Philistæorum fœdus cum eo pangit. Esavi matrimonium cum duabus Cananitis parentibus ingratum.

1. **O**rta vero fame in ea regione, quæ diversa fuit ab ea fame, quæ antea temporibus Abrahami fuerat: a) Isaacus abiit ad Abimelechum Philistæorum regem Geraram. 2. Ibi ei Jova apparuit atque sic cum eo est locutus: Noli in Aegyptum descendere, mane in hac terra, uti antea tibi jam præcepi. 3. Vive in ea ut peregrinus. Tibi adero et beneficiam. Tibi, hoc est, posteris tuis totam hanc terram

a) cf. Cap. 11, 10.

ram dabo possidendam: Nam implebo promissa, quæ Abrahamo patri tuo dedi jurejurando interposito.

4. Augebo posteros tuos uti stellas cœlestes, his omnes has regiones addicam: Atque in uno quodam posterorum tuorum sese felices existimabunt omnes nationes. *b)* 5. Propter obedientiam, quam mihi Abrahamus præstitit in omnibus meis præceptis, institutis et legibus. 6. Mansit igitur Jacobus Geraræ. 7. Ibi cum illius loci incolæ interrogarent de uxore ejus, eam sororem suam esse dixit. Verebatur enim, ne, si uxorem esse dixisset, ab illis propter eam, quoniam Rebecca formosa erat, interficeretur. 8. Cum vero diutius ibi commoraretur, accidit ut Abimeleclus rex Philistæorum per fenestram videret Isaacum cum Rebecca paullo liberius jocantem. 9. Tum ille eum arcessivit et interrogavit, cur simulasset eam sororem suam esse, quæ tamen sit ejus uxor? Respondit Isaacus se veritum esse, ne propter eam in vitæ discrimen veniret. 10. Sed reprehendit eum propterea Abimeleclus: fieri enim potuisset, inquiebat, ut aliquis cum ea concumberet, cujus criminis tu sic auctor fuisses. 11. Deinde edixit universo populo sub capitis poena, ne quis Isaacum aut uxorem ejus ulla injuria afficeret. — — 12. Cum Isaacus eo anno se-

men-

b) cf. Cap. 22, 18.

mentem fecisset, fructus percepit centuplos ^{c)} ex Dei beneficio, 13. atque magis magisque crescebat, ita ut opulentissimus fieret. 14. Habebat multos pecoris et armenti greges, tantamque familiam, ut ei Palæstini inviderent, 15. et omnes puteos, quos servi patris sui Abrahami effodissent, obstruerent. 16. Ipse Abimelechus iussit eum discedere, quod ipsis longe esset potentior. 17. Discessit igitur Isaacus atque tentoriis suis in valle Gerarensi positus ibi consedit, 18. omnesque puteos a patre suo Abrahamo effodis, obstructos vero a Philistæis post mortem ejus denuo effodit, et nomina eis imposuit eadem, quæ pater ejus olim eis dederat. 19. Cum vero servi ejus in ista valle fodissent, fontemque invenissent aquæ vivæ, 20. contendebant super eo pastores Gerarenses cum Isaaci pastoribus, suamque eam aquam esse dicebant:

c) מאה שְׁעִירִים *centum mensurarum* s. *centuplicem mensuram*. Verbum שְׁעִיר in lingua Chaldaica sæpe obvium est *mensuravit, æstimavit*. In hac lectione recepta consentiunt interpretes Chaldæi, Arabes, Aquila, Hieronymus. Sed aliam lectionem secuti sunt ὁ δ, ἐκαστοῦ τῶν κρητῶν, *centuplum bordum*, nempe שְׁעִירִים, quam etiam exhibent Syrus, Symmachus, Theodotion, et Vulgatus. Lectio non contemnenda videtur. cf. Ill. *Michaelis* in *Bibl. Orient.* P. IX. p. 193.

bant: propterea Isaacus illum puteum Efek vocavit, quod cum eo fuerint rixati. 21. Idem fecerunt cum alium effodissent, quem propterea Sitna (h. e. contentio) appellavit. 22. Inde digressus alium excavavit, de quo non contenderunt, cui propterea nomen Rechoboth imposuit: dicebat enim, amplum nobis locum Jova concessit, jam crescemus in terra. 23. Inde Bersebam profectus est. 24. Ibi ei hac ipsa nocte Jova apparuit et his verbis est allocutus: ego sum Deus Abrahami patris tui. Noli timere, tibi adero et benefaciam, posterosque tuos augebo propter illum Abrahamum, cultorem meum. 25. Ibi aram exstruxit Isaacus et sacra Jovæ fecit. Tentoria quoque sua eo transtulit, cum servi ejus puteum ibi effodissent. — 26. Tum Abimelechus Geraræ eum convenit cum Achussato amico et Philchole exercitus duce. 27. Quid ad me venitis, inquebat Isaacus, qui me per odium a vobis expulstis? 28. Illi respondebant, plane intelligimus Jovam tibi adesse, propterea consilium cepimus tecum jurejurando interposito foedus inire. 29. *Hac nempe conditione* ut nullo modo nobis noceas, quemadmodum nos quoque te non offendimus, sed potius omni humanitate erga te usi sumus, teque salvum et incolumem dimisimus: Jova enim tibi favet. 30. Tum Isaacus eos convivio excepit. 31. Postridie cum
alter

alter alteri *pacem* et *amicitiam* jurassent, Isaacus eos incolumes a se dimisit. 32. Eo ipso die nuntiarunt ei ejus servi, sese alium puteum effodisse. 33. Quem Schibeam d) vocavit, unde et urbs nomen Beer-schebæ habet. — 34. Esavus anno ætatis suæ quadragesimo in matrimonium duxit Judith filiam Beerî Chittæi et Basmatham Elonis filiam, etiam Chittæi, 35. quæ Isaacum et Jacobum magna ægritudine affecerunt.

CAPVT XXVII

*Jacobus astutus Rebecca adjutus benedictionem patris Esau
præripit. Qui propterea grave in eam odium con-
cipis mortemque ei minatur.*

Isaac cum jam prae senectute oculis caligaret, Esavum filium natu majorem ad se vocatum his verbis alloquitur: 2. Vides, mi fili, me senem esse, nescio quando moriendum mihi sit. 3. Iam igitur sume arma tua, pharetram et arcum, rus exi et

d) שְׁבָעָה h. e. *jurjurandum*. Sed est alia lectio apud antiquiores interpretes digna quæ observetur. Hieronymus auctor est in hebræo legi per Sin, שְׁבָעָה *abundantia* et sic Aquilam et Symmachum legisse, sic quoque Syrus et Vulgatus, cf. *Monsefalconius* in Hexaplis. Neque apparet cur Isaacus huic puteo nomen שְׁבָעָה dederit, cum propter eum foedus non pactum esset, uti factum fuerat propter alium quem Abrahamus effoderat. Cap. 21, 31.

venare mihi feram, 4. *e qua* pares ferculum istud quo delector, de quo edam, tibiue bene precabor, antequam moriar. 5. Rebecca vero audierat Isaacum ista Esau filio suo praecipientem. Cum igitur hic ad venationem rus exiisset, 6. illa Jacobo filio suo dicit: Ego audiui patrem tuum iussisse, 7. ut Esau e carne ferina cibum ei pararet, quo sumto velle se Jovæ nomine ei ante mortem bene precari. 8. Audi igitur, mi fili, quod dico, mihiue morem gere. 9. Abi ad gregem et arcesse mihi inde duos hoedos pingues. Ex his parabo patri tuo ferculum istud, quo delectatur. 10. Hoc ei debes afferre ut tibi ante mortem suam bene precetur. 11. Ad hæc Jacobus respondet Rebecca matri suæ, nosti Esau fratrem meum hirsutum esse, ego vero depilis sum. 12. Fieri posset ut pater me contrectaret, tunc viderer ipsum illudere, quo imprecationem potius quam faustam precationem mihi conciliarem. 13. Ego vero, inquit mater, illam imprecationem praeestabo, fac modo quae præcepi, et affer. 14. Ille igitur matri attulit quae jusserat; quæ paravit ferculum quo Isaacus delectabatur. 15. Deinde induit Jacobum vestibibus Esau pretiosis, quas domi secum habebat. 16. Pellibus vero hoedinis amicitavit manus et cervicem Jacobi, quae depiles erant, 17. et sic tradidit ei cibum illum,

illum, et panem a se confectum. 18. Cum ad patrem venisset, eumque compellasset, ille, quis tu es fili? interrogat. 19. Respondet Jacobus, ego Esavus sum primogenitus tuus; feci quod mihi præcipisti, age, sede et comede de farina mea, ut mihi bene preceris. 20. Unde tam cito, inquit Isaac, natus es, mi fili? cui ille: a Jöva Deo tuo factum est ut mihi obveniret. 21. Tum jubet eum Isaacus accedere, ut tangere eum posset et inde cognoscere, num esset Esavus nec ne. 22. Cum accessisset, attrectabat eum et dicebat: vox quidem est Jacobi, sed manus Esavi. 23. Hinc eum non agnovit, cum manus ejus ut Esavi essent hirsutæ, et bene ei precatus est. 24. Verum ~~antes~~ iterum eum interrogat, num esset Esavus? Quod cum affirmasset, 25. jubet ut apponat cibos e carne ferina, ut de illis comederet; quo facto velle se ei bene precari. 26. Obtulit igitur cibos, nec non vinum. Quibus sumtis iussit pater eum accedere et se osculari. 27. Quod cum fecisset odoratus est Isaacus odorem vestium, tum bene ei precatus est his verbis: En odor filii mei est sicuti odor agri Dei beneficio fertilissimi. 28. Det tibi Deus et cœli rorem et terræ pinguedinem, et frumenti et musti copiam ingentem. 29. Gentes tibi serviant, nationes sese tibi submittant: domineris fratribus

tuus: et filii matris tuæ te venerentur: Adversarii tui sint infelicissimi, amici felicissimi. — — 30. Cum Isaac vix desisset sic bene precari Jacobo, atque hic vix a patre suo discessisset, redit Esavus a venatione, 31. atque parat ipse quoque cibos. Quos cum patri offerret, eumque rogasset ut illis vesceretur et bene sibi precaretur: 32. tum pater, quis tu es? inquit: respondet ille: Ego sum Esavus filius tuus primogenitus. 33. Ad hæc Isaac vehementer conferritus, quis igitur fuit, inquit, venator ille, qui mihi *carnes ferinas* attulit, de quibus et edi antequam venires? huic ego bene precatus sum, nec dubito, quin sit beatus futurus. 34. Esavus cum hæc patris sui verba audiret, ingentem clamorem sustulit et acerbe plorans, mihi quoque bene precare, inquit, mi pater. 35. Hæc vero respondet: astute tibi præripuit frater tuus pia illa vota, quibus te eram profecuturus. 36. Vere, inquit ille, vocatur Jacobus, bis me jam supplantavit. Primum ætatis meæ prærogativas abstulit, jam et vota pro felicitate mea interceptit. — nihilne boni mihi reservasti? insit. 37. Respondet Isaac Esavo: ei principatum in te dedi et consanguineos suos omnes ei subjeci, frumenti et musti largam copiam ei promisi: quid tibi jam faciam, mi fili? 38. Ad hæc Esavus: Itane bona hæc omnia sunt, quæ

quæ optare possis? mi pater, et mihi bene precare; simul denuo lacrimari incipit. 39. Tum Isaacus sic orsus est: Fertilem terram habitabis e coelo large rorata. 40. Gladio tuo vives, sed fratri tuo eris subiectus; fiet tamen, cum continuo reluctatus fueris, a) ut jugum ejus e collo tuo excutias. — — 41. Esavus vero *inde ab hoc tempore* in Jacobum propter bona illa, quæ ei pater suus precatus fuerat, odium concepit, atque in animo habuit, post mor-

a) Verbum 717 in quatuor locis tantum obvium, ab interpretibus plurimis varie, sed parum feliciter explicatur. Notiones quas ei subjecerunt, uni quidem aut alteri loco, sed non omnibus aptæ sunt. Data opera originem ejus investigavit Celeb. Schroederus in Observat. ad Origgen. hebr. Cap. 1. atque probavit, eam repetendam esse ab arab. *أش* quod proprie est: *huc ex illuc vagari*, et dicitur de animalibus in pastu huc et illuc discurrentibus. Atque hanc significationem h. l. quoque aptam esse sequens comparatio docet, quæ sumta est a jumento indomito, quod si subjugetur, obniti et reluctari non desinit, donec jugi vinculis disruptis evaserit. Quæ Edomitum naturæ et fati bene conveniunt. David Edomitas vicit sibi que subiecit 2 Sam. 6, 14. sed sub Joram iterum deseruerunt; 2 Reg. 8, 20. seqq. a quo tempore sui juris fuerunt, usque dum a Joanne Hyrcano subjugati et populo Judaico infesti sunt.

mortem patris Jacobum fratrem suum interficere. *b*) 42. De quo ejus consilio cum certior facta esset Rebecca, curavit Jacobum filium suum natu minorem ad se arcessendum, eique dixit: Audio Esavum fratrem tuum mortem tibi minari *c*). 43. Jam igitur, mi fili, mihi obtempera, fuge ad Labanem fratrem meum Charram. 44. Et mane apud ipsum aliquot annos, dum fratris tui ira paululum resederit. 45. Quodli oblitus fuerit ejus quod inter te et illum acciderit, mittam et te inde revocabo; cur enim utroque vestrum uno die orber? 46. Isaac autem ostendebat, se propter istas Chittæorum filias vitæ suæ fere pertasam esse. Si vel Jacobus

uxo.

b) ימי אבל אבי Duplicem in sensum possunt hæc verba explicari, *vel* active de luctu ipsius Isaaci ob Jacobum interfectum, *vel* passive ob Isaaci mortem. Plerumque ex priori sententia explicantur. Sed posterior mihi videtur præferenda, quoniam non probabile est, Esavum patrem suum, quem, de quo dubitari non potest, amabat, eade in fratre suo commissa contristari voluisse. Sic quoque Syrus accepit: *dies domus fletus patris mei h. e. funerum.*

c) מִתְנַחֵם recte a 70 interpretibus, Syra et Vulgato vertitur, *minari*, minus accurate ab Onkeloso per *insidiari*. נִחַם ex primaria significatione *cum vehementia spiritum ducere*, dicitur etiam de eo qui mēto animo in alterum est affectus, vid. *Lectæ* in Animadv. ad textum hebr.

uxorem duceret ex illius regionis Chittæis his finem, non esse quod diutius vivere optaret.

CAPVT XXVIII

*Fugit Jacobus in Mesopotamiam ad Labanem. In itinere
Deus ei in somnio apparet, et promissa Abrahamo
et Isaac data repetit.*

1. **A**rcessivit igitur Isaac Jacobum. Cumque ei præcepisset, ut ne uxorem duceret ex Chananæis, 2. sed ut in Mesopotamiam proficisceretur ad domum Bethuelis avi sui ibique e filiabus Labanis avunculi sui uxorem sumeret: 3. Deus vero omnipotens, pergebat bonis votis eum prosequens, tibi faveat, te augeat, multamque sobolem largiatur, ut complures ex te gentes oriantur. 4. Præstet tibi promissa Abrahamo data, tibi posterisque tuis, ut pervenias ad possessionem terræ, in qua jam peregrinaris et quam Deus Abrahamo promisit. 5. Sic dimisit Isaac Jacobum, qui et in Mesopotamiam profectus est ad Labanem filium Bethuelis Syri, fratrem Rebeccæ, quæ Jacobi et Esavi mater fuit. — 6. Cum vero Esavus cognovisset Isaacum faustis ominibus profectum esse Jacobum eumque in Mesopotamiam misisse, ut ibi uxorem duceret, (nam diserte hoc ei tum interdixerat, ne cum Chananæa matrimonium iniret) 7. atque hunc parentibus suis morem gessisse,

fisse, atque iter in Mesopotamiam esse ingressum, 8. intelligeretque minus probari Chananæas patri suo: 9. præter uxores, quas jam habebat, etiam Machalatham in matrimonium duxit, quæ filia fuit Ismaelis filii Abrahami et soror Nebachothi. — 10. Jacobus vero e Bersæba iter Charram ingressus: 11. venit in locum quendam, in quo, cum sol jam occidisset, pernoctavit. Adhibuit igitur lapidem e pluribus qui in illo loco erant pro cervicali, et cubuit. 12. In somnio vidit scalam terræ innixam, cujus caput ad coelum usque pertingeret, per quam angeli Dei ascendebant et descendebant. 13. In summa scala videbat Jovam, qui eum sic alloquebatur: Ego sum Jova Deus Abrahami avi tui, et Deus Isaaci, terram, in qua cubas, tibi posterisque tuis dabo. 14. Quorum tanta erit multitudo, quanta est pulveris terræ, ita ut per occidentem et orientem, per septentrionem et meridiem diffundantur: et in te et progenie tua omnes terrarum nationes felices erunt. 15. Ego vero tibi adero, te in itineribus tuis tuebor, atque etiam in hanc terram reducam. Nunquam te deferam, quin quæ tibi promiserim præstem. 16. Tum Jacobus | e somno expergescens, profectus, inquit, Jova est in hoc loco, quod ego nesciebam. 17. Quam verendus est, pergebat perterritus, hic locus: hæc est ædes Dei, porta

porta cœli. 18. Cum [deinde surrexisset, lapidem, quo pro cervicali usus fuerat, in cippum erexit et oleo perfudit. 19. Oppidum vero Bethelēmi nominavit; quod antea Lus vocabatur. 20. Votum quoque Jacobus nuncupavit in hæc verba: Si Jova Deus mihi aderit, me in itinere, quod ingressus sum, defenderit, mihi providerit in victu et amictu, 21. tandemque si salvus et incolumis ad domum paternam rediero: semper eum ut Deum meum colam. 22. Lapis vero hic, quem in cippum erexi, domus Dei erit, omniumque quæ tu mihi dederis, tibi decimas dabo.

CAPUT XXIX

Jacobus Charram pervenit et a Labane humaniter excipitur: Quatuordecim annos ei operam suam addicit, et mercedis loco duas ejus filias in matrimonium accipit.

1. **Q**uo facto Jacobus iter suum in regionem orientalem persecutus est, 2. tandemque videt in campis puteum, ad quem tres greges cubabant. (Ex hoc enim puteo solebant greges aduari, ipse vero puteus saxo prægrandi erat occlusus. 3. Collectis gregibus omnibus lapidem illius fontis devolvebant, et pecore aduato os fontis rursus lapide isto obstruebant.) 4. Interrogabat Jacobus pastores, unde nam essent? Illi respondebant, Charrane. 5. Jacobus
bus

bus pergebat, quum nostis Labanem Nachoris filium? Novimus, inqueiebant. 6. Jacobus: valetne? Pastores: valet, et en Rahelem ejus filiam cum pecoribus venientem! 7. Tum Jacobus dicebat: multum adhuc diei est, nondum tempus esse videtur cogendi pecoris, adaequate illud et pastum ite. 8. Tum illi respondebant: non possumus adaequare, nisi prius congregati sint omnes greges. Tunc devolvitur saxum a puteo et greges adaequamus. 9. Adhuc eo sic cum illis colloquente, venit Rahel cum patris filii pecore, quod pascebat. 10. Quam cum Jacobus videret, lapidem devolvit ab ore putei et pecus avunculi sui adaequat. 11. Deinde Rahelem osculatur, lacrimas fundit, 12. eique indicat se patris ejus esse nepotem, filium nempe Rebeccae. Illa statim ejus rei certiore facit patrem suum. 13. Qui cum audiret Jacobum sororis suae filium venisse, ei obviam currit eumque amplexus et osculatus deducit domum suam, ubi Jacobus narrat Labani omnia, quae sibi evenissent. 14. Hic eum ut cognatum et consanguineum suum benigne excipit, et cum mensem apud eum vixisset, 15. affirmat ei se non concessurum esse, ut gratis sibi serviret, quod cognatus ejus esset. Ipse dicere, quam mercedem sibi dari vellet. 16. Habebat vero Laban duas filias, quarum natu major Lea, natu minor Rahel vocabatur. 17. Illa quidem
lippis

lippiis erat oculis, hæc vero forma erat decora et facie pulcra. 18. Hujus igitur amore cum captus esset Iacobus, dicit Labani, se velle ei servire septem annos pro Rahele filia ejus natu minore. 19. Laban respondet, malle se eam ipsi dare quam alieno, jubetque ut apud eum maneat. 20. Sic servit Iacobus pro Rahele septem annos, qui totidem dies ei esse videbantur, tantopere eam amabat. 21. Tum postulavit a Labane, ut suam sibi uxorem in matrimonium daret, quod tempus constitutum esset completum. 22. Laban convocatis omnibus civitatis incolis convivium dedit; 23. Vespere autem Leam filiam suam ei in congressum supposuit, 24. et Silpam attribuit, quæ ei ancillaretur. 25. Mane cum Iacobus Leam videret, conqueritur erga Labanem, se ab eo deceptum esse, cum pro Rahele serviisset. 26. Laban respondet, non moris esse in civitate sua, ut natu minor prius quam natu major in matrimonium daretur. 27. Perageret modo cum hac septimanam, tum et alteram ei collocaturum esse pro aliorum septem annorum servitio. 28. Iacobus conditionem accepit et sic Rahelem quoque in matrimonium duxit, 29. cui Laban Bilham dedit, quæ ei ancillaretur. 30. Amavit vero Rahelem plus quam Leam, aliosque septem annos Labani pro ea servit. 31. Cum vero Jova videret Leam esse invisam, effecit

cit ut Lea foecunda effret, Rahel sterilis. 32. Igitur gravida facta filium peperit, quem Rubenem vocavit, vidit Jova, inquiebat, afflictionem meam, iam me vir meus amabit. 33. Iterum deinde filium peperit, quem Simeonem vocavit, dicebat enim: Jova novit me exosam esse, 'propterea mihi hunc quoque dedit. 34. Tertium peperit, cui nomen Levi dedit: jam deditus mihi erit, inquiebat, maritus meus, cui tres pepererim filios. 35. Quartum vocavit Judam, dicebat enim: jam quidem Deum laudabo. Deinde parere destitit.

CAPVT XXX

Jacobus uxorem suarum ancillas Bilham et Silpam in matrimonium ducit, quæ ei quatuor filios pariunt. Lea Issacharem, Sebulonem et Dinam parit. Jacobus reditum in Canaanem parat. Novum pactum cum socero suo super mercede sua inicit. Artificium, quod in gregibus sui compendi causa adhibet.

1. **R**ahel vero, cum se nullos ex Jacobo liberos habere videret, invidia erga sororem suam commota Jacobo dixit: fac ut ego quoque pariam, alioquin moriar. 2. Cui Jacobus iratus respondet, quasi ego Deus sim a) qui te gravidam fieri prohibet. 3. In-
eas

a) הֲתֵחַת אֱלֹהִים אֲנִי an Dei loco sum? Infra eadem phrasis Cap. 30, 19.

eas igitur, inquit Rahel, Bilham ancillam meam, ut per eam ipsa quoque prolem consequar. 4. Congressus est igitur Jacobus cum Bilha, ancilla uxoris suæ. 5. Quæ gravida facta peperit filium, 6. quem Rahel Danem vocavit, dixit enim: Deus causam meam egit, audivit preces meas, dedit mihi filium. 7. Deinde Bilha iterum peperit Jacobo filium, 8. Tum Rahel dicebat: admodum callide consistendum mihi fuit cum sorore mea; attamen prævalui, hinc nomen Naphthali accepit — 9. Cum vero Lea videret, se parere desuisse, Silpam ancillam suam dedit Jacobo in matrimonium. 10. Quæ Jacobo filium peperit, 11. quem Lea Gadum vocavit, dixit enim: fortuna favente! 12. et cum alterum filium Silpa peperisset, 13. dixit: o me felicem! quam me prædicabunt mulieres! hinc eum Ascher vocavit. — 14. Cum aliquando Ruben messis triticeæ tempore rus exiisset, invenit mandragoras, *b*) quas Leæ matri suæ domum attulit:

tum

b) יִרְיָאִים quinam fructus sint, interpretes dissentiunt.

Præter h. l. semel hoc vocabulum legitur Cant. 7, 13. *סִי סִי מַלְא מַנְדְּרִיגוֹרִים*. Sic quoque Hieronymus: *mandragoras*.

Onkelos et Syrus: יִבְרִיחִין Arabs: *أَلْح* Qui antiquiorum interpretum consensus in vertenda hac voce per-

tum Rahel petit a forore sua, ut ipsi aliquid de eis daret. 15. Illa vero respondet: quid? mariti mei amorē mihi præripuisti, jam et mandragoras cupis, quas filius meus mihi attulit? Sit ita, inquit Rahel, concumbat tecum hac nocte pro mandragoris filii tui. 16. Cum igitur Jacobus vespere domum rediret, obviam ei venit Lea et his verbis alloquitur: mecum hac nocte concumbes. Conduxi tu mihi pro mandragoris filii mei. 17. Annuit Deus votis Leæ ita ut quintum filium Jacobo pareret, 18. quem Isascharem nominavit: dixerat enim: Deus

persuasit multis eius veritatem. *Fullerus* quidem in *Miscell.* VI, 6. copiose eam defendit. Atque ex eo quoque roboris nonnihil accipit, quod Rahel hunc fructum tantopere desiderat, quæ suspecta videtur nonnullis de usu hujus fructus parum honesto. Constat enim eum olim adhibitum fuisse in philtreis parandis, unde et *Venus Mandragoræ* dicta est. A vero igitur minime abhorret, Rahelem Mandragoram, vel ad mariti sui amorē conciliandum, vel ad foecunditatem sibi efficiendam voluisse adhibere. Recte enim mihi videtur *Ill. Michaelis* observasse, errare eos, qui has sorores propter virtutes aut religionem valde commendabiles putent. Zelotypia eorum et idololatria, quam Rahel prodit, dum patris sui idola furatur, contrarium evincunt. Alii vero aliter sentiunt. In his *Celsus* in *Hierobot.* P. I. p. 1. seqq. qui *Dudaim* Sidram s. Lotum Cyrenaicum esse contendit.

Deus dedit mihi mercedem, quod ancillam meam marito meo tradidi. 19. Sextum quoque filium Jacobo peperit. 20. Tum vero dicebat: egregio munere me Deus donavit, jam maritus meus mecum habitabit, cum sex ei filios pepererim, propterea eum Sebulonem vocavit. 21. Posthæc filiam quoque enixa est, cui Dinæ nomen dedit. — 22. Tandem Deus et Rahelis recordatus est, eique, quod optabat, concipiendi facultatem dedit. 23. Peperit igitur filium, quo ablatum opprobrium suum esse lætabatur. 24. Vocavit eum Josephum, nam sperabat Jovam alterum quoque filium esse additurum. 25. Cum Jacobus hunc ex Rahele filium sustulisset, rogat Labanem ut ipsum jam dimitteret, velle enim sese jam redire in patriam suam. 26. Igitur daret sibi mulieres suas et liberos, pro quibus ei servierit: quale vero servitium ei præstiterit, ipsum bene nosse. 27. Tum Laban eum enixe rogavit, quod plane intellexisset, Jovam opes suas auxisse ejus causa, 28. ut ipse mercedem indicaret, quam dare deberet. 29. Jacobus respondet: non ignoras quo pacto tibi servierim, et quæ pecoris tui per me facta sit mutatio. 30. Non adeo multa habebas, antequam ad te venirem, jam vero aucta sunt ingentem in modum: Jova te fortunavit opera mea: quando vero incipiam rem meam curare? 31. Quid

K

igitur

igitur tibi dabo? inquit Laban. Nihil omnino mihi dabis, respondet Jacobus, si conditionem velis accipere. Pascam greges tuos eadem cura, qua antea. 32. Sed perlustrabo eos hodie omnes et separabo ex eis omnes oves punctis notatas et maculosas, omnesque nigras inter agnos, nec non capras omnes punctis aut maculis notatas. *Quidquid postea hujus generis nascetur*, hæc erit merces mea. 33. Tum mea me defendet fides s. æquitas in ipsa illa mercede mea conspicua. Quidquid non est punctatum, aut maculosum in capris, aut nigrum in ovibus, id me furatum dices. 34. Laban condiciones accepit. 35. Atque eodem illo die separavit omnes hircos versicolores et maculosos, nec non capras omnes versicolores et punctis conspersas, omnes in quibus alba macula conspiciatur, nec non omnes oves nigras: has tradidit filiis suis. 36. Jacobo vero reliquos greges, ita tamen ut utrique tridui itinere essent a se invicem separati. 37. Tum Jacobus baculos e populis, amygdalis et platanis virentes decorticavit, ita ut in singulis lineæ albæ conspicerentur. 38. Quos baculos decorticatos posuit in canalibus et aquariis, ut, cum eo venirent greges potum, sibi ex adverso collocati, coirent *juxta baculos*. 39. Quod cum factum esset, foetum edebant versicolorem, punctatum et maculosum.

Iosum. 40. Separaverat quidem agnos, sed collocavit eos ita ut versicolores et nigri ex adverso starent gregibus Labanis. Suos enim greges seorsim habebat, quos non Labanis gregibus immiscebat. 41. Baculos vero istos in canalibus in conspectum gregum tum demum ponebat, ut juxta eos coirent, quando oves vegetæ erant et alacriores. 42. Quando vero debiliores erant, baculos istos in canalibus non posuit. Hinc factum est, ut infirmiores oves Labanis essent, vegetiores vero Jacobi. 43. Sed hac ratione hujus opes mirum in modum auctæ sunt; ut greges numerosissimos haberet, ancillas et servos, camelos et asinos.

CAPVT XXXI

Jubet Deus Jacobum in patriam suam redire. Is igitur cum mulieribus suis, liberis et gregibus, clam a Labane discedit. Laban eum persequitur, sed in somnio Deus ei interdicit Jacobum ullo modo offedere. Huic reconciliatus, foedus perpetuæ amicitiae cum eo pangit.

1. **T**um relati sunt ad Jacobum sermones filiorum Labanis, quibus conquererentur ipsum patris sui opes corripuisse atque ex eis tantas sibi facultates acquisivisse. 2. Animadvertibat etiam Labanis vultum erga se immutatum. 3. Simul Jova eum jussit redire

in patriam, promisitque sese ei adfuturum. 4. Tunc Jacobus Rahelem et Leam rus, ubi cum gregibus suis erat, arcessivit. 5. Atque hunc in modum cum eis est collocutus: Video patrem vestrum mihi succensere, sed Deus patris mei me adjuvabit. 6. Nostis ipsi me omni studio patri vestro serviisse. 7. Sed me fefellit et mercedem meam decies mutavit. Verum Deus non permisit, ut me damno afficeret. 8. Si maculis minoribus notatos mihi mercedis loco promiserat, omnes greges tales pariebant: sin cruribus, versicolores praemium meum esse debere dixerat, talis erat omnis omnium gregum foetus. 9. Sic Deus ereptum patri vestro pecus mihi dedit. 10. Nuper cum arietes ovibus admitterentur, videbam in somnio admissarios omnes esse vel in cruribus notatos, vel majoribus aut minoribus maculis versicolores. 11. Quod Jovæ angelus, nomine meo in somnio me compellans, 12. propterea fieri mihi significabat, quod cognovisset injuriam, qua me Laban affecisset; 13. Se esse Deum illum, cui juxta Bethalem cippum erexissem et vota nuncupassem; simul jubebat me redire in patriam. — 14. Ad hæc Rahel et Lea respondebant: Nihil amplius ipsis in domo paterna relictum esse, 15. sese habitas esse a patre ut peregrinas, vendidisse ipsos et pretium in
suos

suos usus convertisse, a) 16. opes, quas Deus patri suo eripuisset, suas esse et liberis suis; faceret igitur omnia, quæ Deus ipsum iussisset. 17. Tum Jacobus cum liberis suis et mulieribus, qui camelis vehebantur, 18. et cum gregibus aliisque facultatibus, quas sibi in Mesopotamia acquisiverat, iter in Cananæam ad Isaacum patrem suum est ingressus. 19. Laban vero tunc ad gregum suorum tonsuram profectus erat: igitur Rahel furata est ejus penates, 20. Sic Jacobus incio Labane Syro fugit, nec quidquam de eo ipsi indicavit. 21. Cum jam Euphratem trajecisset, atque iter suum versus montem Gilead prosequeretur, 22. tertio demum die Labani narratur Jacobum fugisse. 23. Tum ille assumtis propinquis suis, septem dierum itinere eum persequens, tandem in montibus Gilead est assecutus. 24. Sed

- a) Jacobus non poterat dare dotem pro mulieribus suis. Dos ejus erat servitium, quod præstabat Labani per quatuordecim annos. Laban igitur, si æquus fuisset, pretium illud, quod serva mercenario pro opera tot annorum solvisset, filiabus suis ut dotem dare debuisset. Sed pro avaritia sua omnem utilitatem, quam ex Jacobi servitio percepit, sibi sumserat, nihil de ea reddere voluit filiabus suis; hoc innuunt dum dicant יֵאָכֵל אֶכּוֹל כֶּסֶּףנו *comedis presium nostrum*, כֶּסֶף enim h. l. est pretium, ut supra 23, 13.

24. Sed Deus Labanem Syrum noctu per somnium admonuit, caveret ne cum Jacobo iracundius loqueretur *b*). 25. Cum igitur eum conveniret (fixerat vero uterque, cum Laban, tum Jacobus, tentoria sua in monte Gilead) 26. his verbis eum alloquitur: quare me infcio fugisti? filiasque meas veluti bello captas abduxisti? 27. Cur fugam tam studiose a me occultaſti? alias enim te inter læta júbila cum tympanis et cytharis eſſem comitatus. 28. Non filias meas, non nepotes oſculari permifſiſti. Sane parum prudenter feciſti. 29. Poſſem quidem hanc injuriam ulciſci, ſed Deus patris tui me heri admonuit, ne tecum aliter quam humane agerem. 30. Sed ſit ita. Quodſi tanto paternæ domus revifendæ deſiderio tenebaris, cur vero Deos meos furatus es? 31. Reſpondet Jacobus Labani: timebam, ne forte filias tuas retineres. 32. Deos vero tuos quod attinet, penes quem eos inveneris, moriatur. Inquire, præſentibus propinquis noſtris, ſi quid tui apud me eſt, idque tibi vindica. Nefciebat enim Jacobus Rahelem Deos iſtos ſurripuiſſe. 33. Perquiſivit igitur Laban tentoria Jacobi, Lææ et duarum

an-

b) hebr. *a bono ad malum ſ. neque bonum, neque malum*. Reſpondet phraſis germanicæ, *einem nichts ſagen*, cui nempe non nimium indignamur. *ſi i* et Vulgatus ſenſum bene expreſſerunt: *μήποτε λαλήσεις κατὰ Ιακώβ πονηρά, ne quidquam inſpere loquaris contra Jacobum*.

ancillarum, nec quidquam invenit. Quo facto ingressus est Rahelis tentorium. 34. Illa vero penates istos in camelinā fella c) posuerat et super ea confedit. Cum igitur Laban omnia investigasset, nec quidquam reperisset: 35. Rahel patri sese excusavit, ne ægre ferret, quod ipsi non assurgeret, se enim esse in menstruis. Quanquam igitur Laban omnia peruestigasset, tamen penates suos non poterat invenire. 36. Tum vero Jacobus ei irascitur, atque his verbis eum objurgat: quid peccavi? aut quod delictum admisi, quod me tam acriter persequeris? 37. Omnem supellectilem meam es perscrutatus; quid reperisti quod tuum sit? pone huc in conspectu nostrorum omniū, disceptent causam nostram. 38. Per viginti annos, quos apud te egi, oves et capræ tuæ abortum passæ non sunt, nunquam arietem gregis tui comedi. 39. Si quid a feriis esset disceptum, id ad te afferre non licuit, si quid furto esset ablatum, siue interdiu siue noctu, restituendum mihi fuit, severe omnia a me exigebas. 40. Interdiu æstus solis, noctu frigus sustinui, complures

K 4

noctes

ע) בר רַמְלָה quid sit, *Schultensius* in *Animadversis philol.*

ad h. l. plane docuit. Nimirum idem vocabulum كور
apud Arabes significat *fellam camelinam opertam* et rebus
necessariis instructam, quæ parari solet mulieribus, si camelis vehuntur. cf. *Pocockius* ad *Carmen Tograi* p. 58.

noctes transegi infomnis. 41. Per viginti annos curavi rem tuam domesticam: quatuordecim annos servii tibi pro duabus filiabus et sex annos pro pecore. Decies fere pactam mihi mercedem mutasti. 42. Nisi Deus patris mei Abrahami et Isaaci mihi adfuisset, tu quidem me vacuum dimisisses. Sed rationem habuit Deus injuriæ a te mihi illatæ et laborum, quos apud te sustinui, idque hæsterna nocte probavit. 43. Ad hæc Laban respondet: filiæ meæ sunt, nec non filii, et greges: omnia omnino, quæ vides, mea sunt. Sed quid? an damnum inferam filiabus meis, aut earum filiis? 44. Age igitur, foedus pangamus, quod de mutua inter nos amicitia testetur. 45. Erexit igitur Jacob saxum in cippum, 46. jussitque propinquis suis ut lapides colligerent. Quod cum fecissent, tumulum congesserunt, super quo deinde epulati sunt. 47. Laban tumulum istum vocavit Jegarsahaduta. Jacobus vero Gilcad, 48. quod Laban dixerat: hic tumulus testis sit inter me et te. 49. *Vocavit eum quoque Mizpah*, quod ille dixerat: Jova animadvertat, postquam alter ab altero discefferimus, 50. si filias meas durius tractaveris, aut alias præter eas uxores duxeris. Nemo quidem adest, *qui sanctitatem hujus foederis defendat*, sed Deus testis est inter me et te. 51. Porro Jacobo dixit: En hunc tumulum et hunc cippum

cippum quem erexit. 52. Uterque testis sit, neque me, neque te hæc monumenta malo animo transiturum esse. 53. Dii Abrahami et Nachoris, d) Dii patris eorum litem nostram dirimant. Jacobus verò juravit per Deum, quem pater ejus Isaacus reverebatur. 54. Deinde convivium paravit in illo monte, ad quod omnes invitavit, et sic in illo monte pernoctarunt.

CAPVT XXXII

Jacobus valde sibi timet ab Esau fratre suo. Preces ejus hac de re ad Deum. Munera instruit ad placandum fratrem suum. Noctu luctatur cum angelo Dei, qui ei benedicere nomenque Jacobi in Israelis mutat.

I. **M**ane Laban cum surrexisset, nepotes suos filiasque

K 5

que

d) Abrahamus cum Nachore fratre suo antequam divinæ vocationi obsecutus esset, alienos Deos coluerat. Jos. 24, 2. Hæc igitur Laban homo superstitiosus vindices esse vult, si quis fidem datam fallat. Addit et tertium *Deum patris eorum*. — Sed circa hæc verba magnus est dissensus antiquiorum Interpretum. *Os* e ea omittunt. Cod. Sam. pro אברהם habet אברהם. Sine dubio ex vitio scribarum, cum hoc nomen præcedat. Syrus in plurali legit et cum affixo primæ personæ: *Deus patrum nostrorum*. Quæ apta esset lectio, si pluribus testibus firmaretur. Hubiganus hæc verba ejicienda censet, quod nimis audax videtur. Sensem admittunt satis commodum, siue *patris eorum*, qui fuit Terachus, siue *patrum eorum* legas.

que deosculatus domum reversus est. 2. Jacobus quoque in itinere suo perrexit, in quo ei obviam venerunt angeli Dei. 3. Quibus visis, hæc sunt castra Dei, inquit, locumque Mahanaim vocavit. ^{a)} 4. Tum Jacobus nuntios misit ad Esavum fratrem suum in regionem Spiriticam, sive campos Edomiticos, 5. eisque mandavit, ut sic Esavo domino suo dicerent: Jacobus servus tuus tibi nuntiat, se huc usque peregrinatum esse apud Labanem, 6. ibique boves, asinos, oves, servos et ancillas sibi acquisivisse; cujus rei te jam certiore facit ad gratiam et amorem tuum sibi conciliandum. 7. Nuntii ad Jacobum reversi retulerunt, se ad Esavum fratrem ejus venisse, eumque cum quadringentis hominibus ei obviam venire. 8. Quo nuntio Jacobus vehementer perterritus est, et propterea omnem familiam suam, pecus et armentum et camelos in duo agmina divisit, 9. eo consilio, ut si Esavus alterum agmen cæcidisset, alterum fuga salutem peteret. 10. Deinde vero ita precatus est: o Deus avi mei Abrahami et patris Isaaci, qui me jussisti reverti in patriam meam, mihi que benefacere promissisti. 11. Equidem indignus sum tantis beneficiis in me collatis, tantaque fide, quam mihi exhibuisti. Nihil habebam præter hunc

a) h. e. duo castra. Sua intelligit et angelorum, qui ipsum comitabantur.

hunc baculum, cum Jordanum transirem, nunc duo agmina duco. 12. Defende me a fratre meo Esavo; vereor enim, ne me aggrediatur matremque cum liberis interficiat. 13. Tu vero tuo me favore amplecti promissisti, sobolemque dare instar arenæ maris innumerabilem. — 14. Postridie ex iis, quæ tum suppetebant, munus paravit Esavo fratri suo. 15. Nempe ducentas capras et viginti hircos; totidem oves et arietes. 16. Camelos lactantes cum pullis triginta, vaccas quadraginta et tauros decem, asinas viginti et pullos asininos decem. 17. Singulos greges tradidit servis singulis; iussitque eos ipsum præire, interjecto inter singulos greges spatio. 18. Et primo quidem præcepit, ut, si Esavus ei occurreret et quæreretur, cujus esset, quo tenderet, cujus greges essent, quos ageret? 19. Responderet: esse eos Jacobi, quos domino suo Esavo mitteret; ipsum vero sequi. 20. Idem deinde etiam secundo et tertio præcepit, omnibusque qui greges illos agebant. 21. Monuitque, ut hoc dictis adderent, Jacobum ipsos sequi. Volebat enim animum ejus præmissio munere pacare, ut deinde, si cum conveniret, benigne ab eo exciperetur. 22. Sic munere præmissio ipse illa nocte mansit in agmine. 23. Eadem tamen nocte duas uxores et ancillas duas, ut et undecim filios, Jabokum flumen traduxit, 24. nec non reliqua

qua omnia quæ habebat. Quibus confectis, 25. ipse solus remansit. Tum luctatus est cum eo vir quidam usque ad ortum auroræ. 26. Qui cum videret, se non superiorem fore, femur ejus ita percussit, ut acetabulum luxaretur. 27. Tum postulavit, ut Jacobus eum dimitteret, cum jam dies instaret. Ille vero negavit se eum dimissurum esse, nisi ipsi bene esset precatus. 28. Tum vir ille, quod nomen ejus esset, quæsit. Respondet, Jacobi. 29. Non amplius Jacobus vocaberis, inquebat, sed Israel, quoniam ipsi Deo prævaluisti, e certamine cum hominibus superior quoque discedes. *b)* 30. Tum Jacobus

- b)* Quamquam sententia eorum interpretum non caret probabilitate, qui hoc in somnio visum esse Jacobo statuunt, non vigilantibus evenisse; tamen non omnia, quæ de hac apparitione narrantur, somnio videntur convenire. Primo quod Jacobus postmodum vere claudicavit, deinde quod versu 31. miratur, se Deum coram vidisse salva vita sua. Quod quidem ex opinione illa antiqua dicit, de qua ad Cap. 16, 13. verba tamen clare indicant, Jacobum in tota illa apparitione sui conscium fuisse. Volebat autem Deus hoc viso animum Jacobi anxium et timidum confirmare, ut sine timore Cananæam ingrederetur. Quod angelus divinus ei quoque promittit, dum dicit: *Deo prævaluisti, e certamine cum hominibus etiam superior discedes.* Hunc enim sensum verborum versus 29. esse, contextus et apparitionis scopus plane

bus quod nomen ejus esset, interrogavit. Ille vero, noli de eo quærere, respondit: Sed bene ei precatus ibi est. 31. Hinc Jacobus locum illum Pniel vocavit, Deum, inquit, coram vidi salva vita mea. 32. Orto jam sole cum discederet ex illo loco, vidit se

plane demonstrare mihi quidem videntur. Cum hominibus Jacobus nondum decertaverat. Illud vero certamen cum angelo debebat esse indicium felicitis eventus, si ei in posterum cum hominibus esset decertandum. Quem sensum etiam his verbis tribuerunt *οἱ ὁ, ὅτι ἐνίκησας μετὰ Θεοῦ, καὶ μετὰ ἀνθρώπων δύνατός ἐστιν*, et Vulgatus: *quoniam si contra Deum fortis fuisti, quanto magis contra homines prevalebis*. Litera Vau ante תוכל prorsus redundat, quam neque *οἱ ὁ*, neque Vulgatus expresserunt, nec tamen propterea abjicienda, uti Hubigantius censet, quis enim nescit eam, imprimis in apodosis, sæpe redundare? Legerunt eam quoque Onkelos, Syrus et Arabs, dummodo verba ועם אנשים non cum antecedentibus, sed cum ותוכל jungantur, quod respondet פורית. — פרה vero, quod præter h. l. tantum Hof. 12, 4. occurrit in simili contextu, ex auctoritate interpretum antiquiorum verti per principem s. superiorem esse. *Οἱ ὁ* et Theodotion explicant per ἐνίκησας. Aquila habet: ὅτι ἡττήσας μετὰ Θεοῦ. Symmachus: ὅτι ἡττήσας ἀπὸς Θεόν. vid. Montefalconius in Hexaplis. Syrus: אשתדית fortis fuisti cum angelo. Onkelos: רב אתך Nullus igitur notionem certandi s. pugnandi verbo פרה subjecit.

se claudicare. 33. In hujus rei memoriam Israelitæ etiam nunc vesci non solent ligamento terete, quod est ad acetabulum.

C A P U T XXXIII

Jacobi cum Esavo reconciliatio et in Cananæ adventus.

1. **C**um vero Jacobus videret Esavum advenire cum quadringentis hominibus, pueros Leæ, Rahelis et duarum ancillarum ita distribuit, 2. ut ancillas cum suis pueris primo loco collocaret, deinde Leam cum suis liberis, postremo Rahelem cum Josepho. 3. Ipse eos antecessit, et septies, dum ad fratrem appropinquabat, humi se submisit. 4. Sed Esavus ei obviam properavit, amplexus est et osculatus, utrique lacrimantes. 5. Deinde cum videret mulieres et liberos, interrogavit, quinam illi essent: respondit Jacobus esse liberos, quos Deus sibi donasset. 6. Tum accedunt ancillæ cum pueris suis et submisit Esavum salutant. 7. Idem faciunt Lea cum suis liberis, tandem etiam Rahel cum Josepho. 8. Sed quorsum greges illi, pergebat Esavus, in quos incidi? Respondit Jacobus: ad favorem domini mei mihi conciliandum. 9. Satis multa habeo, inquit Esavus, mi frater, habe tibi tua. 10. Nequaquam, inquit Jacobus, sed, si me amas, accipe munus meum. Visus sum mihi, cum te accederem, Deum adire, atque

que tu me benigne excepisti. 11. Accipe igitur munus, quod tibi a me offertur. Deo fortunante, multa habeo. Cum igitur sic Jacobus instaret, Esavus tandem munus accepit. 12. Tum hic, pergamus, inquit, ego te comitabor. 13. Ille vero respondet, vides mi domine, pueros me habere teneros, oves et vaccas lactantes: quæ si vel uno die nimium agerentur, verendum mihi esset, ne omnes greges perirent. 14. Placeat tibi me antecedere, ego lente sequar prouti pecoris et liberorum infirmitas requirit, donec ad te Seirum perveniam. 15. Tum Esavus offert partem copiarum suarum apud ipsum relinquere. Sed neque his sibi opus esse affirmavit Jacobus, dummodo favori suo ipsum commendatum habeat. 16. Igitur Esavus eo ipso die Seirum rediit. 17. Jacobus vero Succotham pervenit, ubi sibi domum extruxit, pecori vero suo tuguria; unde et locus ille nomen Succoth accepit. — 18. Tandem salvus ex peregrinatione sua in Mesopotamia pervenit Sichemum, Cananæ oppidum, castra sua ante oppidum posuit, 19. atque campos illos, in quibus tentoria sua tetenderat, ab Chamoris filiis, Sichemi patris, centum Kesitis *) emit. 20. Ibidem altare extruxit, quod, Deus est Deus Israelis, nominavit.

CAPUT

*) קשיתא quid sit, incestum. Pecunia signata esse non potest,

CAPUT XXXIV

Dina a Sichemo stupratur, qui tamen eam in matrimonium sibi a Jacobo et filiis ejus expetit. Quod quidem hi promittunt, sed contra promissum perfide injuriam sibi illatam ulciscuntur.

1. **A**liquando Dina, Jacobi filia, quam ex Lea sustulerat, egressa est ad-visendas illius regionis puellas.
2. Qua occasione vidit eam Sichemus, filius Chamoris Chivæi, principis illius regionis, atque incensus amore puellæ, ei per vim stuprum intulit.
3. Sed quod revera summo ejus amore erat correptus, solari eam omni modo studuit.
4. Atque a Chamore patre suo flagitavit, ut eam sibi in matrimonium acciperet.
5. Jacobus cum certior factus esset de eo, quod Dina ejus filia esset corrupta, expectavit filiorum suorum adventum, qui tunc ruri erant apud greges.
6. Interea Chamor pater Sichemi Jacobum convenerat, ut hac de re cum eo ageret.
7. Sed cum Jacobi filii rure rediissent, re cognita vehementer commoti sunt, gravemque iram conceperunt, de
flagi-

.. potest, cujus tanta non est antiquitas. *Faber* ad *Harmarum* P. II. p. 18. probabilem attulit conjecturam: *Kesita* fuisse vas argenteum aut aureum fabricatum. Cujus generis vasa antiquissimis temporibus in negotiis loco pecuniæ, et sic quoque in muneribus in usum fuerint. Præter h. l. extat *Jos. 24, 32.* et *Job. 41, 11.*

flagitio erga Israelis patris sui filiam commisso nullo modo excusando. 8. Attamen Chamor cum eis hunc in modum egit: Sichemus filius meus vehementer amat sororem vestram. Rogo igitur vos, ut eam ipsi in matrimonium detis. 9. Affinitatem nobiscum contrahite, filias vestras nobis date in matrimonium, nostras vobis elocabimus. 10. Habitate inter nos, terra vobis patet, incolite eam, negotiamini et fundos in ea vobis compareate. 11. Sichemus quoque patrem et fratres Dinæ rogavit, ut huic ipsi favorem et benevolentiam exhiberent, se quidquid ei imponerent daturum esse. 12. Dotem vel maximam et munera largissima pro lubitu postularent, se omnia dare velle, modo ipsi puellam non dene-garent in matrimonium. — 13. Ad hæc Jacobi filii ^{a)} Sichemo ejusque patri Chamori dolose respondent; quoniam ille sororem suam vitiaverat; 14. se non posse sororem suam homini præputium habenti dare, quod sibi probrosum foret. 15. Sed tum se velle votis eorum annuere, si se ipsis accommodarent, omnesque mares suos circumciderent; 16. tunc se filias suas eis elocatuuros esse et vicissim eorum filias sibi sumtuuros, et simul habitantes in unum populum coalituuros. 17. Sin minus, se sororem suam vi esse abduçtuuros. — 18. Placebat

L.

con-

a) cf. Cap. XXIV, 50. not. d)

conditio Chamoro ejusque filio Sichemo. 19. Neque differebat adolescens eam implere. Captus enim erat amore puellæ et maximi habebatur a familia paterna. 20. Utrique igitur in forum oppidi veniunt, atque civibus demonstrant: 21. *Jacobum ejusque familiam* homines esse pacato erga se animo, velle eos terram incolere et peragrarè, quæ fatis spatiosa sit et eorum vitæ generi accommodata; volunt nobiscum, inquiebant, mutua matrimonia inire. 22. Sed sub hac tantum conditione apud nos habitare, et in unum populum coalescere volunt, si mares, qui sunt inter nos, circumcidantur, quemadmodum ipsi circumcisi sunt. 23. Se quidem auctores esse et suafores, ut eis hac in re concedatur: nam si sic una habitarent, pecora eorum, facultates et jumenta sua fore. 24. His Chamoris et Sichemi dictis morem gesserunt omnes oppidani, maresque circumcidi passi sunt. — 25. Tertio die post, quo maxime ex vulnere dolorem sentiebant, duo Jacobi filii, Simeon et Levi, fratres germani Dinæ, cincti gladiis audacter oppidum invadunt, omnesque mares interficiunt. 26. In his Chamorem ejusque filium Sichemum, ex cujus ædibus Dinam abducunt. 27. Reliqui vero Jacobi filii trucidatos spoliant et urbem diripiunt, quod soror eorum in ea esset vitata. 28. Pecus eorum et armentum

tum et afinos, omnia quæ in urbe aut in agris essent, auferunt. 29. Omnes facultates, infantes et mulieres deprædantur, et captivos abigunt, omnia omnino quæ in ædibus inveniabant. 30. Jacobus vero conquestus est cum Simeone et Levi, quod se in tantum salutis periculum odiumque incolarum Cananæorum et Phereſæorum adduxissent. Se quidem esse numero paucos; illos igitur conjunctis viribus se suamque familiam aggressuros esse, et perdituros. 31. Illi verò regerebant, non æquum esse, ut promeretrice habita esset soror ipsorum.

CAPUT XXXV

Jacobus jussu Dei Bethalem proficiscitur ad sacra ibi facienda; antea tamen tollit e familia sua idola. Quo facto Bethel aram Jovæ exstruit. Moriuntur Debora nutrix Rebecca et Rabel in partu Benjaminis. Ruben concumbit cum noverca sua Bilha. Filii Jacobi.

Mors Isaaci.

1. **N**on ita longe post jussit Deus Jacobum Bethalem proficisci, ibi habitare et aram exstruere, quam ipsi fovisset, cum ei in fuga ab Esau fratre suo comparuisset. 2. Tum Jacobus omnibus domesticis suis præcepit, ut deos peregrinos a se removerent, sese lavarent, vestesque mutarent; 3. Profecturos esse se Bethalem, ibi velle se aram exstruere Deo, qui preces suas difficillimis illis temporibus exaudiverit,

et in illa peregrinatione sua adjuverit. 4. Tradunt igitur simulacra deorum peregrinorum et in aures Jacobo, qui ista omnia sub terebintho, quæ Sichemi est, abdedit. 5. Quo factò castra movent. Deus vero tantum terrorem iniecit urbibus finitimis, ut non auderent persequi Jacobi filios. 6. Venit igitur Jacobus *salvus et incolumis* Lufam (quæ urbs fuit Cananæ, jam Bethel dicta) una cum suis omnibus. 7. Ibi aram exstruxit et locum illum Deo sacrum Bethel ^{a)} vocavit, quod ibi in fuga a fratre suo Deum viderat. 8. Tum quoque Debora nutrix Rebecca mortua est et sepulta juxta Bethel sub quercu, quæ propterea quercus lucus vocata est. ^{b)} —

9. De-

^{a)} Vocavit **לְמָקוֹם אֵל בֵּית-אֵל** vulgo explicatur per ellipsin substantivi **מָקוֹם** repetendi ex antecedenti: vocavit locum *locum Dei Bethelis*. Sed paulo durior videtur hæc ellipsis. Secutus sum in versione Ill. *Michaelem*, qui verba sic jungit: Vocavit **לְמָקוֹם אֵל** *locum Dei*, h. e. locum Deo sacrum, *Bethel*. Sic **מָקוֹם דָּוִיד** mons Moria vocatur, in quo David sacra fecit, 2 Paral. 3, 1. et 1 Paral. 26, 27. **מָקוֹם** *מִן הַמִּזְבֵּחַ* de templo dicitur, vid. Bibl. Or. P. IX. p. 200.

^{b)} Mors Debora, nutricis Rebecca, commemoratur a Mose, non quod dignior videretur afferri quam mors Rebecca, de qua nihil memorie prodidit, sed quia originem nominis illius quercus voluit indicare, quæ ejus ævo adhuc perdurabat.

9. Deinde Deus iterum apparuit Jacobo, postquam ex Mesopotamia redierat, eique bene precatus est 10. his verbis: Non amplius Jacobus, sed Israel vocaberis (hinc id nomen ei inditum est). 11. Ego sum Deus summus, inquit, augearis multa sobole, gentis immo complurium gentium pater eris, et reges ex te originem suam deducant. 12. Terram, quam Abrahamo et Isaaco promisi, tibi dabo, nempe posteris tuis. 13. His dictis ex loco, in quo cum eo locutus fuerat, discessit. 14. Jacobus vero in illo loco statuam lapideam erexit, quam vino et oleo perfudit. 15. Locum ipsum Bethalem nominavit. 16. Cum inde castra movissent, et milliari fere germanico abessent ab Ephrata, c) peperit Rahel, et quidem difficulter. 17. In quo partu, cum eam obstetrix sine metu esse juberet, quod filiam esset enixa,

bat; quod et in aliis facere solet: in nomine urbis Zoar 19, 22. Bethelis 28, 9. Quam maxime erat e consilio Mosis, ut Israelitæ in locis illis aliqua de re memorabilibus majorum suorum recordarentur et promissionum, quas accepissent.

- c) Tam longe distare sepulcrum Rahelis a Bethlehemo, quod h. l. antiquo suo nomine Ephrata vocatur, probant scriptores Geographici. vid. *Bachien* in *Palästina* Tom. II. P. II. p. 1. seqq.

enixa, 18. illa animam agens (moriebatur enim) eum Benoni vocavit, pater vero Benjamin. 19. Sic Rahel mortua est et sepulta in via versus Ephratam, quæ jam Bethlehem nominatur. 20. Jacobus vero cippum erexit in ejus tumulo, qui etiamnum cippus Rahelis vocatur. 21. Inde Israel castra movit, posuitque tentoria sua ultra turrem Eder. 22. In qua regione cum habitaret, Ruben concubuit cum Bilhæ concubina patris sui, quod ei etiam non latuit. — Habebat vero Jacobus duodecim filios, 23. quos ex Lea sustulerat, primogenitus erat Ruben, alter Simeon, porro Levi, Juda, Isaschar, Sebulon. 24. Rahelis filii erant Josephus et Benjamin. 25. Bilhæ ancillæ Rahelis, Dan et Naphtali. 26. Silpæ vero ancillæ Leæ, Gad et Ascher. Qui omnes sunt filii Jacobi, nati in Mesopotamia. 27. Tandem ad Isaacum patrem suum venit Mamrem, *prope* Niriath Arba, quæ Hebron jam dicitur, ibi Abrahamus et Isaacus commorati sunt. 28. Vixit autem Isaacus omnino centum et octoginta annos, 29. tandemque ex hac vita discessit et ad populares suos collectus est senex decrepitus. Sepeliverunt eum Esavus et Jacobus, ejus filii.

CAPUT XXXVI

*Genealogia Esavi et series tribuum, quæ ex filiis ejus aut
nepotibus vocatæ sunt. Nonnulla de antiquis montium
Sciriicarum incolis. Reges Edomitæ
usque ad tempora Moſis,*

1. **H**æc est genealogia Esavi, qui et Edomus vocatur. 2. Esavus in matrimonium duxit mulieres Cananæas, Adam Elonis filiam Chittæam, et Oholibamam filiam Anæ, qui filius a) fuit Sibeonis Chivvæi. 3. Et Basmatham filiam Ismaelis Nebajothi sororem. 4. Ex Ada sustulit Eliphasum, ex Basmatha Reuelem, 5. Ex Oholibama, Jeuschum, Jalamum, Korachum. Qui omnes Esavo nati sunt in terra Cananæa. 6. Ex qua migravit una cum mulieribus suis et liberis et familia, cum pecore et gregibus omnibusque opibus, quas in Cananæa acquisiverat, cum se a Jacobo fratre suo separaret. 7. Majores enim erant eorum facultates, quam ut una

a) Pro בן-צבעון legendum esse בת-צבעון dubio caret. Non solum propter auctoritatem Cod. Sam. et versionis græcæ et syriacæ, sed etiam propter versum 24, ubi inter filios Sibeonis Ana nominatur, et in versu 29. post ducem Sibeonem vocatur dux Ana. Plura vide apud *Hugianium* et *Michaelem* in Dissertat. de Troglodytis, quæ legitur in Syntagm. Commentt. P. I.

na habitare possent: non poterat terra, in qua peregrinabantur, greges eorum alere. 8. Inhabitavit igitur regionem montanā Seiri. Ab illo Esavo originem deducunt Edomitæ, 9. atque hæc est ejus genealogia: 10. Nomina filiorum Esavi sunt: Eliphasus Adæ et Reuel Basmathæ filius. 11. Eliphasus filios habuit sequentes, Temanem, Omarem, Zephoum, Gathamum et Kenasum. 12. Ex concubina vero Timna sustulit Amalekum. Illi vero sunt filii Adæ, uxoris Esavi. 13. Reuelis filii erant Nachat, Serach, Schama et Missa: qui sunt posteri Basmathæ uxoris Esavi. 14. Oholibama, filia Anæ filii b) Sibeonis itidem Esavi uxor peperit Jeuschum, Jalamum et Korachum. — 15. Principes c) ex Esavo orti, sunt sequentes, et quidem ex Eliphaso ejus primogenito: Toman, Omar, Zepho, Kenas, 16. Korach, Gatham, Amalek: hi terram Edomiticam

b) vid. v. 1. not. a).

c) *Principes* s. *duces* sunt intelligendi de tribubus, in quas Edomitæ fuerunt distributi. Quemadmodum enim Isae- litæ suis tribus diviserunt secundum numerum et nomina progenitorum suorum, quarum tribuum singulae suos principes et duces habuerunt: sic quoque Edomitæ ex numero filiorum Esavi suos principatus s. ducatus diviserunt. Hinc est, quod primo nomina filiorum et nepotum Esavi leguntur, deinde eadem nomina ab hoc versu reperiuntur, ut nomina principatum s. tribuum.

cam incoluerunt, atque ex Ada originem deducunt.
 17. Reuel filius Efavi hos habuit filios principes:
 Nachatum, Seracham, Schamam, Missam, terram
 Edomiticam inhabitantes, Basmathæ posteros. 18. Ex
 Oholibamæ filiis, quæ etiam Efavi uxor fuit, et
 Anæ filia fuerunt principes, Jeuscha, Jalam, Korach,
 19. Hi igitur Efavi, qui Edom dicitur, filii, prin-
 cipes *regionum, quas incolabant*, fuerunt. — 20. Sei-
 ri Choritæ, *primi* terræ incolæ, filii fuerunt Lodan,
 Schobal, Sibeon et Ana, 21. Dischon, Ezer, Di-
 schan: qui etiam illius regionis principes fuerunt,
 22. Lodani filii erant Chori et Hemam. Soror Lo-
 dani vocabatur Timna. 23. Schobalis filii erant:
 Alvan, Manachat, Ebal, Schepho et Onam. 24. Si-
 beonis filii: Aja d) et Ana: Hic est ille Ana, qui
 thermas in deserto invenit, cum aſinos Sibeonis pa-
 tris pasceret. 25. Anæ filius: e) Dischon, et filia
 Oholi-

d) Litera Vau, quæ in textu hebræo legitur ante נֶאֱמַר abest
 in Cod. Samaritano et versionibus omnibus præter utrum-
 que Arabem. Quorum auctoritas tanta non esse videtur,
 ut suspicio iusta, deesse nomen, oboriatur.

e) In textu quidem legitur formula vulgaris: *hi sunt filii*
Anæ, quanquam unus Dischon sequatur. Sed videtur, ut
 in præcedentibus, ita hoc loco quoque esse servata; neque
 dissensus antiquiorum interpretum satis probat unum alte-
 rumque nomen scribarum errore excidisse. Offenderunt

Oholibama. 26. Ille vero filios habuit: Chemdan, Eschban, Jithran et Ceran. 27. Ezeri filii: Bilhan, Saavan, et Akan. 28. Dischanis filii: Uz et Aran. 29. Hi igitur principes sunt Choritarum: Lodan, Schobal, Sibeon, Ana, 30. Dischon, Ezer, Dischan, diversos principatus constituentes in regione Seir. — 31. Reges Edomitum, antequam Israelitæ reges haberent, 32. fuerunt Bela Beoris filius, sedes regni ejus erat Dinhaba. 33. Bela mortuo, regnavit Jobab Serachi filius Bozrensis. 34. Cui successit Chuscham Themanita, 35. atque huic Hadad Bedadi filius, qui Midianitas in campis Moabiticis clade profligavit: Regia ejus fuit Avith. 36. Post Hadadum Samla regnavit Masrekita. 37. Post Samlam Saulus Rechobothi ad Euphratem natus. 38. Saulo in regno successit Baal Chanan Achboris filius. 39. Quo mortuo regnum cepessivit Hadar, qui Paum sedem regni elegit: uxor ejus fuit Meheta-beel, filia Matredi quæ Mesahabi filia fuit. — 40. Hi quoque ex Esavi posteris principes fuerunt gentium suarum, sedibus et nominibus diversi: Timna,

fortasse in illa formula, quæ sequentibus contradicere videbatur. Hinc vulgatus interpretes vertit: *habuitque filium Dison*. Syrus vero ex filia Oholibama facit filium: *Hi sunt filii Ana, Dischon et Oholibama*. Sed Cod. Sam. Onkelos et Arabs consentiunt in lectione recepta.

na, Alva, Jetheth, 41. Oholibama, Ela, Phinon, 42. Kenas, Teman, Mibzar, 43. Magdiel, Iram. Hi principes omnes terram Edomiticam in diversis tractibus s. provinciis tenebant. Ex Esavo vero Edomitæ originem deducunt.

CAPUT XXXVII

Josephus propter amorem patris in ipsum, et propter famina, qua futuros ejus honores ominabantur, fratribus suis sit inuisus, qui eum in Aegyptum vendunt, patri vero persuadens eum a fera esse discerpsum.

1. 2. **S**equitur historia eorum, quæ Jacobo acciderunt, quum in Cananæa habitaret, in qua antea etiam pater ejus fuerat commoratus. Josephus anno ætatis septimo decimo greges pascebat una cum fratribus suis. Sed cum puer adhuc esset, utebatur maxima consuetudine eorum ex fratribus suis, quos pater ex Bilhâ et Silpa susceperat: et deferabat ad patrem malos rumores, qui subinde de iis spangebantur. 3. Amabat vero Israël Josephum præ cæteris filiis suis omnibus, quod eum senex genuerat, eumque tunica versicolori donaverat. 4. Quod cum viderent fratres ejus, multo magis eum oderunt, ita ut ne salutare quidem possent. 5. Aliquando somnium viderat. Quod cum eis narraret, odium eorum adversus ipsum magis adhuc excitavit. 6. Tale
vero

vero erat somnium illud: 7. maipulos, inquiebat; colligebamus in agro. Is quem ego feceram, stabat erectus. Sed vestri meum cingebant et venerabantur. 8. Fratros respondebant: Ita rex noster eris; nobisque imperabis? Hinc majori odio eum propter istud somnium persecuti sunt. 9. Deinde iterum somnium vidit, quod fratribus suis his verbis exposuit: videbam in quiete solem et lunam et undecim stellas me venerari. 10. Quod cum non solum fratribus, sed et patri narraret, hic eum objurgabat: quale est, inquit, somnium istud, quod somniasti? Num ego et mater tua et fratres te humi supplices veneremur? 11. Fratres quidem ei multo magis invidebant, pater vero illud somnium alta mente repositum servavit. — 12. Aliquando cum fratres Josephi greges patris sui ad Sichemum pascere: 13. dixit ei pater, velle se eum ad fratres suos mittere. Josephus se paratum esse respondit. 14. Abi igitur, inquit ille, Sichemum et vide num valeant fratres tui et greges, et quid agatur, mihi renuncia. Ita dimissus e valle Hebronis venit Sichemum. 15. Ibi offendit eum aliquis in agro errantem, eumque interrogavit, quem quæreretur? 16. Quæro fratres meos, respondet, nostine ubi jam pascant? 17. Audivi, inquit ille, cum hinc discederent, eos dicere, se velle Dothanam abire.

Jose-

Josephus igitur eos Dothanam subsecutus ibi quoque fratres suos invenit. 18. Qui cum eum ex longinquo viderent, antequam ad eos venisset, consilia de eo interficiendo inierunt. 19. En, inquebant, fomniatorem! 20. occidamus eum et abiciamus in cisternam, deinde fingamus eum a feris esse devoratum; tum apparebit, quem eventum habitura sint ejus somnia. 21. Quæ cum Ruben audiret, studuit conservare Josephum, et fratres a nece patranda est dehortatus. 22. Sed suavit, ut eum vivum demitterent in cisternam, quæ in solitudine esset. Quod eo consilio fecit, ut eum manibus eorum ereptum redderet patri suo. 23. Igitur cum Josephus ad fratres suos venisset, eum, detracta tunica versicolori, qua indutus erat, 24. demiserunt in cisternam illam aqua vacuum. 25. Cum cœnarent, videbant agmen Ismaelitarum, qui ex Gileaditide venientes cum camelis styrace, resina lentiscina et ladano onustis Aegyptum petebant. 26. Tum Juda fratribus suis inquit, quid proderit nobis fratrem interficere, et deinde necem istam celare? 27. Vendamus eum potius Ismaelitis, et sic abstinemus a cæde in fratre commissa. Probarunt hoc Judæ consilium omnes. 28. Et cum mercatores illi Midianitici præterirent, Josephum e cisterna extractum eis vendiderunt viginti siclis argenteis, qui eum secum in Aegyptum abdu-

abduxerunt. — 29. Deinde cum Ruben Josephum in ista cisterna non invenisset, scissis vestibus 30. venit ad fratres, dixitque, puer est occisus, quo me vertam nescio. 31. Illi vero mactarunt hoedum et tunicam Josephi sanguine truentarunt. 32. Deinde eam ad patrem miserunt, ut videret, num hæc tunica, quam invenissent, sit tunica filii sui, nec ne. 33. Jacobus statim eam agnovit: Est, inquit, tunica filii mei, quem fera bestia devoravit, laceratus est Josephus! 34. Suas deinde vestes scidit et vestitu lugubri indutus diu luxit filium suum. 35. Et quanquam ad eum consolandum omnes ejus filii et filiae venirent, noluit tamen consolationem admittere: Brevi, dicebat, descendam præ mœrore ad inferos ad filium meum. Sic luxit eum pater! 36. Midianitæ vendiderunt Josephum in Aegypto Potifari aulico Pharaonis satellitum principi.

CAPUT XXXVIII

Juda matrimonium et tres filii. Ejus incestus cum nuru sua, quæ gemellos parit.

1. **A**liquando a) Juda se separaverat a fratribus suis,

b) בעת ההיא *Illo tempore.* At enim verò quæ in hoc capite narrantur, eodem tempore, quo Josephus venditus est, facta esse non possunt. Quod ex annorum computatione

luis, et tentoria sua versus austrum tendens *b)* vicinum habuit virum Adullamiticum, nomine Chiramum. 2. Ibi vidit filiam Cananitæ, cui nomen erat Schuæ, quam in matrimonium duxit. 3. Peperit ea filium, quem Erum vocavit. 4. Alter ejus filius Onan, 5. et tertius Schela nominabatur. Commorabatur vero Juda, cum hic ei nasceretur, Chesibæ. — 6. Primogenito suo filio Ero uxorem dedit Thamarem. 7. Sed

tione facile potest doceri. Nam ab eo tempore, quo Josephus in Aegyptum pervenit, usque ad demigrationem Jacobi cum familia sua in Aegyptum non plures anni præterierunt, quam tres et viginti. Quod temporis intervallum nimis breve est, quam ut Juda tres filios gignere, eos in matrimonium dare, atque ex hujus sua iterum duos filios tollere potuisset, quorum alter, cum Aegyptum ingrederentur, etiam duos filios habebat. Cap. 46, 8. 12. — Igitur hæc historia sine dubio referenda est ad primos annos reditus Jacobi ex Mesopotamia, de quo Cap. 33, 17. בעת ההיא vero late dicitur de omni tempore vel præterito vel sequenti, ut Græcorum τότε in Nov. Test. cf. Clericus in Comment. ad h. l. — Astrucius in Conjectures sur la Genèse p. 388. difficultatem ex hypothesi sua ita solvit, ut dicat hanc historiam pertinere ad fragmentum, quod B vocat, et jungendum esse cum Cap. 33, 17. Culpericopæ ex aliis fragmentis inserta sint Capp. 34-35. 36. 37.

b) hebr. ירד descendit, h. e. versus austrum profectus est. Adullam enim in valle Judæ sita erat.

7. Sed cum ille Jovæ minus probaretur, præmatura morte eum sustulit. 8. Juda igitur jussit Onani, ut ex jure consanguinitatis cum fratris uxore congregaretur c), ejusque nomen in filio servaret. 9. Onan vero, quod sciebat liberos non futuros esse suos, concubitum cum ea, profusione seminis fecit infructuosum. 10. Quod Deo adeo displicuit, ut et hunc præmatura morte puniret. 11. Tum Juda Thamarem nurum suam jussit viduam manere apud parentes suos, donec Sela filius ejus natu minimus adolevisset: cavere enim volebat, ne et hic ante tempus moreretur. Rediit igitur Thamar ad parentes. — 12. Post tempus bene longum mortua est uxor Judæ, filia Schuæ. Quam cum pro more luxisset, profectus est cum Chiramō amico suo Adullamita Thimnam ad pecustondendum. 13. Quod cum Thamari nuntiatum esset, 14. depositis viduitatis vestimentis et sumto peplo quo se obvolvit, confedit ad portam urbis Enajim in via qua Thimnam itur. Sciebat enim Schelam adolevisse, neque tamen se ei in matrimonium datam esse. 15. Juda cum eam videret, scortum esse existimavit, quod facie erat obvoluta:

c) De hac lege optime egit Ill. *Michaelis* in Jure Mos. P. II. p. 186. seqq. Ex hoc loco apparet legem hanc fuisse antiquissimam inter Orientales, et Mosē ejus rigorem tantum mitigasse, Deut. XXV.

voluta: 16. defleat ad eam de via petiitque, ut ipsa sui copiam faceret: ignorabat enim nurum suam esse. Illa, quid mihi dabis? inquit. 17. Mittam tibi, respondet hic, hoedum. Tum illa, si mihi pignus dabis donec *hoedum* miseris. 18. Quale vero pignus, inquit ille, vis ut tibi dem? sigillum, respondet, cum filo *de quo pendet, d)* et baculum, quem manu tenes. Quæ cum dedisset, inivit eam gravidamque fecit. 19. Illa vero peplo deposito induit vestes quibus antea usus erat. 20. Juda vero misit hoedum per amicum suum Adullamitam, ut mulier ei pignus redderet. 21. Quam cum non inveniret, interrogat incolas illius loci, ubinam sit meretrix, quæ in via ad Enajim sedisset. Verum illi negant meretricem ibi fuisse. 22. Reversus igitur ad Judam ei renunciavit, non inventam esse a se meretricem istam, atque adeo homines illius loci negare, fuisse ibi meretricem. 23. Respondet Juda: sibi habeat *illa* quæ dedi, neque amplius de ea quæremus, ne aliis ludibrio simus: misi hoedum et tu eam non invenisti. — 24. Tribus circiter mensibus post nuntiatur Judæ, Thamarem nurum

d) Solent nempe familiarum principes sub veste superiore sigillum in loculo et in filo munitum gestare, vid. *Paulsen von der Regierung der Morgenländer* p. 307.

nurum suam ex scortatione gravidam esse. Tum Juda eam educi jubet et igne comburi. 25. Illa vero, cum jam ad supplicium duceretur, mittit ad socerum: se a viro, cujus hæc essent, gravidam factam esse, recognosceret cujus hic sit annulus et filium et baculus. 26. Juda statim agnovit suam et confessus est illam non tam quam se ipsum in culpa esse, quod filium suum Schelam ei non in matrimonium dederit. Postea verò non amplius cum ea est congressus. 27. In ipso partu enixa est gemellos. 28. Alterius manus obstetrix alligavit filium coccineum, quod eum existimabat primum esse proditum. 29. Sed manu reducta frater ejus prodit. Tum obstetrix dixit: quanta vi erupisti: tua est hæc culpa. Hinc nomen Pherez accepit. 30. Deinde frater ejus prodit cum filo coccineo, qui Serachus dictus est.

CAPUT XXXIX

Josephus in Aegypto Potifar venditur, cujus favorem sibi conciliat. Ab uxore ejus tentatur ad concubitum, sed frustra. Propterea falso a muliere accusatur et in carcerem conjicitur. Verum etiam ibi favorem inspectoris experitur.

1. **J**osephum in Aegyptum deductum ab Ismaelitis emit Potifar aulicus Pharaonis, satellitum princeps Aegyptius. 2. Cujus in ædibus cum esset, Jova ei inprimis

inprimis favit, omnibusque conatibus ejus felicissimos largitus est successus. 3. Quod cum dominus ejus animadverteret, 4. eum et ipse tantopere amare incepit, ut ejus ministerio uteretur, domui suae praeferret, et omnia ejus fidei committeret. 5. Ex quo tempore Jova multo magis res Aegyptii fortunavit, ut in omnibus, domi forisque, favor et benevolentia Jovæ conspicua esset. 6. Hinc factum est ut Potifar omnia Josepho committeret, nec ullius rei rationem ab eo repeteret, nisi victus fui. a) — Erat autem Josephus facie et forma admodum pulchra. 7. Quae causa fuit, ut non ita multo post uxor Potifar's amore Josephi capta eum ad concubitum sollicitaret. 8. Sed ille renuens, vides, inquit, herum meum nullius rei, quae apud ipsum agatur, curam gerere, atque omnia fidei meae commisisse. 9. Non est in hac domo, qui mihi praefertur, nec ulla re mihi interdixit, nisi te una, quae quidem sis ejus uxor; et quomodo ego tam gravi scelere Deum offendam? 10. Cum vero quotidie ejusmodi sermonibus eum sollicitaret, nec tamen ille in concubitum aut congressum eum res consentiret, 11. ac-

a) Quoniam Aegyptiorum victus diversus erat ab Hebraeorum victu, Cap. 43, 32. Potifer tantum victus sui curam gessit, neque eum, uni reliquis, voluntati Josephi permisit.

11. accidit ut negotiorum causa aliquando in gynaeceum veniret, cum nemo de aliis domesticis ibi esset. 12. Tum illa veste superiore eum tenuit et ut secum concumberet, petiit. Ille vero relicta veste aufugit. 13. Mulier cum videret eum vestem reliquisse et fugisse: 14. convocavit domesticos, eisque quid accidisset hunc in modum narravit: Videte, hominem Hebraeum ad nos introduxit, ut nos vitaret. Veniebat ille volebatque me comprimere. Sed cum quantum possem clamarem, 15. ille clamore perterritus vestem mihi reliquit et fuga se proripuit. 16. Quam vestem servabat, usque dum herus ejus domum venisset. 17. Cui eodem modo rem narravit: Servus iste Hebraeus, quem in domum recepisti, voluit me vitare. 18. Cum vero ego clamorem tollerem, relicta veste foras aufugit. 19. Herus his mulieris suae dictis ira commotus, 20. jussit Josephum in carcerem ^{b)} conjici, in quo captivi

^{b)} De originatione vocabuli **סֹבֵר** quod tantum h. l. et sequenti capite v. 3. 4. legitur, quarunt lexicographi. Carcerem intelligi contextus docet, atque ipsius vocis, quae addita est, explicatio. Sed linguae cognatae varias offerunt voces, cum quibus hebraea conferri potest. Dicam tantum de una, quam Simonis in Lexico suo posuit: nimirum vocem Syriacam **ܣܘܒܪܐ** contulit, quae *aurum*

seu

captivi regis servabantur. 21. Verum etiam ibi Jovæ favorem expertus est. Etenim conciliabat ei favorem et benevolentiam præfecti carceris. 22. Ita ut hic ei curam omnium reliquorum captivorum mandaret, et omnia per eum administraret. 23. Nihil eorum, quæ ei commisisset, amplius curabat præfectus carceris, quod Jova Josepho aderat, omnesque ejus conatus prosperabat.

CAPVT XL

Josephus duobus regis Pharaonis aulicis in carcerem con-
jectis somnia interpretatur.

Posthæc accidit, ut princeps pincernarum et princeps pistorum regis Aegypti eum admissio scelere offendissent, 2. propter quod Pharaon his duobus aulicis suis iratus factus 3. jussit ut in carcerem conjicerentur,

M 3

tur,

seu *arcem* significat. *Michaelis* in Biblioth. Or. IX. p. 103. suspicatur vocabulum hebraicum fortasse cum Chet scribendum esse, ut sic huic syriaco proxus respondeat; cujus conjecturæ pretium *Kennicottii* collatio Codd. debeat definire. Quam cum inspicerem, inveni utique codicem citari 244, in quo versu 20. scriptum extet vocabulum dubium per Chet; sed semel tantum in illo loco. In reliquis ubi repetitum est, hæc lectio non invenitur. Igitur in illo loco scribæ error est, qui ob literarum similitudinem facile potuit committi.

tur, qui esset in ædibus principis satellitum, in quibus Josephus captivus tenebatur. 4. Quorum curam ille quoque Josepho commisit. Ibi cum per annum fuissent, 5. uterque cum pincernarum, tum pistorum princeps una nocte somniarunt, sed diversæ sententiæ somnia. 6. Mane cum ad eos Josephus venisset, tristesque vidisset, 7. interrogabat eos, quid tristes essent. 8. Illi respondebant se somnia vidisse et neminem esse qui ea explicaret. Dei quidem est, regerebat Josephus, somnia interpretari. Sed narrete mihi *somnia vestra*. 9. Tum pincernarum princeps somnium suum his verbis Josepho narravit: Visus sum mihi videre in somno vitem, 10. in qua tres essent palmites. Mox gemmas videbatur protrudere, florere, et uvæ maturescere. 11. Ego vero Pharaonis poculum manu tenebam. In quo cum succum illarum uvarum aqua temperassem a), illud ei tradebam. 12. Explicatio somnii tui, inquebat Jo-

a) *כֶּמֶס* tantum h. l. per Sin, alias per Schin significat *jugulare, mactare*. Quæ notio cum h. l. parum apta videretur, interpretes antiquiores omnes et complures ex recentioribus per *exprimere* verterunt. Sed *Schultensius* in *Animadv. philol.* ad h. l. negavit ex ulla linguarum cognatarum posse hanc significationem probari; phrasin vero tristissimam esse docuit apud Orientales, *jugulare vinum, pro miscere*. Digna est illa observatio quæ tota legatur.

Josephus, est hæc: tres palmites significant totidem dies. 13. Quibus exactis Pharaon te arcesset et muneri tuo iterum præficient, ita ut ei poculum sicuti antea porrigas. 14. Memineris mei cum bene tibi erit, atque id beneficii mihi tribue, ut mei mentionem facias apud regem, et dimissionem ex hac domo procures. 15. Raptus enim sum ex Ebræorum regione, neque hic quicquam commisi quod carcere dignum esset. — 16. Pistorum præfectus cum videret fausta prædixisse Josephum, dicit ei: Ego vero videbar mihi in capite ferre tria canistra perforata s. reticulata. 17. In quorum summo varii generis cibi pistorii erant pro Pharaone, quos volucres comedebant ex illo canistro in capite meo. 18. Respondet Josephus: hæc est somnii interpretatio: tria canistra sunt tres dies; 19. quibus exactis iussu Pharaonis e-patibulo suspenderis, tum vero pascuntur volucres carne tua. 20. Tertio die post, qui dies natalis erat Pharaonis, hic convivium paraverat amicis suis, quo et principem pincernarum et pistorum præfectum arcessi iussit. 21. Illum quidem muneri suo iterum præfecit, ut poculum ipsi porrigeret. 22. Illum vero suspendi iussit, quemadmodum Josephus ei prædixerat. 23. Pincernarum autem præfectus immemor fuit Josephi.

CAPVT. XLI

Josephus Pharaonis somnium interpretatur et sententiam suam addit, quæ ratione fami per septem annos duratura prospici possit. Quæ cum regi valde probaretur, ipse huic rei curanda a rege præficitur.

Biennio post Pharao in somnio videbatur sibi stare ad Nilum; 2. ex quo ascenderent septem vaccæ magnæ et pingues, quæ pascere in carecto. 3. Deinde videbantur ascendere ex eodem Nilo aliæ septem minutæ et tenues; quæ, cum ad illas in ripa Nili constitissent, 4. eas devorabant. Hic Pharae e somno excitatus est. 5. Sed iterum somnians, videbatur sibi videre septem spicas ex uno calamo crescere plenas et magnas. 6. Mox alias septem tenues et euro adustas post illas, 7. quæ deglutissent septem illas plenas et magnas. Tum iterum Pharae expergefactus intelligebat se somniasse. — 8. Mane animo vehementer commotus iussit convocari omnes Aegypti hariolos et sapientes; quibus somnia sua enarravit. Sed nullus eorum poterat ea interpretari. 9. Tum summus pincerna Pharaonem hunc in modum alloquitur. Recordor jam criminis a me olim commissi. 10. Cum Pharae mihi et coquorum principi irasceretur, nosque in carcerem coniecisset apud magistrum satellitum: 11. nos una eademque nocte

nocte somnia habuimus diversa. 12. Erat autem nobiscum ibi servus principis satellitum natione hebræus: huic narravimus somnia nostra, atque ille ea nobis est interpretatus. 13. Cui ejus interpretationi respondit etiam eventus: ego enim muneris meo restitutus sum, ille vero est suspensus. 14. Tum Pharaos Josephum arcessi jussit: qui sine mora e carcere eductus tonsa barba et vestitu mutato ad regem venit. 15. Qui eum sic alloquitur: Somnia vidi, quæ nemo potest explicare. Ego vero audi vi te hujus artis esse peritissimum. 16. Josephus vero negavit sibi hanc inesse facultatem, interim sese vehementer optare, ut Deus ei salutaria indicet. 17. Videbar mihi, inquit Pharaos, in somnio stare ad ripam Nili. 18. Ex quo ascendebant septem vaccae pingues et formosæ, quæ in carecto pascebant. 19. Post has videbantur ascendere septem aliæ adeo macilentæ et deformes, ut similes nunquam viderim in Aegypto; 20. hæ devorabant septem illas priores pingues: 21. atque tamen illis devoratis pristinam suam deformitatem retinebant. Tum expergesfactus sum. 22. Sed iterum somno oppressus, videbar mihi videre septem spicas eodem in culmo crescentes plenas et magnas, 23. post quas succrescebant septem aliæ jejunæ, graciles, siccæ, adustæ, 24. quæ videbantur deglutire septem

illas priores bonas. Enarravi hæc somnia hariolis, sed non possunt mihi explicare. — 25. Tum Josephus Pharaoni respondet: somnia hæc unum idemque significant: Deus Pharaonem certiores facit eorum, quæ post sunt eventura. 26. Septem vaccae bonæ significant totidem annos; similiter septem spicæ bonæ totidem annos notant: utriusque somnii unus idemque sensus est. 27. Etiam septem vaccæ tenues et deformes, quæ post priores ascenderunt, septem annos notant, ut et septem spicæ graciles, euro adustæ. Fames septem annorum est futura. 28. Hoc igitur est, quod jam Pharaoni dixi. Deus Pharaoni indicat, quid factururus sit. 29. Nimirum venient septem anni inprimis fertiles per universam Aegyptum. 30. Quos excipient septem alii tantæ sterilitatis, ut memoria illius ubertatis plane pereat. Vehementer admodum fames terram affliget. 31. Ex illa abundantia nihil restabit, famē posthac orta, quæ inprimis gravis est futura. 32. Repetita autem sunt hæc somnia duabus vicibus, quod Deus hæc sit certo atque brevi factururus. 33. Jam igitur circumspiciat Pharaon virum sapientem et prudentem, quem Aegypto præficiat. 34. Præterea deleget curatores, qui septem illis abundantiae annis quintam frumenti partem in tota Aegypto accipiant, 35. atque hanc fertilium illorum annorum annonam congestam reponant

ponant et fervent in oppidis ad rationes regis, 36. ut septem illis sterilitatis annis Aegypti incolæ habeant unde vivant, neque fame pereant. 37. Quod *Josephi* consilium Pharaon et amici ejus vehementer probabant. 38. Ille igitur negabat, quenquam existere posse, qui tanta sapientia præditus sit, 39. atque ad Josephum conversus eum sic alloquitur: quia Deus tibi ista omnia manifestavit, parem sapientia et prudentia non habes. 40. Tu præeris palatio meo, omnes tibi parebunt, tantum regiam dignitatem mihi servo. 41. Atque sic te, inquebat Pharaon, præficio toti Aegypto. 42. Simul annulum detractum ejus digito indidit. Vestibus byssinis a) indui et torques aurea ornari jussit, 43. et imponi currui suo secundo et proclamari ante eum: Abrech. b)

Et

a) *Forsterus* in libro eruditissimo de *byssu antiquorum* (Londini 1776. 8.) probavit p. 46. *בִּשְׁמֵי* non linum esse, sed *gossypium arboreum*, vocemque esse Aegyptiacam. cf. *Faber* ad *Hermarum* P. II. p. 380, seqq.

b) *Jablonskius* ab Ill. *Michaele* per literas super hac voce consultus vocem *אַבְרַחָם* explicavit (Biblioth. Or. IX. p. 204.) ex sententia *La Crozii*, qui voces esse Aegyptiacas dixerit OTBE PEX, per: *inclinate contra*. Sed mirum est, laudatum modo *Forsterum* (l. c. p. III.) qui ignoravit *Jablonskium* super his vocibus Aegyptiacis sententiam dixisse, ex eadem lingua longe aliter hanc vocem explicasse.

Ni-

Et sic eum præfecit c) toti Aegypto. 44. Porro Pharaon Josepho dixit: Ego sum Pharaon et sine tua voluntate nemo ne manum quidem aut pedem movere debet in tota Aegypto. 45. Imposuit deinde ei nomen Zaphnath Pantheach, d) dedit-
que

Nimirum *Hapreebek* h. e. a rege cinctus vel vestitus. Quam originationem probat ex eo, quod in antecedentibus narratum sit, Josephum veste byssina indutum, annulo regio et torque aurea ornatum, curru præterea regio vectum esse: insuper igitur ante eum proclamatum esse: *en hominem regis vestibus cinctum!*

c) Pro ונתן Cod. Sam. habet ונתן in præterito. Potest lectio recepta defendi ex idiotismo, quo verbum finitum cum infinitivo constructum sæpe solet omitti (vid. *Glassius* p. 290.). Plene hæc constructio extat Num. 21, 2. נתן נתן. Nolo tamen contradicere, si quis illam lectionem sequi malit, pro qua etiam *Kennicottius* octo Codices citavit.

d) Iterum valde dissentiunt *Jablonskius* et *Forsterus* circa originem hujus nominis. Ille quidem explicat l. c. per *salvatorem mundi* ex lectione harum vocum in versione Græca: Ψωδουπανιχ. Hic vero has voces legit: *Sabe-nouipa-emch*, h. e. sapiens divinus spiritus æterni. Quam explicationem iterum valde probabilem reddit, quod rex Josephum propter consilii sui quod dederat prudentiam virum vocavit spiritu divino præditum, a quo sine dubio hæc omnia edoctus sit etc. — Aliorum conjecturas super his vocibus qui nosse cupit, evolvat *Pfeifferum* in dubiis vexatis et *Montesalconium* in Hexaplis de versis, græcis.

que ei in matrimonium filiam Potifari sacerdotis Heliopolitani. 46. Annum agebat trigésimum Josephus, cum a Pharaone Aegypti rege præfectus terræ constitueretur. Quod cum factum esset, iter suscepit per totam Aegyptum. — 47. Per septem igitur annos insignis fuit terræ fertilitas. 48. Quibus Josephus omnes fruges coegit in horrea oppidorum, in quæ omnes agrorum proventus cujusvis oppidi reposuit. 49. Et concervavit tantam frumenti copiam, ut numerari non posset. — 50. Antequam vero anni isti steriles venirent, sustulit Josephus ex Asnate filia Potifari sacerdotis Heliopolitani, duos filios. 51. Primogenitum vocavit Manassen, quod ei Deus omnis calamitatis atque adeo paternæ domus oblivionem attulisset. 52. Alterum filium ei natum vocavit Ephraim: sobolem mihi dedit Deus, inquebat, in terra, in qua tot mala perpeffus sum. — 53. Exactis septem annis fertilitatis in terra Aegyptiaca, 54. sequebantur septem anni steriles, quemadmodum Josephus prædixerat: Tum vero omnes aliæ regiones fame premebantur, sed in Aegypto cibus suppetebat. 55. Cum vero etiam Aegyptii fame laborare inciperent, victum a Pharaone flagitarunt. Hic vero eos ad Josephum ablegavit, cujus voluntati morem gererent. 56. Fame vero per totam terram ingravescente aperuit Josephus horrea,

vendiditque Aegyptiis, 57. omnibusque aliis qui in Aegyptum veniebant ad com meatum ab eo emendum. Fames enim omnes illas regiones vehementer affligebat.

CAPVT XLII

Jacobus mittit filios suos in Aegyptum emenda annonae causa, prater Benjaminum, quem domi retinet. Josephus, qui eos statim agnoscit, durius cum eis loquitur, simulatque eos sibi suspectos videri. Post tres dies eos dimittit, sed retinet Simeonem, donec nazu minimum, de quo ei dixerant, secum in Aegyptum adducerent. Quod cum patri suo nar rant, hic negat se Benjaminum cum eis esse missurum.

1. **J**acobus vero cum cognovisset, annonam in Aegypto venalem esse, dixit filiis suis: quid cunctamini? 2. Audio in Aegypto vendi frumenta: profiscimini igitur eo et emite nobis, ne pereamus. 3. Igitur decem Josephi fratres profecti sunt in Aegyptum, ut semerent frumentum. 4. Benjaminum vero, fratrem Josephi germanum, noluit Jacobus un cum illis mittere, veritus, ne quid ei adversi accideret. 5. Cum in Aegyptum venissent una cum aliis (fames enim valde Cananæam affligebat). 6. adibant Josephum terræ præfectum, qui frumenta omni bus vendebat, eumque prout venerabantur. 7. Josephus statim agnovit fratres suos, sed alienum se simu-

simulans severe eos est allocutus. Interrogabat, unde venirent? illi respondebant: e terra Cananæa ad emendam annonam. 8. Simul Iosephus, qui quidem fratres suos agnoverat, hi vero non item eum, 9. recordatus est somniorum suorum, vos exploratores estis, inquiebat, ad exploranda loca minus munita venistis. 10. Illi vicissim, pace tua, domine, ad frumentum emendum venimus: 11. Nos omnes unius patris filii sumus, homines probi, nequaquam exploratores. 12. Minime vero, regessit Iosephus, vos venistis ad loca terræ minus firma exploranda. 13. Tum illi: duodecim fratres sumus hominis cujusdam in Cananæa. Natu minimus domi est apud patrem nostrum, et alter mortuus est. 14. Id ipsum vero est, respondit Iosephus, quod mihi probabile facit vox exploratores esse. 15. Per vitam Pharaonis juro (sic enim probabimini) vos hinc non dimissum iri nisi frater vester natu minimus huc venerit. 16. Mittite unum e vobis qui fratrem vestrum arceffat; vos vero vincti remanebitis, donec dictorum vestrorum fides constet et explorata sit. Sin minus, vos, ita Pharaon vivat, exploratores estis. 17. Tum eos ad tres dies in carcere iussit servari. 18. Tercio die dicit eis: Si vita vestra vobis curæ est, hoc facite, Deum enim veneror. 19. Si vos homines probi estis, unus vestrum in carcere remaneat, vos
reli-

reliqui domum deferre annonam, qua fami familiarum vestrarum succurratis. 20. Et fratrem vestrum natu minimum ad me adducite. Sic fides habebitur orationi vestræ, et vos salvi evadetis. Illi conditionem acceperunt. 21. Tum alter alteri dicebat: nostra culpa, quam in fratre nostro contraximus, nobis hæc mala eveniunt, quod quanquam animi sui angorem videremus, tamen precibus ejus locum non dederimus. 22. Nonne vos hortabar, addebat Ruben, ut ne peccatum committeretis in puero? Sed nolulistis audire, jam cædis in eum commissæ pœna exigitur. 23. Nesciebant vero Josephum eos intelligere, quod interprete ad eos utebatur. 24. Lacrimis propterea abstinere non poterat, sed discessit paullulum, mox reversus iterum cum eis locutus est, atque Simeonem in eorum conspectu ligari iussit. 25. Præterea mandavit, ut frumenta eis darentur, et ut cuique in sacco suo pecunia restitueretur, præterea quoque viaticum daretur. Quæ cum facta essent, 26. illi impositis saccis asinis suis profecti sunt. 27. Unus eorum cum saccum aperuisset, ut pabulum daret jumento in diversorio, invenit pecuniam in ore sacci sui. 28. Tum ille fratribus suis dixit: reddita mihi est pecunia mea, cum saccum aperirem, eam inveni. Illi vero propterea valde perturbati et territi sunt, de divino hac in re consilio

filio incerti. — 29. Cum deinde ad Jacobum patrem suum in Cananæam rediissent, narrarunt ei omnia quæ sibi evenissent. 30. Terræ præfectus, inquietabant, dure admodum nobiscum egit, habuitque nos pro exploratoribus. 31. Respondimus nos esse homines probos, minime vero exploratores, 32. duodecim fratres unius patris; undecimum mortuum esse et natu minimum domi remansisse apud patrem in Cananæa. 33. Ad hæc ille respondit: Ex eo cognoscam, num homines probi sitis: unus vestrum obsidis loco remaneat, vos reliqui potestis commeatum vestris deferre. 34. Deinde vero fratrem vestrum natu minimum huc adducite. Sic enim intelligam vos non esse exploratores, sed viros bonos; tum quoque reddam vobis fratrem vestrum et vos poteritis in terra negotiari. 35. Cum deinde saccos evacuarent, quisque invenit loculum pecuniæ in sacco suo; qua de re cum ipsi, tum pater eorum non levi timore perculsi sunt. 36. Hic vero dixit: vos me orbatis liberis meis. Iosephus periit, cum Simeone actum est, Benjaminum vultis abducere. Mihi vero omnia sunt sustinenda. 37. Ad hæc Ruben respondit: ni ego tibi eum reddidero, utrosque meos filios necabis. Committe eum curæ meæ, ego eum tibi restituiam. 38. Verum ille: non vobiscum proficietur filius meus, inquit, hic solus superstes est

N

frater

fratre ejus mortuo. Si vel huic in itinere aliquid adversi acciderit, ego jam fenex præ dolore morerèr vestra culpa.

CAPVT XLIII

Jacobus filios suos iterum in Aegyptum mittit. Concedit eis quoque, ut Benjaminum secum eo deducant.

Josepbus eos admodum benigne excipit.

1. **F**ames vero indies ingravescebat in his regionibus. 2. Cum igitur consumsissent frumentum, quod ex Aegypto asportarant, hortatus est eos pater, ut eo ad emendam annonam reverterentur. 3. Sed Jûda ostendebat, virum illum *terræ præfectum* affirmasse, ipsos in ejus conspectum non esse venturos, nisi secum haberent fratrem suum *natu minimum*. 4. Si igitur vellet eum secum mittere, sese paratos esse ad iter ingrediendum et ad emendam annonam. 5. Sin minus, se non posse proficisci propter rationem modo allatam. 6. Tum Israel eos reprehendit, quod se in hanc molestiam conjecissent, atque ei indicassent sese insuper habere fratrem. 7. Ad hæc illi: homo de nobis et de nostro genere interrogabat, num pater noster adhuc viveret? num fratrem haberemus? Igitur respondimus ad ea quæ quærebat. Num poteramus prævidere eum jussurum esse

esse, ut fratrem nostrum adduceremus? 8. Tum Juda inquit: Mitte quæso puerum mecum, ut iter suscipere possimus, ne nos omnes, tu et liberi nostri tandem fame pereamus. 9. Ego sponsor pro eo esse volo, a me cum debes repetere, nisi eum reduxero tibi que reddidero, ego per omnem vitam culpæ commissæ reus videri volo. 10. Immo nisi cunctatio hæc intercessisset, bis jam essemus reversi. 11. Ad hæc Israel pater eorum respondet: si ita est, agite igitur, sumite vobiscum de fructibus terræ nobilissimis munus viro illi: aliquantum resinæ et mellis *a)*, styracem, *b)* laudanum, pistacea, et amygdala. 12. Pecuniam etiam duplicem adferre. Nempe pecuniam quæ vobis reddita fuit in saccis vestris,

for-

a) Num sub רֶבֶשׁ *melle* h. l. mel apum, an mel ex uvis passis, an ex dactylis palmarum intelligendum sit, disputatum est a viris doctis. *Celsius* quidem in Hierob. P. II. p. 462. auctor est, *Dibi* ex dactylis palmarum confectum in magno pretio olim fuisse et adhuc esse. Item *Shaw* p. 128. vers. germ. cf. *Harmarus* in Observatt. Orient. P. I. p. 292.

b) נִבְנָח non *aromata* esse in genere, sed *styracem*, ex sententia *Celsi* P. I. p. 548. ita probatum est a *Bocharo* in Hieroz. P. II. Lib. IV. Cap. XII. ut non possit de eo amplius dubitari.

fortasse error est commissus. 13. Et sic sumite fratrem vestrum vobiscum, atque ad virum illum proficiscimini. 14. Deus vero summus gratiam ejus vobis conciliet, ut dimittat vos, et alterum fratrem vestrum et Benjaminum, ego vero, uti haecenus, liberis meis privatus vivam c) — 15. Illi igitur cum muneribus et duplici pecunia et Benjamin fratre suo profecti sunt in Aegyptum. Ibi cum ad Josephum admissi essent, 16. atque hic inter eos Benjaminum videret, jussit dispensatori suo, ut homines istos domum deduceret, et convivium pararet, quod secum cibum essent ad meridiem capturi. 17. Hic mandata Josephi exsequitur atque eos domum Iosephi deducit. 18. Qua re homines perterriti d) arbi-

c) Verba textus בְּאִשְׁרֵי שְׂכָלְתִּי שְׂכָלְתִּי varie explicantur ab interpretibus. Quam in versione posui explicationem (Munsteri et aliorum) non solum admittunt verba hebraea, sed sensum etiam aptum fundit: quemadmodum haecenus orbatus fui Simeone et Josepho, sic interea mihi videbor omnibus liberis meis orbatus. Alii vero ex loco huic simillimo non minus apte explicant: Esth. 4, 16. כְּאִשְׁרֵי אֲבֹתִי אֲבֹתִי *si me oportet mori, libenter moriar*. Sic Jacobus dixisset: Si necesse sit, me orbari liberis meis, hanc jaecturam patienter feram.

d) Mali quid suspicantur fratres Josephi, cum in domum ejus introducuntur, quod in oriente non moris est convenire

arbitrabantur, fieri hoc propter pecuniam quam primo itinere in saccis suis receperant, ut per calumniam accusati una cum asinis in servitute retinerentur. 19. Igitur accedunt ad dispensatorem, eumque in introitu domus his verbis alloquuntur. 20. Nuper admodum, domine, huc venimus ad frumentum emendum. 21. Cum vero in diversorio saccos nostros aperiremus, invenimus singuli in singulis saccis pecuniæ solutæ summam; hanc jam nobiscum referimus, 22. aliam etiam pecuniam attulimus ad emenda cibaria, nescimus quis illam in saccos nostros reposuerit. 23. Ad hæc dispensator: Bono estote animo, neque timete, Deus vester et Deus patris vestri dedit vobis thesaurum in saccos vestros: ego accepi pecuniam vestram: et tum educit ad eos Simeonem. 24. Paulo post omnes in domum Iosephi introducit, aquam præbet ad pedes lavandos atque asinis eorum pabulum. 25. Interea munus parant, dum Iosephus circa meridiem veniret, noverant enim se ibi cibum esse capturos. 26. Igitur, hic cum venisset, offerunt ei munera suppliciter eum humi venerantes. 27. Ille vero et ipse eos salutatur, et quærit, num pater

N 3

eorum

venire aliquem in interiore domus. Fit hoc tantum in atrio domus hunc in finem adaptato. Hinc sane erat quod fratres Iosephi suspiciosos redderet.

eorum senex, de quo dixissent, viveret et valeret?
 28. Quod cum affirmassent, denuo eum submisit sunt venerati. 29. Cum Benjaminum fratrem suum eadem matre natum conspexisset, estne hic, inquiebat, frater vester natu minimus, de quo mihi dicebatis? Deus tibi faveat mi fili, addebat. 30. Mox tamen discedebat amore erga fratrem nimis commotus, locum quærebat ubi flieret. Ingrediebatur conclave, ibique lacrimis indulgebat. 31. Deinde abluta facie redibat, atque animo sumto iussit cibum apponi. 32. Apponebatur autem Iosepho separatim, nec non ejus fratribus, et Aegyptiis convivis quoque separatim, quoniam Aegyptiis nefas habebatur cœnare cum Hebræis. 33. Collocati vero erant ita, ut natu maximum exciperet natu minor, quod ipsi inter se admirabantur. 34. Portiones ex cibis sibi appositis eis distribuit, ita tamen ut Benjamini portio quintuplo esset major, quam reliquorum omnium. Illi vero ad ebrietatem usque apud eum potarunt.

CAPUT XLIV

Iosephus fratres suos dimisit, sed ex itinere filio furii crimine revocat. Cujus cum Benjamin convinceretur, hunc in servitute retinere minatur. Hic Juda intercedit pro fratre, seque ejus loco Iosepho offert in servitutem.

1. **D**einde Iosephus iussit dispensatorem implere hominum istorum saccos frumento, quantum quidem
 asini

asini eorum portare possent, et pecuniam cuiusque in summis fassis reponere, 2. poculum vero suum argenteum in sacco natu minimi præter pecuniam pro frumento solutam. Quæ cum exsecutus esset sicuti Iosephus præceperat, 3. prima luce dimissi sunt cum asinis suis. 4. Sed cum non longe ab urbe discessissent, iussit Iosephus dispensatorem eos persequi, et ubi eos esset assecutus, his verbis objurgare: cur malum pro bono rependistis? 5. Nonne id ex quo dominus meus bibit? a) hic de eo facile potuit

N 4

divi-

n) Sermones abrupti sunt, quoniam præsupponitur fratres Iosephi facile intellecturos esse, quid sibi velit procurator. Hinc quæ *ὁ δ.*, *Vulgatus*, *Syrus* ad ea supplent, explicandi causa ab eis addita puto, non quæ ex textu exciderint, ei iterum inferenda, uti *Hubigantius* censet. Ita vero habent *ὁ δ.* *Ἰωάννης ἐκλήψατε μου τὸ κόνδυ τὸ ἀργυρῶν; ὃν τὰτό ἐστιν ἐν ᾧ πίβει ὁ κύριός μου; αὐτός τε ὁσημαμὴ ὁμολογεῖται ἐν αὐτῷ.* *Vulgatus*: Scyphus, quem furati estis, ipse est in quo bibit dominus meus, et in quo augurari solet. *Syrus*: et furati estis scyphum ex quo bibit dominus meus, per quem etiam auguratur. — Posterius membrum tum hi, tum recentiorum interpretum nonnulli intelligunt de augurio, ad quod Iosephus hunc scyphum adhibuerit. Hinc *Grosius* et *Clericus*, docte quidem, sed parum apte, de hoc divinationis genere differunt. — Ceterum perquam verisimile est Iosephum dispensatori, si non veram, saltem aliam probabilem causam, indicasse, cur ita cum his hominibus ageret.

divinare. Sane admodum improbe fecistis. 6. Igitur dispensator cum eos esset affectus egit cum eis quemadmodum jussus erat. 7. Illi vero, quomodo, quæsumus, domine, inquebant, ista nobis objicis? Absit a nobis ejusmodi facinus. 8. Pecuniam, quam in saccis nostris invenimus, tibi restituimus, quomodo igitur ex ædibus domini tui argentum aut aurum furripuerimus? 9. Apud quem *quod quæris* repertum fuerit, is supplicio afficiatur, nos vero servi tui erimus. 10. Respondet dispensator, sit ita: apud quem furtum deprehensum fuerit, is servus mihi erit, vos vero eritis infontes. 11. Et sic illi statim quisque saccum suum deponunt ad terram et aperiunt. 12. Dispensator saccos perquirat, a sacco natu maximi exorsus pergit ad saccum natu minimi et sic invenit poculum in sacco Benjamin. 13. Tum vero omnes vestes scindere, suum quisque asinum denuo onerare et redire in urbem, 14. et ingressi domum Josephi Juda cum fratribus suis procidunt ante eum ad terram. 15. Josephus vero, quod facinus admisistis, inquit, quomodo tandem vobis non in mentem poterat venire, me artis divinandi adeo peritum rem facile esse cogniturum? 16. Ad hæc Juda respondet: quid dicamus domino nostro? quomodo nos defendere audeamus? Deus jam poenas criminum nostrorum deponit, nos servi tui sumus, non minus atque

que ille apud quem poculum repertum est. 17. Nequaquam, inquit Iosephus, is tantum qui poculum furatus est sit servus meus, vos vero potestis salvi et incolumes ad patrem vestrum redire *b)* — 18. Tum vero ad eum accedit Juda, atque hunc in modum verba facit: Liceat mihi, domine, pauca apud te

N 5

dice-

b) Quodnam Iosephi consilium fuerit, cum tantam fratribus suis sollicitudinem strueret, non adeo planum est, hinc etiam interpretes in eo divinando dissentiunt. Vindictæ quidem opprobrium facile abstergi potest. Etenim criminis, cuius eos accusat, non eos ipsos, a quibus offensus erat, reos agit, sed Benjaminum, quem omnium maxime diligebat. Illis libertatem concedit, hunc in servitutem cogere minatur. — Mihi quidem probabile videtur, Iosephi consilium fuisse, ut videret, quomodo affecti essent fratres cum erga patrem, tum erga Benjaminum. Num in hunc similem foverent invidiam aut obreclationem, qua sibi olim in domo paterna infesti fuissent. Hoc scire volebat, atque hac occasione fratres animum suum sine dissimulatione prodere poterant atque adeo debebant. Nam nisi patrem suum jam quidem sincere amassent et Benjaminum invidissent, non recusassent eum in Aegypto relinquere, propter crimen, cuius se ipse reum fecisset. — Sed omnia loquuntur nihil antiquæ virtutis in eorum animis superesse. Amant patrem, amant Benjaminum, et sic Iosephus certus esse poterat, omnes æque dignos esse suis beneficiis. Ita sentit de hac questione *Hessius* in historia Israelit. P. II. p. 287.

dicere, noli mihi succensere, te ut Pharaonem veneranti. 19. Quærebas ex nobis, domine, num esset nobis pater aut frater. 20. Respondebamus, esse nobis patrem senem et juvenem puerum in ejus senectute natum, qui, fratre mortuo, solus post mortem matris superstes sit, patri perquam carus. 21. Jubebas ut eum ad te deduceremus, quod eum videre velles. 22. Nos quidem negabamus puerum deferere posse patrem, quin hic præ moerore moretur. 23. Sed tu affirmabas, nos ad te admissum non iri, nisi fratrem nostrum natu minimum nobiscum adduceremus. 24. Nos igitur retulimus ad patrem nostrum tuam voluntatem, 25. et cum ille iterum nos ad cibaria emenda proficisci juberet, 26. negavimus nos profecturos, nisi frater noster natu minimus nobiscum esset, quod aliter spes non esset, ut ad te admitteremur. 27. Ad hæc respondit pater noster: nostis ex duobus filiis mihi ex uxore mea natis 28. alterum, cum a me discessisset, a feris esse discerptum, equidem eum non amplius vidi. 29. Jam si hunc alterum quoque a me abduceretis, atque adversi aliquid ei eveniret: ego jam adeo senex vitam meam in summo moerore vestra culpa finirem. 30. Igitur si ad patrem reverterer sine hoc puero, quem ut se ipse amat, 31. morietur; et sic nos causa essemus mortis patris nostri senis, qui
sic

sic in acerbo luctu vitam finiisset. 32. Præterea ego sponendi patri, me velle puerum ad eum reducere, quod nî fecissem, per omnem vitam me ei obnoxium esse futurum. 33. Igitur permitte, Domine, ut ego pro hoc puero tibi seruiam, ipsum vero dimitte cum fratribus suis. 34. Quomodo enim ego redirem ad patrem sine puero? et viderem calamitatem, quæ eum expectat?

CAPVT XLV

Josephus sese fratribus agnoscendum præbet, eosque muneribus onustos ad patrem remittit.

1. **H**ic, vero Josephus non poterat sese diutius continere, sed præsentibus multis iussit, ut omnes discederent. Igitur nemo aderat, cum se fratribus suis notum faceret. 2. Tum cœpit acriter flere, ita ut Aegyptii et aulici Pharaonis audirent. 3. Ego Josephus sum, alloquebatur fratres suos, vivitne adhuc pater meus? Ad hæc ejus verba fratres adeo attoniti erant, ut respondere non possent. 4. Jubet igitur ut propius ad eum accederent. Quod cum fecissent, ego Josephus sum, inquit, frater vester, quem in Aegyptum vendidistis. 5. Nolite vero hac de re solliciti esse, aut quod fecistis ægre ferre, vel nimis improbare. Nam ad salutem vestram Deus me huc ante vos misit. 6. Biennium modo est,

est, ex quo hæ regiones fame adfliguntur. Sequentur adhuc quinque anni, quibus nec arabitur, nec metetur. 7. Igitur Deus me vobis præmisit, ut vos superstitēs maneatis et mirum in modum servemini. 8. Igitur vos me huc non misistis, sed Deus, qui me consiliarium dedit Pharaoni et principem domus ejus totiusque Aegypti dominum. 9. Propere igitur redite ad patrem, eique meo nomine dicite: Deus me dominum totius Aegypti constituit, sine mora ad me veni. 10. Terram Gosen inhabitaturus non nimis remotus a me eris, a) tu, filii et nepotes tui, greges tui omnes, et

- a) In situ terræ Gosen definiendo dissentiant viri docti. Plerique quidem hanc terram quærent in Aegypto inferiori ad orientalem Nili ripam versus sinum Arabicum. Sed *Jablonskius*, qui octo scripsit dissertationes de terra Gosen, lectu dignissimas, (conjunctim prodierunt Francofurti ad Viadrum 1736.) eam in Aegypto superiori collocat in Heptanomide s. illa Aegypti parte, quæ inter Thebaidem et Aegyptum inferiorem intermedia est; eandemque esse putat, quæ a scriptoribus græcis νομός Ἡρακλεώτης, a latinis *Nomus Heracleopolites*, vel *præfectura Heracleopolica* appellari solet. Erat enim Nomus Heracleotes insula satis magna, quam Nilus efficit, supra Memphin inter Nomen Arsinoiten et Aphroditopoliten sita, cujus accuratior descriptio ex Geographis, Cellario præsertim (in Notitia

et omnia quæ habes. 11. Ibi te sustentabo, ne tu
tuique ad summam paupertatem redigamini, nam
quinque steriles anni adhuc restant. 12. Vos ipsi
et frater meus Benjamin me videtis et auditis me
vobiscum colloqui. 13. Narrate patri, quanta in
dignitate sim in Aegypto, et omnia, quæ vidistis, et
quam celerrime eum huc deducite. 14. Amplexus
deinde est Benjaminum fratrem lacrimans, qui et
vicissim ad collum ejus lacrimabat. 15. Nec non
reliquos fratres omnes plorans osculatus est, et tum
demum ausi sunt fratres cum eo colloqui. — 16.
Rumor vero hic de adventu fratrum Josephi mox
ad Pharaonem et aulicos ejus delatus est, qui et
ipsi hac de re lætabantur. 17. Et Pharaeo quidem
mandavit Josepho, curaret fratres suos redire in Ca-
nanæam cum jumentis suis large onustis. 18. Ve-
nissent cum patre suo et familiis. Se velle eis as-
signare fertilissimam Aegypti partem, in qua opti-
mis rebus abundarent: 19. Præterea plaustra con-
gereret Josephus, quibus parvulos, mulieres et pa-
trem

titia Orbis antiqui Tom. II. p. 810.) petenda est. Hodie
regio illa ab Arabibus *Fium* appellatur. Hæc *Jablonskius*
l. l. p. 22. Metropolis Aegypti eo tempore, quo Israelitæ
in Aegypto peregrinati sunt, fuit vel Heliopolis s. On vel
Memphis. Hinc Josephus dicit patrem suum non nimis
remotum ab eo esse futurum.

trem suum veherent. 20. Nec ægre ferrent jacturam suppellectilis suæ, rebus enim præstantissimis Aegypti eos usuros esse. — 21. Fratres Josephi fecerunt ita, instructi ab eo non solum plaustris ex voluntate Pharaonis, sed etiam viatico. 22. Præterea dedit singulis singulas vestes novas, Benjamin vero trecentos siclos argenteos et quinque vestes. 23. Patri misit decem asinos onustos fructibus Aegypti præstantissimis, et decem asinas frumento, pane, alioque victu onustas, quo pater uteretur in itinere. 24. Atque sic dimisit Josephus fratres suos addita insuper admonitione, ut ab omni rixa abstererent in itinere. 25. Illi igitur, cum ad Jacobum patrem suum in terram Cananæam rediissent, 26. narrarunt ei Josephum vivere et dominum esse totius Aegypti: verum ille hoc parum commovebatur, *b*) nam fidem eis non habebat. 27. Cum vero ei narrarent omnia, quæ Josephus cum eis locutus esset, et videret plaustra quæ ei mitteret, revixit ejus spiritus. 28. Satis est, inquiebat, Josephus filius meus vivit, ibo et videbo eum antequam moriar.

CAPVT

b) hebr. יָפַח לִבּוֹ Vulgo quidem vertitur: *animi deliquium passus est*, sc. præ nimia lætitia. Sed hæc sequentibus parum apta sunt כִּי לֹא הֵאֱמִין. Igitur פָּח ex significatione syriaca et arabica, *frigere*, verti.

CAPUT XLVI

Jacobus in Aegyptum proficiscitur, divina promissione confirmatus. Recensentur filii ejus et nepotes, qui cum eo in Aegyptum migrarunt. Primus ejus cum Josepho congressus.

- P**rofectus igitur est cum suis Israel, et cum Bersebam venisset, sacra ibi fecit Deo patris sui Isaaci:
2. Tum Deus eum noctu per quietem nomine suo compellavit et his verbis admonuit: 3. Ego sum Deus patris tui, ne dubites proficisci in Aegyptum. Efficiam enim, ut ibi in gentem magnam evadas.
4. Ego tibi adero dum eo descendis, atque idem ego te inde reducam, et Josephus tibi claudet oculos. — 5. Ergo profectus est Jacobus Berseba cum filiis suis, eorum liberis et mulieribus, plaustris, quæ Pharaon ad eum vehendum miserat. 6. Deduxerunt etiam secum pecus suum omnesque opes, quas in Cananæa acquisiverant. 7. Et sic migravit Jacobus in Aegyptum, cum omni sua familia, cum filiis suis et nepotibus, cum filiabus suis et neptibus ex filiis. Omnem omnino stirpem suam eo deduxit: 8. Quorum nomina hæc erant: Primogenitus Ruben, 9. cujus filii erant: Chanoch, Pallu, Chezron et Carmi. 10. Simeonis filii erant: Jemuël, Jamin, Ohad, Jachin, Zochar, et Saulus ex Cananæa natus. 11. Filii Levi, Gerschon, Kehath et Merari.
12. Fi-

12. Filii Judæ: Er, Onan, in Cananæa mortui, Schela, Perez et Serach. Perezus duos habebat filios: Chezronem et Chamulem. 13. Filii Ifaschar: Thola et Pua, Jobus ^{a)} et Schimron. 14. Fili Sebulon: Sered, Elon et Jachleel. 15. Hi sunt filii Leæ, quos Jacobo peperit in Mesopotamia cum filia nomine Dina, numero triginta et tres. — 16. Filii Gad erant Ziphjon, Chaggi, Schuni et Ezbon, Eri, Arodi et Areli. 17. Filii Ascher: Jimna, Jischva, Jischvi, Beria, Serach, Achotam. Filii Beriæ: Cherber et Malchiel. 18. Hi sunt filii Silpæ, quam Laban Leæ filia suæ *ancillam* dederat, ex qua Jacobus hos sedecim filios vidit. — 19. Ex Rahele sustulit Josephum et Benjaminum. 20. Josepho quidem in Aegypto nati sunt Manassès et Ephraim ex Asnathæ, filia Potifari sacerdotis Heliopolitani. 21. Filii Benjamini erant: Bela, Becher, Aschbel, Gera, Naaman, Echi et Rosch, Müppim, Chüppim et Ardu. 22. Qui omnes numero quatuordecim ex Rahele originem habent. 23. Filius Danis Chuschim erat. 24. Naphtali vero Jachzeel, Guni, Jezer et Schillem. 25. Hi sunt filii Bilhæ ancillæ Rahelis, quos Jacobo peperit, numero septem. 26. Omnes omnino ex Jacobo orti præter nurus suas,

a) יִשָּׁב Num. 26, 24. et 1 Paral. 7, 1. vocatur יִשָּׁב. Sic quoque Cod. Sam. et ^{et} é h. l.

suas, qui cum eo in Aegyptum venerunt, erant numero sexaginta sex. 27. Iosepho autem duo filii nati sunt in Aegypto. Summa igitur totius familiæ Jacobi in Aegypto fuit capitum septuaginta. — 28. *Jacobus vero cum non longe a Goscene abesset*, misit Judam ad Iosephum, *b)* qui eum rogaret, ut Gosenem veniret. Quod cum Iosephus cognovisset, 29. currum parare jubet et obviam profectus est Gosenem patri suo eumque amplexans diu flevit in collo ejus. 30. Ille vero, nunc quidem lubenter moriar, inquit, postquam te vidi, teque adhuc in vivis esse novi. 31. Deinde Iosephus fratribus suis reliquisque indicavit, se jam velle Pharaonem certiore

b) Verba textus להורות לפניו גשנה הורה difficultia sunt. הורה alias semper est *monstrare, docere*. Sed quid est: *ad monstrandum ipsi Goscenam?* nomen גשן adjectum h. l. habet ה locale. Sensus non est incommodus, quem Onkelos habet לפנאה קרמוי לגשן *ut prepararet locum ante se in Gosen*. Sic enim rogaret Jacobus Iosephum, ut locum sibi ab eo destinatum paratum inveniret, in quo cum suis sua tabernacula figere posset. Cod. Sam. habet: להראת למתחיו קרמיהי *ut appareres coram eo*. Ol ó habent συναντῆσαι αὐτῷ *ut obviam ei veniret*; ex quo conjectat Ill. Michaelis eos legisse לקראת et probat hanc lectionem. In versione sensum lectionis Cod. Sam. et Syri expressi.

tiorem facere de adventu eorum, 32. et quod pastores essent, suosque greges et omnia, quæ haberent, secum ex Cananæa adduxissent. 33. 34. Idem, jubet eos, responderent a Pharaone interrogati, adderentque, hoc vitæ genus cum ipsos semper, tum et majores suos exercuisse: tunc enim ipsis regionem Gosen ad incolendum concessum iri, Aegyptios enim a pastoribus abhorrere.

CAPUT XLVII

Jacobo et familiæ ejus conceditur a Pharaone terra Gosen incolenda. Aegyptii fame coacti se suaque omnia vendunt regi. Josephus nova agrorum divisione facta possessoribus in perpetuum tributum quintam frugum perceptarum partem imponit.

1. **J**osephus igitur indicavit Pharaoni, patrem et fratres suos cum gregibus suis et facultatibus omnibus e Cananæa advenisse et confedisse in Gofene, 2. simul de fratribus suis quinque ad regem introduxit. 3. Qui a rege interrogati de vitæ genere, responderunt, se non minus quam majores suos pastores esse, 4. se venisse, ut in *Aegypto* peregrinarentur, nam in Cananæa ipsis propter summam sterilitatem, quæ ibi premeretur, non suppetere pascua pro gregibus suis; igitur se rogare, ut sibi concederetur habitare in Gofene. 5. Ostendit Pharaon Josepho, sibi adventum patris et fratrum ejus
non

non displicere. 6. Patere ipsi Aegyptum, assignaret patri et fratribus regionem fertilissimam, confiderent in Gofene, et, si putaret, esse inter eos viros peritos, præficeret eos suis gregibus. 7. Deinde introduxit Iosephus etiam Jacobum patrem suum. Qui cum bene precatus esset Pharaoni, 8. hic eum interrogavit: quot annos natus esset? 9. Respondit Jacobus, annos peregrinationis suæ esse centum et triginta; brevem esse hanc ætatem suam, eamque fuisse valde afflictam; majores suos longiorem terminum vivendo attigisse. 10. Deinde cum valere regem jussisset, egressus est. 11. Iosephus autem patri et fratribus suis certas sedes assignavit in tractu Aegypti fertilissimo in regione Raemfes, quemadmodum Pharaon jusserat, 12. iisque et familiis eorum victum necessarium suppeditavit pro numero capitum. — 13. Frumento vero nullibi suppetente, Aegyptus et Cananæa fame ad extremum usque affligebantur. 14. Iosephus igitur pecuniam harum regionum omnem pro frumento iis vendito in fiscum regium intulit. 15. Pecunia consumpta venerunt ad Iosephum petieruntque, ut frumenta eis daret, nec sineret eos, quod pecuniam non haberent, fame perire. 16. Tum Iosephus respondit: velle se eis frumenta dare, si pecuniæ loco pecus darent. 17. Igitur adduxerunt ad Iosephum equos, pecus,

armentum et asinos, atque sic transegerunt hunc annum victu pro gregibus emto. 18. Anno sequenti denuo ad eum venerunt et demonstrarunt, sibi pecunia consumpta et pecore nihil reliqui esse præter corpora sua et agros; 19. sese igitur rogare, ne fineret ipsos fame perire et agros solari; emeret ipsos et agros suos pro frumento, ita ut ipsi et agri eorum tributarii essent Pharaonis; daret eis semen, quo vitam sustentare possent et terram colere. 20. Sic acquisivit Josephus omnem Aegypti terram Pharaoni. Nam Aegyptii famis gravitate coacti vendiderunt agros suos regi. 21. Quo facto *Josephus* populum totius Aegypti in alia oppida transtulit. 22. Agros tantum sacerdotum non emit, qui, quod salaria a rege accipiebant, non necesse habebant, ut fundos suos venderent. 23. Deinde edixit populo: quod ipsos eorumque agros pro Pharaone emisset; velle se eis semen ad agros conferendos dare. 24. Sed sub hac conditione, ut quintam proventuum partem regi penderent: quatuor vero partes ipsi haberent ad agrum colendum et ad suam suorumque sustentationem. 25. Illi se vitam suam ei acceptam referre fatebantur; commendabant se favori ejus, non recusare servos esse regis. 26. Sic Josephus hanc legem sanxit in Aegypto etiamnum receptam, ut Pharaoni quinta *proventuum* pars solveretur,

retur, exceptis agris sacerdotum. 27. Israelitæ Gosenem incolentes et possidentes multa fobole aucti sunt. 28. Jacobus in Aegypto vixit septem et decem annos. Cum igitur centum et quadraginta septem annos vivendo complevisset, 29. atque existimaret finem vitæ suæ instare, ad se arcessivit filium suum Iosephum, quem his verbis alloquitur: si me amas, jurejurando interposito mihi promitte, te pietatem in me tuam sic esse probaturum, ut ne me in Aegypto sepelias, 30. sed ut me, cum æque ac majores mei obdormiero, ex Aegypto deportatum sepelias inter illos. Respondet Iosephus, se velle facere quod juberet. 31. Jura igitur mihi, inquiebat; quod cum fecisset, Israel supplex in cervicali Deum est veneratus.

CAPUT XLVIII

Jacobus Iosephi filiis bene precatur.

1. **N**on ita multo post nuntiatur Iosepho, patrem suum ægrotare. Igitur una cum duobus filiis Manasse et Ephraimo *ad eum* proficiscitur. 2. Jacobus de adventu filii sui certior factus viribus collectis et adsidens in lecto, 3. his verbis eum alloquitur: Deus summus Lusæ in Cananæa mihi apparuit, magnamque felicitatem promisit, 4. amplissimam fobolem gentesque complures ex me oriundas. Quibus

bus meis posteris hanc terram in perpetuam possessionem dare velit. 5. Jam igitur duos filios tibi natos in Aegypto antequam huc venirem, adoptabo. Ephraim et Manasse eadem quæ Ruben et Simeon jura habebunt. 6. Qui vero tibi deinceps nascentur, tui erunt et fratribus suis accensebuntur ^{a)} in hereditate. 7. Matrem autem tuam Rahelem amisi cum ex Mesopotamia rediissem, in itinere cum ab Ephrata una fere statione abessem, ibi quoque eam sepelii. (Ephrata jam Bethlehem vocatur.) 8. Deinde cum Israel Josephi filios videret, interrogabat quinam hi essent. 9. Respondebat Josephus suos esse filios, quos Deus sibi in *Aegypto* largitus sit. Tum jussit Jacobus, ut propius ad se eos adduceret, quod bene eis precari vellet. 10. Præ senectute enim oculis cæcutiebat, nec poterat distincte videre. Igitur adduxit eos Josephus ad avum. Qui cum eos osculatus et amplexus esset, 11. dixit Josepho: non arbitrabar me te esse visurum, et jam mihi Dei beneficio contingit, ut et filios tuos videam. 12. Tum rece-

a) hebr. *sub nomine fratrum suorum vocabuntur in hereditate eorum*. Sensus est: Josephi filios ei deinceps natos non peculiare novarum tribuum nomen esse habituros, sed annumerari debere tribubus Ephraim et Manasse. Sub נחלה intelliguntur partes Cananæ Israelitis olim distribuendæ. Affixum autem referendum est ad Ephraimum et Manassen.

recedere eos paululum jubet Josephus, *b)* ut submis-
se *avum* venerarentur. 13. Deinde cum Josephus
Ephraimum ad dextram suam versus sinistram Israe-
lis, et Manassen ad sinistram suam versus dextram
Israelis constituisset, sic ambos ad eum adduxit.
14. Tum Israel dextram suam imposuit capiti Ephrai-
mi natu minoris, et sinistram capiti Manassis primo-
geniti, (quod tamen faciebat de industria). 15. At-
que sic inquit bene precari Josepho: Deus, quem avus
et pater meus Abrahamus et Isaacus coluerunt, Deus
qui inde a pueritia usque ad hoc tempus singularem
mei curam gessit, 16. angelus, qui me liberavit a
malis omnibus, faveat etiam his pueris et numeren-
tur in meis filiis, et nepotibus Abrahami et Isaaci, et
valde multiplicentur in terra *promissa*. 17. Josephus
vero cum videret, patrem capiti Ephraimi dextram
imposuisse, irritatus paululum, volebat manum pa-
tris

b) Jacobus sedebat in lecto secundum vers. 2. et sic adstite-
rant Josephi filii ad avi genua, cum eos amplecteretur.
Quo facto jubet Josephus, ut recederent paululum, וַיִּשְׁתַּחֲוֶי
secundum lectionem hebraeam, *et veneratus est*, scilicet Jo-
sephus patrem suum. Sed Cod. Samarit. *et* *et* et Syrus le-
gerunt in plural. וַיִּשְׁתַּחֲוֶי *adorarunt*. Quam lectionem in
versione expressi. Nempe jam sollemnis quasi benedictio a
Jacob debet peragi; propterea supplices denuo accedunt
et adducuntur a Josepho.

tris transferre a capite Ephraimi in caput Manassis; 18. non ita, mi pater, inquiebat, hic est primogenitus, pone manum tuam super hoc: 19. Sed recusabat pater, bene novi, inquiens, mi fili; etiam hic evadet in populum et magnus erit. Verum frater ejus minor, illo major erit et complurium gentium auctor. 20. Porro eis bene precatus est his verbis: A vobis bene precandi formula defumetur inter Israe-
litas, ut dicant: Concedat vobis Deus felicitatem Ephraimi et Manassis: et sic iterum præponebat Ephraimum Manassi. 21. Deinde Josephum alloquebatur: Moriar, inquiebat, sed Deus vobis aderit vosque reducet in terram majorum vestrorum. 22. Tibi vero destinavi partem terre præ fratribus tuis præcipuam, quam Amoritis armata manu eripui.

CAPUT XLIX

Jacobus filiis suis bene precatur et moritur.

1. **D**einde et *reliquos suos* filios convocavit Jacobus, et sic eos alloquitur: Adeste et indicabo vobis, quæ fors cujusque sequentibus temporibus sit futura.
2. Congregamini et audite, Jacobi filii, audite Israel patrem vestrum. 3. Ruben, tu quidem primogenitus es, robur et principium virium mearum, princeps dignitate, princeps honore. 4. Sed targes
ut

ut aqua. a) — Non princeps eris, nam patris tui cubile conscendisti, polluisti stratum meum isto ascensu b). 5. Simeon et Levi fratres, sponsalia cruenta perfecerunt c). 6. Non interero eorum consiliis, nec socius esse volo eorum conventus. Nam in iracundia sua viros trucidarunt, et in furore suo muros destru-

- a) In textu legitur פָּחַד כְּמִים. Sed Cod. Sam., si ó, Onkelos, Syrus, Aquila, Vulgatus, Hieronymus in quaest. in Genesin legerunt פָּחַד quam lectionem secutus sum. פָּחַד arabice est *tumuit*, hinc etiam *superbivit*. Mihi quidem videtur Jacobus superbiam, qua Ruben propter prerogativam primogeniturae suae *tumebat*, comparare cum aqua intumescente, sed mox diffuente. Sic bene cohaeret cum sequentibus verbis, in quibus eum illa prerogativa privat.
- b) עָלָה legi potest in infinitivo עֹלָה *ascendendo*: hinc verti: *illo ascensu*. Versio vero Samaritana et Arabs in Polyglottis legerunt in passivo: הֵלֵלָה *profanus factus es*, tunc ultimum verbum עָלָה accipi potest ut repetitio indignantis: *conscendit lectum meum*. Quae lectio non contemnenda videtur.
- c) Pro כָּלִי legerunt כָּלָה Codex Samaritanus ejusque interpres, si ó et Onkelos. Quam lectionem expressi in versione. Sequens חָמַס est in statu constructo cum מִכְרֵיהֶם hinc punctandum חָמַס — מִכְרֵיהֶם ἀναξ λογ. explicandum est ex Syr. حَمَسٌ *desponsavit*, hinc substantivum h. l. *sponsalia*.

destruxerunt d). 7. Detestabilis est ira eorum immodica et furor eorum effrenatus. Dispergam eos inter Jacobitas, dissipabo eos inter Israelitas. — 8. Juda, te, te inquam, celebrabunt fratres tui, manus tua hostium tuorum cervici imminebit, filii patris tui te venerabuntur. 9. Catulus leonis est Juda, crevisti ex præda, mi fili! procumbens in genua ut leo et læna, quis eum laceffet? 10. Non deerunt reges judæ, nec legislatores. Quamdiu prolem habebit, ei gentes obedient, e) 11. Alligabit viti asinum,

d) Non satis apta videtur lectio recepta עקרו שור *fucciderunt bovem*, quoniam non probabile est, filios Jacobi hoc fecisse. Sed potius Cap. 34, 28. legitur eos oves, boves et asinos abegisse. Igitur pro עקר legendum putem שור. Sic quoque legerunt Onkelos, Jonathan, Syrus, Arabs, Aquila, Symmachus, Vulgatus. — עקר vero non solum est *nervos fuccidere*, sed *syriace etiam, destruere, evertere ædificia*.

e) Loci hujus difficillimi explicationem, quam in versione expressi, dedit V. C. Jo. Jac. Gulcher in commentatione, quæ primum Lipsiæ 1774. typis est exscripta sub titulo: *Explicatio nova et facilis loci Genes. 49, 10.* (vid. Ernesti Biblioth. Theol. noviss. Tom. III. p. 566.) repetita deinde et aucta a Viro Doctiss. in Museo Hagano Celeb. Barkey Tom. II. P. II. Argumenta, quibus ea probatur, sat gravia mihi visa sunt, ut eam tot aliis præferrem. Sunt vero sequentia. 1. Per paral-

parallelismus membrorum **כי עד** non satis accurate explicatur ab interpretibus per *donec*, *usque*. Constat hic versus ex quatuor membris, quorum bina sibi respondent. Eadem ratio est sequentis versus. 2. **עד** et **כי** non semper terminos temporis, sed etiam tractum et durationem temporis notant. v. c. Jud. 3, 26. 1 Sam. 14, 19. Job. 1, 18. 7, 19. Prov. 12, 14. Igitur potest h. l. quoque verti *quoad*, *quamdiu*, et sic posterius hemistichion etiam constat ex duobus membris, quæ sibi respondent uti prius. — Objectioni, quæ Viro Doctiss. mota fuerat, in locis citatis legi **עד** non **כי עד** hoc vero semper terminum temporis notare, *usque*, *donec*, bene satisfecit in vindiciis huic Dissertationi additis l. c. p. 31. seqq. ubi observat primo, quatuor ista loca, in quibus **כי עד** sic dicatur, non posse regulam constituere; deinde particulam **כי עד** adjectam hujus significationem prorsus non mutare, sed promiscue in usu linguæ esse usurpata, quod exemplorum inductione probat, eodem modo quo **עד אשר** quod **כי עד** æquipollet. Tandem illud **כי** etiam aliis particulis addi, nec tamen earum significationem mutare. Ex quibus recte colligit, **כי עד** esse tantum particulam expletivam, similem Græcorum *αὐ*. 3. Vera scriptio vocis adeo controversæ **שלה** est sine Jod. Sic quoque omnes interpretes, legunt, præter Arabem Erpenii. Est autem ab arabico *سلي* quod notat membransam, qua involutus est fœtus cum hominis tum pœcudis, cujus forma feminina extat Devt. 28, 57. (cf. *Schultenf.* Orig. Tom. II. p. 56.) et metonymice pro ipso fœtu recens nato aut tenera prole ponitur; ex quo **שלי** vel **שלה** vel **של** per apocopen, ad formam **בן**, fit cum affixe

num, generoso palmiti pullum asinæ. Lavabit in vino vestem, in uvarum sanguine amictum suum. 12. Rutilabunt oculi ex vino, albescent dentes e lacte. — 13. Sebulon oram maritimam inhabitabit: appellent ad eum naves, attinget Sidonem f). 14. Ifaschar erit asinus robustus recubans inter aquarum canales. 15. Præferet quietem terræque sue amœnitatem. Humerum suum subdet oneri, et fiet tributarius. — 16. Dan iudicabit populares suos, nec erit aliis tribubus. Israeliticis inferior. 17. Dan serpens erit in via *latens*, cerastes in tramine, qui mordet calcem equi, ut eques retrorsum cadat.

affixo שְׁלֵה vel שְׁלָה, *proles, soboles ejus*. 4. בֵּן dicitur h. l. de generatione, uti aliis quoque, v. c. Pl. 71, 12. Cohe. 1, 4. — Secundum hanc interpretationem continent hæc verba quoque vaticinium de Messia e tribu Juda orituro, et de perpetuitate regni ejus, subobscurum quidem, sed temporibus quibus edebatur accommodatum. Sub gentibus primatio quidem tribus Israeliticæ intelliguntur. Sed per metalepsin deinde omnes gentes, uti in promissionibus Abrahamo datis Genes. 15. et 17.

f) Terra Sebulonitarum a lacu Tiberiadis ad mare mediterraneum pertingebat. Alterum חֹף significat *portum*, quæ et propria est ejus significatio לְחֹף אֲנִית *pro portu navium erit*. יָרֵכְתוּ *latus ejus super Sidone*; Latera regionis sunt ejus fines. Sebulonitæ Sidoniis erant contermini.

cadat. 18. Tuum auxilium expectavi, o Jova g). —
 19. Gad ab hoste infestatus cædet eorum extrema
 agmina. — 20. Ascher cibis satiabitur opimis,
 dabit regias dapes. — 21. Naphtali est terebin-
 thus patula, ramos edens pulcherrimos h). —
 22. Sur-

g) Nonnulli interpretes hæc verba putant esse vorum hominis moribundi salutem æternam expectantis. Alii sub *salute* Messiam intelligunt, cujus videndi Jacobus desiderium ostendat. Perquam aliene a contextu. Celeb. *Herderus* (vid. *Briefe, das Studium der Theologie betreffend*, P. I. p. 84.) existimat, Jacobum, dum hæc de Dane prædixerit, recordari grato in Deum animo periculorum et insidiarum variarum vitæ suæ, a quibus divino auxilio liberatus sit. Quam ingeniosam explicationem, historiæ et moribus Jacobi adeo aptam, non dubitavi in versione exprimere. Alii putant, Jacobum, dum fata liberorum suorum animo præagiât, fidem suam testari, futura esse hæc aliquando Deo juvante. Non male. Attamen illud præfero.

h) Lectio recepta hujus versûs non nisi difficilem admittit explicationem. Quid enim est? *Naphthali cerva emissa das sermones pulcros*. Neque duo sententiæ membra inter se coherent, nam cervæ emissæ non conveniunt sermones pulcri, neque apparet cur Naphthalicis præ aliis tribuantur. Igitur *Bochari* sententia (in *Hieroz.* I, 3. 18.) facile sese probavit recentioribus interpretibus, aliis punctis subjectis legendum esse: אֵילָה שְׁלוּחָהּ הֵנִיחַ אֲמִירִי שֶׁפֶר
Naphthali est terebinthus patula s. ramosa, edens ramos pulcros.

22. Surculus est Iosephus, furculus ad fontem *plan-*
tatus, cujus germina supra murum ascendunt i).

23. Exacerbarunt eum, jaculati sunt et odio perfe-
cuti sagittarii k). 24. Sed firmus mansit arcus ejus
et levia s. expedita l) fuerunt brachia manuum ipsius,

opo

eros. Sic comparatur Naphthali cum arbore ramos suos
late emittente, ad fecunditatem ejus præfagiendam.

i) Hic versus totius hujus pericopæ difficillimus mihi videtur,
atque fateor me mihi met ipsi versione mea minime satis-
facere. Prius membrum sic explico: פֶּתַח scriptum vide-
tur pro פֶּאֶרְה omiſſa א quiescenti, uti sæpe. פֶּאֶרְה
vero est *ramus*. Ezech. 17, 6. 31, 5. 6. 12. *Filius rami* est
furculus, qui ad fontem aquæ plantatus eo melius crescit
novasque emittit *propagines*, de quibus in altero membro
sermo, in quo בְּנוֹת respondet בָּן atque ex paralle-
lismo membrorum explicandum est. — Lectio recepta
mendosa videtur, difficulter ex versionibus restituenda, qua-
rum magnus est dissensus et obscuritas. Codex Samari-
tanus pro בְּנוֹת צֶעֶרָה habet בְּנֵי צֶעֶרִי, cum quo con-
sentiunt οι ό, οὗς μὲ νεώτερος et pro עֲלֵי שׁוּר legerunt
אֵלֵי שֵׁב ἡγός με ἀνεγέλω. Sed sic tollitur imago, qua
Jacobus in priori membro usus est. Mitto reliquas æque
incertas et obscuras.

k) Intelliguntur fratres Iosephi eum odio habentes et perfe-
quentes.

l) יָפֹז a פֹּז non *confirmari*, ut multi volunt, sed *levem*,
agilem esse. cf. 2 Sam. 6, 16. et Schulsenf. in Animadv. ad h. l.

ope potentis Dei, quem Jacobus coluit, per eum, qui custodiebat lapidem Israelis *m*). 25. Ab illo Deo patris tui, qui te adjuvit, ab illo Deo supremo, qui tibi benedixit, *veniant* beneficia cœli summi et terræ ei subiectæ, beneficia amplissimæ sobolis. 26. Benedictiones patris tui exsuperant benedictiones montium *n*) antiquissimorum, et cupedias collium æternorum. Veniant in caput Josephi, in verticem optimi fratrum suorum. — 27. Benjamin lupus, prædabitur mane, comedet prædam et vespere spolia dividet. — — 28. Hi sunt duodecim tribuum Israeliticarum progenitores, et hæc sunt quæ pater eorum singulis, cum eis valediceret, dixit.

m) In textu est **מִשֶׁם רֵעָה אֲבֵן יִשְׂרָאֵל**. Mihi quidem facilis videtur, nec longe quæsitæ explicatio ex historia vitæ Jacobi Genes. 28, 12. 13. Deus ei super lapide cubanti amplissimas dedit promissiones, tempore quo divino auxilio quam maxime indigebat. Idem igitur ille Deus, inquit, qui mihi tempore periculosissimo adfuit, te quoque in illis tuis calamitatibus defendit. Sic ipse se explicat in sequenti versu. — Pro **מִשֶׁם** legendum est **מִשֶׁם**, respondit enim **מִדִּי** et sic quoque legit Syrus interpres.

n) Pro **דָּוָרִי** sine dubio legendum est **דָּוָרִי**. Nam **דָּוָר** semper de femina, nunquam de viro adhibetur, et sic quoque legerunt Cod. Sam. et *si é*, et Kennicorius octo Codices citat, in quibus hæc vox defective sine Vau legatur,

dixit. 29. Quo facto hæc quoque addidit: Ego moriar, volo igitur, ut me apud majores meos sepeliatis, nempe in spelunca, quæ est in agro Hebronis Chetitæ, 30. qui et Machpela dicitur, qui est versus Mamren in Cahanæa, quem emit Abrahamus ab Hebrone Chetita, ut suum haberet proprium sepulcrum. 31. Qui etiam ibi cum Sara uxore sua sepultus est. Ibi etiam Isaacum sepelierunt et Rebeccam ejus conjugem, atque ibi ego quoque Leam sepelii. 32. Fundus ille, cum ager, tum spelunca quæ in illo est, cuncta sunt a Chetitis. 33. Cum finem præcipiendi fecisset Jacobus filiis suis, pedes in lectum retraxit, et placide expiravit collectus ad populares suos.

CAPUT L

Jacobus sepelitur a filiis suis. Josephus fratres suos rimidos solatur. Ejus posteri et mors.

1. **T**um vero Josephus patrem suum cum fletu amplexus et osculatus est. 2. Deinde servis suis medicis jussit, ut eum condirent. 3. Quo in labore quadraginta dies consumserunt, tot enim requirit illa conditura. Etiam Aegyptii lugebant Jacobum per septuaginta dies. 4. Cum autem illud luctus tempus præterisset, Josephus principes aulicos Pharaonis rogavit, ut hoc beneficii ipsi tribuerent, et suo nomi-

ne

ne a rege peterent, ^{a)} 5. (quod pater suus eum jurejurando obstrinxisset, ut ipsum in sepulcro, quod in Cananæa sibi parasset, sepeliret) ut ipsi concederet, eo ire, et patri justa persolvere, sese deinde esse rediturum. 6. Pharao jussit eum facere, quod ex jurejurando deberet. 7. Igitur Josephus profectus est ad funus paternum curandum, et comitati sunt eum principes aulici Pharaonis et magistratus Aegyptiorum. 8. Nec non omnes Josephi domestici, fratres ejus et domus paterna, tantum liberos, pecus et armentum in Gofene reliquerunt. 9. Præterea secum habebant currus et equites, ita ut magnum agmen formarent. 10. Cum ad aream Atad venissent, quæ est trans Jordanum, ingentem ibi ploratum luctumque acerbissimum ediderunt, et *Josephus* septem dies patrem suum luxit. 11. Quod cum viderent illius regionis incolæ Cananitæ, mirati sunt, ad quid Aegyptii tantopere plorassent; hinc etiam locus ille nomen habet *Abel Mizrajim*, h. e. luctus Aegyptiorum (qui est trans Jordanum). 12. Deinde filii Jacobi fecerunt, quod pater jusserat. 13. Nimirum sepelierunt eum in Cananæa in spelunca agri Machpela, quem fundum Abrahamus emit, ut sepulcrum ipsi

a) Josephus ipse adire non poterat Pharaonem propter luctum et vestitum lugubrem. Propterea per amicos proficiscendi veniam rogat.

ipsi proprium ab Ephrone Hethita, versus Mamren.

14. Quibus rebus confectis rediit Iosephus cum fratribus suis reliquisque omnibus, qui ipsum in funere patris sui curando comitati fuerant, in Aegyptum. —

15. Iosephi autem fratres mortuo patre suo verebantur, ne ille eis insensus ulcisceretur eam tantam injuriam, qua ipsum affecissent. 16. Igitur mandarunt certis hominibus, qui Iosepho dicerent: patrem ejus ante mortem suam optasse, 17. ut ignosceret fratribus suis gravem istam culpam, quam in eum commississent: nunc se rogare, ut hoc faceret, et condonaret ejusdem Dei patrii cultoribus. Quæ cum Iosepho dicerentur, flere coepit. 18. Deinde cum ejus fratres ipsi venirent, et supplices gratiam ejus implorarent, 19. respondit eis, nolite timere. Nam Deum reveoreor. *b)* 20. Vos quidem nocere mihi

b) In textu hebr. est: כִּי הִתַּחַת אֱלֹהִים אָנִי, quæ phrasis supra adfuit Cap. 30, 2. ubi vero ejus explicatio faciliior est, quam in hoc loco. Nam sive verba vertas: num loco Dei sum? sive, nonne sub Deo sum? sensus eorum semper varius et dubius et sequentibus parum aptus est. Igitur valde probabilis mihi videtur lectio Codicis Sam. הִתַּחַת quæ etiam in Origenis Hexaplis sic legebatur: καὶ φοβούμενος Θεόν εἶμι ἐγώ. Cujus sensum etiam Onkelos et Jonathan expresserant אֲנִי דַחֵלָא דִּי אֱלֹהִים ego Deum timeo. De LXX interpretibus non liquet: καὶ γὰρ Θεὸν ἐγώ. De reliquis

mihî cogitabatis, sed Deus decreverat ea in bonum *convertere*, nimirum ut multi fervarentur, quod eventus docuit. 21. Propterea nolite timere, ego vos vestrosque liberos alam. Sic eos consolatus est animosque eorum confirmavit. — 22. Cæterum Josephus habitavit in Aegypto et familia ejus paterna. Ille quidem centum et viginti annos vivendo complevit. 23. Viditque Ephraimi filios in tertiâ generatione, etiam filios Machiri, qui Manassis filius erat, gremio suo excepit. 24. Cum moretetur, ostendit consanguineis, se quidem certo scire, Deum pro suo erga eos amore eos reducturum esse in terram, quam Abrahamo, Isaaco et Jacobo jurejurando promississet. 25. Quod quando eveniret, omnia sua secum ex Aegypto educerent, idque ut facerent, jurejurando eos obstrinxit. 26. Cum mortuus esset, quod factum est anno ætatis suæ centesimo et vigesimo, condiderunt eum in Aegypto, et deposuerunt in loculo.

EXO-

liquis dubium non est, quin lectionem receptam habuerint: Aquila: ὅτι μὴ ἀρτὶ Θεῷ ἐγώ. Symmachus: μὴ γὰρ ἀρτὶ Θεῷ εἶμι ἐγώ. Syrus: propterea quod sub Deo sum, tandem Vulgatus: num Dei possumus resistere voluntati? Ex qua testium inductione apparet paria esse testimonia pro utraque lectione. Cum igitur præter sensus facilitatem etiam Cap. 42, 8. Josephus idem de se dicit, alio verbo tantum adhibito, non dubitavi Codicis Samaritani lectionem h. l. præferre.

EXODUS.

CAPVT I

Rex Aegypti Israelitas, qui nimis increverant, vexare incipit.

1. **H**æc sunt nomina filiorum Israelis, qui cum Jacobo in Aegyptum venerunt, singuli cum singulis familiis: 2. Ruben, Simeon, Levi et Judâ. 3. Isaschar, Sebulon et Benjamin. 4. Dan et Naphtali, Gad et Ascher. 5. Numerus vero omnium e Jacobo procreatorum fuit capitum septuaginta. a) E quibus Josephus jam erat in Aegypto. — 6. Mortuo Josepho, fratribus ejus et tota illa generatione, 7. Israelitæ numero et multitudine vehementer aucti sunt et propagati, ita ut tota illa regio eis impleatur. 8. Tum vero novus rex in Aegypto extitit, qui Josephum non noverat. 9. Is monstravit populo suo: Israelitas numero et viribus ipsos superare. 10. Igitur callide cum eis agendum esse, ne amplius augerentur et bello forsan exorto sese jungerent hostibus et vi armorum e terra emigrarent. 11. *Aegypti* igitur præposuerunt *Israelitis* ope-

a) Recensentur eorum nomina Genes. 46, 8. seqq.

operarum præfectos, ut eos subigerent oneribus. Adhibuerunt eos muniendis promptuariis Pharaonis, Pitom et Raamses. 12. Sed quo magis eos affligebant, eo magis crescebant et multiplicabantur, ita ut sibi ab eis timerent. 13. Igitur jam servilia opera crudeliter ab iis exigebant, 14. atque dura servitute, lateribus ex luto formandis varioque in agris servitio vitam eis acerbam reddebant, atque in his omnibus magna severitate in eos utebantur. 15. Jussit tandem rex Aegypti obstetricibus hebræis, quarum una Schiphra, altera Pua vocabatur, 16. ut si opem ferrent parturientibus Hebræorum mulieribus; attenderent in fella, num puer sit? hunc interficerent, sed si filia, ea viveret. 17. Sed obstetrices Deum veritæ non fecerunt; quod eas rex Aegypti jusserat, puerosque vivos servarunt. 18. Tum rex evocavit ad se obstetrices easque interrogavit, quare hoc facerent? 19. Illæ vero responderunt: admòdum dissimiles esse mulieres Ebræas Aegyptiis, eas esse naturæ robustæ, *b)* antequam obstetrix ad
cas

b) Hærent interpretes in voce חיות semel obvia in hac forma. Nonnulli ex interpretibus antiquis vertunt *obstetrices*. Nempe Vulgatus: *ipsæ enim obstetricandi habens scientiam*. Quod innuit sine dubio etiam Onkelos qui חיותם *sapientes*, s. *peritæ* sunt, scil. artis obstetriciæ, et Symmachus:

eas veniret, jam peperisse. 20. Propterea benefecit Deus obstetricibus. Populus vero vehementer crescebat et invalescebat. 21. Quoniam igitur obstetrices Deum verebantur, atque hic subinde numerosa sobole populum c) augebat: 22. tandem iussit Pharao, ut Aegyptii pueros recens natos in Nilum abjicerent, puellas vero vivas servarent.

CAPVT

מולדות ימי הוי. Quam explicationem probabilem reddis lingue Chaldaica et Syriaca, in quibus id ipsum vocabulum *מולדות* significat *obstetrices*, quo etiam interpretes Syrus semper utitur. Neque tamen mihi hujus vocis in h. l. hæc videtur esse significatio, quoniam in tota hac *hæc* semper *obstrix* est *מולדת*, neque ratio apparet, cur duæ diversæ voces de una re essent adhibitæ. *היה* minime dubiam admittit explicationem ex significatione verbi prima, *contrahere, constringere*, (vid. *Sylloge Dispp.* Schultensii, et Schroederi p. 904.) *bene compactus, robustus*, quæ contextui quoque, ex meo quidem sensu, aptior videtur. LXX. interpretes minus accurate explicant per verbum *ἐκτρέφειν* et Theodotion per *ἐκτρέφοντες*.

- c) hebr. *לדו*, quod multi interpretes ad *obstetrices* referunt, quibus Deus familiam auxerit, et generis enallagen aliis exemplis defendunt. Sed melius, uti arbitror *לדו* ad populum Israeliticum refertur: sic etiam enallage generis removeretur, quam cæterum in aliis locis bene multis non negem.

CAPUT II

Moses nascitur, educatur a filia Pharaonis in aula regia, fugit ob eandem in Aegypto homine commissam in regionem Midianem, ibique sacerdotis Midianitici filiam ducit in matrimonium.

1. **T**um vir quidam e familia levitica uxorem duxerat item leviticam. 2. Quæ cum filium peperisset a) eumque formosum esse vidisset, abscondit eum per tres menses. 3. Cum vero diutius eum non posset abscondere, paravit ei naviculam b) junceam, quam bitumine et pice obduxit, et in ea puerum ad ripam fluminis in alga exposuit. 4. Substitit vero e longinquo pueri soror, ut videret quid cum eo fieret. 5. Tum filia Pharaonis venit ad lavandum in flumine, pedesque vero ejus obambulant ad oram fluminis. Illa igitur naviculam vidit in alga misitque ancillam quæ eam peteret. 6. Aperta navicula vidit infantem plorantem ejusque miserta est, facile suspicans ex Ebræorum pueris eum esse. 7. Tum soror ejus interrogavit, num juberet ut ei arcefferet nutricem ex Ebræis, quæ ei puerum nutriret? 8. Quod cum jussisset, abiit puella

a) Non primogenitum, qui Aaron fuit. cf. 6, 10.

b) תִּבְכָּה de qua voce dictum est ad Genes. 6, 14.

puella et advocavit matrem pueri. 9. Cui illa, sume tecum, inquit, hunc puerum et nutri eum, dabo tibi mercedem. Igitur nutritiv mulier ista puerum, 10. jamque grandiusculum factum adduxit ad filiam Pharaonis, quæ eum pro filio habuit et Mosen vocavit, quod eum aqua extraxisset. — 11. Aliquando c) autem Moses, cum jam adolevisset, convenit populares suos, viditque quantis premerentur oneribus. Tum observavit Aegyptium quendam, qui Ebræum unum ex popularibus suis percussit. 12. Hac illuc circumspexit et cum neminem adesse videret, interfecit Aegyptium. 13. Postridie iterum exiit et offendit duos Ebræos inter se contententes. Tum eum, qui injuriam inferebat, interrogavit, quare alterum cæderet? 14. Ille vero respondit: quis te principem aut judicem nobis constituit? Num me quoque vis occidere, quemadmodum occidisti Aegyptium? hic Moses perterritus rem innotuisse intellexit. 15. Cumque Pharaon quoque rem cognovisset, eumque ad supplicium quæreretur, fuga sibi Moses prospexit, et habitavit in terra Midianitica.

Nam

c) In textu est: **בַּיָּמִים הָהֵם** *illis diebus*: sed late dicitur, nam quæ narrantur facta sunt cum Moses annum ætatis suæ ageret quadragesimum, auctore Stephano Act. 7, 23. Sic Genes. 38, 1. eo tempore dicitur de tempore longe præterito.

Nam *cum eo venisset* et ad puteum confedisset, 16. venerunt septem sacerdotis Midianitici filiae et hausta e puteo aqua canales impleverunt ad gregem patris sui adaquandum. 17. Venerunt quidem pastores, et voluerunt eas repellere, sed obstitit Moses easque defendit, et aquavit earum pecus. 18. Cum rediissent, quæsit ex eis Reguel avus *d)* earum; qui factum sit ut tam cito redirent? 19. Tum illæ narrarunt: hominem Aegyptium eas defendisse a pastoribus, aquam hausisse, pecus adaquasse. 20. Ubi vero ille est? inquit, cur eum reliquistis? vocate eum ut cibum nobiscum capiat. 21. Mansit igitur Moses apud virum illum, qui ei Zipporam neptem suam in matrimonium dedit. 22. Hæc filium peperit, quem Moses Gerschomum vocavit, peregrinum, inquit, in terra aliena. 23. Longo tempore post *e)* mortuus est rex Aegypti. Sed Israelitæ adhuc gemebant et clamabant in servitute ista ad Deum. 24. Qui tandem eorum gemitus exaudivit et recordatus est promissi sui Abrahamo, Isaaco et Jacobo dati. 25. Respexit Israelitas et *quæ eis evenirent* novit *f)*.

P 5.

CAPVT

d) Num. 10, 19, Chobab affinis Moses vocatur filius Reguelis.

Socer vero Moses vocatur Jethro Cap. 3, 1. 4, 18. 18, 1.

e) sc. post quadraginta annos, coll. Cap. 7, 7.

f) Hæc cum emphasi dicta sunt, Deum nempe auxilium suum diutius differre noluisse.

CAPVT III

Deus apparet Mosi gregem pascenti ad montem Horebum eumque iubet in Aegyptum reverti et populum Israeliticum e servitute Aegyptiaca liberare.

1. **M**oses vero cum gregem pasceret Jethronis soceri sui, sacerdotis Midianitarum, duxit eum in desertum venitque ad montem Dei Horebum. 2. Ibi ei apparuit angelus Jovæ in igne rubi ardentis. Nimirum vidit Moses rubum ardere, nec tamen igne absumi. 3. Volebat igitur accedere et contemplari visum illud eximium, cur rubus iste igne non consumeretur? 4. Quod cum Jova videret, ei acclamavit e medio rubo: Moses! Moses! Quid est? inquit ille. 5. Ne huc appropinques, inquit Deus, calceos detrahe de pedibus tuis, locus enim in quo stas est terra sancta. 6. Ego sum Deus patris tui, Deus Abrahami, Isaaci et Jacobi. Tum Moses obtexit faciem suam, verebatur enim Deum intueri. 7. Jova vero hunc in modum pergebat: Vidi afflictiones populi mei in Aegypto, et clamorem, quem ei expriment exactores ejus, audivi, novi dolores quos sentit. 8. Propterea coelo descendi, ut eum Aegyptiorum manibus ereptum ex hac terra in terram bonam et late patentem, in terram rebus optimis abundantem a) ducerem, quam Cananitarum, Chittarum, Aem-

môr-

a) hebr. *lacte et melle fluentem*. Est dictio proverbialis sæpe obvia 13, 5. 16, 31. 33, 3. etc.

morraï, Phereſitæ, Chivvæi et Jebuſitæ habitant.
 9. Quoniam igitur Iſraelitarum clamor ad me per-
 venit, atque ego, quantopere ab Aegyptiis oppriman-
 tur, perſpexi, 10. te jam mittam ad Pharaonem,
 ut educaſ popululum meum, Iſraelitaſ, ex Aegypto,
 11. Ad hæc Moſeſ Deo reſpondit: quiſ ego ſum,
 qui ad Pharaonem abeam, et qui educam Iſraelitaſ
 ex Aegypto? 12. Ego tecum ero, inquit Deus, et
 hoc ſignum habeto te a me mitti. Si popululum ex
 Aegypto eduxeris, ſacra mihi facietis in hoc mon-
 te *b*). 13. Tum Moſeſ Deo dixit: ſi ad Iſraelitaſ
 venero eiſque me a Deo majorum ſuorum ad ipſoſ
 miſſum eſſe dixero, interrogabunt de nomine ejus, *c*)
 quid tunc reſpondeam illiſ? 14. Ad hæc Deus: ero
 qui ero *d*). Sic dicere debéſ Iſraelitiſ: *Ero* miſit me
 ad

b) Senſuſ eſt: prædico tibi felicem eventum. — Non dubi-
 tabat Moſeſ Jovam eſſe, qui cum eo loqueretur. Sed de
 felici eventu huius conaminis dubitabát. Igitur hunc futu-
 rum eſſe Deus prædicit.

c) In iſta tum Aegyptiorum, tum aliarum gentium πολυ-
 θεοτητα, a qua Iſraelitæ minime immunes manſerant, ſi quo-
 que Dei majorum ſuorum memoriam retinuerant, Moſeſ
 utique iſtam quæſtionem expectare poterat.

d) Hæc verba non ſunt nomen, quod Deus ſibi tribuit; nam
 in ſequenti verſu ſe Jovam vocat, neque uſquam legitur
Ejeb ut nomen Dei. Sed hic ſenſuſ eſſe videtur: quocun-
 que

ad vos. 15. Porro Deus Mosi dixit: Sic dicere debes Israelitis: Jova ^{e)} Deus majorum vestrorum; Deus Abrahami, Isaaci et Jacobi misit me ad vos. Hoc nomen meum erit in æternum, sic per omnes ætates me vocabitis. 16. Abi igitur et convoca seniores Israelitarum, et hunc in modum eos alloquere: Jova Deus majorum vestrorum mihi apparuit, Deus Abrahami, Isaaci et Jacobi, mihi que dixit: se jam ad vos attendere, ut et ad ea quæ ab Aegyptiis patiamini, 17. atque propterea decrevisse, vos ex Aegypti miseria in terram Cananitarum, Chittæorum, Amorrhæorum, Pherezitarum, Chivæorum, et Jebusitarum ducere, in terram optimam et præstantissimam. 18. Quod si te audierint, tu una cum illis adire debes regem Aegypti et sic apud eum agere: Jova Ebræorum Deus nobis apparuit, permitte igitur, ut iter

que me nomine appellent Israelitz, præstabo me et exhibebo ut Deum. Quæ vero statim adduntur: dicere debes Israelitis, *ero* misit me, breviter dicta sunt, ex illa Mosi quæstione de nomine Dei supplenda in hunc modum: Ille Deus, qui mihi respondit, cum de nomine ejus rogarem, *ero qui ero*, is Deus misit me.

- e) Significatio nominis *יהוה* *erit*, respicit sine dubio promissiones Abrahamo, Isaac et Jacobo datas, easque certissime esse implendas. De quæstione, num Deus nomen *Jova* tunc primum sibi dederit, infra ad Cap. 6, 3. dicetur.

iter trium dierum in desertum faciamus et sacrificemus Jovæ Deo nostro. 19. Ego quidem novi regem Aegypti vos non dimissurum esse, nisi vi coactum. 20. Igitur ego quoque potentiam meam exferam et affligam Aegyptum variis in eo portentis editis. Tum demum vos dimittet. 21. Præterea gratiam Aegyptiorum vobis conciliabo, ita ut non vacui egrediamini. 22. Mulieres enim a vicinis suis et hospitibus vasa argentea et aurea, nec non vestimenta, sibi debent expetere *f*), quibus liberos vestros oneretis, Aegyptiis vero eripiatis.

f) Multi interpretes existimant, Deum jussisse Israelitas vasa aurea et argentea mutuo accipere ab Aegyptiis, et deinde cum Aegypto emigrabant, illis surripere. Sed tunc laborant in excusando furto ab Israelitis hac ratione commisso. At enim vero non video cur *לָקַח* hoc loco in alia ac vulgari sua significatione *rogandi* accipiamus. Aegyptii non denegabant Israelitis petentibus res pretiosas, ac sponte dono dabant, partim quod conscii erant varæ injuriæ, qua affecti erant a rege, partim ut maturarent exitum, partim per amicitiam, cum non probabile sit, omnes Aegyptios adeo infestos fuisse Israelitis. Sic quoque Josephus rem intellexit, Antiquit. Lib. II. Cap. 14.

CAPUT IV

Mosē recusanti miracula edendi potestas promittitur. Tandem commissum munus suscipit atque ex Midianitide in Aegyptum proficiscitur. In itinere propter circumcisionem in filio suo neglectam in visā periculum venit. Israelitæ cum gaudio accipiunt liberationis promissionem.

1. **A**d hæc Moses respondit: non fidem mihi habebunt, non credent, negabunt te mihi apparuisse. 2. Quid est, inquit Jova, quod in manu habes? Baculus, inquit Moses. 3. Tum ille: abjice eum. Quod cum fecisset, mutatus est in serpentem. A quo cum Moses fugeret, 4. jussit Jova, ut eum in cauda prehenderet. Manu igitur porrecta eum prehendit, et conversus est in manu ejus in baculum. 5. Propterea, *addebat Deus*, credent, Jovam Deum majorum suorum, Deum Abrahami, Isaaci et Jacobi tibi apparuisse. 6. Tum porro Jova jussit, ut manum in sinum immitteret. Quod ubi fecit, eamque reduxit, leprosa fuit, candens instar nivis. 7. Tum jussit eam in sinum remittere, et deinde iterum reducere, et sic reliquo corpori similis reddita est. 8. Quodsi, sic pergebat Deus, nolint tibi fidem habere, aut credere primo portento, at credent alteri. 9. Sin ne duobus quidem hisce signis poterunt ad credendum perducī, sūme aquam ex flumine, eamque effunde in terram,

terram, quæ sic mutabitur in sanguinem. 10. O Domine, inquit Moses, non sum disertus. Inde jam a longo tempore atque hoc ipso quo mecum loqueris, oris et linguæ tarditate laboro. 11. Ad hæc Jova respondit: quis homini os dedit? aut quis facit mutum, aut surdum, aut videntem, aut cæcum? nonne ego Jova? 12. Abi igitur, iuvabo te loquentem et te docebo, quæ dicere debeas. 13. Tum ille, mitte quæso, inquit, quemcumque alium. 14. Hic Jova iratus Mosi dixit: Nonne ego novi Aaronem fratrem tuum Levitam disertum esse? Is tibi obviam veniet, atque ad conspectum tuum vehementer lætabitur. 15. Ad eum tu loqueris, et quæ dicere debeat, præcipies. Ego vero et tuos et ejus sermones dirigam, et quæ vos facere oporteat docebo. 16. Is pro te ad populum verba faciet, et sic tibi pro ore erit. Tu vero eris ei pro Deo. 17. Baculum vero hunc tecum sume, quo portenta illa patrabis. — — 18. Tum reversus est Moses ad Jethronem socerum suum et ab eo petiit, ut sibi concederet redire ad consanguineos suos in Aegyptum et videre num adhuc viverent. Quod lubenter ei Jethro concessit piis votis eum profecutus. 19. Indicarat autem Deus Mosi in terra Midianitica, cum in Aegyptum redire eum juberet, mortuos esse eos omnes, qui vitæ ejus essent insidiati. 20. Moses igitur

tur uxorem suam et filios asinis imposuit et reversus est in Aegyptum. Baculum illum divinum quoque secum ferebat. 21. Jova vero denuo Moſen allocutus fuerat his verbis: Si redieris in Aegyptum, cura ut prodigia iſta omnia, quorum patratorum tibi po-teſtatem dedi, coram Pharaone edas. Ego vero per-mittam, ut animo obfirmato a) populum dimittere recuſet. 22. Tunc vero hæc ei dicere debes: Sic ait Jova, Iſraelitæ mihi inſtar filii primogeniti b) cari ſunt.

a) Verba textus ſunt: *אני אחזק את-לבו* ego animus ejus obfirmabo, quæ loquendi formula in ſequentibus aliquoties repetita eſt, Capp. 7. 3. 10. 27. 11. 10. 14. 4. Senſum vero ejus durum illum, ſi ad literam vertitur, eſſe non poſſe, apparet, 1. ex locis iis in quibus Pharaoni ipſi tribuitur, quod hic et alibi Deo. e. c. Cap. 7. 13. 8. 28. 9. 34. — 2. ex uſu complurium verborum ætiorum, quibus Hebræi metonymicè uti ſolent ad qualemcunque relationem ad actionem indicandam. vid. *Glaſſii Philol. S.* p. 343. edit. recent. Quoniam vero hic loquendi modus ab linguis occidentaliſibus alienior eſt, atque lectores illius orientalismi ignari in eo offendunt, in verſione verum ſenſum putavi exprimendum eſſe, de quo etiam nemo dubitet.

b) hebr. *ſilius meus primogenitus eſt Iſrael*. Hebraiſmus eſt in voce *בכור* quo *primogenitus* dicitur, qui in aliqua re excellit aut aliis præſtat. Senſus eſt: ego huic populo præ aliis prærogativam et principatum conceſſi, vid. *Glaſſius* l. c. p. 43.

funt. 23. Volo igitur ut dimittas filium meum, ut me colat. Quodsi renueris eum dimittere, ego filium primogenitum tuum interficiam — 24. In illo itinere cum in diverforio essent, mortem ei minabatur Jova. 25. Tum Zippora sumit cultrum acutum et circumcidit filii sui præputium, quod deinde his verbis ad pedes ejus abjecit: sponsus cruentus mihi es. 26. Tunc destitit Deus ab eo. Propter circumcisionem vero *Zippora* sponsum cruentum, maritum suum vocavit. c) — 27. Aaroni vero Jova jusserat, ut obviam iret Mosi in desertum. Quem cum in monte

- c) Hæc historia ob brevitatem qua narratur obscura est. Incertum est, quomodo Deus Mosi mortem minatus sit. Ex versu vero 25. apparet, Mosi et Zipporæ culpam esse indicatam, quam per circumcisionem neglectam commisissent. Nam hæc sumit *lapidem acutum*, forinatum nempe et aptatum ad tales usus (Jof. 5, 3. vocatur **חֶרֶב צִירִים**) et circumcidit filium. Quo facto indignabunda abjecit præputium ad pedes Mosi, inquit, *sponsus cruentus mihi es*. Sic verba intelligo propter sequentia, quæ clare dicunt Zipporam improbasse circumcisionem, eamque periculosam judicasse filio suo. Maritum suum vocat *sponsum*, quod is ei ex illo mortis periculo quasi de novo datus et conjunctus videbatur. Simul vero *sponsum cruentum*, quod eum sibi *sanguine pueri* acquisiverit. Plura de h. l. dixi ad *Glossium* p. 1178.

monte Dei offendisset osculo salutavit. 28. Tunc Moses Aaroni narravit omnia mandata, quæ a Jova accepisset et signa quæ patranda ei præcepisset. 29. Utrique igitur convocarunt procures Israelitarum. 30. Quibus Aaron exposuit omnia, quæ Jova ad Mosē esset locutus. Fecit quoque portenta ista videntibus omnibus. 31. Hi fidem habuerunt et cum audirent Jovam rationem habere Israelitarum eorumque miseriam respicere, supplices eum adorarunt.

CAPVT V

Postquam Moses et Aaron primum adierunt Pharaonem eique voluntatem Jovæ de populo dimittendo indicarunt, servitutis onera aggravantur.

1. **P**ostea adierunt Moses et Aaron Pharaonem eique indicant, jubere Jovam Deum Israelis, ut dimitteret ejus populum ad festum celebrandum in deserto. 2. Tum Pharaon quæsiuit: quinam esset ille Jova, cui morem gerere deberet et dimittere populum Israeliticum, se quidem non nosse illum Jovam, neque velle Israelē dimittere. 3. Illi vero dicunt: Deum Ebræorum eis apparuisse, sese rogare ut trium dierum iter ipsis rex concederet, ad sacrificium offerendum Jovæ Deo suo, ne pestem aut bellum eis immitteret. 4. Respondet eis rex: quid vos,
Moses

Moses et Aaron advocatis populum a labore? abite ad servitia vestra. 5. Nimium jam excrevit populus, inquit Pharaos, et vos insuper vultis eum feriari? 6. Simul præcepit exactoribus populi et tribunis ejus, 7. ne amplius darent populo stramen ad lateres formandos, sicuti antea. Ipsi irent collectum. 8. Summam vero laterum, quam hactenus præstitissent, eandem eis imponerent sine deminutione. Otiosi sunt, inquit, propterea dimitti volunt ad sacra facienda Deo suo. 9. Duriore labores imponantur hominibus, quibus occupati sint, tunc non ad mendacia attendent. 10. Exactores igitur et tribuni populi ei indicant, quid Pharaos jusserit. Stramen ei deinceps non dari. 11. Ipsi abirent et colligerent ubicunque invenirent, nec tamen propterea quidquam de laboribus eorum detractum iri. 12. Tum populus dispersus est per universam Aegyptum, ad stipulas loco straminis colligendas. 13. Exactores vero urgebant eum, ut opera sua singulis diebus perficeret, æquæ ac cum stramen haberet. 14. Vapulabant quoque tribuni Israelitarum, quos exactores Pharaonis eis præfecerunt, quoniam portionem laterum formandorum jam per aliquot dies non sicuti antea perfecissent. 15. Hi igitur adierunt Pharaonem et conquesti sunt apud eum, quod tam inique secum ageretur; 16. Stramen sibi non dari, lateres vero

præstandos esse et præterea ipsos verberari, cum tamen culpa sit Aegyptiorum a). 17. Respondit Pharaon, otiosi estis, otiosi, inquam, propterea cupitis Jovæ sacrificare. 18. Ite, laborate, stramen vobis non dabitur, sed portionem statutam laterum debetis præstare. 19. Tribuni igitur Israelitarum videbant sese ad summam miseriam redactos, dum nihil eis de penso quotidiano laterum diminueretur. 20. Obveniebant eis Moses et Aaron, cum a Pharaone discessissent. 21. His dicunt: Poenas repetat Jova a vobis, quod nos invisos et suspectos fecistis regi et aulicis ejus. Tradidistis eis gladium, quo nos interficerent. 22. Tum Moses ad Jovam his verbis precatus est: o Domine, cur tantopere affligis populum? cur me misisti? 23. Ex quo enim ad Pharaonem veni et cum eo sum locutus nomine tuo, durius adhuc tractat populum, necdum eum liberaſti.

a) Verba textus sunt: **עֲמַלְתֶּם עָמְלָא**. Vulgatus vertit: *injūſte agitur contra populum tuum*; *ὁ δὲ ἀδικήσεις ἐν τὸν λαόν σου*. Sic quoque Syrus. Sed Onkelos: peccat *in* eos populus tuus. Recte. Nam sub **עָמְלָא** non *Israelica*, sed *Aegyptii* intelliguntur. Illos enim servos Pharaonis dixerant.

CAPVT VI

*Deus Mos denuo repetit promissionem de liberatione populi
ex Aegyptiorum servitute. • Interferitur Mosi
genealogia.*

1. **A**d hæc Jova respondit Mosi: jam quidem videbis, quid facturus sim Pharaoni. Vi coactus populum dimittet; immo vi coactus eum e terra sua expellet. 2. Porro Deus cum Mose hunc in modum locutus est: Ego sum Jova. 3. Equidem Abrahamo, Isaaco et Jacobo apparui sub nomine Dei summi. Nomen vero illud meum Jova nondum eis innotuit. a) 4. Immo

a) Hic locus valde favere videtur sententiæ eorum, qui nomen Jovæ patriarchis ignotum fuisse dicunt, et Mosén, quoties illud in patriarcharum historia adhibuerit, per prolepsin historicam, quam dicunt, usurpassé. Sed obstat huic sententiæ 1. quod ipsi patriarchæ Deum hoc nomine vocant, v. c. Abrahamus Genes. 14, 22, 24, 3. seqq. Jacobus Genes. 28, 16. atque adeo eo nomine compellant, e. c. Genes. 15, 2. 8. 32, 9. Nam in his quoque prolepsin statuere durum est, nec probabile videtur, Mosén loquentes inducere homines verbis, quorum nullam prorsus noticiam habuerint. 2. Ipse Deus sese hoc nomine vocat, dum patriarchas alloquitur, e. c. Abrahamum Genes. 15, 7. Jacobum 28, 13. Quæ loca fere sola sufficiunt ad illam sententiam refutandam. Nam clare contradicerent verbis hujus loci, si hic eorum esset sensus, quem illi interpretes volunt. Sed non contradicunt, si de

4. Immo vero implebo promissionem meam eis factam, dabo eis terram Cananæam, in qua tanquam peregrini vixerunt. 5. Præterea quoque audiivi Israelitarum clamores propter servitutem, qua ab Aegyptiis premuntur. Memor jam sum meæ promissionis. 6. Igitur hæc dicere debes Israelitis: me Jovam esse, qui eos ab oneribus Aegyptiorum subducturus sim, et liberaturus ex eorum servitute et redempturus brachio exserto judiciisque potentibus; 7. Eos populum mihi sacrum futuros esse, me vero Deum eorum, *quem colant*, ita ut intelligant me Jovam Deum eorum esse,

horum nominum divinorum significatione intelliguntur. Dicit Deus se apparuisse patriarchis **בְּיָמַי יְשׁוּעָה**. Jam vero nomen **יְשׁוּעָה** explices, vel per Deum omnipotentem, vel per Deum summum, (vid. Genes. 17, 1. not. 3.) idem sensus est: Deum nempe populi Israelitici progenitoribus documenta dedisse complura omnipotentiae suae, sive sese eis probasse ut Deum summum cæli terræque creatorem etc. Deinde negat nomen Jovæ eis innotuisse, scilicet quoad significationem, quam inde ab hoc tempore habere deberet, cum respectu ad promissiones Abrahamo, Isacō et Jacobo datas, jam quidem et in posterum implendas. Sic Deus ipse verba sua explicat versu 4. 5. 6. Antea usurpatum fuerat nomen Jovæ ad existentiam Dei, necessitatem, aut immutabilitatem describendam: jam vero ad fidem, veritatem et constantiam in promissionibus servandis et implendis indicandam.

esse, qui eos ab Aegyptiorum oneribus liberaverit. 8. Ducturum quoque me eos esse in terram, quam Abrahamo, Isaaco et Jacobo jurejurando interposito promissi eamque illis possidendam daturum. Hæc ego Jova — 9. Moses quidem referebat hæc ad Israelitas. Sed non attenderunt ad ea quæ dicebat, præ nimio animi angore et servitutis duritie. 10. Tunc denuo Jova jussit Mosen 11. adire Pharaonem Aegypti regem, eique dicere, ut Israelitas e terra sua dimittat. 12. At Moses respondit: en! ne Israelitæ quidem me audiunt, multo minus Pharaonem audiet. Præterea lingua sum impedita. 13. Jova vero jussit Mosen et Aaronem Israelitis et Pharaoni suam voluntatem indicare de eis per ipsos ex Aegypto educendis b). (14. Hi sunt principes familia-

- b) Hæc et similes repetitiones de vocatione Mosis ad munus suum eo consilio factæ videntur, ut lectores suos doceret se non sua sponte hoc munus suscepisse, sed animo valde reluctantante. Genealogia autem Mosis et Aaronis hoc loco inserta est, ut constaret quænam essent origines (nam in populo originum adeo curioso, qualis Israeliticus fuit, quæstio hæc erat magni momenti) ducum primorum populi, quorum familiæ præterea deinceps sacerdotium in perpetuum conferri debebat. In qua genealogia miretur fortasse aliquis, posteros Rubenis et Simeonis paucis tantum commemorari, plenius deinde Levi posteros, reliquorum vero fi-

miliarum Israelitarum: Filii Rubenis primogeniti Israelis erant, Chanoth, Phallu, Chezron, Charmi: hæ sunt familiæ Rubenis. 15. Filii Simeonis erant: Jemuel, Jamin, Ohad, Jachin, Zochar, Saulus e Cananæa natus: hæ sunt familiæ Simeonis. 16. Nomina filiorum Levi secundum cognationes suas hæc sunt: Gerschon, Kehat, et Merari. Vixit vero Levi annos septem et triginta supra centum. 17. Filii Gerschonis erant Libni et Schimeï, quorum familiæ extant. 18. Filii Kehati fuerunt Amram, Jizhar, Chebron et Ussiel, annosque implevit Kehat centum et triginta tres. 19. Filios Merari habuit Machlim et Muschim. Hæ sunt familiæ Levi secundum cognationes suas. 20. Duxerat vero Amram in matrimonium Jochebed amitam suam, ex qua Aaronem et Moysen sustulit, vixitque annos centum septem

horum Jacobi omitti. Non absurda videtur *Hubigantii* conjectura, unde hoc venerit. Nimirum Moyses præ manibus habuit catalogum, ex quo suæ familiæ origines dare volebat. In quo cum nomina Rubenis et Simeonis primo loco scripta essent, ea quoque sed breviter tantum commemorat, et mox ad Levi posteros pergit, de quibus dicere volebat. Reliquorum recensionem omittit, quippe quæ ab instituto suo prorsus erat aliena. Ilinc factum quoque est, ut inscriptio illius catalogi servata sit: *Illi sunt principes familiarum Israelitarum*, quanquam non omnium, sed tantum familiarum Leviticæ tribus capita recensentur.

septem et triginta. 21. Filii Jizharis erant Korah, Nephher et Sichri. 22. Filii Ussielis Mischaël, Elzaphan et Sitri. 23. Aaron in matrimonium duxit Elishebam, filiam Amminadabi, sororem Nachschonis, quæ ei peperit, Nadabum, Abihum, Eleasarem, et Itamarum. 24. Filii Korachi erant: Assir, Elkanah, Abiasasch: hæc sunt quoque nomina familiarum Korachi. 25. Eleasar filius Aaronis in matrimonio habuit filiam Phutielis, ex qua sustulit Pinchasum. Hæc sunt capita familiarum Leviticarum secundum cognationes suas. 26. Hæc est prosapia illius Aaronis et Moſis, quos Jova jussit educere Israelitas ex Aegypto cum suis agminibus. 27. Hi cum Pharaone rege Aegypti hac de re egerunt. Hic est ille Moſes et Aaron. 28. Igitur cum Jova Moſi in Aegypto mandaret, 29. ut ſuo nomine ad Pharaonem regem Aegypti referret omnia, quæ cum eo eſſet locutus, 30. et Moſes Jovæ reſponderet, linguam ſe habere impeditam, Pharaonem non eum eſſe auditurum: c)

- c) Tres verſus extremi hujus capituli debebant novam ſectionem inchoare. Etenim non novum Dei mandatum continent, ſed repetitionem eorum, quæ verſu 10. 11. 12. dicta ſunt, inſerta illa genealogia interrupta. Cohærent igitur cum initio ſequentis capituli.

CAPUT VII

Moses ex mandato Dei Pharaonem denuo adit, coram quo baculum in serpentem et aquam in sanguinem mutat. Quibus cum fidem Pharaon non haberet, quod magi Aegyptii hæc miracula imitabantur, minatur Moses plagam ranarum.

- J**ova Mosi dixit: En te Deum constitui Pharaoni, Aaron vero frater tuus erit tibi internuncius. 2. Tu ei dices omnia, quæ tibi præcepero et ille Pharaoni renunciabit, dimittendos esse Israelitas e terra ejus. 3. Equidem permittam, ut animo pertinaci resistat; hinc fiet ut multa signa et prodigia in Aegypto edam. 4. Non obtemperabit vobis Pharaon, igitur convertam meam potentiam in Aegyptios, atque educam mea agmina, hoc est, populum meum Israeliticum ex Aegypto inter judicia gravissima. 5. Quod cum fecero, intelligent Aegyptii me Jovam esse. ^{a)} — 6. Moses et Aaron fecerunt sicuti Jova præceperat. 7. Ille vero tunc annum agebat octogesimum, hic tertium et octogesimum. — 8. Mandaverat præterea Jova Mosi et Aaroni, 9. ut ille hunc juberet baculum suum abjicere, qui in serpentem mutaretur, si Pharaon miraculum ab eis posce-

^{a)} Manifeste h. l. ad significationem nominis respicitur: Jovam esse eum, qui quod dixit etiam præstet et efficiat.

posceret. 10. Igitur cum ambo ad Pharaonem venissent, fecerunt sicuti iussi erant a Jova. Abiecit Aaron baculum præsentè rege et aulicis ejus, qui in serpentem fuit conversus. 11. Tum Pharao sapientes et rerum arcanarum peritos advocavit, qui Aegyptiorum *b)* magi artibus suis occultis idem fecerunt. 12. Abjecerunt baculos suos, qui in serpentes convertebantur. Sed baculus Aaronis devoravit eorum baculos. 13. Hinc animus Pharaonis obfirmatus est, ut non obtemperaret, sicuti Jova prædixerat. — 14. Tum Jova Moysi dixit: Animo pertinaci Pharao populum dimittere recusat. 15. Convenite eum mane, exhibit ad aquam, eique ad ripam fluminis obviam procede, et baculum, qui in serpentem mutatus fuit, tecum sume, 16. et his verbis eum alloquere: Jova Ebræorum Deus me ad te misit

b) Hebraice vocantur חֲרָטִים. Erant hi quos græci *εργασματοῦσι* vocant, imaginum hieroglyphicarum periti, qui artibus naturalibus, minime vero ope diaboli, aut malorum geniorum, illa ab Aarone patrata miracula imitabantur. Quod etiam contra eorum consilium fuisset, si hoc jactassent. Volunt enim Pharaoni persuadere, Moysi miracula non esse vera miracula, sed artibus naturalibus (Taschenspielerery) omnia peragi. Id quod etiam Pharao ex imitatione illorum miraculorum colligit, et sibi persuaderi cupit, ne cogatur Israelitas dimittere.

fit et jubet, ut populum suum dimittas ad eum in deserto colendum. Hactenus quidem non morem gessisti. 17. Sed ex eo intelliges me Jovam esse, inquit idem Jova. Ego percutiam hoc baculo, quem manu teneo, aquam fluminis et statim rubra c) evadet. 18. Tunc pisces morientur et flumen adeo foetebit, ut omnes aquam ejus bibere fastidiant. 19. Simul jussit Moses ex mandato Jovæ Aaronem, manum cum baculo extendere super aquas Aegypti, super flumina, rivos, stagna, super omnia aquarum receptacula, ut rubra fierent, atque omnis aqua, etiam quæ in vasis ligneis aut lapideis servaretur, rubesceret. 20. Igitur Moses et Aaron fecerunt quemadmodum Jova præceperat. Aaron baculo sublato aquam Nili percussit præsentem Pharaone et aulicis ejus, et rubra evasit. 21. Hinc piscibus fluminis mortuis tantus ejus foetor extitit, ut Aegyptii aquam e flumine bibere non possent. Simul in tota Aegypto aqua rubra facta est. 22. Sed cum Aegyptiorum magi artibus suis occultis idem facerent, Pharaon animo pertinaci non obtemperavit, quemadmodum Jova prædixerat.

23.

c) נִהְפְּכוּ לָדָם *convertentur in sanguinem*. Assentior illis interpretibus, qui non sanguinem proprie sic dictum, sed ruborem, quem aqua contraxit, intelligunt. Quæ significatio quoque propter originem verbi אָרָא *rubuis* a substantivo אָר non est aliena.

23. Illinc digressus domum rediit, neque ad ea, quæ facta erant, attendit. 24. Aegyptii vero circa flumen fodiendo aquam ad bibendum quæsierunt. Aquam enim Nili bibere non poterant. 25. Hæc a Jova immissa plaga per septem dies duravit. — 26. Deinde Jova denuo jussit ut Moses Pharaonem adiret, eumque suo nomine juberet populum suum dimittere ut sibi serviret. 27. Si recusaret, se totam ejus terram ranis immisisse esse afflicturum. 28. Nolum enim tantam earum copiam emissurum esse, ut in ædes, conclavia, penetralia et lectos ejus, nec non in ædes aulicorum et subditorum ejus, in fornaces et matras penetrent. 29. Sic usque ad eum, subditos et ministros ejus pervasitras esse.

CAPVT VIII

Ranæ ex Nilo excitatæ, culices, muscæ.

1. **T**um Jova Mosi mandavit ut præciperet Aaroni manum cum baculo extendere super flumina, rivos et stagna, ut ranæ ascenderent super Aegyptum. 2. Quo facto tot ranæ extiterunt, ut tota Aegyptus eis obtegeretur. 3. Sed magi artibus suis occultis etiam ranas produxerunt. 4. Attamen Pharaon' Mosen et Aaronem arcessitos rogavit, ut intercederet apud Jovam, quo ranas a se et populo suo auferret, velle se populum dimittere ad sacrificandum Jovæ. 5. Mo-

5. Moses respondit Pharaoni, velit ipse tempus indicare, quando pro eo, ministris ejus et subditis precari debeat, ut ranæ ab eo et ædibus ejus propellerentur, et tantum in flumine relinquerentur. 6. Cum ille crastinum diem nominasset, erit ita, inquit Moses, sicuti dixisti, ut intelligas non esse Deum Jovæ similem. 7. Auferentur ranæ a te et ædibus tuis ab aulicis et subditis tuis, tantum in flumine restabunt. 8. Postquam igitur Moses et Aaron a Pharaone discesserant, ille propter ranas ad Jovam precatus est, quas regi immiserat. 9. Quas ejus preces Jova quoque admisit. Mortuæ sunt ranæ in ædibus, atriis et agris. 10. Quibus in cumulos congestis foetuit tota illa regio. 11. Pharaon autem cum videret respirationem sibi factam esse, mente obstinata parere renuit, sicut Jova prædixerat. — 12. Igitur sic Mosi denuo mandavit, ut juberet Aaronem extendere baculum et terram percutere, quo facto culices a) nascerentur in tota Aegypto. 13. Fecerunt ita. Aaron quidem protenso baculo percussit terræ pulverem,

a) כְּנִיִּץ vulgo *pediculos* vertunt, quam sententiam Bocharus in Hieroz. P. II. Lib. IV. Cap. XVIII. pluribus defendit. Sic quoque Onkelos, Syrus et Arabs verterunt. Sed præferenda videtur versio τῶν ὀ, qui habent *σκνίψας, culices*, Quam vocem Vulgatus retinuit *cinipbes*.

rem, hinc extiterunt culices in hominibus et animalibus, omnis totius terræ pulvis in culices videbatur conuersus. 14. Conati quidem sunt magi artibus suis etiam culices producere, sed frustra. Cum igitur homines et animalia per culices vexarentur, 15. magi coacti sunt fateri Pharaoni *b*), vim divinam hac in re intercedere. Hic vero animo obdurato eis non obtemperavit, quemadmodum Iova prædixerat. — 16. Igitur hic iussit Mosen postridie mane obviam procedere Pharaoni, qui ad aquam sit egressurus, eumque his verbis compellare: Jubet Iova, ut dimittas suum populum. 17. Sin minus, ille tibi, aulicis et subditis tuis muscas *c*) immittet, quæ omnes Aegyptiorum domos, totamque regionem implebunt. 18. Distinguem vero tunc, inquit, regionem Gosen, quam populus meus inhabitat. Nullæ
ibi

b) Ex hac magorum confessione clarum est, quod ad Cap. 7, 11. observavimus, eos in reliquorum miraculorum imitatione Pharaoni persuadere voluisse, artibus naturalibus hæc a Mose patrari. Quoniam in hoc vim divinam agnoscunt, in superioribus eam negarunt.

c) ערוב nonnulli interpretes *Hieronymum* secuti vertunt omne genus muscarum. Sic fere etiam *Iosephus* II, 14. et *Aquila* πᾶμμουσων, ex origine τοῦ ערוב miscuit. Sed ex versu 25. apparet, speciem cuiusdam animalis esse intelligendam. si ô vertunt per κυνόμουσων, muscam caninam, quam sententiam *Bochartus* II, 4, 14. et 15. prolixè defendit.

ibi erunt muscæ. Ex quo poteris intelligere, me hujus terræ Deum esse. 19. Hoc discrimen ego statuas inter meum et tuum populum. Cras existet illud miraculum. 20. Implevit vero Jova quod dixerat. Tanta muscarum multitudo invasit ædes Pharaonis, aulicorum ejus et omnium Aegyptiorum, ut tota terra ab eis vastaretur. 21. Tum Pharaos Moysi et Aaroni ad se evocatis dixit: abite et sacrificate Deo vestro in Aegypto. 22. Respondet Moses: non commode hoc fieri potest: ea enim sacrificia facimus, quæ Aegyptiis abominabilia viderentur. Quæ si eis præsentibus offerremus, verendum esset ne nos lapidarent. 23. Iter trium dierum in desertum faciemus, sacrificaturi Jovæ Deo nostro, quemadmodum jussit. 24. Ad hæc Pharaos respondit: dimittam vos, sacrificate Jovæ Deo vestro in deserto, modo ne longius discedite, et pro me precamini. 25. Tum Moses, simulac a te discessero, inquit, Jovam orabo ut a te, aulicis et subditis muscas auferat, modo ne amplius spem meam deludas, nec mittas populum ad Jovæ sacrificandum. 26. Fecit igitur Moses quod dixerat, 27. atque Jova annuit ejus precibus et muscas removit a Pharaone, ejus aulicis et subditis, ne una quidem relicta. 28. Ille vero hac quoque vice animum suum obfirmavit, neque populum dimisit.

CAPUT IX

Pecoris lues, ulcera, grando.

Tum Jova Mosen jussit rursus adire Pharaonem atque ita cum eo agere: Sic dixit Jova Deus Ebraeorum: dimitte populum meum, ut mihi serviat. 2. Si hoc facere recusaveris cumque porro retinueris, 3. ego greges tuos in agris, equos nempe, asinos, camelos, armentum et pecus gravi lue affligam. 4. Discrimen vero faciam inter Israelitarum et Aegyptiorum greges, ita ut illorum nullum prorsus moriatur. 5. Tempus quoque Jova determinat, die nempe crastino hæc evenient. 6. Postridie Jova has minas implevit. Lues sæviit per omnes Aegyptiorum greges, de pecore autem Israelitarum ne unum quidem interiit. 7. Et quanquam Pharaos hujus rei certior erat factus per missos nuntios, tamen obstinavit animum suum, neque populum dimisit. — 8. Tum Jova jussit, ut Moses et Aaron plenis pugillis fuliginem fornacis fumerent, quam Moses vidente Pharaone in aërem spargeret. 9. Qua in omnem Aegyptum dispersa erumperent cum in hominibus, tum in animalibus ulcera purulenta. 10. Illi igitur sumserunt fuliginem fornacis atque præsentem Pharaone Moses eam in aërem sparsit. Quo facto ulcera tumescencia eruperunt in hominibus et animalibus.

R

11. Ne.

11. Neque minus magi his ulceribus affecti sunt, ita ut tam parum quam alii Aegyptii possent in conspectum Moſis venire. 12. Atque tamen Pharaon animum suum obfirmavit, Deo sic permittente; non obtemperavit eis, quemadmodum Jova hoc Moſi prædixerat. —. 13. Quo facto Jova jussit Moſen poſtridie coram Pharaone comparere atque his verbis eum alloqui: sic fatur Jova Ebræorum Deus; mitte populum meum ut mihi ſerviat. 14. Alias jam quidem omnes plagas meas tibi infligam; nec non aulicis et ſubditis tuis, ut intelligas non eſſe Deum mei ſimilem in toto terrarum orbe. 15. Et jam nunc te pro potentia mea, tuumque populum ex hac terra peſte auferre poſſem. 16. Enimvero manebis ad potentiam meam in te oſtendendam, et ut nomen meum in toto hoc univerſo celebretur. 17. Si ulterius populum meum retinueris, nec eum dimiſeris, 18. En! cras dejiciam tantam grandinem, quanta nunquam antea fuit in Aegypto, ex quo eſt fundata. 19. Mitte igitur qui cogant greges tuos et quæ in agris habes. Homines enim et animalia, quæ ſub dio ſunt, nec ſub tecta collecta, grandine oppreſſa peribunt. 20. Alii de aulicis Pharaonis has Jovæ minas veriti ſervos et greges ſuos domum coegerunt. 21. Alii vero Jovæ dicta contemnentes reliquerunt eos in agris. 22. Tum Jova jussit Moſen, manum verſus
coelum

coelum extendere, ut grandinaret in universam Aegyptum, in homines et animalia et agrorum fruges.

23. Quod cum Moses fecisset, Jova tonitrua misit micantibus per terram fulguribus. 24. Quæ grando

cum fulgure coruscante tam gravis et vehemens fuit, ut nunquam antea, ex quo Aegyptus habitata est,

similis ei extiterit. 25. Contudit per totam Aegyptum omnia quæ in dio erant, homines et animalia,

omnesque agrorum fruges, arbores fregit. 26. Tantum in terra Gosen, quam Israelitæ incolebant, non

grandinavit. 27. Tum Pharaeo evocatis ad se Mosi et Aaroni dixit: Peccavi, Jova justus est, ego vero

et populus meus male egimus. 28. Intercedite pro me apud Jovam, ut tonitrua et grandines desinant,

dimittam vos, non amplius detinebimini. 29. Respondit Moses: cum urbe egressus fuero, Deum ro-

gabo et cessabunt tonitrua et grandines; ut intelligas Jovam esse hujus terræ dominum. 30. Attamen be-

ne scio, neque te, neque homines tuos Jovam re-

vereri. — 31. Linum et hordeum grandine ista contusa fuerunt; hoc enim jam maturescebat, illud

vero siliquabatur. 32. Triticum vero et zea damnum perpeffa non sunt, quod erant tardiora; — 33. Di-

gressus igitur a Pharaone Moses ante urbem manus ad Jovam expandit, et cessarunt tonitrua et grandines, nec ulterius pluvia est effusa. 34. Quod cum

Pharao videret, perrexit in peccato suo, animumque suum cum ipse, tum ejus aulici obfirmarunt. 35. Hinc pertinaciter Israelitas recusavit dimittere, quemadmodum Jova per Mosen prædixerat.

CAPVT X

Locusta et tenebra trium dierum.

1. **T**um Jova Mosen his verbis est allocutus: adi Pharaonem. Equidem permittam, ut cum ille, tum ministri ejus animos suos obſinent. Inde vero fiet, ut miracula plura inter eos edam, 2. utque vos filiis et nepotibus vestris narrare possitis, quæ in Aegypto patrauerim, et quantis eos portentis infestaverim, et intelligetis me Jovam esse. 3. Moses igitur et Aaron cum rursus convenirent Pharaonem, hæc ei dixerunt: Sic fatur Jova Ebræorum Deus: quousque recusabis temet mihi submittere? Dimitte populum meum ut me colat. 4. Quod si facere ulterius recusaveris, cras in terram tuam adducam locustas, 5. quæ ejus superficiem ita obtegent, ut prorsus conspici non possit, et quæ e grandine vobis relicta sunt confument, nec non arbores et quæ in agris germinarunt. 6. Implebunt tuas, aulicorum tuorum et subditorum domos, adeo ut patres aut majores tui nullo unquam tempore tale quid viderint. Quæ cum Moses dixisset, digressus est

est a Pharaone. 7. Tunc aulici ejus his verbis eum alloquuntur: Quousque vir ille nobis erit perniciosus? Mitte tandem homines, ut colant Jovam Deum suum: An expectabis totius Aegypti interitum? 8. Tum Moses et Aaron revocati sunt, et Pharaon, ite, inquit, colite Jovam Deum vestrum. Sed quinam sunt abituri? 9. Respondit Moses: Ibimus omnes, juvenes et senes, filii et filiae nostrae, una cum armento et pecore. Nam festum Jovae celebrandum nobis est. 10. Ad hæc ille: ita vobis Jova adsit, uti ego vos et liberos vestros dimittam. Iam satis apparet vos mala intendere. 11. Minime vero. Vos viri ite et colite Jovam. Hoc erat tantum in votis vestris. Et sic a Pharaone expellebantur. 12. Tum jussit Jova Mosen extendere manum super Aegyptum, ut locustæ in eam venirent, quæ omnes agrorum fruges, et quæ grando reliquerat, absumerent. 13. Quod cum Moses fecisset, Jova excitavit eum; qui cum totum diem noctemque integram per illam regionem flavisset, primo mane locustas invexit. 14. Occuparunt totam Aegyptum, in omnibus ejus confiniis confederunt, tanta copia et multitudine, quanta nec unquam antea fuit, neque postea futura est. 15. Omnem terræ superficiem obtexerunt eamque obscurarunt, agrorum et arborum fruges a grandine relictas absumerunt, ut nihil neque in his neque in

illis viride superesset in tota Aegypto. 16. Tum propere advocavit Pharao Mosen et Aaronem; peccavi, inquit, in Jovam Deum vestrum et in vos. 17. Ignoscite quæso peccato meo hac quoque vice, atque precamini Jovam Deum vestrum, ut hanc tantam perniciem a me removeat. 18. Digressus Moses a Pharaone intercessit pro eo apud Jovam, 19. qui vento contrario a mari excitato locustas in mare algosum abiecit, ita ut ne una quidem superesset in tota Aegypto. 20. Attamen Pharao ulterius mentem suam obstinavit, Jova sic permittente, neque Israelitas dimisit. — 21. Postea Jova rursus jussit Mosen manum versus cælum extendere, ut tenebræ in Aegypto existerent densissimæ. 22. Quod cum Moses fecisset, ortæ sunt in universa Aegypto tenebræ per tres dies tantæ, 23. ut alter alterum videre non posset, nec quisquam loco suo surgere auderet toto illo tempore. Contra vero Israelitæ in suis sedibus lucem habebant. 24. Tum Pharao Mosen accessit ei que dixit: Ite, colite Jovam, parvuli quoque vestri vobiscum eant; pecus tantum vestrum et armentum remaneat. 25. Ad hæc Moses: Victimæ quoque et holocausta, quæ Jovæ Deo nostro offeramus, concedas nobis necesse est. 26. Igitur et greges nostri nobiscum emigrabunt, ne ungula quidem relicta. Nam ex nostris sumemus quæ cultus Jovæ

Jovæ Dei nostri requirit. Nos ipsi adhuc ignoramus, qua ratione eum simus culturi, donec ad illum locum pervenerimus. 27. Quoniam vero Jova permiserat, ut Pharaon rursus animo obstinato populum dimittere recusaret: 28. ille Mosi, apage, inquit, et cave tibi ne rursus in conspectum meum venias. Nam si hoc ausus fueris, moriere. 29. Respondit Moses: Bene est, quod dixisti, non videbo te amplius.

CAPUT XI

*Moses minatur Pharaoni ultimum Dei judicium,
mortem nempe primogenitorum.*

(1. **P**raenotauerat *a*) autem Jova Mosen, se unam adhuc plagam inducturum esse in Pharaonem et Aegyptum, tunc illum Israelitas omnes esse dimissurum atque adeo expulsurum. 2. Juberet igitur *b*) populum, viros

a) Male hoc loco capita sunt divisa. Totum hoc caput cum praecedenti arte cohaeret. Nam continuatur colloquium idque ultimum Mosi cum Pharaone. Sed tres versus priores sunt in parenthesi ponendi. Sic enim connexio versus quarti cum ultimo praecedentis capitis facilis est. Aliis non apparet, quomodo Moses cum Pharaone loquatur, si secundum vers. 29. praecedentis capitis dixerit, se nolle eum amplius videre.

b) cf. de hoc mandato dicta ad Csp. 3, 22.

viros et feminas ab amicis suis petere vasa aurea, et argentea. 3. Velle se *hunc in finem* favorem populo conciliare apud Aegyptios. Magnam etiam Moses auctoritatem consecutus fuerat cum apud aulicos Pharaonis, tum apud reliquos Aegyptios.) 4. Sed audi quæ Jova *tibi* dicit: Circa mediam noctem ego Aegyptum obibo, 5. et morientur omnes primogeniti a primogenito tuo, regni successore, usque ad primogenitum ancillæ, quæ molam trahit; nec non omnis pecoris primogeniti. 6. Tunc clamor orietur in Aegypto tantus, quantus nec unquam antea fuit, neque postea est futurus. 7. Apud Israelitas vero ne canis quidem latrabit. Nullius neque hominis, neque animalis voces audientur, ut intelligas, quantum discrimen statuatur Jova inter Aegyptios et Israelitas. 8. Tunc ad me venient tui, meque supplices rogabunt, ut ego cum populo meo egrediar. Id quod tunc quoque faciam. Atque hæc locutus, iratus a Pharaone discessit. — 9. Jova vero Mose jam præsignificaverat, c) Pharaonem non esse obtemperaturum, hinc multa se portenta in Aegypto esse patraturum. 10. *Atque ita etiam factum est.* Quanquam Moses et Aaron miracula ista omnia coram

c) Finitur hic historia de miraculis Mosis in Aegypto patrat, et de Pharaonis obduratione. Igitur *וַיֵּאמֶר* in tempore præterito est vertendum.

ram Pharaone edidissent, tamen pertinaci animo Pharaō, Jova sic permittente, Israelitas e terra sua dimittere recusavit.

CAPUT XII

*Institutio agni paschalis. Exitus Israelitarum
ex Aegypto.*

Tunc Jova Moſi et Aaroni, cum adhuc eſſent in Aegypto, hæc edixit: 2. Hic menſis vobis ſit primus menſum, a quo annum incipiat. 3. Jube te, ut totius Iſraelitici cœtus ſinguli patres familias decimo illius menſis die ſingulos agnos ſumant, pro ſua quiſque familia. 4. Quodſi familia alicujus ad agnum conſumendum non ſufficiat, ille et vicinus ejus, qui proxime ei adhabitat, agnum ſumant, ita ut numerus capitum par ſit ei comedendo. 5. Eſto vero agnus ille vitii omnis expertus, mas annulus, ſive de ovillo, ſive de caprino pecore. 6. Hunc ad quartum decimum diem illius menſis ſervatum univerſus Iſraelitarum cœtus maſtato ſub crepuſculum. 7. Sanguinem vero ejus inducant ambobus poſtibus et ſuperliminari ædium, in quibus comeditur. 8. Eadem illa nocte comedatur, igne aſſatus cum pane non fermentato et herbis amaris. 9. Non ſemicoctum ſ. crudum, nec aqua elixum comedere licet, ſed igne toſtum, ita ut caput, crura et ventriculus ſint indi-

R 5 vultu.

vulsa. 10. Nec in sequentem diem aliquid relinquitte, et si quid reliqui fuerit, igne illud debetis comburere. 11. Hoc habitu vero comedetis: lumbis accipietis, pedibus calceati, baculos manibus tenentes, et festinanter agatis. Festum hoc est libertatis a) a Jova concessæ. 12. Etenim hac ipsa nocte obibo Aegyptum atque omnia ejus primogenita interficiam cum hominum tum animalium, atque adeo Deos Aegyptiorum pœna afficiam, ego Jova. 13. Sanguis vero ille notabit ædes, quas habitatis. Quo conspecto vos liberos relinquam a clade illa perniciofa, quam Aegyptiis infligam. 14. Atque hujus diei memoriam colere debetis, quo festum mihi celebretis, quod per omnes generationes perpetuo instituto apud vos servetur. 15. Per septem dies panes sine fermento

a) Triplex est explicatio vocabuli מִן־חֵם. Alii dicunt esse *transitum*. Quæ quidem satis antiqua est *Josephi*, *Philonis*, *Hieronymi* et aliorum sententia, sed parum probabilis, quippe quæ ex linguis cognatis nulla ratione firmari potest. Alii, *libertatis* sive etiam *latitiæ* significationem ei tribuunt, ex origine verbi חָם *laxavit*, quod deinde ad utramque illam notionem transfertur. Alii per *parcere* explicant. Quorum tamen sententia, quod ego quidem sciam, tantum probatur ex *Eccl.* 31, 7. ubi quidem contextui satis apta, sed, ut fit, non minus apta est altera *libertatis* notio. Quæ quidem mihi præferenda videtur. cf. quæ pluribus de hoc vocabulo dicta sunt ad *Glossium* p. 962.

mento edere debetis, et statim primo die remove-
 fermentum ex ædibus vestris. *b)* Quicumque a pri-
 mo usque ad septimum diem fermentatum gustave-
 rit, is e cœtu Israelitarum auferatur. 16. Primo
 die sacrum conventum peragatis, itemque septimo,
 neque ullum illis diebus opus faciatis, præter ea quæ
 ad cibos parandos necessaria sunt. 17. Hanc de pa-
 nibus, non fermentatis *legem* observare debetis. Eo
 ipso enim die vos ex Aegypto eduxi; propterea per-
 petuo instituto apud vos hic dies a posteris vestris
 dicta ratione peragatur. 18. Quarto decimo die
 illius mensis circa vesperam incipietis azymis vesci;
 usque ad vesperam primi et vicesimi diei ejusdem
 mensis. 19. Septem dies non reperiatur ferment-
 um in ædibus vestris. Quicumque fermentatum
 gustaverit, e cœtu Israelitico removeatur, sive pere-
 grinus sit, sive indigena. 20. Ab omni fermentato
 omnino abstinere debetis, et azymis tantum vesci in
 ædibus vestris. — 21. Moses convocatis Israeli-
 tarum

b) Recte Ill. *Michaelis* mihi videtur observasse, hoc præceptum
 de azymis a Mose datum esse post exitum ex Aegypto.
 Nam ex versu 49. plane apparet, Israelitas panem suum vo-
 luisse fermento miscere, sed impeditos fuisse ab Aegyptiis.
 In hujus vero circumstantiæ memoriam deinde jussi sunt
 vesci azymis. Sed Moses hoc loco paschatos leges conjun-
 ctim enarrat. Neque in hujus mandati executione apud
 Israelitas vers. 21 - 27. aliquid de azymis legitur.

tarum primoribus sic eis præcepit: Sumite agnos pro numero familiarum vestrarum et Pascha mactate. 22. Deinde hyssopi fasciculum sanguini, quem in pelve excepistis, intingite atque obducite eum — superliminari et ambobus postibus, nec quisquam vestrum ædibus egrediatur usque ad crastinum. 23. Jova enim ad plectendos Aegyptios obibit. Quodsi viderit sanguinem in superliminari et postibus, libertatem ædibus vestris concedet, ita ut eas plaga perniciofa non pervadat. 24. Propterea perpetuum hoc sit institutum apud posteros vestros, 25. ita ut hunc cultum ei in perpetuum præstetis, quando in terram veneritis, quam vobis Jova dare promisit. 26. Quodsi tunc liberi vestri vos de ratione hujus instituti interrogabunt; 27. respondere eis debetis, sacrificium hoc esse libertatis in honorem Jovæ, qui Israelitas, in Aegypto tunc commorantes, liberos dimiserit et a periculo isto servaverit, cum Aegyptios plecteret. — *His mandatis acceptis* populus supplex honorem exhibuit, 28. atque diligenter observavit omnia, quæ Moses et Aaron edixerant. — 29. Tunc media nocte Jova occidit omnia totius Aegypti primogenita; a Pharaonis primogenito regni herede, usque ad primogenitum captivi carceri inclusi, nec non omnia animalium primogenita. 30. Pharao igitur hac ipsa nocte,

nocte, aulici ejus et omnes Aegyptii surrexerunt (ingens enim clamor per totam Aegyptum sublatus est, quippe nulla domus funeris expers fuit) 31. atque evocatis Moſi et Aaroni dixit: egredimini e terra mea, vos cum populo vestro. Colite Jovam quemadmodum optastis. 32. Pecus quoque vestrum et armentum abducite, prouti postulastis, ite modo et bene mihi precamini. 33. Urgebant adeo Aegyptii populum, ut exitum acceleraret, omnes enim mortem verebantur. 34. Ille igitur massam nondum fermentatam in matris humeris extulit panis involutam. 35. Petierat quodque populus ab Aegyptiis vasa argentea atque aurea et vestes. 36. Et Jovam favorem Aegyptiorum ei conciliarat, ut darent rogata, quæ sic eis ablata sunt. — 37. Emigrarunt vero Israelitæ e Ramſefe Succotham, circiter sexcenta millia peditum præter parvulos. 38. Præterea una cum illis magna mixtæ turbæ multitudo proficiscebatur, pecoris vero et armenti ingens copia. 39. Ex massa vero, quam ex Aegypto deportaverant, panes coxerunt sine fermento. Nam cum ab Aegyptiis urgerentur, nec mora dabatur, massam illam fermento miscere non poterant, nec omnino viaticum sibi parare. 40. Commorati autem
sunt

sunt in Aegypto c) quadringentos et triginta annos. 41. Quibus peractis universus Jovæ populus nocte illa commemorata Aegypto emigravit. 42. Illa nox, qua singulari Dei cura ex Aegypto educi sunt, sacra esse debet Jovæ, summa cum cura peragenda ab Israelitis eorumque posteris. 43. Porro Jovæ Mosi et Aaroni hæc de paschate præcepta dederat: Peregrinus illud non comedat. 44. Servus autem emtus, si circumcissus fuerit, eo vescatur. 45. Minime vero advena, aut mercenarius. 46. In una domo comedatur, nihil de carne foras efferre fas sit, nec ullum de ossibus ejus frangere. 47. Totus Israelitarum cœtus illud faciat. 48. Si quis peregrinus apud vos vivat, velitque una Pascha in honorem Jovæ celebrare, omnes, quæ in familia ejus sunt, mares circumcidantur, tunc potest admitti, idem jus habeat, quod indigena. Præputiato vero de eo comedere non licet. 49. Ritus observandi iidem sunt cum indigenæ, tum peregrino inter vos commoranti. 50. Fecerunt Israelitæ omnia, quæ Moses et Aaron eis præceperant. — 51. Illo igitur die Jovæ Israelitas ex Aegypto cum suis copiis eduxit. —

CAPUT

c) De dissensu Codicis Sam. et versionis græcæ a lectione textus hebræi recepta vid. Ill. *Michaelis* in *Biblioth. Orient.* P. XII. p. 22. seqq.

CAPUT XIII

*Consecratio primogenitorum. Israelitæ non recta via in
Palæstinam contendunt, sed per devia versus sinum
Arabicum ducuntur.*

1. **T**um quoque Jova Mosi præcepit, ut sibi omnia primogenita consecraret. 2. Omne quod primum e matre nascitur apud Israelitas, sive de hominibus, sive de animalibus, suum esse. — 3. Populum vero Moses adhortatus est, ut memores essent ejus diei, quo ex Aegypto e dura illa servitute essent egressi, magna vi eos Jovam inde eduxisse; abstinerent ab omni fermento. 4. Hoc die, mense Abib egressi estis, inquiebat, 5. Quando igitur Jova vos duxerit in terram Cananitarum, Chittæorum, Amoræorum, Chivvæorum et Jebusitarum, quam jurejurando interposito majoribus vestris promisit, terram optimam et fertilissimam, eodem illo mense hunc cultum ei debetis præstare. 6. Nimirum per septem dies panes azymos comedetis, quorum ultimo festum Jovæ celebretis. 7. Azymis vescimini per septem dies, neque fermentatum, neque fermentum his diebus in tota terra vestra reperiatur. 8. Liberis autem vestris exponere debetis, ista omnia eo die sic peragi, in memoriam ejus, quod Jova fecerit, cum ex Aegypto egredieremini. 9. Signum

gnum sit vobis *hoc festum* in manibus vestris et inter oculos memoriale, ut de lege divina perpetuo loquamini; manu enim potenti Jovæ vos ex Aegypto eduxit. 10. Igitur servate hoc institutum suo tempore quotannis. 11. Et quando Jovæ vos in terram Cananitarum jurejurando majoribus vestris promissam introduxerit, 12. offerre debetis Jovæ omnia primogenita, etiam pecorum; primogenita mascula Jovæ sacra sunt. 13. Asini primogenitum agno redimito, si nolueritis redimere, cervicem ei frangitote. At primogenitos hominum, filios vestros utique debetis redimere. 14. Quodsi deinde aliquando liberi vestri vos interrogabunt, cur ita faciatis? docete eos, Jovam vos ex Aegypto ex ergastulo magna vi eduxisse, 15. et cum Pharao pertinaciter recusasset vos dimittere, Jovam interfecisse omnia Aegypti primogenita cum hominum, tum animalium; propterea vos Jovæ mactare omnia mascula, quæ primum e matre nascuntur, filios vero vestros primogenitos redimere. 16. Sic in manu vestra et in fronte inscriptum semper sit, Jovam vos magna vi ex Aegypto eduxisse. — 17. Postquam Pharao populum dimiserat, Deus eum non recta via in Palæstinam duxit, quanquam ea propinqua esset, (novit enim futurum esse, ut populum poeniteat *exitus ex Aegypto*, quando viderent bellum cum Cananitis

nitis ineundum, eumque propterea eo esse reditum,) 18. sed longiore circuitu per desertum ad finem Arabicum. Totum vero agmen Israelitarum in quinque partes divisum erat, cum ex Aegypto egrederentur. 19. Extulit quoque Moses secum ossa Josephi. Is enim fratres suos jurejurando obligaverat, ut hoc facerent, quando Deus eis subveniret, de quo certissime erat persuasus. — 20. E Succotho egressi castrametati sunt Ethami ad extremum deserti. 21. Jova vero eos præcedebat in nube itineris duce. Noctu illa nubes eis prælucebat, ita ut diu noctuque iter facere possent. 22. Non discedebat ab eis interdiu. Noctu vero splendens populum præcedebat.

CAPUT XIV

Pharao cum exercitu persequitur Israelitas, qui usque ad finem Arabicum pervenerant; quem aquis divisim transeunt, Aegyptii vero eos sequentes aquis obruti pereunt.

1. **T**um Moses ex voluntate Dei 2. iussit, ut Israelitæ reverterentur et castra ponerent e regione Pi-hachiroth inter Migdolum et mare ante Baalzephon in parte mari opposita, 3. tunc enim Pharaonem arbitraturum esse, (sic Jova Mosis prædixerat) Israelitas a via aberrasse, et a deserto conclusos teneri, 4. hinc eum pro animi sui pertinacia (quam Jova

S

fran-

frangere noluit) Israelitas esse persecuturum. Tum vero Jovæ, id quod Pharaoni et ejus exercitui facturus esset, summe gloriosum futurum esse ipsis Aegyptiis fatentibus. Fecerunt igitur Israelitæ, quæ jussi erant. 5. Quo facto regi Aegypti indicatum est populum fugere *a*) et simul ejus et aulicorum, suorum animi mutati sunt. Omnes ægre ferebant dimissum a se esse populum e servitute. 6. Igitur currum suum instrui jussit et exercitum eduxit. 7. Imprimis sexcentos currus lectissimos secum duxit, omnem equitatum, omnesque exercitus duces. 8. Sic Pharaon, quem Jova animo suo pertinaci reliquit, persecutus est Israelitas, qui tamen *b*) potenter vindicati

a) Iter trium dierum sibi expetierat Moses Cap. 8, 23. ad sacrificandum in deserto. Quibus exactis sperabat Pharaon populum esse reversurum. Igitur cum audiret, eum ad sinum Arabicum pervenisse, intelligebat quo consilio discessisset.

b) In textu est: *qui exierant בִּיד רַמָּה manu elata*. Equidem arbitror phrasin explicari posse ex alia sæpe obvia, qua Deus dicitur eduxisse Israelitas בִּיד חֲזָקָה וּבְזֶרַע נְטוּיָה *manu forti et brachio exserto*. In illa tropus sumtus est ab eo, qui plagis infligendis alterum cogit, ut aliquid faciat, et manum denuo tollit, nisi faciat quod jubetur. Sic Deus varias plagas jam infligebat Pharaoni et manum denuo sustulerat primogenitiis percutiendis. — Alii vertunt: *irrepide, sine metu*. Onkelos: *capite rectello*, h. e. *palam*.

dicati exierant, 9. eosque affecutus est cum equitatu suo et curribus et reliquo exercitu, castrametantes e regione maris juxta Pihachiroth prope Baalzephon. 10. Pharaone igitur appropinquante, cum Israelitæ viderent Aegyptios sibi a tergo imminere, vehementer perterriti conclamarunt ad Jovam. 11. Mose vero dixerunt: num nulla fuerunt in Aegypto sepulcra, ut nos ad mortem in desertum abduceres? Cur igitur nos ex Aegypto eduxisti? 12. Nonne id ipsum fuit, quod tibi respondimus, rogantes ut nos servire Aegyptiis sineres, præstare eis servire, quam mori in deserto. 13. Quibus Moses: nolite metuerе, inquit, firmi modo subsistite et spectate salutem, quam Jova vobis hodie præstabit: nam quos jam videtis Aegyptios, eos nunquam in posterum estis visuri. 14. Jova pro vobis pugnabit, vos estote quieti. 15. Tum Jova Mosen his verbis est allocutus: quid clamas ad me? jube ut Israelitæ proficiscantur. 16. Tu vero baculum extende versus mare, tunc findetur et Israelitæ sicco pede transibunt. 17. Ego vero permittam, ut Aegyptii animis obfirmatis vos sequantur, et magnum honorem mihi comparabo de Pharaone et exercitu ejus, de curribus et equitibus. 18. Ex quo tandem Aegyptii poterunt intelligere, me Jovam esse. 19. Tum angelus Dei, qui Israelitarum castra præcedebat, recessit post eos, simili-

ter nubes ex eorum conspectu eis a tergo substitit, 20. inter castra Aegyptiorum et Israelitarum. Fuit autem nubes ab una parte tenebricosa, ab altera lucida c) per totam noctem, ita ut neutrum agmen propius posset accedere. 21. Cum vero Moses manum suam versus mare extenderet, Jova Euro vehementi mare tota nocte repressit, ita ut fundo maris exsiccato et aqua scissa 22. Israelitæ mare sicco pede transire possent et a dextra et sinistra promuro quasi haberent. 23. Aegyptii vero eos persequentes secuti sunt, Pharaonem cum equis et curribus et equitibus suis ad imum maris. 24. Tum Jova circa vigiliam matutinam prospexit e nubem ignea d) et perturbavit Aegyptiorum agmen. 25. Rotæ currum frangebantur, nec nisi admodum difficulter pedem poterant promovere. Tunc Aegyptii clamabant, fugiamus! nam Jova pugnat pro Israelitis contra nos. 26. Jova vero jussit Moysen extendere manum versus mare, ut aqua in Aegyptios, in currus et equites eorum rediret. 27. Quod cum

Moses

c) et obscura et lucida. Scilicet *illud* versus Aegyptios, *hoc* versus Israelitas.

d) h. e. tempestatem excitavit cum tonitru et fulmine, quæ currus et equi perturbati, rotæ currum fractæ sunt, ita ut non nisi admodum difficulter pedem possent promovere. Sic Ps. 77, 18. seqq. ista Aegyptiorum clades explicatur.

Moses fecisset, mare sub tempus matutinum fluxu suo rediit et Aegyptii fugientes ei occurrebant, Jova eos in medio mari excutiente. 28. Aquis hac ratione reductis, obruti sunt currus, equites totusque Pharaonis exercitus, ita ut ne unus quidem ex eo superesset. 29. Israelitæ vero sicco pede mare transierunt ab aqua quasi muro ab dextra et sinistra tecti. 30. Sic Jova eos liberavit ab Aegyptiis, quos in littore maris videbant mortuos. 31. Atque etiam ex facto illo eximio Jovæ in Aegyptios cum reveriti sunt et fidem habuerunt ei ejusque ministro Mosi.

CAPUT XV

Canticum Israelitarum post illam liberationem. Eorum stationes Mara et Elimæ.

1. **T**unc Moses et Israelitæ hoc carmen in honorem Jovæ dixere: Jovam cano, nam magna præstitit. Equum et equitem in mare dejecit. 2. Deum canam ob defensionem mihi præstitam. a) Saluti mihi fuit. Ille Deus meus, hunc celebrabo. Deus patrius,

a) Verba textus sunt: **עֵי חֲמַת יְהוָה** *Robur meum et canticum Jovæ*, quæ dicta videntur per Hendiad. *roboris mei canticum*. In voce **חֲמַת** excidit Jod per sciibarum errorem propter Jod sequens, uti in aliis, e. c. Ps. 118, 14. Es. 12, 2. Exprimunt illud Jod Chaldaeus, Vulgatus, et Arabs Erpenii.

patrius, hunc laudibus extollam. 3. Jova fuit bel-
 lator, is qui Jova nominatur. 4. Currus Pharaonis
 et exercitum ejus in mare projecit, duces ejus lectis-
 simi mari Arabiæ sunt immerfi. 5. Fluctibus obruti
 in fundum tanquam lapis subfiderunt. 6. Dextra
 tua, o Jova, insignem virtutem ostendit, dextra
 tua, o Jova, hostem prostravit. 7. Immensa tua
 potentia evertisti adversarios tuos, ab ardente ira
 tua consumti sunt ut stipula. 8. Halitu tuo *b)* co-
 acervatæ sunt aquæ, steterunt in cumulum *croffi* flu-
 ctus, in medio mari undæ concreverunt. 9. Dixit
 hostis: persequar, assequar, prædam dividam, jam
 vota mea explebuntur: stringam gladium, manu
 mea perdentur. — — 10. Vento tuo flabas,
 tum mare eos texit, fundum petierunt ut plumbum
 in aquis profundis. — 11. Quis tui similis est, o
 Jova, inter Deos? quis ut tu tanta sanctitate est
 conspicuus? Laudibus illustris, qui mira præstat!
 12. Manum tuam extendebas, tum terra eos absor-
 psit. 13. Ducis pro benignitate populum, quem ti-
 bi vindicasti, ducis eum pro potentia tua ad sedem
 tuam sanctam. — 14. Audient hoc gentes et con-
 tremiscent, timor invadet Philistæos. 15. Princi-
 pes Edomitarum perturbabuntur, duces Moabita-
 rum terrore corripientur, metu dissoluti erunt omnes
 Cana-

b) hebr. בְּרוּחַ אֶפֶיךָ h. e. vento a te excitato.

Cananæ incolæ. 16. Invadet eos timor et tremor, obmutescant ut lapis ad tantam tuam virtutem! Tum perget tuus populus, o Jova, tum perget populus, quem tibi vindicasti. 17. Duces eum et stabiles in montibus illis tuæ possessionis, in locis tuæ habitationi a te destinatis, tibi sacris, a te ipso ad hoc adaptatis. 18. Jova regnabit in omnem æternitatem. 19. Nam cum Pharaonis equi et currus et equites mare essent ingressi, reduxit in eos Jova maris undas, et Israelitæ in imo maris exsiccatō transierunt. — — 20. Maria quoque prophetissa, Aaronis soror, tympanum manu tenens, subsequētibz mulieribus omnibus cum tympanis et in choris, 21. alternatim viris e) respondebat: Jovam canam, nam magna præstitit, equum et equitem in mare dejecit. — 22. Tum Israelitæ jussu Moſis a mari rubro proficiscentes desertum Schur ingressi sunt. In quo cum iter trium dierum confecissent, nec aquam invenissent, 23. Maram venerunt, sed ibi aquam, quoniam amara erat, bibere non poterant, (inde etiam locus ille Mara vocatus est) 24. ideo murmurabant adversus Moſen, quid bibemus, inquiringes. 25. Eo igitur ad Jovam precante, hic ei monstravit lignum quoddam. Quo in aquam abjecto aqua dulcis facta est. — Ibi leges et

S 4

præ-

e) להם.

præcepta eis Jova dedit, et num d) obedire vellent ex eis quæsit. 26. Si mihi, ait, obtemperaveritis, et feceritis quæ mihi placent, si morem gesseritis meis præceptis, meaque statuta observaveritis, morbis, quos Aegyptiis inflixī, vos non afficiam. Jova sum, qui vobis mederi potest. 27. Tum Elimam pervenerunt. Ibi duodecim fontes erant et septuaginta palmæ. Ad istos fontes castra posuerunt.

CAPUT XVI

*Deus Israelitis in deserto Sin murmurantibus coturnices
das et Mannam.*

1. **A**b Elima profecti sunt Israelitæ in desertum Sin, quod est inter Elimam et Sinal, quinto decimo die secundi mensis, ex quo Aegypto essent egressi.
2. Ibi omnes Mosen et Aaronem incusabant, 3. quod eos in hoc desertum duxissent, in quo omnibus esset fame pereundum: optare se, ut in Aegypto a Jova essent

d) Non satis constat, quænam leges illæ fuerint. De toto legum Mosaicarum systemate sermo esse non potest, quæ deinceps populo latæ sunt ad montem Sinal. Igitur ego verba intelligo tantum de ea adhortatione ad obedientiam Deo præstandam, quæ sequitur, et וְאַתָּה עֲשֵׂה explico ex sequenti וְאַתָּה קָשִׁיתָ ex eis, num hoc facere velint etc. Si verba de legum quarundam promulgatione accipiuntur, sensus vers. 26. obscurus est et imperfectus.

essent interfecti, ubi ollis carnum adfedissent, et panem ad satietatem comedissent. 4. Ad hæc Jova Mosi indicavit: velle se populo de cælo panem dare, cujus certam quoque die portionem colligeret; ut vero ei occasionem suppeditaret ^{a)} demonstrandi suam erga leges divinas obedientiam, 5. sexto die præpararent id quod intulissent. Duplum enim futurum esse ejus, quod quotidie colligerent. 6. Igitur Moses et Aaron retulerunt ad Israelitas: vespere eos cognituros esse, Jovam ipsos ex Aegypto eduxisse, 7. et mane eos majestatem Jovæ ^{b)} esse visuros, qui fremitus eorum in se audierit. Nos enim qui sumus, inquebant, ut in nos frematis? 8. Dabit vobis Jova, addebat Moses, vespere carnem et mane panem ad satietatem. Audivit enim querelas vestras, quas contra eum protulistis; quid nos

S 5

sumus?

^{a)} Verba לִמְעַן אֲנִסְנוּ pertinent ad sequentia, in quibus jubentur Israelitæ servare et parare reliqua ad diem septimum. Tentatio vero illa dicitur respectu populi, non respectu Dei, qui illo experimento non opus habebat. Propterea aliis verbis sententiam enuntiavi.

^{b)} כְּבוֹד יְהוָה Manna intelligitur, qua Deus majestatem suam populo ostendit. Sic Num. 14, 21. 23. miracula vocantur, quæ Deus in gratiam Israelitarum fecit. Versu 10. כְּבוֹד in alio sensu dicitur, de nube illa visibili symbolo præsentia divinz.

sumus? non contra nos, sed contra Jovam estis conquesti. 9. Tum Moses Aaroni mandavit, ut juberet universum Israelitarum cœtum coram Jova comparere, quorum fremitus audierit. 10. Quod cum Aaron eis præciperet, atque hi sese converterent versus solitudinem, apparuit Jovæ majestas in nube, 11. et Moſen his verbis affatur: 12. Audivi querelas Israelitarum, dic eis: circa vesperam carnem comedetis et mane satiabimini pane, ut cognoscatis me Jovam esse Deum vestrum. 13. Vespere igitur tanta coturnicum multitudo advolavit, ut castra obtegerent, et mane ros tegebat omnem castrorum superficiem. 14. Qui cum ascendisset, conspiciebatur in superficie deserti parvum quiddam valde minutum, parvum instar pruinæ super solo. 15. Quod cum Israelitæ vidissent, alter alteri dicunt: hæc est manna, nesciebant enim quid esset. c)

Tum

- c) Verba Israelitarum מַנָּה מַנָּה antiquiores interpretes omnes interrogative vertunt, *quid hoc?* quos recentiores plerique sequuntur. Sed alii objiciunt, מַנָּה neque hebraicum esse, neque in lingua Chaldaica et Syriaca de *re* interrogare, sed de *persona*. Igitur habent מַנָּה pro nomine illius rei, quæ eo ipso nomine in lingua Arabica quoque vocatur et ad alias linguas et regiones transit. Mannam enim Israelitis ignotam fuisse, parum probabile existimant, cum sit in

Tum Moses eis dixit: hic est ille panis, quem Deus vobis dedit ad comedendum, 16. et de quo vobis præcipit, ut quisque tantum colligat, quantum ad victum

in Aegypto res notissima; propter similitudinem vero Israelitas judicasse, id quod viderent Mannam esse ordinariam. Quæ sententia mihi quoque perquam probabilis videtur et cum Moysis responsione bene potest conciliari, quæ populû errorem corrigit, dum dicit: panem hunc esse, quem Deus eis promiserit. Quod ad alteram quæstionem attinet, num cibus ille quo Deus Israelitas per tot annos aluit, *Manna illa naturalis* fuerit? quanquam ego in illo viro- rum doctissimorum dissensu non audeam pro certo aliquid affirmare, tamen etiam nolim diffiteri, mihi magis probabilem eorum sententiam videri, qui Israelitarum mannam diversam a vulgari arbitrantur. Quanquam enim illa cum hac aliquam habuerit similitudinem, tamen plura sunt, in quibus ab ea fuit diversa. Nimirum altero die quo collecta fuit, factuit et vermes in ea nati, septimo quoque die non est inventa, per totum annum in omnibus locis, per quæ Israelitæ iter faciebant, tantæ copis, quæ tot hominum millibus sufficeret, collecta est, ut alia taceam. Quodsi igitur in his, qui illam sententiam defendunt, miraculum agnoscere coguntur, non video, cur negemus, cibum illud Israelitarum præter nomen cum vulgari manna nihil commune habuisse. Miracula non minuuntur, quod tamen est consilium eorum, qui pro illa sententia pugnant, sed augentur potius, dum mannæ vulgaris tota natura, ut ita dicam, mutatur. cf. *Clericus* in *Comment. ad h. l.* et *Niebuhr* in *Descript. Arab.* p. 145.

viſum opus habeat. Gomerem in ſingula capita, pro numero eorum qui in tentorio una vivunt, debetis colligere. 17. Igitur ſic fecerunt Iſraelitæ, collegerunt alius plus, alius minus: d) 18. Deinde metiti ſunt ad Gomerem, ut ei qui multum collegiſſet non redundaret, nec ei qui minus collegiſſet deeſſet. Quiſque quantum ad viſum neceſſarium erat collectum referebat. 19. Interdixerat autem Moſes, ne quid ex eo relinquerent in craſtinum; 20. et cum tamen quidam contra Moſis voluntatem in craſtinum partem ſervaffent, vermes in ea enati ſunt et foetuit. Reprehenſi propterea a Moſe. 21. Collegerunt vero ſingulis matutinis quantum cujuſque ad viſum opus erat. Sole vero caleſcente liqueſcebat. 22. Sexto autem die duplicem portionem colligere debebant, duos gomeres in ſingulos. Venerunt igitur principes populi et indicarunt factum eſſe, *quod præcepiſſet*. 23. Tum Moſes ulterius eis monſtravit, Jovam præcipere Sabbatum ſive ſacram quietem cras eſſe debere. Quod torrere vel-

lent,

d) In his non miraculum fingendum eſt, quaſi quiſque tantum Gomerem collegiſſet, ſive multum, ſive parum collegerat. Sed alter alteri dabat, quod ei ad meſuram deerat, ut nemo plus quam Gomerem pro ſua portione acciperet. De iſtis Judæorum ineptiis videri poteſt *Buxtorfius* in Diſſert. de Manna, Cap. IV.

lent, torrerent; quod coquere, coquerent; quæ fupereffent, fervarent in crastinum. 24. Cum igitur ex præcepto Mosis partem reliquissent in fequentem diem, non factuit, neque vermes in ea nati sunt. 25. Hanc hodie edite, inquit Mofes, hic enim dies fabbatum est Jovæ sacrum, quo illud non in agro invenietis. 26. Sex diebus colligere debetis, septimo autem, quod est fabbatum, non existet. 27. Et cum tamen quidam de populo illo die exiissent, nihil invenerunt. 28. Hos propterea Mofes jussu Dei his verbis redarguit: quo usque recusabitis legibus et præceptis meis obedire? 29. Jova fabbatum instituit, propterea sexto die victum bidui vobis præbet. Maneto quisque domi, nec egrediatur die septimo. 30. Igitur feriatum sunt eo die. 31. Vocarunt vero Israelitæ cibum illum Mannam. Similis erat femini Coriandri, colore albo, gustu autem placentæ ex melle. 32. Tum quoque Mofes dixit: Jovam velle, ut Gomer hoc cibo impleretur et ad posteros conservaretur, ut viderent, quo cibo eos aluisset in deserto educos ex Aegypto. 33. Atque propterea Aaron mandavit, ut vasi Gomerem mannæ immitteret, idque in adyto reponeret e) in posterorum memo-

e) hebr. *coram Jova depone*, h. e. in adyto. Sic enim in sequenti versu explicatur per *אֲרוֹן* h. e. arca, in qua tabulæ

memoriam. 34. Igitur Aaron fecit, quemadmodum Moses jusserat, atque hujusmodi vasculum in arca sacra reposuit. 35. Hac Manna vesciebantur Israelitæ per quadraginta annos, donec in terram habitatam ad terminos Cananæ pervenerunt. Gomer decima pars est Ephæ.

C A P U T XVII

*Moses populo ob aquæ inopiam altercantri ex petra aquam
elicit. Josua cum Amalekitis feliciter pugnat,
Mosis precibus adjutus.*

1. **E**x deserto Sin, sicuti Jova jusserat, Israelitæ profecti castra posuerunt in Rephidim. Hic aqua eis defecit. 2. Propterea rixabantur cum Mose aquam ab eo flagitantes. Moses eos admonuit, ne secum contenderent, nec Jovam tentarent. 3. Sed cum siti laborarent, Mosen incusabant, quod eos ex Aegypto eduxisset, jam sibi, liberis suis et pecori siti esse pereundum. 4. Tum Moses Jovam precatus, quid faciam huic populo, inquit, parum abest quin
me

bulæ legis repositæ erant. Ceterum facile intelligitur, Mosen hoc loco temporis ordinem non servare. Tunc enim nondum neque tentorium, neque arca fuit. Sed complectitur Moses hoc loco omnia, quæ de Manna memorie prodere voluit, uti supra fecit in historia de agno paschali. Cap. XII, 15.

me lapident. 5. Cui Jova, antecede populum as-
sumtis quibusdam de principibus, et baculum, quo
Nilum percussisti, manu feras. 6. Ego stabo in
conspectu tuo in petra in Horebo, et ex percussa
a te petra manabit aqua ad populi potionem.
Moses igitur fecit id quod Jova jusserat præsen-
tibus Israelitarum principibus. 7. Locum vero istum
vocavit Massam et Meribam, propter istam Israe-
litarum altercationem, et quod de Jovæ inter eos
præsentia dubitarant. — 8. Ibi quoque Amaleki-
tæ aggressi sunt Israelitas. 9. Sed Môses jussit Jo-
suam delectum instituere virorum *fortissimorum* et
prælium committere Amalekitis, se postridie in ver-
tice collis adesse, et baculum illum divinum manu
tenere velle. 10. Josua igitur, quemadmodum jussus
erat a Mose, prælium Amalekitis commisit. Moses,
Aaron et Chur verticem collis ascenderant. 11. Ibi
quando Moses manus attollebat, vincebant Israeli-
tæ, et quando eas remittebat, Amalekitæ. 12. Sed
cum ei molestum esset, manus hac ratione erectas ha-
bere, lapidem ei supposuerunt, in quo sederet. Aa-
ron vero et Chur, alter ab hac, alter ab altera parte
sustentarunt manus ejus, quæ sic immotæ usque ad
occasum solis manserunt. 13. Josua vero Amaleki-
tas debellavit. 14. Tunc Jova jussit, ut Moses hoc
in perpetuam rei memoriam literis mandaret, Josuæ
vero

vero diceret, se Amalekitas penitus esse extirpatum. 15. Deinde Moses aram exstruxit, quam *Jovæ vexillum meum* vocavit. 16. Dixit enim: quia manus (scil. Amalekitarum) contra thronum Jovæ *a)* sublatae fuerunt, bellum contra Amalekitas perpetuum esse debet.

CAPUT XVIII

*Jethro socer Moysi cum cum duobus ejus filiis et uxore
invisit. De iudiciis populo praeferendis consilium
dat, quod etiam ille exsequitur.*

1. **J**ethro autem sacerdos Midianiticus Moysi socer
cum

- a)* Verba textus **יְהוָה עַל-כֵּס יָהּ** perquam obscura sunt. Codex Sam. pro **יְהוָה עַל-כֵּס** legit **כֵּסֵא**. Sed hæc lectio nihil lucis affert. Oī ō habent: *ὅτι ἐν χειρὶ θεοῦ καὶ πόλεμος κύριος ἐνὶ Ἀμαλὲκ*, quasi legissent: **בְּיַד כְּסִיָּה נִלְחַם יְהוָה**. Vulgatus: *quia manus solius Domini et bellum Domini erit contra Amalek*, omisso **עַל**. Syrus: *ecce manus contra sedem. Bellum Domini in Amalek* etc. omisso **יְהוָה**. Missis aliorum explicationibus Clerici placet: quia manus ejus sc. Amalek fuit contra thronum Dei. — Thronus Dei erat tunc apud Israelitas, quorum rex erat. Idem Clericus non contemnendam conjecturam affert: pro **כֵּס** legi posse **נֶס** ut ad nomen altari impositum Moyses respiciat, quod plerumque facere solent, qui rei cuiusdam nomen dederunt, ut ex aliis exemplis constat, v. c. Genes. 16, 13.

eum audisset, quæ Deus pro Mose et pro Israele ejus populo fecisset, quomodo nempe eum ex Aegypto eduxisset, 2. venit cum Zippora, Mosi conjuge, quam remiserat, 3. et duobus ejus filiis, quorum alterum Gerschomum vocarat, quod peregrinus esset in terra aliena, 4. alterum Elieferum, (quod Deus patrius ei auxilio fuisset et liberasset eum a gladio Pharaonis), 5. venit, inquam, cum his ad Mosen in desertum, ubi castra posuerant prope montem Dei. 6. Cumque eum de adventu suo certior fecisset, 7. Moses ei obviam ivit, submisit salutavit et osculo excepit. Deinde cum sese mutuo de valetudine essent percontati, tabernaculum intrarunt. 8. Hic Moses socero suo narravit, quæ Jova Pharaoni et Aegyptiis Israelitarum causa fecisset, molestias quas in itinere sustinuissem et quomodo a Jova essent servati. 9. Jethro autem de his tantis Jovæ beneficiis in populum Israeliticum gavisus est: 10. et dixit: laudetur Jova, qui vos ab Aegyptiis et Pharaone liberavit. 11. Jam quidem certissime sum persuasus, Jovam omnibus diis esse majorem. Nam in eo ipso, in quo illi Israelitas longe superabant, magnum sese exhibuit. a) 12. Deinde quoque Jethro,

a) Verba textus **כִּי בִדְבַר אֲשֶׁר זָרָו עֲלֵיהֶם** breviter dicta sunt, ad quæ necessario quædam sunt supplenda. Equidem

thro, Mosis focer, holocausta et alia sacrificia Deo obtulit, et Aaron, nec non seniores populi Israelitici, epulis sacrificialibus interfuerunt. 13. Postridie Moses fedit ad jus dicendum populo, qui propterea ei a mane usque ad vesperam adstabat. 14. Quod cum focer Mosis videret, interrogavit eum, quid ageret cum populo? cur solus sederet et populus eum toto die circumfisteret. 15. Respondit Moses focero suo: populum ad se venire, ut Deum consuleret. 16. Si causam habent, eam ad me deferunt; quam deinde ex legibus et statutis Dei decido. 17. Ad hæc ille, non possum probare, inquit, quod facis. 18. Fatigas cum te ipsum, tum populum. Hic modus *judicii ferendi* difficilior est, quam ut eum solus sustinere possis. 19. Audi me, consilium tibi dabo: et Deus tibi favebit. Sis tu interpres populi apud Deum, defer eorum causas ad Deum. 20. Explica eis statuta et leges, doce eos quid agere, quomodo se gerere debeant. 21. Præterea vero elige tibi ex universo populo viros prudentes, religiosos, fideles, avaritiæ inimicos, hos constitue principes *singularum divisionum*, millenarum, centenarum, quinquagenarum et denarum. 22. Hi jus dicant populo. Res graviores ad te deferant, leviores vero ipsi decident.

Sic

dem נָדוּל aut הַנָּדוּל ex antecedentibus repeto et sub רַבֵּר equitatum intelligo, quo Aegyptii inprimis valebant.

Sic te sublevabunt et tecum onus sustinebunt. 23. Si hoc feceris, tum Deus tibi mandata sua dare potest, tum tu *eis exsequendis* par eris: et populus quoque salvus et incolumis ad locum suum perveniet. 24. Moses obtemperavit focero suo, fecitque quod dixerat. 25. Elegit viros prudentes ex omnibus *tribubus* Israeliticis, quos principes populi constituit: alios quidem qui mille, alios qui centum, alios qui quinquaginta, alios tandem qui decem *de plebe hominibus* præsissent. 26. Hi perpetui debebant esse populi iudices. Res difficiliiores deferrent ad Mosen, leviores ipsi componerent. 27. Quo facto dimisit Moses focerum suum, qui in patriam suam rediit.

CAPUT XIX

Cum populus ad montem Sinai venisset, Moſe internuncio rogatur, num Jovæ legibus parere velit? Quod cum promiſiſſet, jubetur ſeſe luſtrare ad tertium diem ex Jova ipſo has leges audiarnus. Tercio die deſcendit Jova cum inſigni majeſtate in montem, ad quem populo propius accedere interdicitur. Moſes tantum et Aaron jubentur montem aſcendere.

In initio menſis tertii, ex quo Iſraelitæ Aegypto egreſſi erant, venerunt in deſertum Sinai. 2. Etenim e Rephidim profeſſi illud deſertum ingreſſi ſunt, et caſtra e regione montis poſuerunt. 3. Hic Moſes montem aſcendit ad Deum, qui ex monte cum eo

hunc in modum est locutus: hæc dicito posteris Jacobi, hæc renuntiabis Israelitis: 4. Vos vidistis quæ Aegyptiis fecerim, et quomodo vos gestarim quasi in alis aquilinis, et jam quidem ad *locum mihi sacrum a)* perduxì. 5. Quodsi mihi obtemperaveritis et foedus meum conservaveritis, tractabo vos ut populum præ omnibus aliis (nam meus est totus terrarum orbis) mihi peculiarem in modum proprium. 6. Vos regnum constituetis, cujus subditi sacerdotum jura habeant, populus eritis sanctus. Hæc dicere debes Israelitis. 7. Moses igitur convocatis populi senioribus renunciavit omnia, quæ Jova præceperat. 8. Illi vero una voce promiserunt se facturos esse omnia, quæ Jova juberet. Tum Moses hanc populi sententiam ad Jovam retulit. 9. Qui deinde ei ulterius indicavit, velle se ad eum in densa nube venire, ut populus audiret quando cum eo colloqueretur, et deinceps semper ei fidem haberet. Cum igitur Moses ad Jovam retulisset quæ populus dixisset, 10. hic jussit Mosen præcipere populo, ut sese in hunc et sequentem diem lustraret et vestes lavaret, 11. et sic in tertium diem parati essent. Nam hoc tertio die velle se vidente universo populo in montem Sinai descendere. 12. Populo vero cancellos faceret circum *montem*, et se-

vere

a) in textu est: *ad me.*

vere interdiceret, ne quis montem ascenderet, aut ejus extremum attingeret; qui hoc fecerit, supplicio esse afficiendum. 13. Nec tamen ejusmodi transgressorem manu esse tangendum, *b)* sed lapidibus obruendum, aut telis confodiendum: sive animal, sive homo fuerit, supplicio afficeretur. Sed quando sonus audiretur, quidam *c)* montem ascenderent. — 14. Cum igitur Moyses de monte descendisset, edixit ut populus sese lustraret et vestes lavaret, 15. et sic instructi essent ad diem tertium, abstinerent etiam se a mulieribus. 16. Tertio igitur die summo mane tonitrua et fulgura extiterunt. Densa nubes in montem sese demisit, et sonus tubæ vehementissimus audiebatur. Qua de re totus populus in castris contremiscebatur. 17. Tum Moyses populum e castris Deo obviam eduxit et ad radicem montis collocavit. 18. Mons vero ille Sinai totus fumabat, quoniam Jova in eum in igne descenderat. Fumum instar fornacis ardentis emittebat, et vehementer contremiscebatur. 19. Ille vero tubæ sonus continuo et vehementer audiebatur. Moyses loquebatur, et Deus ei per tonitrua respondebat. 20. Cum igitur

b) sc. ut vi adhibita ejiceretur e cancellis.

c) הַכֹּהֲנִים fortasse principes populi, aut quidam ex iis tantquam legati populi. cf. Cap. 24, 1. seqq.

igitur Jova in summum montis Sinai verticem descendisset, Mosen eodem evocavit. Qui cum ascendisset, 21. jussit Jova ut iterum descenderet et populo injungeret, ne *factas cancellos* perrumperet ad Jovam propius visendum et hinc magna clade afficeretur, 22. utque sacerdotes Jovam accessuri lustrati essent, ne eos prosterneret. 23. Respondit Moses Jovæ: non potest populus montem Sinai ascendere. Jussisti enim cancellis eum cingere et sic eum separari. 24. Sed Jova iterum eum jussit descendere et cum Aarone redire. Populum vero et sacerdotes moneret, ne terminos transgrederentur, quo minus a Jova profligarentur. 25. Moses igitur descendit ad populum, eique omnia renunciavit.

CAPVT XX

Decem præcepta Deus ipse ex monte Sinai ad populum eliquitur. Qui valde perterritus Mosen legum divinarum interpretem sibi expetit. Adduntur leges nonnullæ de ara extruenda.

1. **T**um Deus hæc præcepta hunc in modum est elocutus: 2. Ego Jova sum Deus tuus, qui te ex ergastulo eduxi. 3. Ne alios Deos præter me colas. 4. Ne facias tibi sculptam imaginem, aut simulacrum ullius rei, sive sit in cælo, sive in terra, sive in aqua, sub terra. 5. Non ea adores, neque colas.

colas. Ego enim sum Jova Deus tuus, Deus socii impatiens, qui parentum culpam etiam in liberis meis osoribus ad tertiam et quartam usque generationem punit. 6. Benignum vero me præbeo mei amantibus et præcepta mea servantibus ad millesimam usque stirpem. 7. Ne enuncies nomen Jovæ Dei tui in mendacii asseverationem. Nam non impunitum finet esse Jovæum, qui hoc fecerit. 8. Memor sis sabbati, ut sancte illud peragas. 9. Per sex dies labores et negotia tua cures. 10. Septimo autem die sabbatum est Jovæ Dei tui, quo ab omni labore debes abstinere, neque solum tu, sed etiam filius tuus et filia, servus, ancilla, jumentum tuum, et peregrinus, qui apud te commoratur. 11. Etenim sex diebus Jova fecit coelum et terram, mare et quæ in eo sunt, et feriatus est die septimo, propterea Jova hunc diem faustum esse vult et sacrum. 12. Honora patrem tuum et matrem tuam, ut diu vivas in terra, quam Jova Deus tuus tibi dat. 13. Ne cædem committas. Ne adulteres. Ne fureris. Ne falsum testimonium perhibeas in alterum. 14. Alterius domum ne concupiskas. Neque uxorem alterius, neque servum et ancillam, aut bovem, aut asinum, nec quicquam quod est alterius, concupiskas. — 15. Universus autem populus videbat et audiebat tonitrua et fulgura et sonum tubæ et montem fumantem; hinc

perterriti recessere et e longinquo substitere, 16. Mosen rogantes, ut hic cum eis loqueretur, velle se obedire, non Deus, ne morerentur. 17. Respondit eis Moses: ne timeatis, nam ad explorandam obedientiam vestram venit Deus, ut eum semper revereamini et a peccando absterreamini. 18. Attamen populus procul substitit. Moses vero accessit ad densam caliginem, in qua Deus erat. 19. Qui cum eo hunc in modum est locutus: Sic dicere debes Israelitis: vos vidistis me e cœlo ad vos esse locutum. 20. Ne igitur faciatis Deos argenteos et aureos, quos præter me colatis. 21. Aram cespiti-
am paretis, in qua holocausta et eucharistica sacrificia ex pecore aut armento mihi offeratis. In omnibus locis, quæ cultui mihi exhibendo destinabo, preces invocantium exaudiam et me eis benignum præbebo. 22. Quodsi aram lapideam exstruitis, non hoc fiat ex lapidibus quadratis. Nam ferramento adhibito eam profanaretis. 23. Neque in scala ascendatis aram mihi sacram, ne partes corporis venerendæ retegantur.

CAPUT XXI

*Leges civiles varia, de servis manumittendis, de homicidio,
de verberibus libero homini aut servo inflictis, de bove
petulco, de pecude in foveam
incidente,*

P 1. Præterea has leges eis debes promulgare. 2. Si quis emerit servum hebræum, sex annos serviat, septimo anno gratis manumittatur. 3. Si cælebs venit, cælebs etiam manumittendus est; si maritus, uxor una cum eo dimittenda est. 4. Si dominus ei uxorem dederit, ex qua filios aut filias procreaverit, uxor et liberi ejus manent domino, ipse solus manumittatur. 5. Quodsi hujusmodi servus propter amorem erga dominum suum, aut erga uxorem et liberos non vult manumitti; 6. adducat eum dominus ejus ad magistratum, eique januæ aut postei admota subula aurem perforet, et sic maneat ejus servus, quamdiu vivit. 7. Si quis filiam suam vendiderit in servitutem, ea non debet manumitti ^{a)} ut servi. 8. Si displicuerit domino suo, qui

^{a)} scilicet septimo anno. Sed Ill. Michaelis in Jure Mosico P. II. p. 371. observat, hanc legem post quadraginta annos mitigatam esse, et ancillis idem jus quod servi habebant concessam, cf. Deut. 15, 17.

qui eam sibi *b)* desponsavit, curet eam redimendam. Non habet potestatem vendendi eam genti peregrinæ, quoniam fidem datam ei fefellit. 9. Si filio suo eam destinarit, eodem jure cum ea agat, quo cum filia. 10. Si aliam ei duxerit, victum, vestitum et congressum maritalem minuere non debet. 11. Si hæc tria ei non præstiterit, gratis, pretio non soluto manumitti debet. — 12. Qui alium percussit ut moriatur, supplicio est afficiendus. 13. Qui vero alterius sanguinem non sitierit, *c)* sed casu eum occi-

b) In textu hebræo est varia lectio a Masorethis quoque observata. Ex lectione marginali legendum est *אִשָּׁר לוֹ יְעָרָה* ex textuali vero *אִשָּׁר לֹא יְעָרָה*. Codex Sam. Aquila, Theodotion, Syrus et Arabs Erpenii textualem legerunt. Marginalem vero *אִי* *6*, Vulgatus, Onkelos et Arabs in Polyglottis, quæ etiam præferenda videtur propter ultima verba *בְּבִגְדוֹ בָּהּ* quod *fidem datam ei fallit*; igitur promiserat ei matrimonium.

c) Verbum *צָרָה* idem vulgo esse putatur cum *צָרָה* *venari, insidiari*, neque dissentiant h. l. Syrus, Onkelos, et Vulgatus. Sed in dubium vocavit illam significationem *Schultensius* de defectibus p. 89. §. 99. et Arab. *جَد* conferri vult, quod de *rubigine ferri* proprie dicitur et deinde ad *animum malignum* transferatur. Sed Ill. *Michaelis* in Synagmate Commentt. P. I. p. 50. idem quidem verbum, sed ex alia ejus significatione, nempe *sitiendi*, confert, substantivo

occiderit, indicabo tibi locum quo confugiat *d*).

14. At qui de industria dolose alium interfecerit, is vel ab ara mea ad supplicium trahatur. 15. Qui patrem aut matrem percusserit, moriatur. 16. Qui furatus fuerit hominem, sive vendiderit eum, sive apud ipsum inveniatur, capitis poenam luat. 17. Qui patri aut matri maledixerit, moriatur. 18. Si quis alterum orta contentione lapide aut pugno percusserit, nec tamen ille mortuus fuerit, sed tantum in lecto decubuerit, 19. si surrexerit et baculo innixus foras prodierit, percussor sit impunis, tantum cubatum et medicationem alteri præstet. 20. Si quis servum suum, aut ancillam baculo percusserit, ut in ipsa castigatione moriatur, poenam luat. 21. Sed si unum aut alterum diem superstes fuerit, non poenam dabit, nam sua pecunia eum sibi acquisivit. 22. Si qui pugnis inter se contendant et vulneraverint mulierem gravidam, ut hæc abortiat, nec aliud damnum insequatur, multam solvant ad æstimationem mariti mulieris coram arbitris

tivo nempe *sanguis* subintellecto. Quam significationem præferendam puto, quoniam illam *rubiginis* notionem صدأ habet tercia radicali hamzata, cum qua igitur nostrum terciae He quiescentis minus accurate confertur.

d) De urbibus asyli specialiores leges sunt Num. 35, 6. Deut. 19, 6.

tris constitutis, 23. Sin damnum *aliud* evenerit, red-
dant vitam pro vita. 24. Oculum pro oculo, den-
tem pro dente, manum pro manu, pedem pro pede.
25. Aduſtionem pro aduſtione, vulnus pro vulnere,
livorem pro livore. 26. Si quis ſervi ſui aut an-
cillæ oculum percufferit, eumque læſerit, manumitti
debet pro oculo. 27. Item ſi quis ſervi aut ancillæ
dentem decufferit, pro dente manumitti debet.
28. Si bos cornu ferierit virum aut foeminam et
mors inſequatur, bos lapidetur, nec de carne ejus
edatur, dominus autem bovis ſit impunis. 29. Quodſi
bos antea petulcus fuerit, idque domino indicatum
fuerit, nec tamen cuſtodierit, ſi virum aut foeminam
interfecerit, bos lapidibus obruatur et dominus ejus
quoque moriatur. 30. Si mulcta ei imponatur, ſol-
vat eam pro redimenda vita, quantacunque fuerit.
31. Si filium, aut filiam ferierit, ex eodem jure aga-
tur. 32. Si ſervum ferierit, aut ancillam, ſolvantur
domino triginta ſicli et bos lapidetur. 33. Si quis
foveam vel aperuerit, vel effoderit, neque eam ob-
texerit, et eo deciderit bos aut aſinus, 34. qui fo-
veam fecerit, pretium ſolvat domino occiſi animalis,
ipſum vero animal, quod periit, ſibi habeat. 35. Si
bos alicujus ferierit bovem alterius, ut moriatur,
vendatur bos vivus et pretium ejus dividatur,
nec non bos mortuus. 36. At ſi notum fue-
rit

rit bovem petulcum esse, nec dominus eum custodierit, restituat alium, mortuum vero ipse habeat.

37. Si quis furatus fuerit bovem, aut ovem eumque maculaverit, aut vendiderit, quinque boves pro uno reddat et quatuor oves pro una.

CAPUT XXII

De fure percusso, damno illato, incendio, deposito, mutuo.

De idololatria extirpanda, de peregrino benigne habendo,

de fœnore non severe exigendo, de magistratu, pri-

mitiis et carnibus vetiis.

1. Si fur in ipso delicto deprehensus et percussus fuerit ut moriatur, *percussor* homicidii reus non est.

2. Nisi orto jam sole; tunc cædes ei imputabitur.

Poterat enim *reus* ad solutionem a iudice condemnari; aut si non haberet quod solveret, vendi poterat in compensationem rei ablatae.

3. Si furtum deprehensum fuerit apud eum, sive bos sit, sive asinus, aut ovis adhuc vivens, duplum reddat. —

4. Si quis immisso pecore depaverit agrum, aut vineam alterius, damnum compenset ex optimo fundi sui aut vineæ.

5. Si ignis ad spinas comburendas incensus, manipulum, segetem, aut alios agri fructus consumserit, detrimentum præstet, qui incendii illati culpam habet. —

6. Si quis apud alterum pecuniam, aut supellestem deposuerit, et ex ædibus

ejus

ejus furto ablatum fuerit, duplum reddat fur, si deprehensus fuerit. 7. Sin minus, dominus illius domus coram magistratu jurare debet, se res alterius non intervertisse. 8. Omnis doli mali, sive defraudationis accusatio, sive de bove, sive de asino, sive de agno, sive de veste, sive de alia qua re perditâ quæstio sit, ad magistratum deferatur, a quo pars condemnata alteri parti duplum reddat. — 9. Si quis alterius curæ commiserit asinum, aut bovem, aut ovem, aut aliud jumentum, idque aut mortuum fuerit, aut læsum, aut abactum nemine vidente: 10. jusjurandum litem dirimat et alter juret, se non manum immisisse rebus alterius. In quo et possessori est acquiescendum, nec debitor damnum præstet. 11. Si furto ei ablatum fuerit ex ædibus suis, solvat alteri. 12. Si a feris animalibus discerptum, probet testibus allatis, Raptum non est restituendum. 13. Si quis ab altero mercede conduxerit *jumentum*, idque læsum aut mortuum fuerit absente possessore, damnum præstet *conductor*. 14. Quodsi adfuit possessor, damnum ei non restituetur. Nam si mercede conductum est, hæc casum fortuitum compensat. — 15. Si quis virginem non desponsatam pellexerit et cum ea concubuerit, dote soluta eam sibi in matrimonium comparet. 16. Sin pater ejus recusarit eam in matrimonium dare, solvat eam pecuniæ summam, quæ doti vir.

virginis æquipollet. — 17. Saga supplicio est afficienda. 18. Qui rem habuerit cum animali, moriatur — 19. Qui alii Deo quam Jovæ sacrificat, facer esto. — 20. Peregrinum ne affigatis, aut vexetis. Nam vos quoque peregrini in Aegypto fuistis. 21. Nullam viduam aut pupillum premito. 22. Quodsi prefferitis, ego eorum clamorem ad me sublatum audiam, 23. et in ira mea vos gladio interficiam, et fient uxores vestræ viduæ et liberi vestri pupilli. — 24. Si pecuniam mutuaveritis alicui de populo meo pauperi inter vos: non agetis cum eo ut foeneratores, nullam ei usuram imponetis. 25. Si vestem superiorem a) alterius in pignus acceperitis, reddere eam debetis ante solis occasum. 26. Etenim unum est tegumentum, quod habet. Quo corpus operiat, sub quo cubet? Si clamaverit hac de re ad me, cum exaudiam, nam benignus sum. 27. Magistratui ne maledicito, nec principem populi vestri excremini. 28. Decimas et primitias offerre ne tardetis. Primogenitum vestrum filium mihi dare debetis. 29. Idem etiam facietis cum primogenito armen-

a) שְׂמֵלָה et שְׂלֵמָה sunt synonyma. Vestis est superior, sed pannus tantum, cui corpus involvunt, quo pauperes inprimis noctu utuntur pro tegumento. vid. *Shaw Itiner.* p. 196. *Niebuhr descriptio Ar.* p. 64. *Michaelis in J. M. P.* III. p. 65.

menti et pecoris. Septem dies maneat apud matrem, octavo vero mihi dare illud debetis. 30. Homines mihi consecrati esse debetis. Igitur vos abstinere debetis a carne rapta in agro, ad canes eam projicite.

CAPUT XXIII

De delationibus, de humanitate in juvendis aliis, de feriis septimi anni et septimi diei, de tribus festis majoribus, de sacrificiis quadam. Promissio de felici occupatione Cananææ sub conditione obedientie, et de delendis Cananitis.

1. **R**umorem falsum ne divulgetis, nec societatem ineatis cum injusto ut testes sitis in damnum alterius. 2. Ne sequamini multos ad mala patranda. Igitur in causa criminali, cum multi falso testantur, vos non idem facere debetis, ut judicium falsum feratur. 3. Litem pauperis ne ornetis. — 4. Si vobis occurrat bos inimici vestri, aut asinus errans, eum reducetis illi. 5. Si videritis asinum inimici vestri oneri suo succubuisse, et volueritis eum auxilio destituere, quominus vincula ei relaxetis, *cavete ne hoc faciatis*, laxate ei vincula cum inimico vestro a). 6.

Jus

a) In hoc loco perquam difficili diu hæsi, donec tandem inciderem in *Syphens* Observatt. Miscell. ad selecta loca V. T. (leguntur in *Sylloge Dispp. Schultenss.* et *Schroederi* P. II.

Jus pauperis ne pervertatis. 7. Fugite mendacium. Infonem et justum ne interficiatis, ego enim injustum non absolvam. 8. Munera ne accipiat: excoecant enim videntes et pervertunt causam justorum. 9. Peregrinum ne prematis. Nostis enim quomodo affecti sint peregrini, cum ipsi tales fueritis in Aegypto. — 10. Per sex annos agros vestros conferatis eorumque percipiat proventus. 11. Septimo autem anno sint vervaſta, et quæ *protruserint*, abſumant populares vestri pauperes, et reliqua feræ agrestes. Idem etiam facerè debetis cum vineis vestris et olivetis. — 12. Sex diebus negotia vestra cura-

p. 915.) qui lucem optatam ex ſignificatione verbi עֹזב *vinctula laxavit* accendiſſe videtur, ex qua notiones illæ *diſmiſſendi* et *relinquendi* in L. Hebræa ſæpius obviæ derivandæ ſunt. עֲזַב vero eſt *auxilio aliquem deſtituere*; quod verbum activum de voluntate explicandum eſſe contextus docet et cum præcedente תִּרְאֶה connectendum. Neque ellipſis תִּי cave in breviloquentia legis dura videbitur. Illuſtris Michaelis elegantem ſuper h. l. attulit conjecturam in Jure Moſ. P. I. p. 54. dum ex diſtione proverbiali legem explicat, in qua עֹזב in duplici ſenſu dictum fuerit, primo pro relinquere rem domino ſuo, deinde pro relinquere eam cum domino ſuo. Sed haud ſcio an Vir Illuſtris ipſe prætulit explicationem ex uſu loquendi probatam.

curabitis. Septimo autem debetis feriari: ut et boves et asini vestri requiescant, et servi et peregrini respirent. — 13. Omnia quæ vobis præcipio, diligenter observate. Nomina Deorum peregrinorum ne commemoretis, neque ore vestro pronuncietis. 14. Tribus vicibus mihi in anno festum celebretis. 15. Festum azymorum, quo per septem dies pane non fermentato vescemini, quemadmodum vobis præcepi, dicto tempore nempe mense Abib: eo enim Aegypto exiistis. Neque vacui coram me comparete. 16. Festum messis, quod primitias frugum, quibus agros consecavistis, *offeratis*. Et festum collectionis sub finem anni, postquam fructus agrorum collegistis. 17. Ter quotannis sistant se omnes mares coram me domino Jova. 18. In sacrificiis vestris fermentum ne adhibeatis, neque adipem victimæ mihi mactandæ servate in diem sequentem. 19. Primitias fructuum præcocium terræ vestræ inferre debetis in ædem Jovæ dei vestri. Ne coquatis hoedum in lacte matris suæ *b*). — 20. Mittó ante vos legatum, qui

b) Repetita hæc lex legitur infra Cap. 34, 26. et Devt. 14, 21. De sensu ejus et consilio prolixè egerunt *Bochartus* in Hieroz. P. I. Lib. II. Cap. LII. p. 631. et *Spencerus* de legibus Hebr. rit. Lib. II. Cap. IX. p. 333. edit. Tubing. Ille quidem eorum accedit sententiæ, qui verba legis in sua

qui vos in itinere tueatur, vosque perducatur ad locum

sua propria significatione accipiunt, ita tamen ut lex ipsa usum quendam tropologicum habeat et ab omni crudelitate abstinere jubeat. *Spencerus* vero existimat superstitionem quandam gentilem interdici. Nimirum auctores sunt ipsi Judæi, ethnicos in iis sacris, quæ post messem celebrare solebant, hoedum in lacte matris coxisse et deinde ritibus magicis adhibitis aspersisse arbores, egros et hortos, et credidisse eos hoc modo feraciores sequenti anno futuros esse. — Tandem Ill. *Michaelis* alium longe sensum, et diversam ab illis hujus legis rationem indicavit in Jur. Mos. P. IV. p. 203. nempe interdici Judæis assare carnem butyro adhibito. *Lac matris hoedi* ei est butyrum ex lacte paratum, quoniam butyrum primitus lac est. Speciem vero quam Moses nominavit, valere etiam de genere ideoque de lacte vaccæ. *Rationem* legis esse politicam: cavere nempe voluisse legislatorem, ne Israelitæ unquam in Aegyptum reverterentur; prudentiæ igitur fuisse legislatoris populum assuescere usui olei, cujus Palaestina erat feracissima, quo vero Aegyptus carebat. — Agnosco insignem Viri Illustris rerum civilium peritiam. Sed miror Mosen, qui alias in legibus ferendis ea perspicuitate utitur, quam sapiens legislator semper solet adhibere, legem ex sententia *Michaelis* gravissimam verbis adeo obscuris concepisse. — Ego quidem fateor, me assentiri *Spencero*, quoniam parum probabile videretur, fuisse qui hoc cibo delectarentur, cujus apparatus vix potest intelligi ut appetitum exciter. cf. *Clericus* ad h. l.; qui ex antiquitatibus græcis illam superstitionem illustravit.

a me destinatum. 21. Hunc revereamini, huic obtemperetis, hunc ne irritetis. Non ignoscet peccatis vestris. Idem est qui ego. c) 22. Quodsi ei morem gesseritis, et feceritis quæ jussero, ego quoque inimicus ero inimicis vestris et adversabor adversariis vestris. 23. Igitur vos præcedet legatus meus, qui vos ducet ad Amoritas, Chittæos, Pheresitas, Cananæos, Chivvæos et Jebu-
fitas, quos ego excindam. 24. Horum vero Deos

no

c) Hic locus insignis est, ex quo, uti mihi quidem videtur, plane apparet, legatum, sive angelum Dei, quem ut ducem populi Deus promittit, angelum esse increatum, non creatum, multo minus Moſen, aut Joſuam. Nam primo verba: *non ignoscet peccatis tuis*, angelo creato, aut homini non conveniunt, deinde quæ ſequuntur: *nomen meum in eo eſt*, non poſſunt explicari: aget nomine meo ſ. ex mandato, aut poteſtate a me accepta, tunc enim aliud verbum eſſet adhibitum, יְעִשֶׂה aut יְדַבֵּר aut ſimile: tandem ex collatione noſtri loci cum Cap. 32, 34. clare hoc intelligitur. Ibi enim Deus, populo propter idololatriam iratus, negat ſe amplius ducem populi futurum eſſe, ſed angelum qui populum ducat; ſed populus et Moſes hec omni modo deprecantur. Igitur hic angelus ab illo, de quo in noſtro loco ſermo eſt, longe diverſus fuit. Idem eſt qui Moſi apparuit Cap. 3, 2. et ibi quoque ita agit et loquitur, ut ipſe Deus.

ne adoretis aut colatis, neque mores eorum imitemini. Sed destruere et frangere debetis eorum imagines. 25. Me tantum Jovam Deum vestrum coletis, et sic curabo ut cibo et potu abundetis, morbos quoque a vobis depellam. 26. Nulla erit inter vos, quæ abortiat aut sterilis sit. Numerum annorum vestrorum complebo. 27. Mei terrorem vobis præmittam. Perturbabo omnes gentes ad quas pervenietis, hostesque vestros vobis necandos tradam. 28. Mittam ante vos crabrones *d*) qui expellant Chivvæos, Cananitas et Chittæos. 29. Non uno anno eos expellam ne terra desolata feræ agrestes nimis auctæ vos infestent. 30. Paullatim eos expellam, donec foetificetis et terram occupetis. 31. Terminos vobis constitui a sinu Arabico usque ad mare mediterraneum, atque a deserto usque ad Euphratem. Quando vobis tradidero hujus terræ incolas, debetis eos ejicere, 32. nequaquam vero cum eis, aut eorum diis foedus inire. 33. Omnino in terra vestra

d) Idem promittitur Deut. 7, 20. Neque dubitandum est, quin re vera evenierit, quanquam in historia terræ expugnatæ non clavis verbis narratur. Propter quod scripturæ sacræ silentium nonnulli interpretes hæc verba improprie de terrore divinitus immisso explicare voluerunt, bene refutati a Bocharro in Hieroz. II, 4, 13. p. 534.

vestra non habitent, ne vos ad peccandum seducant, ut eorum deos colatis, quod vobis futurum esset perniciosum.

CAPVT XXIV

Moses a Deo e monte dimissus refert ad populum leges Deū Quibus cum unanimi consensu obedientiam promittit, literis eas consignat et foedus solemnī ritu adhibito nomine Dei cum populo pangit. Quibus confectis redit ad Deum in montem, in cujus fastigio Israelitæ symbolum visibile præsentiæ divinæ conspiciunt.

1. **M**osen autem Jova iussit, deinde a) cum Aarone, Nadabo et Abihur et septuaginta aliis de magistratu Israelitarum ascendere, qui e longinquo Jovam supplices adorarent. 2. Mosi tantum propius ad Jovam accedere liceret, illis vero non, et de populo nemini. 3. Cum Moses ad populum venisset atque ei enarrasset omnes leges et statuta Jovæ, una voce omnes responderunt, velle se facere omnia, quæ Deus dixisset. 4. Tum Moses leges illas literis consignavit et postridie mane sub monte aram exstruxit et
cip-

a) Hoc deinde supplendum esse, contextus historię docet. Cap. 20, 18. clare dicitur Mosē ad Deum accessisse, a quo leges accepit ad populum referendas; quæ seriē non interrupta narrantur usque ad initium hujus capituli. Jam cum dimitteretur Mosēs a Deo ad populum, dicit ei quid facere deberet, cum iterum ascenderet.

cippos duodecim pro numero duodecim tribuum Israelitarum. 5. Deinde misit famulos populi, qui holocausta offerrent et sacrificia eucharistica ex juvenis facerent. 6. Ipse vero dimidium sanguinis in crateribus excepit, alterum dimidium sparsit super altari. 7. Quo facto prælegit audientibus omnibus librum illum foederis, atque omnes iterum promiserunt, velle se in omnibus Jovæ obtemperare. 8. Tum Moses sanguine illo populum consperxit, et dixit: hic est sanguis, quo effuso foedus sancitur, quod Jova vobiscum pepigit super his legibus. 9. Quibus peractis Moses, Aaron, Nadab et Abihu et septuaginta de senioribus populi montem ascenderunt. 10. Ibi viderunt Deum Israelis. Sub pedibus ejus apparebat tanquam laterculus Sapphiri et ut ipsum cælum nitens. 11. Sic principes populi Deum videbant sine vitæ suæ periculo *b)* et jucunde tempus
ibi

b) Verba textus ad litteram sic habent: *et ad principes Israelitarum non misit manum suam, viderunt Deum, ederunt et biberunt.* Quorum verborum duplex est explicatio. Altera, quæ est interpretis Chaldæi, phrasin *mittere manum ad aliquem* intelligit de damno et læsione qua aliquis afficitur. Jam cum Deus ipse dicat: *nemo me videbit et vivet*, putant hoc indicari, seniores Israelitarum non læsos, aut fulmine tactos esse a Deo, quanquam cum viderent, et pro-

ibi transigebant. 12. Tum Jovæ Mosen jussit montem ascendere, velle se ei dare lapideas tabulas et legem et statuta, quæ consignasset, ut ea *populum* doceret. 13. Igitur Moses et Josua ejus famulus montem Dei conscenderunt, 14. postquam senioribus illis præceperant, ut ibi manerent donec ad eos redirent; habere se Aaronem et Hurem, hos confu-leret, qui causam haberet. 15. Cum Moses montem conscenderat, hunc nubes texit, 16. et man-
sit splendor Jovæ in illo Sina monte per sex dies nube oblecto. Septimo die Moses evocatus ad inte-riorem nubem. 17. Ille vero Jovæ splendor in ver-
tice montis aspectu similis erat igni ardenti, quem et omnes Israelitæ videbant. 18. Moses mediam istam nubem in monte ingressus mansit ibi quadra-
ginta dies totidemque noctes.

pterea signa quoque lætitiæ præ se tulisse, edisse ibi et bi-
bisse. Altera explicatio est eorum, qui illam phrasin de
majori revelationis gradu accipiunt, quo Seniores illi non
dignati fuerint sicuti Moses, et propterea quoque cibo et
potu indiguerint, quo Moses per quadraginta dies potuit
carere. Vid. *Fagius* in Crit. Angl.

CAPUT XXV

*Deus jubet Moſen ſanctuarium ſibi exſtruere ex donariis
Iſraelitarum hunc in finem collatis. Cujus ſanctuarii partes
in exemplari Moſi exhibitio deſcribuntur. Arca, Cherubi,
menſa cum veſtibus ſuis, panibus et vaſis aureis, can-
delabrum cum lucernis ſuis.*

Tum Jova cum Moſe hunc in modum locutus
eſt: 2. Dic Iſraelitis, ut mihi conferant donaria.
Ab omnibus, qui ſponte hoc faciant, hæc donaria
accipietis. 3. Sunt vero ſequentia, quæ pro donario
conferri debent: aurum, argentum, æs. 4. *Fila*
cærulea, purpurea, coccinea, byſſus, pili caprini, 5.
pelles arietum rubræ, pelles phocarum et ligna aca-
ciæ. 6. Oleum candelabro, aromata, et unguentum
unctorium et ad ſuffimentum odoratum. 7. Ony-
ches, et gemmæ cælaturæ idoneæ pro pallio et pe-
torali. 8. Mihi enim ſanctuarium faciant, quo in-
ter eos habitem. 9. Idque omne ſecundum illud
exemplar, quod tibi oſtendam cum de ipſo taber-
naculo, tum de ejus ſupellectile. — 10. Fiat igi-
tur arca ex lignis acaciæ. Cujus longitudo ſit duo-
rum cubitorum et dimidii, latitudo unius cubiti et
dimidii, tantundem ejus altitudo. 11. Hanc auro
puro intus et extus induces et corona aurea undique
cinges. 12. Tum fundes quatuor annulos aureos,
quos quatuor ejus angulis in utroque latere binos

applicabis. 13. Porro vestes ex acaciæ ligno facies, quos auro obductos 14. immittes in annulos istos ad latera arcæ, quorum ope ea portetur. 15. In his annulis vestes illi semper hæreant, nec ex eis extrahantur. 16. In hac arca depones legem quam tibi dabo. 17. Tum porro facies operculum ex auro puro, cujus longitudo sit duorum cubitorum et dimidii, latitudo sesqui cubitalis. 18. Duos præterea Cherubos aureos facies. Alterum ab hoc, alterum ab altero operculi extremo, quocum opus solidum efficiant. 19. Hos igitur Cherubos ex ipso operculo fabricabis in ejus partibus extremis. 20. Alas duas expandant desuper, quibus operculum tegant, facie ad se invicem et in ipsum operculum conversa. 21. Hoc verò arcæ superimpones, in qua legem, quam tibi dabo, depones. 22. Hinc ego tibi comparebo, et de illo operculo inter duos cherubos, qui super arca legis sunt, tecum loquar ea omnia, quæ tibi ad Israelitas præcipiam. — 23. Præterea facies mensam ex acaciæ ligno, longitudine duorum cubitorum, latitudine unius, altitudine unius et dimidii. 24. Hanc auro puro teges et limbum aureum undique ei circumduces, 25. nec non marginem palmarum per ambitum. Ille limbus aureus huic margini sit conjunctus. 26. Tum porro quatuor annulos aureos facies, eosque ad quatuor angulos quatuor ejus pedum applicabis.

cabis. 27. E regione marginis sint illi annuli, pro receptaculis vectium ad portandam mensam. 28. Quos vestes ex acaciæ ligno fabricatos auro teges, ut eorum ope mensa bajuletur. 29. Facies quoque ejus scutellas, lances, pateras et cyathos, quibus libetur, quæ omnia ex auro puro conflabis. 30. Huic mensæ impones panes mihi sacros. — 31. Porro facies candelabrum ex auro puro, idque solidum ^{a)}; scapus ejus, calamus, calices, globuli et flores unum efficiant. 32. Sex calami exeant ex ejus lateribus, trini ex utroque latere. 33. Singuli calami habeant tres calices ad instar nuclei amygdalæ, globos et flores, atque hunc in modum facies sex illos calamos e candelabro prodeuntes. 34. In ipso candelabro quatuor sint calices formam nucis amygdalinæ habentes cum globis et floribus. 35. Nempe singuli globi sub binis calamis prodeant. Tres igitur globi sint sex calamis ex ipso candelabro ductis. 36. Globi et calami *e scapo* prodeuntes unum opus solidum ex auro puro constituent. 37. Insuper facies septem lucernas, quas ita impones, ut versus partem anteriorem luceant. 38. Forcipes quoque s. emunctoria cum vasculis suis ex auro puro fiant. 39. Ad hæc vasa omnia consicienda infumatur talentum auri optimi.

40. Vi-

a) h. e. non ex pluribus partibus compositum, uti mox explicatur.

40. Vide ut omnia ad exemplar facias, quod tibi in monte est monstratum.

CAPUT XXVI

Tabernaculum cum quatuor suis stragulis. Asserēs conjuncti ad sustentanda ista stragula. Partes tabernaculi distinctæ per siparia.

- T**abernaculum autem facies ex decem aulæis, quæ ex byssinis filis retortis cæruleis, coccineis, purpureis, insertis cherubis opere polymito texantur.
2. Singulorum aulæorum longitudo sit duodetriginta cubitorum, latitudo quatuor. Unam mensuram omnia habeant. 3. Quina inter se sint conjuncta.
4. Tum facies ligulas cæruleas in ora primi aulæi, quod ultimum est illius commissuræ, et sic facies quoque in ora aulæi extremi secundæ commissuræ.
5. Quinquaginta ligulæ sint in uno aulæo, et totidem in ora alterius, quod est priori junctum, ita ut illæ ligulæ sibi invicem respondeant. 6. Porro facies quinquaginta uncas aureas, quibus aulæa illa connectas, ut hac ratione unum tabernaculum existat.
7. Tum facies undecim stragulas e pilis caprinis, quas super tabernaculo *expandas*. 8. Singulæ illæ stragulæ habeant trigenos cubitos in longitudine, et quinos in latitudine, una eademque mensura sit omnium undecim. 9. Quarum stragularum quin-

quinque seorsim et sex seorsim conjunges, sextam vero in parte anteriori tabernaculi reduplicabis. 10. In ora utraque harum partium junctarum facies quinquaginta ligulas, 11. totidemque uncus æneos, quos ligulis illis immittas, et sic tentorium junctum unum efficiatur. 12. Residuum vero harum stragularum tentorii, nempe dimidium stragulæ redundantis, sit in parte posteriori tabernaculi, 13. et duo cubiti ab utraque parte de stragularum longitudine redundantes ab utroque latere tabernaculi supersint ad illud tegendum. 14. Tandem tegumentum super hoc tabernaculo facies ex pellibus arietum rubris, et insuper aliud ex pellibus phocarum. — 15. Porro facies asseres pro tabernaculo ex acaciæ lignis, qui erecti stent. 16. Singuli in longitudinem denum cubitorum, in latitudinem sesqui cubitalem. 17. Singuli duos cardines habeant sibi mutuo coherentes, et sic omnes tabernaculi asseres sint fabricati. 18. Quorum asserum viginti sint ad partem tabernaculi meridianam. 19. Quibus viginti bases argenteas subicies, binas singulis asseribus pro duobus suis cardinibus. 20. In altera parte tabernaculi versus septentrionem etiam sint viginti asseres 21. cum quadraginta basibus argenteis, binæ singulis asseribus subjienda. 22. Pro extrema tabernaculi parte occidentali facies sex asseres 23. et præ-

præterea duos pro utroque tabernaculi angelo, 24. qui vero sint gemini cum in imo tum in summo et annulo invicem juncti. Sic ambo illi afferes sint pro ambobus angulis. 25. Sic erunt octo afferes et sedecim bases argenteæ, binæ singulis afferibus subjiciendæ. 26. Præterea facies repagula ex acacia. Quinque pro afferibus lateris primi, 27. et totidem pro afferibus lateris secundi; tandem etiam quinque pro afferibus lateris tabernaculi extremi occidentalis. 28. Repagulum medianum per medios afferes trajectum ab uno extremo ad alterum usque pertingat. 29. Afferes et repagula auro obduces, annulos vero, qui repagula capiant, aureos. 30. Sic eriges tabernaculum secundum exemplar, quod tibi in monte monstratum fuit — 31. Porro velum facies ex filis cæruleis, purpureis, coccineis et bysso retorta, cheruborum figuris opere polymito intertextis, 32. quod adpendes quatuor columnis ex acaciæ lignis auro obductis; earum uncini aurei sint, bases argenteæ, 33. et repones sub illis uncis. (*de quibus antea dictum est vers. 6.*) Intra illum velo assignatum locum inferes arcam legis. Sic velum hoc separet sanctuarium ab *adyto* sanctissimo. 34. In hoc operculum arcæ legis impones. 35. Mensam vero extra velum colloces ad latus tabernaculi septentrionale et candel-

delabrum e regione mensæ ad latus meridianum.

36. Porro facies siparium ad introitum tabernaculi ex filis cæruleis, purpureis, coccineis et bysso re-torta, opus phrygionicum. 37. Cui suspendendo fa-cies quinque columnas ex acaciæ ligno auro obdu-ctas. Uncini earum aurei sint. Bases vero quin-que æneæ.

CAPUT XXVII

*Ara sacrificiorum, azrium tentorii, oleum pro
candelabro.*

1. **A**ram ex lignis acaciæ quinque cubitos longam et totidem latam facies, ut sit forma quadrata; al-titudo sit trium cubitorum. 2. Eminentias a) fa-
cies

a) Hebraice קַרְנוֹת *cornua* vocantur. Quam vocem *Spen-cerus*, *Witsius*, *Clericus*, alii, proprie accipientes in angulis altaris revera *cornuum* figuras extitisse volunt. Ab his in alia omnia abit Ill. *Michaelis*, qui hæc קַרְנוֹת cum an-gulis idem prorsus fuisse arbitratur. Quod miror a Viro Eruditissimo cum gravi adeo inscitæ reprehensione alterius sententiæ defendi, cum clare admodum hi ab illis distin-guantur עֲשֵׂית קַרְנֹתָיו עַל אַרְבַּע פְּנֵיתָיו *facies cornua ejus in quatuor ejus angulis*. — Sed hæc verba ultima omittit Vir Celeb. in versione sua, quæ habet: Seine vier Ecken sollen mit ihm in eins gearbeitet und nicht von ihm

cies ad quatuor ejus angulos. Quæ eminentiæ ex solido factæ sint. Ipsa vero ara ære testâ. 3. Olæ ejus ad cinerem excipiendum, palæ, pateræ, fuscinæ et batilla, omnia ejus vasa ænea sint. 4. Præterea facies opus reticulatum æneum, quod in quatuor suis angulis quatuor æneos annulos habeat. 5. Idque inferius subambitu aræ in ejus medio applicabis. 6. Vestes item pro hac ara facies ex acacia ære testos, 7. qui annulis immissi ad duo aræ latera hæreant, quando portatur. 8. Cava sit ex tabulis modo constructa, quemadmodum tibi in monte monstratum est. — 9. Atrium tabernaculi velis ex bysso contorta fabricatis cingatur. Quæ vela in latere meridionali centum cubitos longa sint. 10. Columnas habeant

ihm abzufondern seyn, quæ respondent verbis textus sequentibus *מִמֶּנּוּ תְּהִי־יָן קַרְנֹתָיו* et bis eorum sensum explicant, nam de separatione nihil in textu extat, quantum ea necessaria est, si *קַרְנֹת* cum ipso altari ejusque angulis ex solido facta sunt. — Equidem non assentior illis, qui *cornuum* figuras in aræ angulis extitisse putant, cujus sententiæ argumenta non satis firma allata videntur; nec tamen *קַרְנֹת* cum *פְּנוֹת* prorsus synonyma esse arbitror, sed in quatuor angulis quatuor eminentias extitisse. Quod verba textus, quantum ego quidem intelligo, clare dicunt, atque usum etiam harum eminentiarum fuisse, a scriptoribus hebraicarum antiquitatum dudum est observatum.

habeant viginti, totidemque bases ex ære, columnarum vero unci et velorum perticæ sint argenteæ.

11. Similiter in latere septentrionali, vela centum cubitorum in longitudine, viginti columnæ, totidemque bases æneæ, unci et velorum perticæ argenteæ.

12. Latitudo atrii in latere occidentali sit quinquaginta cubitorum cum decem columnis totidemque basibus.

13. Latitudo atrii versus orientem quinquaginta cubitorum.

14. Ab una parte habeat vela quindecim cubitos longa, cum tribus columnis et tribus basibus.

15. Similiter etiam ab altera parte; quindecim cubitorum vela cum tribus columnis et tribus basibus.

16. In introitu autem atrii sit siparium viginti cubitorum ex filis cæruleis, purpureis, coccineis et bysso contorta, opus phrygionicum, cum quatuor columnis et quatuor basibus.

17. Sic omnes undique atrii columnæ habeant perticæ et uncas argenteas, bases æneas.

18. Longitudo atrii sit centum cubitorum, latitudo quinquaginta, altitudo velorum ex bysso contorta sit quinque cubitorum, bases sint æneæ,

19. nec non omnis tabernaculi supellex; clavi quoque tum tabernaculi, tum atrii ænei sint.

— 20. Tum præcipe Israelitis, ut tibi afferant oleum ex olivis expressum, purum, pro candelabro, ad lucernas perpetuo alendas,

21. quas in tabernaculo conventus extra siparium, quod est versus arcam legis, Aaron et filii ejus, instruent a

vespera usque ad tempus matutinum, coram Jova. Tributum hoc sit ab Israëlitis in posterum perpetuo solvendum.

CAPUT XXVIII

Vestes sacerdotales Aaronis et filiorum ejus. a)

1. **A**aronem vero, fratrem tuum, ejusque filios, Nadabum, Abihum, Eleasarem et Ithamarum, ex Israëlitis discernere debes, ut mihi sint sacerdotes. 2. Atque Aaroni fratri tuo cures conficiendas vestes sacras, splendidas et ornatas. 3. Loquere igitur cum viris peritis, quos sapientia instruxi eximia, ut Aaroni vestes faciant, quibus ad sacerdotium meum initietur. 4. Vestes vero, quas facere debent, sunt hæ: Pectorale, Ephod, *b)* pallium, tunica adstrictior, cidaris et cingulum. Quibus sacris vestibus pro Aarone fratre tuo ejusque filiis sacerdoti-

a) Non desuit diligentia interpretum in hujus capitis difficultatibus explicandis. Data opera tamen hoc egit Jo. Braunius, qui amplissimum scripsit commentarium, cui titulum fecit: *Vestitus sacerdotum hebraeorum*. Amstel. 1680. Ad quem lectores nostros imprimis remittimus, si harum vestium et singularum partium accuratorem legere velint descriptionem et videre earum delineationem eleganter æri incisam. Nobis quidem per brevitatem, cui in notulis nostris studendum est, non licet verba et res pluribus illustrare.

b) Placuit vocabulum hebraicum retinere, cum in lingua-latina non sit, quod descriptioni-ejus omni ex parte respondeat

dotibus meis, conficiendis 5. adhibeant aurum,
 fila hyacinthina, purpurea, coccinea et byssina.
 6. Ephodum quidem faciant ex auro, hyacintho,
 purpura, cocco et bysso contorta opere polymito.
 7. Duo humeralia habeat, quibus in duobus ex-
 tremis suis jungatur, 8. et textura *anteriori* parti c)
 oppo-

c) In textu hebræo est: **וְחֵשֶׁב אֶפְרָתוֹ**. Plerique interpre-
 tes vertunt **חֵשֶׁב** per *cingulum* aut *baleum*, ex auctori-
 tate Chaldaei interpretis et Syri, qui habent **חֶמֶן**. Hinc
 putant partem posteriorem Ephodi cingulo aut vitta qua-
 dam cum anteriori esse constrictam. Sed recte, uti arbi-
 tror, de hac significatione dubitavit *Clericus*, quoniam ver-
 bum **חֵשֶׁב** et substantiva ab eo derivata in hac pericopa
 semper de opere polymito dicuntur. **אֶפְרָה** vero ei est
 pars posterior Ephodi, quæ dorsum tegebat, quæ, uti an-
 terior **אֶפֶד** dicta, ex eadem materia facta esse debebat. —
 Aliam horum vocabulorum sane difficilium explicationem
 dedit *Hubigantius*. Qui quidem quoad **חֵשֶׁב** assentitur
Clerico, sed **אֶפְרָה** de *limbo* explicat, qui alias diverso
 subtemisse solet fabricari, hic vero ejusdem texture esse
 deberet. Confert ad illam *limbi* significationem proban-
 dam Arab. **أَوْن** quod *terminum* s. *finem* rei indicat. (*Gigge-
 jus* p. 166.) Sed quoniam nimis quæsitæ mihi videtur hæc
 explicatio, illam præferendam putavi. Cur vero Chaldaeus
 et Syrus **חֵשֶׁב** in septem his locis, in quibus de Ephodo
 X 1 adhi-

opposita ex eadem materia sit, ex auro, hyacintho, purpura, cocco, et bysso retorta. 9. Tum duabus gemmis onychibus incidēs nomina Israelitarum. 10. Sex nomina uni, totidem alteri pro ratione ætatis eorum. 11. Ex artificio opificis gemmarii, cælatura sigillari cælabis in his duabus gemmis nomina filiorum Israelis, easque aureis fundis includes. 12. Has duas gemmas impones humeralibus Ephodi, ut sint in memoriam Israelitarum, atque Aaron sic ferat eorum nomina super duobus humeris coram Jova in recordationem. 13. Præter has palas aureas 14. facies quoque duas catenulas ex auro puro æquales opere tortili, quas palis illis inferes. — — 15. Facies quoque pectorale judicii opere polymito, sicuti Ephodum ex auro, hyacintho, cocco et bysso retorta. 16. Quadratum sit et duplicatum longitudine et latitudine palmari. 17. Idque complebis quatuor gemmarum ordinibus. d) Primus ordo habeat Sardium, Topasum, Sma-

adhibetur, nempe infra vers. 27. 28. Cap. 29, 5. 29, 20. 21. Levit. 8, 7. tam constanter per חֲמֵץ *cingulum* vertant, divinare non possum. Num literis transpositis חֲמֵץ legerint? At septies hunc errorem admissum esse, parum probabile est. Versio græca et Vulgata sibi non constant.

d) Verissime observat Ill. *Michaelis* in notis ad vers. germ. cum

Smaragdum. 18. Secundus Carbunculum, Sapphirum, Jahalomum. 19. Tertius Ligyrium, Achatem, Amethystum. 20. Quartus Chrysolithum, Onychem et Jaspidem: hæ gemmæ palis aureis includantur. 21. Sint vero numero duodecim, secundum nomina filiorum Israelis. Singulis vero gemmis singula nomina duodecim tribuum insculpes, arte ea qua fit in sigillis. 22. Pro hoc pectorali facies
duas

cum harum gemmarum nomina hebraica linguæ cognatæ prorsus ignorent, incerta etiam esse, quæ eis substituantur. Antiquorum interpretum dissensus satis probat, eos tantum divinasse, hinc eorum versiones æque incertæ sunt, ac recentiorum interpretum explicationes ex originatione tantum petiæ. Ne tamen lectores peregrinis nominibus, si ea in versione retinuissem, nimis offenderentur, posui ea quæ versio græca hebræis nominibus substituit, excepto sexto Jahalom. Quod quidem complures interpretes de adamante explicant, sed falso, uti recte notavit Ill. *Michælis*, ex ratione, quæ quæstionem prorsus decedit. Quoniam nempe adamas sculpturam propter duritiem suam non admittit, non potest locum habere lapis hic omnium pretiosissimus in numero reliquorum, quibus singulis singularum tribuum nomina debebant insculpi. Qui varias interpretum conjecturas, originationes, versiones legere velit, adeat *Braunium* in libro laudato de Vestitu sacerdot. hebr. Lib. II. Cap. VIII. p. 627. seqq. *Lud. de Dieu* in Crit. S. ad h. l. *Hillerum* in Syntagmatt. hermenevt. p. 1. seqq.

duas catenas æquales opere tortili ex auro puro, 23. et præterea duos annulos aureos, quos duobus pectoralis extremis annectes, 24. atque his duas illas catenas aureas tortiles immittes in extremitatibus pectoralis. 25. Extremitates vero harum catenarum inferes palis illis duabus superhumeralibus Ephodi in parte anteriori. 26. Porro facies duos annulos aureos, quos addes duobus pectoralis extremitatibus in ora quæ ad ipsum Ephodum vergit inferius. 27. Præterea duos *alios* annulos aureos facies, quos duobus superhumeralibus Ephodi inferius addes ex anteriore parte, in eo loco, ubi illa duas Ephodi partes jungunt in superiori ejus textura, 28. et adstringatur pectorale annulis suis, annulis Ephodi funiculo hyacinthino, ut maneat super Ephodo polymito neque ab eo dimoveatur. 29. Et sic ferat Aaron nomina filiorum Israelis in pectorali illo judicii super pectore suo, quando sanctuarium ingreditur in perpetuam coram Jova recordationem. 30. Et pones in pectorali judicii Urim et Tummim, *e*) quæ sint super pectore Aaronis,

e) De *Urim et Tummim* tot sunt virorum doctorum sententiae, ut illa ipsa eorum dissensio abunde probet, quam difficile sit hujus rei rationem et usum explicare. Catalogum eorum, qui de ea re scripserunt, satis prolixum dedit *Fabricius* in

nis, quando in conspectum Dei venit, et gestet semper illud *pectorale* iudicii Israelitarum super pectore suo

* in Bibliogr. antiquaria p. 302. edit. recent. Cui addi possunt *Simonis* prælectt. in Relandi Antiqq. hebr. germanice editæ a *Murfianna* V. C. Halæ 1769. Ego quidem quanquam malim *רֹאשׁ הַלְזָיו* eligere, si dicendum est quæ maxime probabilis sententia videatur, eam putem esse eorum, qui ipsos illos lapides pretiosos hoc nomine Urim et Tummim insigniri putant. Verba quidem textus admittunt hanc explanationem. Nempe in hoc versu præcipitur, lapides illos debere esse lucidissimos et perfectissimos, cum in antecedentibus tantum descripti essent secundum nomina sua et ordinem, quo in pectorali essent collocandi. Maxime favent, ex meo quidem sensu, huic sententiæ loci parallela, in quibus Moses promiscue utitur nomine *רֹאשׁ Urim* et *Tummim* et lapidum pretiosorum. Sic Exodi 39, 8. seqq. ubi tota illa structura pectoralis quæ fuerit repetitur, nulla inijcitur mentio *רֹאשׁ Urim* et *Tummim*, et Levit. 8, 8. loquitur Moses de Urim et Tummim et silet de lapidibus. Quidni videatur sub Urim et Tummim ipsos lapides intelligi, cum Moses alterum pro altero substituat? Quod ad modum attinget, quo Deus per hæc Urim et Tummim responsa dederit, existimant, qui illam sententiam defendunt, Deum summo pontifici, Ephodo et hoc pectorali ornato, suam voluntatem revelasse eodem modo quo prophetis, ut ille non minus atque hi de veritate responsi divini certus esse posset. Vid. *Braunius* l. c. p. 768. seqq. qui pluribus hanc sententiam ornavit.

suo in conspectu Jovæ. — 31. Pallium vero subter Ephodo *induendum* totum sit cæruleum, 32. habeatque in summo suo medio foramen, quod limbo circumdetur, texto ad modum lorice, ne rumpatur. 33. In fimbria ejus circumquaque facies mala punica cærulea, purpurea, coccinea, et inter ea tintinnabula aurea 34. alternatim interponito. 35. Hoc indutus sit Aaron, si ministerio fungitur, ut audiatur sonitus ejus, quando sanctuarium Jovæ ingreditur, et quando ex eo egreditur, ne moriatur. — 36. Porro facies laminam ex auro puro, cui insculpes cælatura sigillari: Jovæ sacrum, 37. eamque funiculo cæruleo parti anteriori cidaris applicabis. 38. Gestare vero debet Aaron *hanc laminam* in fronte, ut pœnam peccati luat, si quod commissum fuerit ab Israelitis in rebus consecratis et omnino in omnibus oblationibus sacris. Semper igitur sit hæc lamina in fronte Aaronis ad favorem Jovæ eis conciliandum. — 39. Tunicam autem ex bysso texes et cidarim byssinam, cingulum vero facies opere phrygionico. — 40. Filiis quoque Aaronis facies tunicas et cingula et tiaras splendidas et ornatas. 41. His vestibus indues Aaronem fratrem tuum ejusque filios. Unges eos, et tradita muneris potestate, mihi in sacerdotium consecrabis. 42. Tandem eis facies linea femoralia, quibus partes corporis

ris verendas tegant; a lumbis ad femora tendant. 43. His Aaron et filii ejus sint amicti, quando tentorium conventus ingrediuntur, aut quando ad aram sacrorum causa accedunt, ne culpa admissa moriantur. Hoc institutum perpetui usus sit apud eos eorumque posteros.

CAPUT XXIX

Præcipiuntur ritus in sacerdotum consecratione observandi et sacrificium quotidianum. Deus promittit, se in hoc sanctuario gratiose affuturum esse Israelitis.

1. **C**eremoniæ vero, quibus eos mihi ad sacerdotium consecrabis, sint sequentes: Sume juvencum, duos arietes, vitii omnis expertes, 2. porro panes sine fermento, placentas et lagana sine fermento. Illas oleo mixtas, hæc oleo infusa, quæ ex similagine parabis. 3. Hæc in canistro posita afferes, itemque taurum et duos arietes adduces *ad altare*. 4. Tum Aaronem et filios ejus ante ostium tabernaculi aqua lavabis. 5. Deinde illum vestibis indues, nempe tunica inferiori, tunica Ephodi, *a)* Ephodo ipso et pectorali; atque sic textura illa polymita Ephodi *b)* amicies. 6. Impones quoque capiti ejus cidarium, cui sacrum diadema inferes. 7. Tandem

X 5

oleo

a) h. e. pallio illo caruleo, de quo vers. 31. Cap. præced.

b) cf. notam c) ad cap. præcedens.

olen unctorio super caput ejus effuso eum inunges. 8. Tum quoque filios ejus adduces, quos tunicis amicies, 9. et balteis (Aaronem æque ac ejus filios) constringes et tiaras alligabis; hac ratione jus sacerdotii in perpetuum eis conferatur, atque hujus muneris potestas solenni ritu tradatur. c) 10. Quo facto capiti juvenci ad tabernaculum conventus adducti Aaron et filii ejus manus imponent. 11. Tum vero juvenem coram Jova, hoc est, ad ostium tabernaculi mactabis. 12. Parte sanguinis digito tuo eminentias altaris intinges, omnem vero sanguinem ad basin altaris effundes. 13. Adipem omnem, intestina tegentem, lobum majorem hepatis, ambos renes et adipem eis adhærentem adolebis in altari. 14. Carnem juvenci, pellem et fimum ejus igne combures extra castra. Sacrificium hoc est piacularare. — 15. Tum alterum arietem adhibebis. Cujus capiti Aaron et filii ejus manus imponent. 16. Deinde eum mactabis et sanguine ejus altare undique consperges, 17. tum arietem in frusta concides, lavabis intestina et crura, et super frustis ejus et capite pones. 18. Tandem adolebis totum arietem super altari. Hoc solidum est sacrificium Jovæ sacrum eique acceptum,

c) hebr. est: *et implebit manum Aaronis et filiorum ejus*. Phras. solennis est de collatione muneris. Adfuit Cap. 28, 41., ubi per consecrationem ad sacerdotium explicatur.

ptum, d) oblatio igne absumenda. 19. Quo facto alterum adhibebis arietem. Cujus capiti Aaron et filii ejus manus imponent, 20. ac deinde eum mactabis et aliquantum de sanguine ejus illines lobo dextræ auris Aaronis et filiorum ejus, nec non pollicis manus dextræ et pollicis pedis dextri, reliquo vero sanguine altare undique consperges. 21. Tum de sanguine eo super altari *conspergo*, et de oleo unctorior fumes et asperges eo Aaronem et vestes ejus, nec non filios ejus eorumque vestes. 22. Tum adipem hujus arietis, nimirum caudam crassam, omentum, lobum minorem hepatis, ambos renes et adipem eis adhærentem, atque armum dextrum, (est enim aries consecrationis) 23. ex canistro vero azymorum coram Deo depositorum, panem unum et placentam et laganam unam, 24. omnia ista, inquam, impones manibus Aaronis et filiorum ejus, ut hæc agitando mihi offerant. 25. Deinde ea ex eorum manibus recipies et adolebis in altari super holocausto, in odorem placaminis coram me. Est enim oblatio igne absumenda. 26. Pectus autem hujus arietis, qua Aaron ad munus suum consecratur, agitando mihi offeres, tunc tibi in partem cedit. 27. Sic consecrabis pectus et armum mihi agitando oblata ex arietibus illis initiationis Aaronis et filiorum ejus,

28.

d) cf. notam ad Genes. 8, 11.

28. ut eis ex jure competant perpetuo de omnibus Israelitis. Ex omnibus eorum victimis salutaribus hæc eorum oblatio sit mihi sacra. — 29. Vestes Aaronis sacræ cedent ejus filiis post eum, ut in iis ungantur et ad munus suum initientur. 30. Per septem dies eas induat is, qui ex filiis ejus ei in sacerdotio succedit, quando tabernaculum conventus ingreditur ad munus suum capeffendum. 31. Aries consecrationis in loco sacro coquatur, 32. eamque ut et panes e canistro comedant Aaron et filii ejus ante ostium tabernaculi. 33. Ipsi vescantur ea vittima, qua expiati et ad munus suum consecrati sunt, non peregrini, quia sacra est. 34. Si quid de carne ejus aut de panibus reliqui fuerit in frequentem diem, igne comburatur; non fas est illud comedere, est enim sacrum. 35. Hæ sunt ceremoniæ observandæ in initiatione Aaronis et filiorum ejus. Per septem dies eos muneris sui potestate instrues. 36. Quotidie juvencum ut sacrificium expiatorium offeres, quò aram emundes, dum super ea expiabis, ungendo quoque eam consecrabis. 37. Septem dies durabit illa aræ expiatio et consecratio. Est enim res omnium maxime sacra, et quicumque eam attigerit, sanctus esse debet. — 38. Hac in ara singulis diebus, binis agnis anniculis facies. 39. Altero quidem mane, altero circa vespe-

vesperam. 40. Priori agno adhibeto decimam partem *Ephæ* similaginis mistæ cum quarta parte hini olei contusi; et pro libamine vini quarta pars hini.

41. Altero agno, circa vesperam offerendo facies, ut in oblatione matutina, eodemque libamine. Quæ grata mihi erit victima et oblatio igne absumenda.

42. Hoc erit holocaustum perpetuum per omnes ætates ante ostium tabernaculi mihi offerendum. Ibi vos conveniam et vobiscum loquar. 43. Ibi me Israelitis manifestabo atque majestatis meæ præsentia consecrabitur.

44. Hoc conventus tabernaculum et altare mihi sacra sint, nec non Aaron et filii ejus sacerdotes mei. 45. Sic habitabo inter Israelitas eorumque ero Deus. 46. Quod cum fecero, intelligent me Jovam eorum Deum esse, qui eos ex Ægypto eduxerit. Sic fatur Jova eorum Deus.

CAPUT XXX

De ara suffitus, de semisclo in numeratione populi ab omnibus in usum sacrarii solvendo, de labro æneo in usum sacerdotum, de præparatione olei unctorii et suffitus sacri.

Item facies aram suffitus ex acaciæ lignis, 2. cujus longitudo et latitudo esto cubitalis, in forma quadrata, altitudo bicubitalis. Eminentia ejus ^{a)} ex integra materia consent. 3. Auro puro eam obduces,

a) cf. notam ad Cap. 27, 2.

duces, cum partem ejus superiorem, tum latera et eminentias. Corona quoque aurea eam cinges.

4. Sub qua in utroque latere binos annulos aureos addes, per quos vestes, quibus bajuletur, transjiciantur. 5. Qui vestes etiam ex acacia fabricentur et auro tegantur. 6. Hanc axam collocabis antè sparium, quod arcam legis tegit, e regione operculi, quod super illa arca est, unde tibi responsa dabo. 7. In ea adolebit Aaron fustitum aromatum singulis matutinis, quando lucernas aptat, 8. et quando circa vesperam eas accendit. Hic fustitendi ritus semper a vobis et posteris vestris fervetur in mei honorem. 9. Alienum fustimentum super ea accendere non licet, neque holocausta, neque ferta, neque libamina fundere. 10. Semel quotannis eam expiabit Aaron in eminentiis ejus per sanguinem sacrificii piacularis. Quod itidem posteris vestris tradetur. Mihi, Jovæ, hoc sacrosanctum erit. — 11. Porro Jova Mosi dixit: 12. Quando censum inibis Israelitarum, quisque pro vitæ suæ redemptione mihi pretium solvat, ne in eo censu peragendo clade afficiantur. 13. Solvent vero omnes qui in censum veniunt, dimidium siclum, sicli nempe sacri, qui valet viginti geras. Quod sicli dimidium mihi solvitur. 14. Dabunt illud omnes qui censorum numero habentur, nempe qui vicesimum ætatis annum
exces-

excefferint. 15. Dives non plus, nec pauper minus dimidio siclo conferet ad hanc oblationem, quam mihi facere debetis pro vita vestra redimenda. 16. Quam pecuniam expiatoriam ab Israelitis solvendam infumes in usum tabernaculi. Ego vero propter hanc oblationem vitæ eorum propitius ero. — — 17. Porro Jova Mofi dixit: 18. Facito labrum æneum cum operculo æneo, *b)* idque intra tabernaculum

b) Vocabulum hebraicum כַּנֶּכֶס a plerisque interpretibus per *basin* aut *scapum* explicatur. Sed Dagesch forte innuit radicem mediæ geminatæ, non mediæ quiescentis. Igitur recte, uti arbitror, *Lud. de Dieu* in Crit. S. ad h. l. ex lingua arabica confert כַּנֶּכֶס *texit*. Hinc substantivum כַּנֶּכֶס *regmen*, s. *operculum*, non solum huic loco, sed etiam aliis est aptissimum. Quod paucis quidem *Lud. de Dieu* l. e. pluribus vero *Clemens* probavit in Dissert. de *labro æneo* (Græningæ 1732.) Cap. HL Nam præter argumentum illud grammaticum alia quoque pro hac sententia afferri possunt non contemnenda. Usus quidem, cui hoc labrum destinatum fuit, necessarium fecit, ut operculo esset obiectum. Nam quis non intelligit, aquam facile potuisse inquinari, cum vas sub dîo, non in loco tecto esset collocatum? Deinde Moses, quoties hujus labri mentionem injicit, inprimis in initiatione ejus et consecratione, 30, 28. 31; 9. 35, 16. 38, 6. etc. semper et *כַּנֶּכֶס* meminit. Jam vero non apparet, cur hoc fecerit, si כַּנֶּכֶס *basin* vel *scapum* notat,

culum conventus et inter altare ponito et aqua impleto. 19. Ex eo Aaron et filii ejus manus et pedes lavabunt. 20. Idque faciente, quando tabernaculum conventus ingrediuntur, aut quando ad aram acceduat ad ministrandum et sacrificia adolenda. 21. Semper hoc agant manibus pedibusque lotis, ne morte puniantur. Lex hæc sit ab eis et posteris eorum per omnes ætates servanda. — 22. Porro Jova Moysi dixit: 23. Sume aromata præstantissima, myrrhæ optimæ quingentos *siclos*, cinnamomi dimidium, ducentos quinquaginta, totidemque calami odorati. 24. Casæ quingentos (pro siclo sancto) et hinem olivi olei. 25. Ex his facies oleum sacrae unctionis secundum artem unguentariorum. 26. Hoc sacro unguento unges tabernaculum conventus, arcam legis, 27. mensam et vasa ejus, candelabrum et vasa ejus, aram suffitus, 28. aram holocaustorum et vasa ejus, et labrum cum operculo suo. 29. Quo facto ea consecrabis. Sacrosancta sint; quicumque ea tetigerit, sanctus sit. 30. Aaronem quoque et filios ejus unges et ut sacerdotes meos consecrabis. 31. Israelitis vero præcipe, ut hoc unguentum in posterum mihi sacratum habeant. 32. Nec ullum

notat, unamque cum labro partem effecerit. Quodsi separata et distincta ejus pars fuit, utique necesse erat, ut utriusque faceret mentionem.

ullum alium hominem *præter sacerdotes* eo perfundant, nec eadem compositione *sibi* unguenta faciant, sacram eam ducant. 33. Qui simile unguentum fecerit, aut peregrino de eo dederit, is excindatur de populo suo. — 34. Porro Jova Moſi dixit: Summe aromata, ſtaſtem, onychem, galbanum, et thus mundum, ſingula æquali pondere. 35. Ex his facies ſuffimentum ex arte unguentariorum, adhibito ſale puro et ſancto. 36. Hujus pulveris bene contrita partem repones arcæ legis ex adverſo in tentorio conventus, unde tibi reſponſa dabo. 37. Ex hujus ſuffimenti, quod vobis ſanctiſſimum habeatur, compositione aliud vobis non facietis. Mihi hoc ſacratum ducatis. 38. Qui ſimile compoſuerit ad communem uſum, is excindatur e populo ſuo.

CAPUT XXXI

Deus Moſi nominatim indicat opifices, quos his rebus perficiendis neceſſaria ſapientia inſtruxerit. Interdicit, tamen laborem ſabbato ſuſcipiendum, tandemque legis tabulas Moſi tradit.

1. 2. **D**estinavi autem nominatim, pergebat Jova ad Moſen, *his rebus perficiendis* Bezaleelem, filium Uri, nepotem Churi, e tribu Juda. 3. Hunc eximia ſapientia, prudentia et intelligentia inſtruxi ad omnis generis opificia. 4. In artiſcioſa textura, in auro,

Y

argen-

argento et ære tractando, 5. in lapidibus cælandis et ligandis, in lignis fabricandis et omnino in omni opificio: 6. Cui addidi Oholiabum filium Achimafachi e tribu Danis. Atque reliquis quoque artificibus peritiam contuli, ad ea, quæ tibi præcepi, perficienda. 7. *Nempe* tabernaculum conventus, arcam legis, ejusque operculum et omnem tabernaculi supellectilem. 8. Mensam et quæ ad eam pertinent, candelabrum aureum et omnia vasa ejus, aram suffitus 9. et aram holocausti cum omnibus instrumentis suis, labrum cum operculo suo. 10. Vestes stragulas ^{a)} et

a) Hebraice vocantur כִּנֹּרֵי הַשֵּׁרֶט sub quibus nonnulli interpretes easdem sacras vestes sacerdotales Aaronis et filiorum ejus intelligunt, quæ in verbis proxime sequentibus nominantur. Versiones antiquæ in h. l. et duobus aliis 35, 19. 39, 1. 41. in quibus hoc vocabulum שֵׁרֶט occurrit, videntur legisse שֵׁרֶת. Quam lectionem etiam exhibet Codex Samaritanus in h. l. nec tamen in duobus reliquis. Fortasse vero voces similes confuderunt. Judæi vertunt quidem per vestes ministerii, sed non de vestibus sacerdotalibus explicant, sed de velis s. stragulis, quibus arca, mensa, candelabrum et reliqua vasa sacra involuebantur, quando tabernaculum in alium locum erat transferendum. De quibus præcipitur Num. 4, 6. seqq. Quæ sententia mihi quoque probatur, quanquam illustrationem vocis rarioris ex linguis cognatis desidero. Arab.

سرى

et vestes sacras Aaronis et filiorum ejus sacerdotales.
 11. Oleum unctorium et suffimentum aromaticum
 ad usum sacrum. Omnia perficient sicuti tibi præ-
 cepi. — 12. Tu vero, addebat Jova, 13. die
 Israelitis meo nomine: Attamen mea sabbata obser-
 vate, *b)* hæc enim signum esse debent meæ vobis-
 cum conjunctionis, ex quo intelligatur, me vosmet
 mihi consecrassse. 14. Igitur servate sabbatum, ut
 sancte illud peragatis. Quicumque illud profanarit,
 moriatur. Quicumque in eo opus fecerit, e populo
 suo excindatur. 15. Sex dies laboribus destinati
 sunt, septimus sabbatum est, feriatio Jovæ sacra.
 Quicumque die sabbati opus fecerit, morte luat.
 16. Propterea Israelitæ sabbatum rite peragant, et
 hujus diei institutum etiam posterius eorum in per-
 petuum

اسم *conferuit, contextuit*, non quidem prorsus alienum
 videtur, sed tamen dubito, an idem sit cum nostro.

b) Non de quovis labore sermo est, sed de laboribus in re-
 bus his sacris perficiendis die septimo. Poterant enim
 Israelitæ existimare labores, quos rebus Deo sacris im-
 penderent, licitos esse. Sed his quoque Deus vult absti-
 neri die sabbati. Quo nexu neglecto plane non apparet,
 cur Deus in fine descriptionis sacrarii sibi extruendi præ-
 ceptum repetat de sabbato diligenter observando. —

¶ Interdum per *verumtamen* explicandum esse, alia loca
 probant, v. c. Genes. 34, 15. 2 Sam. 3, 13. 2 Reg. 23, 26.

petuum observent. 17. Signum hoc sit meæ cum Israelitis conjunctionis sempiternum. Sex diebus cælum et terram produxi, septimo cessavi et requievi. — 18. Finito hoc cum Mose colloquio tradidit ei *Jova* duas legis tabulas, digito divino inscriptas.

CAPUT XXXII

Mose per tot dies absente populus ab Aarone postulat, ut imaginem Dei fingat, sub qua eum colat. Ille vitulum aureum fundit, ejus sacra celebrat. Moses hac de re certior factus a Deo redit e monte in castra, tabulas legis præ ira frangit, vitulum comminuit, Aaronem objurgat, per Levitas de populo pœnas sumit, et pro eo apud Deum intercedit.

Interea populus cum videret Mosen post tot dies a monte non redire, Aaronem convenit, et flagitavit ut Deum sibi faceret, qui ipsum præcederet, nescire se quid eveniret Mose, a quo ex Aegyptoeducti essent. 2. Aaron jussit eos evellere mulieribus suis, filiis et filiabus in aures aureas, et ad eum conferre. 3. Quod cum omnes fecissent, 4. *Aaron* sumsit *aurum*, quod ab eis acceperat, et formavit illud cælo, postquam vitulum fustum *ex eo* fecerat. De quo illi *exultabundi* dixere: hic est Deus vester, Israelitæ, qui vos ex Aegypto eduxit. 5. Quod cum Aaron videret, extruxit quoque ejus
aram

aram, atque in sequentem diem festum Jovæ celebrandum indixit. 6. Postridie igitur mane holocausta et eucharistica sacrificant, atque commensationibus et compotationibus peractis ad saltationes solennes sese convertunt. — 7. Tum Jova Mosi dixit: age descende, nam populus tuus, quem ex Aegypto eduxisti, graviter peccavit. 8. Repente a via recesserunt, quam eis sequendam præceperam, fusum vitulum sibi fecerunt, hunc adorant, huic sacrificant, de hoc gloriantur, hunc esse Deum, qui eos ex Aegypto eduxerit. 9. Video hunc populum esse pertinacissimum. 10. Sine me, et ardente ira mea eos consumam et ex te magnam gentem faciam orituram. — 11. Ad hæc Moses enixe precatus est Jovam: Cur irasceris populo tuo, quem ex Aegypto tanta vi, tanta potentia eduxisti? 12. Cur dicant Aegyptii, factum hoc esse in ejus perniciem, ut eum in montibus interficeres et e terrarum orbe tolleres? Contine iræ tuæ fervorem et abstine a pœnis populo tuo infligendis. 13. Recordare Abrahami, Isaaci et Israelis, cultorum tuorum, quibus tu interposito jurejurando promisti, eorum posteros augere sicuti stellas, eisque terram designatam in perpetuam possessionem distribuere. 14. *Ad has Mosis preces* Jova se abstinent ab illa, quam populo suo minatus fuerat, pœna. 15. Ille igitur de monte descendit duas legis

tabulas secum ferens, ex geminis lateribus hinc inde conscriptas. (16. Erant vero illæ tabulæ opus ipsius Dei, scriptura eis erat divinitus insculpta.) 17. Josua, cum audiret populi clamores, dixit Mosi: belli clamorem in castris audio. 18. Non hic est, inquit ille, clamor adhortantium ad pugnam, neque clamor succumbentium, cantantium vocem audio. 19. Cum igitur propius ad castra venisset, vidit vitulum et choros. Hic ira correptus Moses abiecit e manu tabulas, ut ad radices montis frangerentur. 20. Deinde sumsit vitulum, quem fecerant, combussit *a)* *quæ comburi poterant*, reliqua in pulverem contudit, et sic omnia in aquam sparsa Israelitis dedit

- a)* Verba textus habent: *et combussit igne, et contrivit donec comminutum esset*; de quibus multa disputata sunt ab interpretibus. Alii de modo et ratione rei narratæ tantum quæfiverunt, alii fidem ejus suspectam habuerunt, quoniam constat, aurum non comburi, neque in cinerem redigi posse. — Placet solutio dubii, quam Ill. *Michaelis* dedit: *Ignem combussit Moser*, quæ comburi poterant. Nam perquam probabile videtur, vitulum non ex auro solido conflatum fuisse, sed figuram ligneam auro obductam. Majori auri pondere opus fuisset, quam quod ex inauribus potuisset colligi. — Igitur *Moser combussit* de vitulo aureo, quæ comburi poterant, nempe lignum. Deinde *aurum* comminuit et contrivit in partes tenuissimas. Quod fieri posse, constat inter omnes.

dedit bibenda. 21. Aaroni vero dixit Moses: quid tibi fecit populus hicce', ut tanto sceleri eum obnoxium faceres? 22. Cui ille, noli irasci, domine; inquit, nosti hujus populi perversitatem. 23. Dixerunt mihi: fac nobis Deum, qui nos præcedat. Nescimus enim quid viro illi, Mosi, qui nos ex Aegypto eduxit, acciderit. 24. Tum jussi, ut aurum, quod haberent, ad me conferrent: ex quo, cum in ignem abjecissem, extitit hicce vitulus. 25. Cum autem Moses populum passim dissolutum videret, quia jussu Aaronis festum celebrabat, et facile cædi posse, si quis eum aggrederetur; b) 26. substitit in porta castro-

b) Locus est perquam difficilis. *Vidit Moses populum* כִּי

פָּרַע הוּא ad quæ omnes interpretes substantivum supplent, quoniam פָּרַע per nudatum, aut spoliatum vertunt, ut intelligatur, quoniam re populus dicatur nudatus, aut spoliatus. Igitur alii *inaures* supplent. Inapte. Nam hanc jacturam Moses profecto parum curavit. Alii *gratiam* et *præsidium* Dei, alii *legem* intelligunt. Equidem malim verbum פָּרַע de *populo dissoluto* ad *ferias istas celebrandas* explicare; quod sequentibus bene convenit כִּי פָּרַעָה אֲהֲרֹן nam versu quinto narratum est festum hoc jussu Aaronis esse celebratum. לְשִׁמְצָהּ בְּקִמְיָהּ Verbum שִׁמְצָה ex linguis cognatis illustrandum, potest cum شمس *percussere, verberare, confetti.* (quod non ex-

castrorum et proclamavit: qui eum Jova facit, ad me accedat. Et convenerunt ad eum omnes Levitæ. 27. Quibus dixit: Jubet Jova, ut succincto gladio castra iteratis vicibus transeatis, et occidatis fratres et amicos et cognatos. 28. Fecerunt Levitæ, uti Moses jusserat, et ceciderunt de populo eo die circiter tria millia. 29. Præterea Moses *Levitis* dixerat: Initiæte vos hodie ad cultum Jovæ, si vel filius, aut frater esset, vosque hoc beneficio dignos præstate. — 30. Postridie Moses populo demonstrat, quantum scelus commisissent: propterea se velle jam montem ascendere ad Jovam, si forte veniam peccati posset impetrare. 31. Igitur cum ad Jovam rediisset, grave peccatum, inquit, populus commisit, fecit sibi Deum aureum. 32. Quodsi ei condonaveris, *felicem me existimabo*, sin minus, delebo me ex catalogo viventium, quem consignasti. 33. Respondit Jova Mosi: qui in me peccaverit, eum delebo. 34. Jam quidem perduc populum, quo te jussero. Præcedet te meus angelus. Quando autem tempus meum poenarum venerit, puniam eorum

rum

tat in *Golio*, sed in *Giggejo* et *Castelli*.) Nam in sequenti versu, cujus hic rationem reddit, sermo est de eade, quam Levitæ in illis feriatis et bacchantibus patrare debebant, qui ne per Mosi quidem præsentiam poterant revocari ab illis feriis. Tabernacula enim ingressi non sunt Levitæ.

rum peccata. 35. Intulerat vero jam cladem populo Jova propter vitulum, quem Aaron ex ejus voluntate fecerat. c)

CAPUT XXXIII

Deus minatur, non ipsum, sed angelum ducem populi in posterum futurum esse. Quod Moses precibus avertere studet, et tandem a Deo impetrat. Optat Deum videre.

1. **D**ixit igitur Jova ad Moſen: age, perge cum populo, quem ex Aegypto eduxiſti; in terram illam bonam lacte et melle abundantem, quam jurejurando interpoſito Abrahamo, Iſaaco et Jacobo promiſſi eorum poſteris me daturum eſſe. 2. Mittam ante te angelum, a) qui expellet Cananitas, Amoritas, Chittæos, Phereſitas, Chivvæos et Jebuſitas. 3. Ipſe vèro non proficiſcar inter vos, homines enim, eſtis pertinaciſſimi, ne in ipſo itinere vos conſumam. 4. Cum vero populus triſte hoc nuncium audiret, luxerunt et a veſtitu ornatiori abſtinuerunt. 5. Tum Jova

c) Sine dubio morte repentina multi ſublati ſunt. Nonnulli interpretes hanc cladem non diverſam eſſe volunt ab ea, de qua antea narratum eſt. — Prius עֵשָׂה in poſteriore membro de voluntate populi eſt explicandum.

a) cf. Cap. 23, 21. nota c).

Jova Mosen jussit populo dicere: homines estis contumacissimi, parum abest quin in vos irruam et vos deileam. Jam quidem deponite ornatum vestrum, usque dum videro, quid vobis faciam. 6. Exuerunt igitur Israelitæ sese vestibus suis ornatoribus juxta montem Horebum. — 7. Deinde Moses tentorium extra castra, procul ab eis tetendit, idque tentorium conventus vocavit. Igitur qui Jovam volebant consulere, ad illud tentorium extra castra egrediebantur. 8. Et quando Moses se eo conferebat, assurgebant omnes et stabant ante tabernacula sua spectantes post eum donec eo venisset. 9. Tunc enim nubes se demittebat, et subsistebat in introitu tentorii, et loquebatur cum Mose. 10. Omnes vero videbant illam nubem ante tentorium, et supplices eam, quisque e tabernaculo suo, venerati sunt. 11. Loquebatur autem Jova cum Mose oretenus, ut solet præsens cum præsente. Quando ad castra redibat, tamen famulus ejus Josua, filius Nunis, qui ei ministrabat, a tentorio non discedebat. — 12. Tunc Moses Jovæ dixit: Tu quidem me jussiisti populum ducere, sed mihi non indicasti, quem mecum sis missurus: et tamen mihi declarasti, te præ aliis mihi favere et bene velle. 13. Si me gratia tua dignaris, indica mihi, quæ sit tua cir-

ea hunc populum (qui certe tuus est) voluntas. *b*) Sic enim intelligam, te mihi favere. 14. Respondit Jova: ipse præsens me tibi ducem præbebo. 15. Tum Moses, nisi tu ipse nobis præsens sis, inquit, ne nos inde abduxeris. 16. Ex quo enim cognosci poterit, te mihi et populo tuo favere? nonne ex eo, si nobiscum iveris? quæ mea et populi tui, præ omnibus aliis totius terrarum orbis populis, singularis erit prærogativa. 17. Respondit Jova Mosi: in eo quoque tibi concedam, nam multum apud me gratia vales, et tibi præ aliis faveo. 18. Tum hic ostende, quæso, inquit, mihi majestatem tuam. *c*) 19. Ego, inquit ille, transmittam omnem bonitatem meam ante te, atque exclamabo: Jova est ante te,

b) Ordinem verborum perspicuitatis causa mutavi. Pertinent hæc ad intercessionem Mosi pro populo, quod ex responsione Dei apparet.

c) Postquam Moses precibus suis hoc a Deo impetraverat, ut vellet in posterum quoque, uti hætenus, ipse dux populi esse, jam paullo audacior factus, pro se orat, optatque gloriam s. majestatem Dei videre. Hætenus Moses Deum tantum in symbolo nubis aut ignis viderat, jam specialiorum adhuc Dei revelationem non audire, sed videre volebat. Qualem Dei visionem Moses cogitarit, nemo dixerit. כבוד majestatem Dei invisibilem alias etiam indicat, qualis est in summa sua beatitudine, et qua se exhibet angelis et beatis, de qua nos in hac vita nihil intelligimus.

te, d) (nam cui faveo, huc impense faveo, et quem amo, hunc valde amo.) 20. Me ipsum vero videre non potes. Homo enim, dum vivit, me videre non potest. 21. Est locus apud me, addebat Jova, ubi in petra stabis. 22. Quando tunc majestas mea transibit, ducam te in fissuram petrae, et tegam te manu mea donec transiero. 23. Qua deinde remota videbis me a tergo, facies vero mea videri non potest.

CAPUT XXXIV

Fabatur Moser novas parare legis tabulas et montem denuo ascendere. Vides ibi Deum, sed a tergo. Repetuntur leges nonnullae populo inprimis injungenda. Facies Mosi luces ex illo cum Deo colloquio, quam propterea regit, si ad populum loquitur.

Porro Jova Mosi dixit: Incide duas tabulas lapideas prioribus similes, quibus eadem verba inscribam, quæ fuerunt in prioribus, quas fregisti: 2. et paratus esto in diem crastinum, quo montem Sinai manens ascendes, meque in ejus vertice præstolare. 3. Nemo vero tecum ascendant, nec quisquam in toto monte conspiciatur; nec pecus aut armentum circa montem pascatur. 4. Igitur Moses paravit duas lapideas tabulas

d) בְּשֵׁם יְהוָה לְפָנָיָהּ Beth h. l. est Beth nominativi, ut Cap. 33, 19. et sæpe. vid. *Glossius* p. 31. et 586.

las prioribus similes, et postridie mane montem Sinai ascendit, quemadmodum Jova jusserat, secum ferens duas tabulas lapideas. 5. Tum Jova in nube descendit, et juxta eum substitit atque exclamavit: Jova adest: 6. et cum Jova ante eum transfret, clamavit: Jova, Jova, Deus misericors et benignus est, longanimis, insigni gratia et veritate. 7. Benignum se exhibet ad millesimam ætatem, condonat iniquitatem, defectionem et peccatum. Non prorsus perdit impium a), punit patrum peccata in filiis et nepotibus ad tertiam et quartam usque ætatem. 8. Tum Moses confestim supplex humi procubuit, 9. et dixit: Si quid gratia apud te valeo, Domine, rogo, ut nos comiteris. Quanquam enim hic populus pertinacissimus est, tamen tu peccatis et delictis

a) Plerique interpretes verba textus נָקָה לֹא יַנְקֶה vertere solent: *non impune dimittit impium*. Recte quidem quoad sententiam atque etiam verbi נָקָה significationem, sed non satis apte quoad contextum, aut reliqua Dei attributa h. l. laudata. Celebratur enim Dei benignitas variis phrasibus, quæ se imprimis manifestat remittendis peccatis. Quibus non satis convenire videtur comminatio justitiæ divinæ in impios. Sed נָקָה etiam significat *vastare, perdere*, v. Zach. 5, 3, quæ notio misericordiam Dei egregie pingens contextui aptissima videtur. Ita *Lad. de Dieu* in Crit. S. ad h. l. ubi ex significatione primaria verbi נָקָה vacuum esse diversas ejus significationes bene derivavit.

etis nostris condonabis, nosque ut tuum populum tractabis. 10. Ad hæc Jova: promitto, *b)* me mira patraturum esse coram hoc populo, qualia non extiterunt in ulla gente totius terrarum orbis, et universus hic populus, in quo tu versaris, facta mea stupenda videbit, quæ tua gratia facturus sum. 11. Observa vero, quæ tibi hodie præcipio: Expello ante te Amoritas, Cananitas, Chittæos, Pherefitas, Chivvæos et Jebusitas. 12. Cave tibi ne foedus cum incolis hujus terræ, quam occupabis, ineas, quod tibi futurum esset perniciosum. 13. Aras eorum destruere, statuas frangere, lucos excindere debebis. 14. Alios enim Deos nequaquam adoretis. Ego Jova socium ferre non possum, Deus sum zelotypus. 15. Ne foedus pangatis cum incolis hujus terræ. Verendum enim est, ne ad Deos eorum colendos seducamini iisque sacrificetis, aut ad epulas eorum sacrificales invitati de eis comedatis, 16. aut filias eorum vestris filiis uxores ducatis, quæ idola sua colentes filios quoque vestros ad eandem idololatriam seducant. 17. Fusam Dei imaginem ne vobis faciatis. 18. Festum azymorum celebrate, ita ut per septem dies azymis vescamini, quem-

b) Ad verbum est: *ecce ego fœdus pango coram omni populo.*
Sed statim explicatur, in quo futurum sit illud בְּרִית.

quemadmodum vobis præcepi, et quidem tempore constituto, mense Abib; quo mense ex Aegypto existiis. 19. Omnia primogenita mea sunt, etiam de gregibus vestris, armenti et pecoris primogenita mihi dabitis. 20. Asini vero primogenitum agno debetis redimere. Quod, si facere nolitis, cervicem ei frangite. Filios vestros primogenitos redimetis, neque vacui coram me comparebitis. 21. Per sex dies laborabitis, septimo feriemini, etiam messis et sementis tempore. 22. Festum septimanarum celebrabitis in primitiis messis triticeæ et festum collectionis *frugum autumnalium* vergente anno. 23. Ter quotannis compareant omnes mares coram me, domino Jova Deo Israelitarum. 24. Nam ejectionis ante vos gentibus terminos vestros amplificabo, nec quisquam desiderabit terram vestram aggredi, quando ter quotannis vos Jovæ Deo vestro sistetis. 25. In sacrificiis maculandis fermentum ne adhibeatis, neque in crastinum diem servetur aliquid de sacrificio paschali. 26. Primitias frugum conferre debetis ad locum mihi sacrum. Ne coquatis hædum in lacte matris suæ. c) 27. Deinde jussit Jova Mosen has leges literis consignare, quoniam sub harum conditione illas ei et Israelitis dedisset promissiones. 28. Exegit autem Moses illic apud Jovam quadraginta

c) cf. notam ad Cap. 23, 19.

ginta dies totidemque noctes sine cibo et potu, atque tabulis illis inscriptæ erant conditiones harum promissionum, nempe decem præcepta. 29. Cum vero e monte descenderet (habebat vero secum duas legis tabulas) nesciebat faciem suam radiare ex illo cum Deo colloquio. 30. Quod cum Aaron et Israelitæ viderent, veriti sunt propius ad eum accedere. 31. Sed revocati a Mose redierunt Aaron et principes cœtus, et locutus est cum iis. 32. Deinde accesserunt etiam reliqui Israelitæ, quibus injunxit has leges, quas a Jova in monte Sinai acceperat. 33. Quando Moses ad eos loquebatur, velamen faciei suæ imposuit. d) 34. Sed quando
Deum

d) Hunc et duos sequentes versus multi interpretes non satis accurate vertunt. Nimirum offendunt in verbo **וַיִּכְסֵּה** quod vertunt: *cum absolvisset loqui cum Israelitis, posuit velamen super facie sua*, atque hinc colligunt Moſen tantum in familiari consuetudine, non quando nomine Dei cum populo loquebatur, velamen faciei imposuisse. Sed sic primo manifeste contradicunt apostolo Paulo, qui dum 2 Cor. 3, 13. ministros Nov. Test. cum Moſe comparat, dīſerte dicit, illos *non instituere* ut Moſen etc. Si igitur Moſes, ut doctor populi velamine sese velavit, necesse est, ut populo etiam sic exposuerit; deinde tempus velatæ faciei clare indicitur versu 34. et 35: **וַיִּכְסֵּה פָּנָיו** et **וַיִּכְסֵּה פָּנָיו**, et tandem scopus summi velaminis hoc requirit, qui fuit ut
im-

Deum accedebat; locuturus cum eo, deposuit velamen, usque dum exiret et referret ad Israelitas, quæ a Jova jussus esset. 35. Tunc enim velamine illo iterum faciem suam contexit, quoniam Israelitæ splendorem ejus, quo cutis radiabat, non poterant sustinere, usque dum rediret ad Jovam cum eo locuturus. e)

CAPUT

imbecillitati et terrori Israelitarum consuleret. Non obstant verba versus 33. extrema, dummodo regula observetur: Ex duobus membris per Vau copulatis posterius habitum et conditionem prioris indicat, et latine per ablativum absolutum verti potest: Sic h. l. *imposito velamine absolvit Moses loqui*. Alia hujus regulæ exempla sunt: Nehem. 11, 6. Jesh. 39, 1. Ezech. 4, 6. Verbum vero כלה explicandum h. l. est ex Reg. III. apud Glossium de Verbo p. 183. verba completiva interdum inchoative sumi atque initium et continuationem completi. Rarior h. l. est constructio sequente Mem, frequentior sequente Lamed. Illa indicat plenariam rei perfectionem, ita ut ab opere desistas. v. c. Jos. 19, 51. Job. 33, 21. Plura vide in *Venema Dissertatt. S. Lib. I. Cap. VII. p. m. 142. seqq.*

- e) Hic versus ex more Hebræorum narrandi idem dicit, quod præcedens, cum levi sententiæ variatione. Ad verbum ita habet: *Cum viderent Israelitæ faciem Moysi radiantem, iterum texis eam velamine, donec ingrederetur ad colloquendum cum eo, sc. Jova.*

CAPVT XXXV

*Moses refert ad populum voluntatem Dei de observanda feri-
atione die septimo et de donariis ad sanctuarium
ei exstruendum.*

1. **C**um vero Moses omnes populi Israelitici lega-
tos convocasset, hunc in modum ad eos verba fecit:
hæc sunt quæ Jova vobis præcipit. 2. Sex diebus
res vestras curate, septimus vero vobis sanctus sit.
Sabbatum est Jovæ sacrum. Quicumque in eo labo-
rarit, moriatur. 3. Neque ignem accendere debe-
tis ^{a)} in ædibus vestris die sabbati. 4. Porro Mo-
ses his Israelitarum legatis dixit: 5. Jova jubet ut
sibi donaria conferatis. Quicumque hoc sua sponte
facere vult, potest hujusmodi donaria afferre: Aurum,
argentum, æs. 6. *fila* cærulea, purpurea, coccinea,
byssum, et *pilos* caprinos, 7. pelles arietum rubras, pel-
les phocarum, et acaciæ ligna, 8. oleum pro cande-
labro, et aromata ad unguentum et ad suffimentum,
9. onychas, gemmas insitivas pro Ephodo et pectorali.
10. Qui sunt vero inter vos periti artifices, veniant
et perficiant, quæ Jova præcepit: 11. Tabernaculum
cum suo tentorio, tegumento, uncinis, asseribus, re-
pagulis, columnis et basibus. 12. Arcam cum vesti-
bus suis, operculum et siparium, quo tegatur. 13.
Mensam cum suis vestibus et vasa ejus omnia, item-
que

a) scilicet, ad cibos parandos.

que panes apposititios. 14. Candelabrum cum vasis suis et lucernis, nec non oleum ejusdem. 15. Altare suffitus et vestes ejus, oleum unctorium, suffimentum et siparium ostii ipsius tabernaculi. 16. Altare victimarum cum opere suo, reticulato, vestibus et reliquis vasis suis, itemque labrum cum operculo suo. *b)* 17. Aulæa atrii, columnas et bases, itemque siparium ad introitum atrii. 18. Clavos tabernaculi et atrii, nec non funes ejus. 19. Vestes stragulas *c)* ad ministerium rerum sacrarum, et vestes sacras Aaronis sacerdotis, itemque vestes filiorum ejus — 20. Cum discessissent Israelitarum legati a Mose, 21. venerunt omnes, qui animi sui liberalitate incitati erant, et sponte offerebant donaria Jovæ ad perficiendum tabernaculum conventus et ad suppellectilem ejus et ad vestes sacras necessaria. 22. Viri et feminae sua sponte afferebant fibulas, inaures et annulos, globulos et alia pretiosa aurea tanquam donaria Jovæ. 23. Qui *lanam* cæruleam, purpuream, coccineam, *pilos* caprinos, aut pelles arietum rubras, aut pelles phocarum habebant, eas obtulerunt. 24. Alii argentum et æs tanquam munera Deo consecrarunt, alii acaciæ ligna ad usum operis perficiendi. 25. Mu-

lieres

b) cf. Cap. 30, 17. not. *b)*

c) cf. Cap. 31, 10. not. *a)*

lieres peritæ nerunt *lanam* cæruleam, purpuream, coccineam, et byssum. 26. Aliæ hujus artis gnaræ nerunt pilos caprinos. 27. Principes obtulerunt gemmas, onychas et gemmas insitivas ad Ephodum et pectorale, 28. aromata ad oleum et candelabrum, ad unguentum et suffimentum. 29. Et omnes omni-
no viri et foeminæ animis suis excitati ad offerenda ea quæ inservire possent rebus jussu Dei perficiendis, obtulerunt ea ut spontanea donaria Jovæ. 30. Simul Moses Israelitis indicavit: Jovam destinasse *his rebus perficiendis* Bezalelem, filium Uri, nepotem Churi, e tribu Juda, 31. hunc insigni sapientia, prudentia et intelligentia instruxisse ad omnis generis opificia, 32. ad artificiosam texturam, ad aurum, argentum et æs scienter tractandum, 33. ad gemmas cælandas et inferendas, ad ligna fabricanda, et ad omnia alia opificia. 34. Præterea posse eum alios quoque his in rebus instituere. Socium ejus esse debere Oholiabum, filium Achisamachi, e tribu Danis. 35. His sapientiam et peritiam impertiisse ad perficienda opera fabrilia, polymita, acu picta, in *lana* cærulea, purpurea, coccinea, in bysso et textorio opificio, et ad alia opera texture polymitæ.

CAPUT XXXVI

Aggrediuntur artifices labores suos. Populus liberaliter confert donaria plura quam opus est. Descriptio tensorii ipsius cum suis tegumentis, afferibus, aulais.

1. **A**ggressi igitur sunt Bezaleel et Oholiabus alique periti artifices, quos Deus sapientia et intelligentia instruxerat, omnia illa opera sacri ministerii ex præscripto Jovæ, 2. postquam eos Moses ad se evocaverat, 3. ut auferrent donaria, quæ Israelitæ in usum sacri ministerii obtulissent. Sed cum quotidie plura ultro offerrent, 4. opifices, seposito quo fungebantur labore, Mosén conveniunt, 5. eique indicant, plus a populo conferri, quam necessarium esset ad opera a Jova imperata perficienda. 6. Tum Mosés proclamari per castra jussit: ne quis deinceps aut vir aut femina plura laborarent ad sacram oblationem. Sic prohibebatur populus ab ulteriori oblatione. 7. Copia vero rerum congestarum sat magna erat et abundans ad omnia opera perficienda. — 8. Artifices igitur illius operis periti, fecerunt decem tabernaculi aulæa ex bysso contorta et filiis cæruleis, purpureis, coccineis, intertextis Cherubis opere polymito. 9. Singulorum aulæorum longitudo fuit duodetriginta cubitorum, latitudo quatuor, una erat omnium mensura. 10. Quina inter se

conneſcebantur. 11. Ligulæ cæruleæ addebantur oræ illius aulæi, quod ultimum erat illius commiſſuræ, et ſic quoque in ora extremi aulæi ſecundæ commiſſuræ. 12. Quarum ligularum erant quinquagennæ in utroque aulæo ſibi mutuo reſpondentes. 13. Præterea quinquaginta unci aurei, quibus aulæa illa connectebantur, ut hac ratione tabernaculum unum fieret. — 14. Deinde faciebant *illi artifices ſtragula* undecim ex pilis caprinis ſuper tabernaculo *expandenda*. 15. Singula in longitudinem trigenum cubitorum et quaternum in latitudinem. Una erat menſura omnium. 16. Quorum quinque ſeorſim et ſex ſeorſim conjungebant. 17. In ora utraque partium junctarum faciebant quinquaginta ligulas, 18. totidemque uncus æneos, quibus tentorium conjungebant, ut unum aliquod exiſteret. 19. Præterea fecerunt tegumentum ex pellibus arietum rubris, atque aliud ex pellibus phocarum — 20. Porro fecerunt aſſeres tabernaculi ex acaciæ lignis, qui erecti ſtabant. 21. Singulos in longitudinem denum cubitorum in latitudinem ſesquicubitales. 22. Singuli duos cardines habebant ſibi mutuo cohærentes, et ſic omnes tabernaculi aſſeres erant fabricati. 23. Quorum aſſerum viginti erant ad partem tabernaculi meridiana. 24. Quibus quadraginta baſes argenteæ erant ſubjectæ, binæ ſingulis aſſeribus, pro duobus ſuis

car-

cardinibus. 25. In altera tabernaculi parte septentrionali etiam erant viginti asseres, 26. cum quadraginta basibus argenteis, quarum binæ singulis asseribus subiciebantur. 27. In latere vero occidentali erant sex asseres, 28. et præterea duo pro utroque tabernaculi angulo, 29. qui gemini erant, tum in imo, tum in summo et annulo invicem juncti, et sic ambo facti erant pro ambobus angulis. 30. Sic erant octo asseres et sedecim bases argenteæ, binæ singulis asseribus subjectæ. 31. Item fecerunt repagula ex acacia, quinque pro asseribus tabernaculi in latere primo, 32. et totidem in latere secundo, tandem etiam quinque in latere occidentali. 33. Repagulum medianum per medios asseres trajectum ab uno extremo ad alterum usque pertingebat. 34. Asseres et repagula auro obducebantur; annuli vero, qui repagula capiebant, aurei. 35. Siparium fecerunt e lana cærulea, purpurea, coccinea et bysso retorta, opere polymito Cherubis intertextis. 36. Et quatuor columnas sipario suspendendo ex acaciæ lignis, auro tectas, cum uncinis aureis et basibus argenteis. 37. Aliud siparium fecerunt pro introitu tabernaculi e lana cærulea, purpurea, coccinea et bysso retorta, opere phrygionico. 38. Cujus columnæ erant quinque, cum uncinis suis. Capita earum et perticæ erant inaurata, bases vero quinque æneæ.

CAPUT XXXVII

Arca legis, candelabrum, mensa, ara suffitus, oleum unguentarium, et suffimentum.

1. **A**rcam fecit Bezalcel ex lignis acaciæ, duorum cubitorum et dimidii in longitudinem, unius cubiti et dimidii in latitudinem, tantundem in altitudinem.
2. Hanc auro puro intus et extra textit et corona aurea undique cinxit. 3. Porro fudit pro ea quatuor annulos aureos in quatuor ejus angulis, ita ut in utroque latere essent bini. 4. Item fecit vestes ex acaciæ lignis, quos auro obduxit, 5. et immisit annulis illis ad latera arcæ, quibus bajulari posset. 6. Porro fecit operculum ex auro puro, ejus longitudo fuit duorum cubitorum et dimidii, latitudo sesquicubitalis, 7. et duos Cherubos aureos opere solido in duobus extremis operculi. 8. Alter erat ab hac, alter ab illa parte extrema ex ipso operculo ductus. 9. Expandebant vero Cherubi illi duas alas super operculum, facie ad se invicem et in ipsum operculum conversa. — 10. Porro mensam fecit ex acaciæ ligno, longitudine duorum cubitorum, latitudine unius, altitudine unius et dimidii. 11. Hanc auro puro textit et limbo aureo undique cinxit. 12. Marginem quoque ei dedit palmarem per ambitum. Limbus vero ille margini erat conjunctus. 13. Tum porro quatuor annulos aureos fudit, quos quatuor angulis

angulis quatuor ejus pedum applicavit. 14. E regione marginis erant illi annuli pro receptaculis vestium ad portandam mensam. 15. Vestes erant ex acaciæ ligno fabricati et auro tecti, quorum opo mensa bajularetur. 16. Præterea fecit quoque vasa illius mensæ, scutellas, lances, pateras et cyathos ad vinum infundendum, ex auro puro. — 17. Item fecit candelabrum ex auro puro, idque solidum. Scapus ejus, calamus, calices, globuli et flores unum officiebant. 18. Sex calami exhibant ex ejus lateribus, trini ex utroque latere. 19. Singuli calami habebant tres calices ad instar nuclei amygdalæ, globos et flores, atque hunc in modum facti erant omnes sex illi calami, qui e candelabro prodibant. 20. In ipso candelabro quatuor erant calices formam nucis amygdalinæ habentes cum globis et floribus. 21. Singuli globi sub binis calamis prodibant. Tres igitur globos habebant sex illi calami singuli, qui ex ipso candelabro ducti erant. 22. Globi et calami unum opus solidum ex auro puro constituebant. 23. Insuper fecit septem lucernas et forcipes cum vasculis suis ex auro puro. 24. Atque totum hunc apparatus fecit ex talento auri optimi. 25. Aram suffitus fecit ex acaciæ lignis. Longitudo et latitudo ejus erat cubitalis, altitudo bicubitalis. Eminentia ex integra materia factæ erant. 26. Te-

xit eam auro puro, cum partem superiorem, tum latera et eminentias, præterea cinxit eam corona aurea. 27. Sub qua in utroque latere binos annulos aureos addidit, qui exciperent vestes, quibus arā bajularetur. 28. Quos vestes etiam ex acaciæ lignis fabricavit et auro texit — 29. Item paravit oleum unctorium sanctum et suffitum aromaticum purum ex arte unguentaria.

CAPUT XXXVIII

Ara holocaustorum, labrum æneum et atrium. Summa auri, argenti et aris collati.

1. **A**ram holocaustorum fecit ex acaciæ lignis, quinque cubitos longam et totidem latam in forma quadrata, altitudo fuit trium cubitorum. 2. Eminentias ei fecit ad quatuor ejus angulos ^{a)} ex materia solida. Aram ipsam ære texit. 3. Vasa ejus, nimirum ollas, palas, pateras, fuscinas, et batilla, hæc omnia fecit ænea. 4. Præterea fecit huic aræ opus reticulatum æneum, quod inferius ab ambitu ejus usque ad medium pertingebat. 5. Deinde fudit quatuor annulos in quatuor angulis operis illius reticulati, qui vestes exciperent, 6. etiam ex acacia fabricatos et ære obduktos, 7. quos per annulos illos ad latera aræ trajecit, ut iis portaretur. Cava erat

^{a)} cf. Cap. 27, 2. not. a).

erat ex tabulis æneis tantum constructa. — 8. Porro fecit labrum æneum et operculum ejus æneum cum figuris elegantibus, quæ ornabant ostium tabernaculi conventus *b)*. — 9. Atrium in parte meridionali

b) Complures interpretes posterius membrum hujus versus longe aliter vertunt. *Fecit labrum æneum כְּמֵרָאֵת* *הַזֵּכָּבָאֵת אֲשֶׁר צִכְּאוּ פָּתָהּ אֱהִל מוֹעֵד* *ex speculis mulierum turmarum conveniensium ad tabernaculum conveniunt.* Quæ explicatio, quonquam est quoque antiquiorum interpretum, tamen adeo difficilis est et dura, ut mirum videri possit eam sese probasse tot viris doctis, nisi experientia doceret uno errore admissio sequi deinde plures. Jam vero versiones antiquæ unanimi consensu verba textus de speculis mulierum explicarant. In quo eas fortasse errasse, cum nemini in mentem venisset, specula illa quovis modo defendebantur. Sed tam solide hanc explicationem refutavit *Clemens* in *Disp.* supra citata ad Cap. 30, 17. ut eo lecto non putem futurum esse, qui specula et mulieres textui hebræo perspersam illatas esse neget. Argumenta potentiora hæc sunt: Nihil in textu legitur de mulieribus. Tabernaculum nondum erat exstructum, quomodo igitur ad illud poterant convenire? Non legitur *כְּמֵרָאֵת* sed *כְּמֵרָאֵת*. Frigidissima est tautologia in verbis: *mulieres convenientes, quæ conveniebant.* Repugnat scopus Mosis in h. l. qui non est enarrare oblationes Israelitarum ad fabricam tabernaculi, quod jam fecerat Cap. 35, 10. sed formam et structuram tabernaculi et singularum ejus partium ab artificibus factam

dionali velis ex bysso contorta centum cubitorum clausit, 10. quæ columnas habebant viginti, totidemque bases ex aere, unci vero columnarum et velorum perticæ erant ex argento. 11. Similiter in latere septentrionali vela erant centum cubitorum in longitudinem, viginti columnæ totidemque bases æneæ, unci et velorum perticæ argenteæ. 12. Latitudo atrii in latere occidentali erant quinquaginta cubitorum cum decem columnis totidemque basibus, unci et velorum perticæ erant argenteæ. 13. Pars orientalis quinquaginta cubitorum, 14. ab una parte habebat vela quindecim cubitos longa cum tribus columnis et tribus basibus. 15. Similiter etiam ab altera parte (et sic ab utraque parte introitus atrii) vela quindecim cubitos longa cum tribus columnis et tribus basibus. 16. Omnia atrii vela erant ex bysso contorta fabricata. 17. Bases columnarum erant æneæ, unci et perticæ argenteæ; capitella columnarum.

factam describere. Porro מראה *specula* significare gratis sumitur; notat *species*, *imagines*, et tandem צבא non solum significat *surmatim convenire*, sed etiam ut צבה *ornare*. Igitur מראה וצבא sunt *imagines ornantes*, *elegantes*, quæ nimirum expressæ erant ad figuras, quibus ornatum erat aulæum, Cheruborum aliarumque figurarum, de quo Cap. 36, 35. cf. Pfaffius in Præfat. ad Spencerum p. 42. et Simonis prælect. ad Relandi Antiquit. hebr. p. 56.

luminarum erant argento testæ, perticæ vero earum erant argenteæ: 18. Siparium vero ad introitum atrii erat opus phrygionicum ex lana cærulea, purpurea, coccinea et bysso retorta viginti cubitos longum, altitudine vero quinque cubitorum, quæ eadem erat latitudo singulorum velorum atrii. 19. Columnæ quatuor cum basibus quatuor æneis, unci erant argentei, capitella columnarum argento testæ, perticæ vero argenteæ. 20. Clavi omnes tabernaculi et atrii erant ænei. — — 21. Hæc est summa metallorum impensorum ad tabernaculum legis, quæ jussu Moïsis numerata sunt per Levitas curante Ithamare filio Aaronis sacerdote. 22. Nimirum Bezaleel, filius Uri, nepos Churi e tribu Judæ, fecerat omnia quæ Jova Moïsi præceperat. 23. Una cum Oholiabo, filio Achisamachi e tribu Danis, fabro, textore polymitario et phrygione in lana cærulea, purpurea, coccinea et bysso. 24. Tota igitur summa auri ad partes sanctuarii conficiendas infumti et donarii loco oblatis, fuit undetriginta talentorum et siclorum sacrorum septingentorum et triginta. 25. Argenti ex censu populi centum talenta et sicli sacri mille septingenti septuaginta quinque. 26. Dimidium sicli sacri viritum, hoc est, de omnibus qui in censum veniebant, nempe omnes qui vigesimum ætatis annum excesserant; quorum numerus fuit sexcenta

centa et tria millia quingenti quinquaginta. 27. Cujus argenti centum talenta infumebantur ad fundendas bases *columnarum* sanctuarii et ad bases sipariū. Singula talenta pro singulis basibus. 28. Ex mille septingentis et septuaginta quinque siclis fecit uncinos columnarum, textit eorum capitella et perticis instruxit. 29. Aeris oblatis fuerunt septuaginta talenta et duo millia siclorum et quadringenti. 30. Ex quibus fecit bases *columnarum* portæ tabernaculi, altare æneum, cum opere reticulato et omnia ejus instrumenta. 31. Omnes bases columnarum atrii et introitus ejus, nec non clavos omnes tabernaculi et atrii.

CAPUT XXXIX

Vestes sacerdotales Aaronis et filiorum ejus. Cum omnes sacrarii partes perfectæ essent, deferuntur ad Moysen, qui eas probat et bene precatur artificibus.

1. **E**x lana cærulea, purpurea et coccinea fecit vestes stragulas ad usus sacros, itemque vestes sacras Aaronis, quemadmodum Jova Moysi præceperat. 2. Ephodum nempe ex auro, hyacintho, purpura, cocco, et bysso retorta. 3. Aurum vero diduxit in bracteolas, quibus in fila concisis hæc intertexuit hyacintho, purpuræ, cocco et bysso retortæ opere polymito. 4. Humeralia fecit, quibus Ephodus in
duo.

duobus extremis suis jungeretur, 5. et textura *an-*
teriori amictui opposita, sicuti illa ex eadem materia
facta erat, ex auro, hyacintho, purpura, cocco et
byssō retorta, quemadmodum Jova Mosi præceperat.
6. Duos onychas palis aureis inclusit, cælatura sigil-
lari scalptos nominibus filiorum Israelis, 7. eosque
imposuit humeralibus Ephodi in memoriam Israeli-
tarum, quemadmodum Jova Mosi præceperat. 8.
Fecit quoque pectorale opere polymito sicut Epho-
dum ex auro, hyacintho, purpura, cocco et byssō
retorta, 9. quadratum et duplicatum longitudine
et latitudine palmari. 10. Tum implevit illud qua-
tuor gemmarum ordinibus. Primus ordo tenebat
Sardium, Topasum, Smaragdum. 11. Secundus Car-
bunculum, Sapphirum, Jahalomum. 12. Tertius Li-
gurium, Achatem, Amethystum. 13. Quartus Chry-
solithum, Onychem et Jaspidem. Quæ gemmæ sin-
gulæ palis aureis erant inclusæ, 14. eisque numero
duodecim insculpta erant nomina duodecim tribuum
Israeliticarum, arte ea qua fit in sigillis. 15. Hinc
pectoralis fecerunt *duas* catenas æquales opere tor-
tilli ex auro puro, 16. præterea duas palas aureas
et duos annulos aureos, quos duobus extremis pe-
ctoralis annectebant. 17. Duas illas catenas immit-
tebant illis duobus annulis. 18. Extrema vero ista-
rum catenarum inferebant palis illis, quas applica-
bant

bant superhumeralibus Ephodi in parte anteriori. 19. Præterea fecerunt duos alios annulos aureos, quos annectebant duabus pectoralis extremitatibus in ora, quæ ad Ephodum vergebat inferius, 20. et porro duos annulos aureos, quos applicabant duobus superhumeralibus Ephodi inferius ex exteriori parte, in eo loco, ubi illa duas Ephodi partes jungunt, in superiori ejus textura. 21. Tum strinxerunt pectorale annulis suis annulis Ephodi funiculo cæruleo, ut adhereret texturæ polymitæ Ephodi, neque ab hoc pectorale avelleretur, quemadmodum Jova Mosi præceperat — 22. Pallium subter Ephodo *inducendum* fecit opere textili totum cæruleum. 23. Cujus in medio erat foramen cum limbo *texto* ad modum lorice, ne rumperetur. 24. In fimbria ejus erant mala punica cærulea, purpurea et coccinea e filia *retortis*, 25. et tintinnabula ex auro puro, quæ posita erant inter mala punica, 26. alternatim in tota fimbria illius pallii, ad ministerium *Aaronis*, quemadmodum Jova Mosi præceperat. 27. Item etiam fecit tunicas pro Aarone et filiis ejus ex bysso opere textili. 28. Cidarim byssinam et tiararum ornamenta etiam ex bysso; femoralia quoque linea e bysso *reſorta*. 29. Item balteum e bysso *retorta*, hyacintho, purpura, cocco, opere phrygionico; quemadmodum Jova Mosi præceperat. — 30. Tan-

dem

dem etiam fecit laminam sacri diadematis ex auro puro, cui insculpta erant cœlatura sigillari hæc verba: *Jovæ sacrum*. 31. Quam laminam funiculo cæruleo parti anteriori cidaris applicabat, quemadmodum Jova Moſi præceperat — 32. Cum absolutum eſſet hac ratione totum tabernaculum conventus; atque Iſraelitæ omnia ex præſcripto Jovæ Moſi dato feciſſent, 33. attulerunt ad eum tabernaculum et omne ejus instrumentum, uncinos, aſſeres, repagula, columnas, baſes, 34. tegumentum ex pellibus arietum rubris, et tegumentum ex pellibus phocarum. Siparium interius. 35. Arcam legis et veſtes ejus et operculum. 36. Menſam cum omnibus ſuis instrumentis et panibus appoſitiſ. 37. Candelabrum ex auro puro cum lucernis ei imponendis et reliquis instrumentis, et oleum candelabri. 38. Altare aureum, unguentum, ſuffimentum, et ſiparium pro oſſio tabernaculi. 39. Altare æneum cum opere reticulato, veſtes ejus et reliqua instrumenta, labrum cum ſuo operculo. 40. Atrii vela, ejus columnas, baſes et ſiparium ad introitum ejus, funes, clavos et omnia reliqua instrumenta, quæ ad miniſterium tabernaculi pertinebant. 41. Veſtes ſtragulas ad uſum ſacrum, veſtes ſacras Aaronis ſacerdotis, et veſtes filiorum ejus ſacerdotales. 42. Omnia Iſraelitæ fecerant, quemadmodum Jova Moſi præceperat.

43. Qui cum videret omnia voluntati divinæ respondere, bene eis precatus est.


CAPUT XL

Erigitur tabernaculum. Inaugurantur omnes ejus partes et sacerdotes. Nubes, præsentia divinæ symbolum, sacrarium implet.

Tum Jova Mosen hunc in modum est allocutus:
 2. die primo primi mensis erigere debes tabernaculum conventus, 3. collocare in eo arcam legis, eamque operculo tegere. 4. Deinde inferre mensam, et omnem ejus apparatus instruere, ut et candelabrum, eique lucernas suas imponere. 5. Porro altare aureum suffitus e regione arcæ statuere et siparium in introitu tabernaculi suspendere. 6. Tum aram victimarum debes ponere ante ostium tabernaculi, 7. labrum vero inter illud et altare, atque aqua replere. 8. Porro atrium, atque in ejus introitu siparium suspendere. 9. Tum oleo unctorio ungere debes tabernaculum, et omnia quæ in eo sunt, idque cum omni apparatu suo sanctificare. 10. Aram quoque victimarum cum instrumentis suis ungere debes, eamque sanctificare ut rem sacrosanctam. 11. Tum labrum cum operculo suo. 12. Tandem adducere debes Aaronem et filios ejus ad ostium tentorii, eosque aqua lavare, 13. et primo quidem Aaronem sacris vestimentis induere, ungere et ad mini-

ministerium suum sacerdotale initiare. 14. Deinde et filios ejus tunicis amicare, 15. atque ungere, quemadmodum patrem unxisti, ut sacerdotes mei sint. Qua unctione jus sacerdotii cum ipsi tum posteri eorum in perpetuum consequuntur. — 16. Igitur Moses fecit omnia, quemadmodum Jova jusserat. 17. Anno secundo, primo die primi mensis, tabernaculum erectum est. 18. Primo ipsum tabernaculum Moses fixit, bases ejus fundavit, afferes disposuit, repagula immisit, columnas erexit. 19. Extendit tegumentum super tabernaculo alterumque desuper ei imposuit, quemadmodum Jova ei præceperat. 20. In arca legem reposuit, vestes ei applicavit, operculo eam texit, 21. et in tabernaculum intulit, tandemque ad eam tegendam siparium obvelavit, quemadmodum Jova jusserat. 22. Tum mensam in tentorio conventus collocavit in parte ejus septentrionali extra siparium, 23. et panes imposuit ex ordine, quo a Jova jussus erat. 24. Candelabrum e regione mensæ in parte tabernaculi meridionali posuit, 25. et lucernas accendit coram Jova, quemadmodum jusserat. 26. Aram auream statuit in tabernaculo conventus ante siparium, 27. et suffitum in ea fecit aromatibus ex præscripto Jovæ. 28. In introitu tabernaculi siparium suspendit. 29. Altare victimarum collocavit ad ostium tabernaculi.

nauli, atque obtulit in eo holocausta et ferta, quem-
admodum Jova jusserat. 30. Labrum statuit inter
tentorium conventus et altare, et aquam ad lavan-
dum infudit, 31. unde ipse et Aaron et filii ejus
manus et pedes lavarent, 32. si tabernaculum con-
ventus intrarent, ut sacra facerent super altari, sic-
uti Jova Mosi præceperat. 33. Tandem atrium
circa tabernaculum et altare fixit, atque totum opus
absolvit. — 34. Tum nubes tabernaculum conven-
tus obtexit, et tantus Jovæ splendor illud implevit,
35. ut Moses non posset accedere propter nubem
super tabernaculo requiescentem, et illum Jovæ
splendorum. 36. Quando nubes illa super taber-
naculum sese efferebat, castra movebant Israelitæ.
37. Quando vero non ascendebat, expectabant signum
illud itineris sui. 38. Interdiu conspiciebatur nebu-
losa super tabernaculo, noctu vero ignea ab omnibus
Israelitis in omnibus itineris sui stationibus.





LEVITICUS

CAPUT I

Ritus holocaustorum.

1. **E**vocatum ad se Moſen Jovæ e tabernaculo conventus hunc in modum allocutus eſt.
2. Dic Iſraelitis: Si quis veſtrum Jovæ munus offerre velit, id, ſi ex pecudibus eſt, ſit vel ex bo- bus, vel ex ovibus et capris. 3. Si holocauſtum bove facit, mas ille ſit et integer: hunc adducat ad oſtium tabernaculi conventus ad Jovæ favorem ſibi conciliandum. 4. Manum imponat capiti holocauſti et acceptum erit Jovæ ad expiationem ſui. 5. Tum maſtet juvencum in loco ſacro. Filii vero Aaro- nis ſacerdotes afferant ſanguinem et ſpargant eum ſuper altari, quod eſt in introitu tabernaculi. 6. Tum pellem ſacrificii detrahat, idque in partes certas con- cidat. 7. Filii vero Aaronis ſacerdotis ignem in- cendant ſuper altari, ligna conſtruant, 8. et ſuper iis fruſta ſacrificii caput et adipem ponant. 9. Vi- ſcera autem et crura aqua laventur, et tunc ſacer- dos omnia in altari adoleat. Hoc eſt ſolidum ſa- crificium igne conſumendum, Jovæ acceptum. —

10. Quodsi munus est ex pecore ovillo aut caprino, quo holocaustum facere velit, masculinum sit et integrum. 11. Maſtet illud ad latus altariſ; ſeptentrionale in loco ſacro, et filii Aaronis conſpergant ſanguine ejus aram. 12. Tum in fruſta concidatur, et ſacerdos caput et adipem ſuper lignis in altari exſtructis igne ſuccenſo ponat. 13. Viſcera et duo crura aqua abluantur, et tunc ſacerdos omnia in altari adoleat. Hoc eſt ſolidum ſacrificium igne conſumendum Jovæ acceptum. — 14. Quodſi quis ex avibus holocaustum Jovæ offerre vult, ſit hoc ejus munus de turturibus aut columbis pullis. 15. Sacerdos ad aram caput ejus ungue reſecet et ſuper ara adoleat; ad latus vero ejus ſanguinem exprimat. 16. Ingluviem cum plumis removeat et ad partem altaris orientalem in cinerarium abjiciat. 17. Scindat eam in alis, ita tamen ut a corpore non divellantur, et accendat eam in altari ſuper lignis ardentibus. Hoc quoque ſolidum eſt ſacrificium, cujus combuſtione Jova placabitur.

C A P U T II

De ſacrificiis incruentis ſive fertis.

1. **S**i quis fertum Jovæ facere velit, ſimilam adhibeat, cui oleum infundat ſuperaddito thure. 2. Hæc afferat ad filios Aaronis ſacerdotes. Capiat de ſimi-

simila et de oleo sacerdos plenum pugillum, thus vero omne, et incendat fertum illud super altari, quod sacrificium Jovæ gratum est et acceptum. 3. Reliqua illius ferti Aaroni cedant ejusque filiis. Hæc sacrosancta sunt de Jovæ sacrificiis. — 4. Si munus ferti in furno cocti offerre vultis, placentæ sint similagineæ sine fermento oleo infuso, sive lagana sine fermento oleo mixta. 5. Si ferti munus est placenta in sartagine cocta, sit similaginea, oleo infuso sine fermento. 6. Hanc in frusta comminues; oleum affundes, et habes fertum. 7. Quodsi fertum est super craticula assatum, constet ex simila addito oleo. 8. Hujus generis ferta sacerdoti tradite, qui ea Jovæ altari admovebit. 9. Partem sacrificii ex ea separabit et in ara adolebit. Quod sacrificium Jovæ gratum erit. 10. Reliqua hujus ferti Aaroni sint et filiis ejus, sanctissima de sacrificiis Jovæ. — 11. Nullum fertum quo Jovæ facitis, habeat fermentum. Fermentum et mel omnino non Jovæ adolere debetis. 12. In primitiis quidem ea Jovæ offerre licebit, sed super altari odor eorum non ascendat victimæ loco. 13. Omnia ferta vestra sale condiantur, nunquam desit sal purum a) Dei vestri

a) In textu hebræo legitur: **לֹא תִשְׁבִּית מֶלַח בְּרִית** non desit sal foederis Dei tui. Valde laborant interpretes in

stri in fertis vestris, et in omnibus omnino oblationibus

reddenda ratione, cur hic sal in sacris adhibendus sal fœderis divini dicatur. Salis in fœderibus usum fuisse non potest exemplis probari. *Clericus* quidem addit sal sacrificiis in fœderis pactione oblatis, atque inversa vocum structura, ut Num. 18, 19. *foedus salis* dictum vult, quod sale adhibita sc. in sacrificiis, percussum fuit. — Quam aliena sit hæc explicatio ab hoc contextu, nemo non videt. De *sale* quaestio est adhibendo in omnibus oblationibus, cur hic dicatur *sal fœderis*. Non de *foedere*, num in eo sal sit adhibitus. *Hubigantius* salem improprie dictum vult, ut רֵיחַ נִיחֹחַ odorem suavisantis de sacrificiis. Uti hic placet naribus, sic gustui salis condimentum, et Deum promittere rite oblata sacrificia sibi placere, ita ut fœdus suum cum populo debeat esse perpetuum. At enim vero hæc quoque difficultatem non tollunt. Etenim, ut alia taceam, hæc verba non continent *promissionem*, sed pertinent ad *legem* s. ad *normam*, quæ in fertis adhibenda sint. Igitur non possunt conferri cum illa promissione sacrificiis addita: *hic erit odor suavis s. placaminis Deo tuo*, cf. Genes. 8, 21. quæ semper legitur *finita descriptione rituum observandorum* in sacrificio. Missis igitur his et aliis explanationibus fateor, mihi perplacere elegantem Ill. *Michaelis* conjecturam, qui aliis punctis subiectis legendum suadet לֶרֶךְ sub quo *nigrum*, s. *salem purum* intelligit, quod tantum in sacrificiis adhibere fas fuerit, non *salem marinum*, qui impurus haberetur. Discrimen quidem salis fuisse in sacris,

nibus sal debet adhiberi. 14. Si frugum primitiis fertum Jovæ facitis, constet ex spicis tostis. Quorum granis contusis 15. oleum affundetis, thure superaddito. Hoc fertum est. 16. De quo sacerdos partem sacrificialem tum de spicis contusis, tum de oleo cum omni thure Jovæ adoleat.

CAPUT III

De sacrificiis Eucharisticis.

1. Si quis sacrificium eucharisticum offert, si armento facere vult, mas sit sive foemina, dummodo vitio non laboret. Quo in locum sacrum adducto, 2. manus capiti ejus imponat et macet illud ante ostium tabernaculi, filii Aaronis autem sacerdotes spargant sanguinem circa altare. 3. Tum offerat de sacrificio illo eucharistico partes in honorem Jovæ comburendas: omentum, mesenterium, 4. duos renes cum adipe eis adhærente usque ad lumbos, lobum minorem hepatis, quem a renibus separabit. 5. Hæc adoleant filii Aaronis in altari cum holocausto, quod lignis ardentibus impositum est. Qui
sacri-

sacris, plane docet locus Exod. 30, 35. ubi præcipitur suffitum parari debere sale puro et sancto, vid. *Commentt. Societati Goetting. prælect.* P. I. p. 159.

· sacrificii odor Jovæ gratus erit et acceptus. — 6. Si quis e pecore ovillo aut caprino sacrificium eucharisticum facere vult, mas esse potest, sive foemina, modo integrum. 7. Si ovillum, adducat hoc in locum Jovæ sacrum, 8. capiti ejus manum imponat, mactet ante tabernaculum conventus, et filii Aaronis spargant sanguinem circa altare. 9. Tum admoveat e sacrificio illo eucharistico partes Jovæ adolendas: adipem ejus, caudam crassam eamque integram ad coëcygem refecandam, omentum et mesenterium, 10. duos renes cum adipe eis adhærente usque ad lumbos, et lobum minorem hepatis, quem a renibus separabit. 11. Quæ incendat sacerdos super altari. Cibus *quasi* hic erit Jovæ igne absumendus. — 12. Si e pecore caprino munus est, adducat illud in locum sacrum. 13. Manum ejus capiti imponat, mactet ante tentorium conventus, et filii Aaronis spargant sanguinem circa altare. 14. Tum obmoveat ex illo munere suo partem in honorem Jovæ comburendam, omentum et mesenterium. 15. Duos renes cum adipe eis adhærente usque ad lumbos, et lobum minorem hepatis, quem a renibus separabit. 16. Quæ adoleat sacerdos in altari, ad instar cibi igne absumendi et odoris Jovæ a) suavis. Omnis adeps Jovæ est.

17. In-

a) Codex Samaritanus addit ליהודה. Recte.

17. Institutum hoc sit perpetuum a posteris vestris ubique locorum observandum, ne ullo adipe aut sanguine vescamini.

CAPUT IV

De sacrificiis expiatoriis s. piacularibus.

1. **P**orro Jova cum Mose hunc in modum locutus est: 2. Dic Israëlitis: Si quis per imprudentiam peccaverit contra ullum præceptum, quo aliquid interdixi, atque id quod prohibitum est commiserit, *sacrificio expiet delictum suum a*). 3. Si sacerdos unctus deliquerit, atque hac ratione ipse populus culpam contraxerit, offerat pro delicto suo juvenum integrum Jovæ ut victimam piacularem. 4. Hunc juvenum adducat ante tabernaculum conventus in locum sacrum, ibique eum mactet, cum antea manum capiti ejus imposuerit. 5. Tum sacerdos unctusumat partem sanguinis, eamque in tabernaculum conventus inferat. 6. Ibi intingat digitum in illum sanguinem, et septies conspergat versus siparium sanctuarii. 7. Deinde eminentias altaris suffitus,

a) Hæc supplenda esse sequentia manifeste docent, in quibus species horum sacrificiorum recensentur. Prima si sacerdos v. 3. secunda si populus v. 13. tertia si princeps v. 22. quarta si homo plebejus v. 27. per errorem peccarit.

tus, quod est in loco sacro tabernaculi, eo sanguine illinat, reliquum vero sanguinem juveni effundat ad basin altaris holocaustorum, quod est ad ostium tabernaculi conventus. 8. Tum omnem adipem juveni hujus piacularis ex eo extrahat, omentum et mesenterium, 9. duos renes cum adipe eis adherente usque ad lumbos, lobum minorem hepatis a renibus abscissum, 10. quemadmodum e bove sacrificii eucharistici separatur. Quæ omnia sacerdos succendat super altari holocaustorum. 11. Pellem vero illius juveni, omnem ejus carnem, caput, crura, intestina, fimum. 12. Totum igitur juvenem *reliquum* efferat extra castra in locum purum, in quem cineres effunduntur, ibique eam igne comburat, idque super ipsius illis cineribus fiat. — 13. Quodsi universus populus Israeliticus per imprudentiam, aut per errorem peccarit, atque præceptum Jovæ violaverit, quo aliquid prohibetur, et sic culpam contraxerit, 14. postquam peccatum commissum innotuerit, universus quoque coetus offerat juvenem pro sacrificio piaculari et ad tabernaculum conventus adducat. 15. Tunc Seniores populi manus suas imponent capiti illius juveni in loco sacro, atque aliquis eorum mactet juvenem ibidem. 16. Deinde sacerdos unctus inferat partem sanguinis in tabernaculum conventus, 17. intingat digitum in illum san-

sanguinem et spargat septies coram Jova versus si-
parium. 18. Porro illo sanguine oblinat emin-
tias altaris, quod in sanctuario tabernaculi est, reli-
quum vero sanguinem omnem effundat ad basin al-
taris holocaustorum, quod est in introitu tabernaculi.
19. Tum adipem ex juvenco illo extrahat et ado-
leat in altari, 20. et omnino idem faciat, quod
fieri debere præceptum est in priori juvenco piacu-
lari. Hac ratione expiet sacerdos populum et ei
condonabitur. 21. Tandem etiam efferat juvencom
extra castra, eumque igne comburat, quemadmodum
priorem juvencom combussit. Hoc est sacrificium
piaculare populi. — 22. Si vir princeps peccarit
et legem divinam violarit, quo aliquid interdicatur,
et sic imprudens culpam contraxerit, 23. si pec-
catum ab eo commissum esse innotuerit, afferat mu-
nus suum, hircum, marem et integrum, 24. im-
ponat manum ejus capiti, eumque mactet in loco
ubi mactantur holocausta coram Jova. Victima hæc
est piacularis. 25. Tum sacerdos de sanguine hu-
jus victimæ digito illinat eminentias altaris holo-
caustorum, reliquum sanguinem effundat ad ejus ba-
sin, 26. adipem sacrificii incendat in altari, uti
adipem sacrificii eucharistici. Hac ratione expiet
sacerdos ejus delictum, et condonabitur ei. — 27.
Si quis de plebe per imprudentiam peccarit, et le-
gem

gem divinam, qua aliquid prohibetur, violarit et reus factus sit. 28. Si agnoverit culpam commissam, adducat munus suum, capram integram, foeminam, pro delicto, quod admisit, 29. imponat manum capiti victimæ piacularis, et macet illam in loco, ubi solida sacrificia macantur. 30. Tum sacerdos partem sanguinis digito illinat in eminentias altaris holocaustorum, reliquum vero sanguinem effundat ad basin ejus. 31. Deinde separet adipem, quemadmodum fieri debet in sacrificio eucharistico, eumque adoleat in altari: quod gratum erit Jovæ sacrificium. Hac ratione sacerdos eum expiet et condonabitur ei. — 32. Quodsi de pecore ovillo victimam piaculari afferre voluerit, foemina sit, absque vitio. 33. Imponat manum ejus capiti, et macet eam pro delicto in loco ubi solida sacrificia macantur. 34. Sacerdos partem sanguinis victimæ hujus piacularis digito illinat, in eminentias altaris holocaustorum, reliquum vero sanguinem effundat ad basin ejus. 35. Adipem vero extrahat, quemadmodum extrahi debet ex ove sacrificii eucharistici, et incendat omnia super altari combustionem Jovi sacra. Sic expiet sacerdos delictum ejus et condonabitur ei.

CAPUT V

De sacrificiis pro delicto.

1. **S**i quis peccarit, dum iusjurandum ab eo exigatur in testimonium rei cujusdam quam vidit aut novit, neque eam indicarit, atque hac ratione culpam contraxerit: 2. Aut si quis rem immundam tetigerit, sive cadaver sit feræ immundæ, sive pecoris immundi, sive reptilis animalis, atque ille immunditiei suæ non conscius deliquerit: 3. Aut si hominem quacunque de causa inquinatum tetigerit, atque peccati sui ad tempus ignarus fuerit: 4. Aut si quis temere juraverit, sive in malum sive in bonum finem, uti solent nonnunquam homines inconsiderate jurare, atque ille deinceps noxam, quam contraxit, resciverit: 5. Si quis, inquam, in ullo istorum deliquerit, culpam suam fateatur, 6. et offerat Jovæ sacrificium pro delicto, propter illud peccatum suum, nimirum ovillam aut caprinam fœminam, quo sacerdos eum expiet. 7. Quodsi non suppetat ei ovis, aut capra, offerat duos turtures aut duas columbas Jovæ, alteram in piaculare, alteram in solidum sacrificium. 8. Has tradat sacerdoti, qui primum ministret eam, quæ est pro piaculari sacrificio. Nempe ut ungue caput refecet, nec tamen avellat. 9. Deinde spargat partem sanguinis

guinis ad latus altaris, reliquum effundat ad basin ejus. Hoc est sacrificium piaculare. 10. Altero vero *turture* sive *columba* holocaustum pro more faciat, et sic expiet sacerdos delictum ab eo commissum, et condonabitur ei. 11. Quodsi nec duobus turturibus aut columbis pullis facultas ejus sufficiat, offerat pro delicto admissio decimam partem ephæ similæ tanquam victimam piaculari, nec tamen oleum aut thus superaddat, quoniam victima est piacularis. 12. Hanc deferat ad sacerdotem, qui de ea plenum pugillum sumat et incendat fertum illud super altari, ut alia Jovæ sacrificia. Victima hæc est piacularis. 13. Sic, expiet sacerdos peccatum ex illo genere admissum, et remittetur. Reliqua *illius similæ* sacerdotis sunt tanquam fertum. — 14. Porro Jova Moysi dixit: 15. Si quis per errorem interverterit aliquid de rebus sacris, et sic culpam contraxerit: is offerat in loco sacro sacrificium pro delicto, arietem nempe integrum, cujus pretium ex siclis argenteis in rebus sacris usitatis definies. 16. Præterea, quod de rebus sacris subtraxerit, restituet, insuper addita parte quinta: hæc det sacerdoti, qui cum ariete pro delicto expiabit, et condonabitur ei. — 17. Si quis peccatum commiserit, in ullo aliquo eorum, quæ lege divina interdicta sunt, neque hoc intellexerit, postea tamen culpam agnoverit, 18. is tradat

dat arietem integrum (cujus pretium a te æstimetur) ut victimam pro delicto sacerdoti, qui eum pro delicto per errorem admissio expiabit, et condonabitur ei. 19. Hoc est sacrificium pro delicto, quod contra Jovam commissum fuit. — 20. Porro Jova Mosi dixit: 21. Si quis dolo admissio contra me peccarit, et abnegarit sodali suo rem curæ suæ commissam, aut apud se depositam, aut surreptam, aut si damno eum affecerit, 22. aut rem perditam a se inventam abnegarit, aut pejerarit de ullo eorum in quo committendo homines delinquere solent: 23. si igitur hujusmodi delicti conscius sibi est, restituat, quod furrupuit, aut in quo alterum damno affecit, aut quod apud eum fuit depositum, aut perditum quod invenit, 24. aut de quo pejeravit; *restituatur, inquam*, summam ipsam superaddita parte quinta, ei cui debetur, idque eo ipso die quo sacrificium pro delicto offeret. 25. Hoc vero constet ariete integro, quem ducat ad sacerdotem, postquam æstimatus fuerit. 26. Sacerdos vero expiabit reum in loco sacro, et condonabitur ei, quacunque in re deliquerit.

CAPUT VI

De igne perpetuo super altari. De ferto farreo a sacerdote in inauguratione offerendo. De sacrificio piaculari a sacerdote comedendo.

Porro Jova Moſen juſſit 2. Aaroni et filiis ejus hæc de holocauſtis præcipere: Holocauſtum ſuper pyra altaris per totam noctem ad mane ardere debet, et ignis ſubter eo ſoveri. 3. Tum ſacerdos veſte linea et ſubligaculis lineis indutus cineres holocauſti igne conſumti ex altari tollat et juxta illud effundat. 4. Tum depositis illis veſtibus alias induat, atque efferat cinerem extra caſtra in locum mundum. 5. Ignis ſuper altari inextinctus ardeat, et ſacerdos ſuper eo ſingulis matutinis ligna inſtruat et ſuper eis holocauſtum diſponat, et cum eo adipem ſacrificiorum euchariſticorum incendat. 6. Ignis ſuper altari inextinctus ardere debet. — 7. Ferti hæc lex ſit: accedant cum eo filii Aaronis ad aram Jovæ. 8. Tum ſumat ſacerdos pugillum de ſimila et oleo ferti, thus vero omne, atque incendat ſuper ara hanc ſacrificii partem Jovæ gratam atque acceptam. 9. Reliqua hujus ferti edant Aaron et filii ejus, ſed ſine fermento, in loco ſacro, in atrio tentorii. 10. Ne coquatur cum fermento. Aſſignavi eis partem ſacrificiorum meorum, quæ ſacroſancta eſt, ſicuti ſacrificium piaculare et pro delicto.

liſto. 11. Omnes mares poſteriorum Aaronis ea veſcantur. Pars eſt eis in perpetuum aſſignata e ſacriſciis meis. Dūmodo ſanctus ſit qui eam tetigerit. — 12. Item Jova Moſi dixit: 13. Libamen, quod Aaron et filii ejus mihi offerre debent die unctiōis ſuæ, conſtet decima parte Ephæ ſimilaginis, cujus alterum dimidium mane, alterum vespere *mihi adolcant*. 14. In ſartagine cum oleo paretur: Friſtum et in fruſta conciſum offerant fertum, cujus odore delectabor. 15. Sacerdos, qui ex filiis ejus in ejus locum unctus eſt, paret illud *fertum*. Quod totum mihi eſt adolendum. 16. Omnino hoc ſit inſtitutum perpetuum: omnia ſacerdotum libamina ~~toꝝ~~ ſunt comburenda, nihil de eis comedere licet. — 17. Porro Jova Moſi dixit: 18. Quod ad ſacriſcia piacularia attinet, Aaron et filii ejus ſequentia obſervent: In eodem loco, quo holocauſta mihi maſtantur, maſtentur etiam ſacriſcia piacularia; ſacroſanta ſunt. 19. Sacerdos, qui hujusmodi ſacriſcium offert, eo quoque veſcatur, ſed in loco ſacro, in atrio tentorii conventus. 20. Qui carnem ejus tangit, ſanctus ſit. Si forte ſanguine ejus veſtis conſpergatur, pars ejus tincta in loco ſacro abluatur. 21. Vas teſtaceum, in quo coctum fuerit, frangatur, æneum vero defricetur et aqua eluatur. 22. Omnes mares de ſacerdotibus eo veſci poſſunt, res eſt ſan-

ctissima. 23. Nullum vero sacrificium piaculare, de
cujus sanguine illatum fuerit in tabernaculum con-
ventus expiandi causa in sanctuario, comedatur, igne
hoc est comburendum.

C A P U T VII

*Alii nonnulli ritus in sacrificiis piacularibus et pro delicto,
item in sacrificiis eucharisticis
observandi.*

1. **S**acrificii autem pro delicto, cujus summa sancti-
tas est, hæc lex esto: 2. Mactetur in eo loco, in
quo holocausta mactari solent. Sanguis ejus ad al-
tare circumquaque spargatur. 3. Adeps vero omnis
offeratur, nimirum cauda crassa, omentum, 4. *renes*
ambos et adipem eis adhærentem usque ad lumbos,
et lobum minorem hepatis a renibus separatum. 5.
Quæ omnia sacerdos incendat super altari, ut sit
sacrificium Jovæ pro delicto oblatum. 6. Omnes
mares de sacerdotibus de eo edere possunt, dum-
modo in loco sacro, nam res est sanctissima. —
7. Sacrificii piacularis et pro delicto par ratio est,
sunt nempe sacerdotis, qui in hujusmodi expiatione
ministerio fungitur. 8. Pellem holocausti sacerdos,
qui illud obtulerit, sibi habeat. 9. Omnia farta,
quæ vel in clibano cocta, aut super craticula, aut
in sartagine parata sunt, sacerdos habeat, qui ea
libavit.

libavit. 10. Omnia farta, vel oleo mista, vel sicca, filiorum Aaronis sint sine discrimine. — 11. Sacrificii eucharistici Jovæ oblati hæc lex esto: 12. Si grati animi testandi causa offertur, cum ipsa victima dentur placentæ sine fermento, oleo mistæ, et lagana sine fermento oleo tincta, et simila fricta, *ex qua* placentæ denuo oleo mistæ sint, 13. cum placentis panis fermentati, quæ præter victimam laudis et gratiarum actionis offeruntur. 14. Unam ex illis placentis Jovæ consecret, quæ *deinde* sacerdotis erit, qui sanguinem sacrificii eucharistici sparsit. 15. Caro hujus sacrificii eo ipso die, quo oblatum fuit, consumatur, nihil in crastinum relinquatur. 16. Item si ex voto aut voluntarie offertur, die quo factum est, edatur, licet tamen reliquiis postridie vesci. 17. Quæ vero tertio die amplius supersunt, igne comburantur. 18. Si quis tamen de carne sacrificii eucharistici tertio die comederit, Deo non probabitur, neque *sacrificii sui* fructum habebit. Impurum censetur, et qui de eo comederit, noxam feret. 19. Caro *victimarum*, quæ rem immundam attigerit, non comedatur, igne debet comburi. Alias cuique, si modo mundus sit, ea vesci licet. 20. Qui vero impuritate infectus carnem sacrificii eucharistici gustaverit, is capitalis esto. 21. Ille nimirum, qui rem immundam, sive homo sit, sive animal, aut

quodcunque abominabile, attigerit. — 22. Porro Jovæ Mofi dixit: 23. has leges Israelitis promulgato: adipe bovis, ovis et capræ omnino non vescimini. 24. Adipem vero morticini aut discerpti consumere licet ad omnes usus, modo non comedatur. 25. Quicumque adipem gustaverit animalis, quod Jovæ immolari potest, supplicio afficiatur. a) 26. Ab omni omnino sanguine vos abstinete, ubicunque locorum habitetis, cum avium, tum animalium. 27. Qui hoc non fecerit, capitalis esto. 28. Item ex mandato Jovæ Moses Israelitis præcepit: 29. Quicumque Jovæ sacrificium eucharisticum obtulerit, partes ejus, quæ Jovæ debentur, ipse offerat. 30. Suis ipse manibus præbeat partes Jovæ immolandas, nimirum adipem cum pectore, et pectus quidem, ut Jovæ porriciatur. b) 31. Tum sacerdos adipem in
alta-

a) Non sermo est de omni adipe, sed de eo tantum, qui in sacrificiis eucharisticis, vel piacularibus, Deo immolabatur, nempe de adipe viscerum, renium et cauda crassa, de quibus capite tertio et quarto præcipitur. Ab hoc adipe debebant Israelitæ abstinere, etiam in comestione bovis et ovis communi sive vulgari. Sic Ill. *Micbaelis* hanc legem intelligit, et contextus favere videtur. Alii vero interpretes putant tantum sermonem esse de sacrificiis.

b) *Porricere* est verbum proprium hac de re. Extæ nimirum

altari incendat, pectus vero sit Aaronis et filiorum ejus. 32. Armum quoque dextrum sacerdoti dabit de victimis vestris eucharisticis, 33. et quidem ei qui sanguinem et adipem harum victimarum obtulerit. 34. Pectus et armum accipio de sacrificiis eucharisticis Israelitarum. Illud quidem porriciendo, hic elevando mihi consecrentur, quæ assigno Aaroni et posteris ejus in perpetuam portionem. 35. Hæc sit pars eis demensa ex sacrificiis meis, inde ab eo tempore, quo sacerdotio fungi incipiunt. 36. Volo ut eis hæc portio ab Israelitis per omnes ætates ex perpetuo instituto detur, cum primum uncti fuerint. — 37. Hæ sunt leges de holocaustis et fertis, de sacrificiis expiatoriis et victimis pro delicto, de initiationibus *sacerdotum* et eucharisticis sacrificiis, 38. quas Jova Moysi in monte Sinai dedit, cum eis præciperet sacrificiorum istorum ab Israelitis in deserto Sinai offerendorum rationem.

CAPUT

rum *porrici* dicuntur, quando diis porriguntur. Locus classicus est apud *Macrobius* Saturn. 3, 2. vid. *Gesneri* Thes. ling. lat. Verba textus sunt: להניף אתו תנופה
ad agitandum illud agitatione.

CAPUT VIII

Initiatio Aaronis et filiorum ejus ad munus sacerdotii.

1. **D**einde Jova jussit, ut Moses 2. adhibito Aaron et filiis ejus, nec non vestibus et oleo unctio- nis, juvenco sacrificio piaculari, duobus arietibus et canistro panum azymorum, 3. convocaret omnes populi legatos *a)* ante tabernaculum conventus, 4. Quod cum ad mandatum Jovæ fecisset, 5. declaravit legatis populi, id quod jam facturus sit, fieri ex voluntate Jovæ. 6. Tum adduxit Aaronem ejusque filios, iisque aqua lotis, 7. illum quidem tunica induit *interiori*, balteo cinxit, vestivit tunica *superiori*, ephodum imposuit, cui applicavit *partem ei oppositam* textam opere polymito *b)* et sic eo am-
civit.

a) Ex hoc loco plane apparet, sub *עֲדָה* et *קָהָל* quorum sæpe mentio fit in libris Mosi, non universum populi- cœtum intelligendum esse, cum quo Moses egerit, cui leges suas promulgarit, sed singularum tribuum legatos sive deputatos, qui ex mandato tribus ejus aut familia- rum, a quibus delegati erant, agebant cum Mose reli- quisque legatis et quæ conclusa essent, ad suos refere- bant; ad instar supremi senatus, aut comitiorum in An- glia. De qua democratica reip. Judaicæ forma et consti- tutione omnium optime egit Ill. *Michaelis* in Jure Mos. P. I. §. 45. seqq.

b) De *חֵשֶׁב הָאֵפֶד* cf. dicta ad Exod. 28, 8.

civit. 8. Huic imposuit pectorale eique indidit Urim et Tummim, c) 9. tum cidarim capiti ejus imposuit, cujus parti anteriori accommodavit laminam auream, sive sacrum diadema, quemadmodum a Jova jussus erat facere. 10. Deinde sumto oleo unctorio unxit tabernaculum et omnia quæ in eo erant, eaque consecravit. 11. Adpersit illo oleo aram septies, eamque ut et omnia ejus vasa unxit, labrum quoque cum operculo suo d) eodem modo consecravit. 12. Porro de oleo illo effudit in caput Aaronis et unxit et consecravit eum. 13. Quo facto Moses advocavit filios Aaronis, amicivit eos tunicis, cinxit balteis, redimivit tiaris, quemadmodum a Jova jussus erat. 14. Posthæc adduxit juvenicum sacrificio piaculari destinatum; cujus capiti cum Aaron et filii ejus manus imposuissent: 15. Moses eum mactavit et de sanguine ejus digito suo eminentias altaris allevit, et sic altare expiavit et consecravit, reliquum sanguinem ad basin ejus effudit, 16. tum adipem intestina tegentem, lobum minorem hepatis et ambos renes cum adipe suo incendit in altari. 17. Ipsum vero juvenicum, pellem ejus, carnem, fimum igne combussit extra castra, quemadmodum Jova

c) De Urim et Tummim dixi sententiam ad Exod. 28, 30.

d) cf. Exod. 30, 18.

Jova præceperat. 18. Quo factò adduxit arietem holocausto destinatum. Cujus capiti postquam Aaron et filii ejus manus imposuerant: 19. Moses eum mactavit et conspersit sanguinem ejus circumquaque in altari, 20. tum arietem in frustra dissectuit, quæ deinde cum capite et fevo incendit. 21. Ventrem et crura aqua abluit, et sic combussit totum arietem super altari tanquam holocaustum suavis odoris in honorem Jovæ igne consumendum, quemadmodum Mosi præceperat. — 22. Tum alterum arietem initiationis adduxit, cujus capiti Aaron et filii ejus quoque manus imposuerunt, 23. postea Moses eum mactavit, et aliquantum de sanguine ejus illevit lobo dextræ auris Aaronis et pollicis dextræ ejus manus et pollicis pedis dextræ. 24. Tum filios ejus adduxit, quorum aures dextas in lobo, ut et pollices manuum et pedum dextros sanguine tinxit, reliquo vero sanguine altare undique conspersit. 25. Deinde sumit adipem, caudam crassam, omentum, lobum minorem hepatis, ambos renes et adipem eis adhærentem, armum dextrum, 26. atque ex canistro panum azymorum coram Jova depositorum placentam unam sine fermento et panem unum oleo mixtum et oleo infusum, quos adipi et armo dextro imposuit; 27. et deinde ista omnia manibus Aaronis et filiorum ejus tradidit, ut hæc
Jovæ

Jovæ porricerent. 28. Postea fumit ea iterum de manibus eorum, et incendit ea super altari tanquam holocaustum. Hoc erat initiationis sacrificium Jovæ in odorem suavem igne consumendum. 29. Pectus vero Moses ipse Jovæ porrexit, quæ pars ejus esse debebat de illo ariete initiationis, quemadmodum a Jova jussus fuerat. 30. Posthæc fumit de oleo unctorio et de sanguine ex altari et conspersit Aaronis et filiorum ejus vestes, ad consecrandum cum ipsos, tum eorum vestes. 31. Tum jussit Moses, ut Aaron et filii ejus coquerent carnem *reliquam illius arietis* ante fores tabernaculi, eamque comederent cum panibus initiationis in canistro reliquis; quemadmodum Jova jussu erat ut hoc facerent; 32. et quæ adhuc superessent cum de carne, tum de panibus, hæc igne comburerent. 33. Per septem dies non egrederentur ex atrio tabernaculi ^{e)} quamdiu duraret eorum initiatio, quæ septem dierum sacrificiis perageretur; 34. quemadmodum primo die factum erat, sic et sequentibus fieri debere ad eos expiandos, 35. per septem dies integros manerent in atrio tabernaculi, et quæ Jova vellet, observarent,

no

e) In textu est: *ex ostio tabernaculi conventus ne egrediamini.* Quod non de ostio sancti intelligendum esse, sed de ostio atrii, apparet ex eo, quod per septem dies ex eo egredi non licuit.

ne morte punirentur, ita enim sibi præceptum esse.
 36. Tum Aaron et filii ejus fecerunt omnia, quæ
 Jova per Moſen jufferat.

CAPUT IX

*Aaron et filii ejus primum sacrificium offerunt, quod
 igne divino consumitur.*

1. **O**ctavo die Moſes Aaronem ejusque filios et magistratum Iſraelitarum convocavit, 2. atque Aaronem juffit juvencum ut ſacrificium piaculare et arietem in holocauſtum, utrumque absque omni vitio, adducere in locum ſacrum. 3. Iſraelitis vero præcipere, ut caprum in ſacrificium piaculare, vitulum vero et agnum anniculos integros in holocauſtum darent, 4. præterea bovem et arietem in ſacrificium eucharisticum maſtandum coram Jova, tandem quoque fertum oleo infuſum, nam hodie Jovam eis eſſe compariturum. 5. Hæc omnia quæ Jova jufferat, legati populi attulerunt ad tentorium conventus et coram Jova ſteterunt. 6. Tum Moſes, hoc eſt, inquit, quod Jova ut faciatis jubet, et tunc majeſtas Jovæ vobis comparebit. 7. Quo ſaſto Moſes Aaroni dixit: Accede ad aram et fac tuum ſacrificium piaculare et ſolidum ad te et populum expiandum, et tunc populi fertum ad hujus expiationem, quemadmodum Jova præcepit. 8. Acceſſit

cessit igitur Aaron ad altare, mactavit vitulum, sacrificium piaculare pro se; 9. porrexerunt ei filii ejus sanguinem, in quem digitum intinxit, atque eminentias altaris illevit, reliquum vero sanguinem ad basin altaris effudit. 10. Adipem, renes, lobum minorem hepatis de victima piaculari incendit in altari, quemadmodum Jova Mosi praeceperat. 11. Carnem vero et pellem igne combussit extra castra. 12. Deinde mactavit holocaustum. Subministrarunt ei filii ejus sanguinem, quo aram undique consperxit. 13. Tum praebuerunt frusta sacrificii et caput, quae adolevit in altari. 14. Tum abluit intestina et crura, eaque pariter immolavit in altari. — 15. Postea obtulit munus populi, caprum piaculari mactavit atque eodem modo cum eo egit, quo cum priori victima piaculari. 16. Porro holocaustum iisdem ritibus adhibitis. 17. Item fertum, ex quo plenum pugillum sumsit et in ara adolevit, praeter holocaustum quotidianum. 18. Postea mactavit bovem et arietem, sacrificium eucharisticum populi. Tradiderunt ei filii ejus sanguinem, quem in altari circumquaque sparsit. 19. Deinde adipem ex bove, arietis autem caudam crassam, omentum et lobum minorem hepatis. 20. Adipem a) pectoribus imposuerunt. Illum quidem adolevit Aaron
super

a) sc. bovis et arietis.

super altari, 21. hæc vero et armum dextrum porrexit Jovæ, sicuti Mosi præceperat. 22. Quo factò Aaron sublatiis manibus populo bene precatus est, et descendit ab *altari*, postquam sacrificium piaculare, holocaustum et eucharisticum instruxerat. 23. Tum ingressi sunt Moses et Aaron *b)* tabernaculum conventus, et cum rediissent populoque bene precati essent, comparuit majestas Jovæ universo populo. 24. Atque ignis a Jova egressus absumsit, quæ in altari posita erant, holocaustum et adipem. Quod cum populus videret, cum læto clamore in faciem procidit.

CAPUT X

Nadab et Abihu fulgure tacti moriuntur. Ob quem casum Moses leges quasdam sacerdotibus observandas præscribit.

1. **A**st filii Aaronis, Nadabus et Abihu, sumferunt thuribula sua, ignem et suffitum eis imposuerunt atque alienum ignem *a)* in conspectu Jovæ contra præceptum ejus obtulerunt. 2. Tunc fulgure a Jova emissò tacti perierunt in loco sacro. 3. Quo factò Moses Aaroni dixit: Hoc est quod Jova pronunciat: volo

b) Nempe ut Moses hunc doceret, quomodo suffitus esset adolendus, et candelabrum instruendum. Exod. 30, 7. 8.

a) Nempe quem non ex ara sacrificiorum sumferant.

volō reverenter colī a sacerdotibus meis, *b)* ita enim populus quoque majestatem meam venerabitur: ad hęc Aaron conticuit. 4. Tunc advocavit Moses Mischaelem et Elzaphanem, filios Ussielis, patrui Aaronis, jussitque, ut auferrent cognatos suos e loco sacro extra castra. 5. Igitur venerunt et extulerunt eos in tunicis suis ex castris, quemadmodum Moses dixerat. 6. Aaronem vero ejusque filios, Eleasarum et Ithamarum, his verbis allocutus est: Capita vestra ne tondeatis, nec vestes vestras scindatis, ne morte pœnam luatis et in universum cœtum ira Dei exardescat. Lugeant populares vestri, Israelitæ, fulgure a Jova percussos. 7. Neque egrediamini ex atrio tabernaculi, si salvī esse velitis, nam oleo Jovæ uncti estis. Obtemperarunt eis quæ Moses dixerat. — 8. Aaronem vero Jova his verbis est allocutus: 9. vinum, aut potum inebriantem, *c)* neque tu, neque filii tui bibatis, ingressuri tabernaculum conventus, ne morte pleamini. Lex hęc vobis sit in perpetuum posteris quoque vestris servanda, 10. ut discernere possitis

b) hebr. בְּקִרְבִּי a *propinquis meis*. Sic vocantur sacerdotes, qui ministrandi causa propius ad loca Deo sacra accedebant. Ezech. 43, 13.

c) Ex hac lege hac occasione data probabile fit Nadabum et Abihum ebrios fuisse, cum suffitum vellent offerre.

stis inter sanctum et profanum, inter mundum et immundum, 11. et docere Israelitas omnia instituta, quæ eis per Mosen edixi. 12. Hic vero Aaroni et filiis ejus superseditibus, Eleasari et Ithamari, præcepit, sumite, inquit, quæ reliqua sunt ex ferto, Jovæ non libata, atque ea comedite sine fermento juxta altare, sunt enim sanctissima. 13. Comedite, inquam, ea in loco sacro, portio enim hæc est tua et filiorum tuorum, de Jovæ libaminibus. Ita enim mihi præceptum est. 14. Pectore autem porrecto et armo sublato vescamini in loco puro. Hæ enim sunt portiones tibi et filiis tuis destinatæ de sacrificiis eucharisticis Israelitarum. 15. Armus sublatus et pectus porrectum cum adipe Jovæ libando offerenda sunt, tibi vero erunt et posteris tuis ex lege perpetuo valitura. Sic Jova præcepit. 16. Cum deinde Moses caprum piacularem quæret, erat combustus. Iratus propterea Eleasari et Ithamari filiis Aaronis superseditibus ait: 17. Cur non comedistis victimam piacularem in loco sacro? Res est sanctissima, vobis destinata, ut sustineatis culpam populi atque eum apud Deum expietis. 18. Non illatus est ejus sanguis in sanctuarium interius. Edere igitur eam debebatis in loco sacro; quemadmodum mihi præceptum est. 19. Ad hæc Aaron Mosi respondit: Obtulerunt hodie *fili mei* victimam

Etiam suam piacularem et holocaustum Jovæ, atque hæc mihi evenerunt; si hodie de victima piaculari ederem, num hoc Jovæ probaretur? *d*) 2^o. In hac Aaronis responsione Moses acquievit.

CAPUT XI

De animalibus mundis et immundis. a)

1. **D**einde Jova cum Mose et Aarone sic locutus est:

d) Lugentes ex lege levitica immundi censebantur, neque sacrificiis vesci poterant. Aaron igitur non quidem habitu externo, animo tantum lugens, noluit interesse epulis sacrificialibus.

a) Animalia munda ex lege levitica dicebantur, quæ Israelitis edere fas erat, immunda, quibus vesci nefas habebatur. Sed hæc lex non impendebat, quo minus animalia immunda ad alios usus alere possent et adhibere, v. c. asinos, canes, fures. Scita est observatio Ill. *Michaelis* de hac lege, nos et alias nationes eundem morem sequi, modo non ut legem, sed ex opinione aut consuetudine nobis quoque quædam animalia munda aut immunda videri, quibus nempe vesci, aut a quibus abhorreere soleamus. Israelitis vero lege divina præscriptum fuit, quibus animalibus vesci possent, vel minus. cf. pluribus de hac lege ejusque ratione differentem Ill. *Michaelis* in Jur. Mos. P. IV. §. 202. — Caterum complura horum animalium nomina prorsus incerta sunt. Nam cum nomina hebræa in linguis orientalibus non amplius supersint, et versiones

est: 2. Dicite Israelitis: hæc sunt animalia, quibus. de omni genere quadrupedum vesci vobis vas sit. 3. Omne animal, quod ungulas habet divisas, easque prorsus fissas in duas *b)* partes, et quod ruminat, eo vescamini. 4. Sed nefas sit vesci ex ruminantibus et ungulas findentibus camelo, qui quidem ruminat, sed non habet ungulas ab utraque parte fissas. 5. Non mure ursino, qui ruminat, sed ungulas non habet fissas. 6. Non lepore, qui ruminat quidem; sed non est bisulcus; immundus vobis sit. 7. Non porco; ungulas quidem habet prorsus divisas, sed non ruminat; hunc immundum habetote. 8. Carnem eorum ne comedatis, nec tangatis eorum cadavera, sint vobis immunda. — 9. De aquatilibus hæc comedatis; omnia quæ pinnas habent

antiquæ admodum dissentiant, ut earum auctores æque ac nos incertos fuisse appareat, quid præter conjecturas easque sæpe parum probabiles asserre possimus? Propterea non dubitavi interdum nomina hebræa retinere, quod ab aliis quoque diligentissimjs harum rerum investigatoribus factum esse vidi. Præter *Bochartum* in *Hieroz.* dignus est qui conferatur *Ill. Michaelis* in quæstionibus Arabicis quæst. C. et *Sbay* in *Itinerario* p. 356. seqq. vers. germ.

- b)* Ante פְּרָסָת in textu hebræo restituendum videtur שְׁתִּי
Sic enim legitur in loco parallelo *Deut.* 14, 6. atque *Codd.*
sex a *Kennicorio* citati, *Cod. Casselanus*, *Samaritanus*, versio
Græca, *Syriaca*, *Onkelos* idem habent.

habent et squamas, five marina sint, five fluvialia.
 10. Omnia vero, quæ non habent pinnas et squamas, five marina, five fluvialia, omnia alia quæ in aqua vivunt et degunt, ab eis abhorreatis. 11. Sint vobis abominabilia, carne eorum ne vescamini, cadavera eorum detestemini. 12. Omnia, inquam, quæ non habent pinnas aut squamas, abhorrete. —
 13. De volucris hæ sunt, quas abominari debetis, neque iis tanquam immundis vesci: aquilam, aquilam offisfragam, valeriam. 14. Milvum, et Aijæ varia genera, 15. ut et omnia corvorum genera. 16. Struthiocamelum, hirundinem, larum et passerum varia genera. 17. Otum, mergum, noctuam. 18. Tinschemeth, pelicanum, vulturem. 19. Chasidam, Anaphæ genera, upupam et vespertilionem. —
 20. Omnia volucra, reptilia, quadrupedia abhorrete. 21. Attamen de his quæ habent c) duo crura supra pedes eminentia, quibus humi saliant, eas comedere licet. 22. Hujus naturæ sunt locusta, Solgam, Chargoł, Chagab, secundum diversa eorum genera. 23. *Præterea* vero omnia volucra reptilia quadrupedia abhorrete. 24. His pollutos vos habeto-

c) Lesionem marginalem **℣** textuali **℞** præferendam puto propter testimonium Codicis Samaritani et versionum antiquarum omnium.

betote, qui cadavera eorum tetigerit, impurus sit usque ad vesperam. 25. Item qui ea extulerit, lavato vestimenta sua, et impurus esto usque ad vesperam. — 26. Omnia animalia, quæ ungulas habent non prorsus fissas, neque ruminant, immunda vobis sint; si quis ea tetigerit, polluitur. 27. Quadrupedia quæ pedes in digitos divisos habent, immunda vobis sint, qui cadavera eorum attigerit, impurus est usque ad vesperam. 28. Qui vero ea extulerit, lavet vestimenta et impurus sit usque ad vesperam. — 29. De iis quæ humi repunt, immunda vobis sint, talpa, mus, crocodilus terrestris. 30. Stellio, lacerta, Letaa, Chometa, chamæleon. 31. Hæc de omnibus reptilibus immunda vobis sint, qui ea mortua tetigerit, impurus est usque ad vesperam. 32. In quamcunque rem aliquid istorum mortuum inciderit, polluitur. Sive sit utensile ligneum, sive vestis, sive pellicis, sive faccus. Quodcunque instrumentum, quod ad usus certos adhibent, in aquam immittatur. Immundum est usque ad vesperam, tunc mundum est. 33. Si quid istorum ceciderit in vas testaceum, omnia quæ in eo vase sunt, impura redduntur, ipsum vero vas frangatur. 34. Omnis cibus cui aqua affunditur, impurus fit, nec non potus omnis, qui in vase aliquo fervatur. 35. In quod illapsum fuerit ejusmodi

modi cadaver, polluitur. Furni et foci excavati et impuri a vobis destruantur. 36. Fontes vero, cisternæ et aquarum receptacula munda manent. Sed qui hujusmodi cadaver tetigerit, polluitur. 37. Semen quod sementi servatur, eorum contactu non polluitur; 38. quodsi jam aquæ immixtum d) fuerit et inciderit ejusmodi cadaver, impurum vobis sit. — 39. Si animal *quodpiam* eorum, quæ vobis esui licita sunt, mortuum fuerit, polluitur is qui ejus cadaver attigerit usque ad vesperam. 40. Qui de eo ederit, vestes lavet et impurus sit usque ad vesperam, item is qui illud extulerit. — 41. Ab omni quod humi repit, abhorrete, neque id comedite. 42. *Sive* ventre incedat, *sive* sit quadrupes, aut multipes, si humi repit, ne eo vescamini, abominabile vobis sit. 43. Ne vos ullo istorum reptilium contaminetis, neque polluatis. 44. Ego sum Jova Deus vester. Vos semper sanctos servate, ego enim sanctus sum. Neque vos ullo horum reptilium inquinetis. 45. Ego Jova vos ex Aegypto eduxi, ut me tanquam Deum vestrum colatis; igitur sancti estote quemadmodum ego sanctus sum. — 46. Hæ sunt leges de animalibus, volucris, aquatilibus et humi serpentibus, 47. ut pura ab impuris discerni possint, et ea quibus vesci licet ab eis quibus vesci nefas.

Cc 3

CAPUT

d) et sic sementi jam paratur.

CAPUT XII

*De immunditie puerperæ et visibus quibus
purganda sit.*

Porro Jova Mosen jussit 2. has leges ferre Israelitis: Mulier partum masculum enixa impura est septem dies, quam diu durant lochia ejus rubra. 3. Octavo die puer circumcidatur. 4. Tum porro tres et triginta dies propter lochia alba domi se contineat. Sancta ne attingat, neque ingrediatur sanctuarium, donec totum purificationis suæ tempus fuerit completum. 5. Quodsi puellam pepererit, impura est per duas septimanas pro duratione puerperii sui, et præterea adhuc sexaginta sex dies domi maneat propter lochia alba. — 6. Finito tempore purificationis suæ, sive filii, sive filiæ, adducat agnum anniculum in holocaustum et columbam sive turturem in sacrificium piaculare ad sacerdotem in atrio tabernaculi. 7. Sacerdos illa offerat Deo et sic eam expiet. Hac ratione purificatur a puerperio suo: Atque hæc est lex puerperæ, sive marem sive fœminam enixa fuerit. 8. Quodsi pauperior est quam ut agnum offerre possit, det duos turtures aut duos columbæ pullos, alterum in solidum sacrificium, alterum in victimam piaculari, et sic quoque sacerdos eam potest expiare, ut munda reddatur.

CAPUT XIII

*De lepra hominis a sacerdote inspicienda et dijudicanda, et
de separatione hominis leprosi e societate civili, v. 1—46.
de lepra vestium, v. 47—59.*

1. **H**æc quoque Jova Moſi et Aaroni dixit: 2. Si in cute cujuspſiam extiterit tumor, aut ſcabies, aut puſtula, quæ lepræ a) ſuſpicionem excitent, is adducatur ad Aaronem ſacerdotem, aut ad aliquem filiorum ejus ſacerdotum, 3. qui adſpiciat locum cutis affectum. Si pili ejus albeſcunt et reliqua cute locus infectus eſt depreſſior, lepræ morbus eſt. Quo viſo ſacerdos eum hominem impurum judicet. 4. Quodſi vero puſtula illa alba eſt, reliqua tamen cute non depreſſior, neque pili albeſcunt; ſacerdos includat hominem morbidum per ſeptem dies. 5. Septimo die denuo eum inſpiciat. Si videt locum infectum non mutatum eſſe, neque vitium latius ſeſe per cutem diffuſiſſe, iterum includat hominem illum in ſeptem dies. 6. Si die ſeptimo obſervat vitium
sub-

a) De natura hujus morbi et variis ejus ſymptomatibus teſtimonia antiquorum et recentiorum medicorum diligenter collegit et ſuper eis diſſernit Ill. *Michaelis* in quaſtionibus arabicis quaſt. XI. XXVIII. et XXXVI. in Jure Moſ P. IV. §. 208. ſeqq. et in Obſervatt. ad verſionem bibliorum germanicam.

substitisse, neque latius se in cute expandisse, mundum eum pronuntiet, impetigo est. Lavet vestimenta sua et mundus sit. 7. Si vero impetigo ista latius sese per cutem diffuderit, postquam sacerdos hominem illum inspexit et mundum pronuntiavit, denuo ducatur ad sacerdotem. 8. Qui si viderit impetiginem in cute crevisse, immundum pronunciet hominem istum, est leprosus. — 9. Si leprosus ad sacerdotem deducitur, 10. atque hic observat tumorem album in cute, qui pilos albos effecit, atque in eo præterea massa carnis rubræ existit, 11. lepra est jam inveterata. Impurum pronunciet sacerdos hunc hominem, non opus est ut eum includat. 12. Quod si lepra effloruerit in cute et occuparit totam cutem hominis morbidum a capite usque ad pedes, atque sacerdos hoc accurate observavit, 13. lepram nimirum totam carnem occupasse, mundum pronunciet huiusmodi leprosum. Si omnia in eo alba evaserunt, mundus est. 14. Simulac autem carnem crudam in eo videt, immundus est. 15. Propterea quoque sacerdos eum impurum pronunciet. Caro enim cruda impura est et lepræ indicium. 16. Illa si iterum alba evaserit, denuo conveniat sacerdotem, 17. qui si illam mutationem revera observat, declaret hominem illum morbidum, purum. Est enim purus. — 18. Si quis in cute habuerit ulcus,

atque

atque eo sanato, 19. in eo ipso loco, in quo fuerit illud ulcus, tumor albus extiterit, aut macula alba, sive rubra, inspiciendus est a sacerdote. 20. Qui si videt superficiem ejus cute depressiorem et pilos albos evasisse, impurum eum pronunciet, lepra est in ulcere efflorescens. 21. Si vero sacerdos non observat pilos candidos, nec locum reliqua cute depressiorem et *colorem* ejus debiliorem, includat hominem istum per septem dies. 22. Si vitium latius excreverit per cutem, impurum pronunciet eum sacerdos, lepra subest. 23. Si vero macula substituerit, neque latius se expanderit, ulcus est inflammatum, purum declaret hunc hominem sacerdos. — 24. Si quis in cute ambustus fuerit, et caro cruda loci illius ambusti accipit maculam albam aut rubram, 25. sacerdos illum locum inspicat. Si pili albescunt et superficies reliqua cute depressior est, lepra in parte illa ambusta erupit. Sacerdos hunc hominem impurum declaret, leprosus est. 26. Si vero observat pilum illius maculæ non album evasisse, neque reliqua cute esse depressiorem et colorem ejus debiliorem, includat eum sacerdos septem dies. 27. Si septimo die observat vitium latius excrevisse in cute, impurum eum hominem pronunciet, lepra est affectus. 28. Si vero macula substitit, neque latius per cutem prorepit

et debiliorem colorem contraxit, tumor est ex adu-
 sione; purum pronunciet eum sacerdos. — 29. Si
 vir aut foemina vitio affecta fuerit, sive in capite, sive
 in barba, 30. atque sacerdos locum illum affectum
 inspiciens, invenerit superficiem ejus reliqua cute
 depressiorem et pilos in eo flavos et tenues, im-
 purum pronunciet sacerdos hunc hominem. Porri-
 go est, sive lepra in capite aut barba. 31. Quodsi
 sacerdos observat locum affectum non profundiore
 esse reliqua cute, neque tamen pilos in eo esse ni-
 gros, includat hunc porriginosum in septem dies.
 32. Si septimo die viderit vitium non excrevisse,
 neque esse in eo pilos flavos, nec superficiem ejus
 esse cute depressiorem, 33. tondeatur, excepto ta-
 men eo loco in quo porrigo est, atque sacerdos
 iterum includat porriginosum in septem dies. 34. Si
 septimo die viderit non latius vitium excrevisse in
 cute, nec superficiem ejus cute esse depressiorem,
 mundum eum declaret, vestes lavet, mundus sit.
 35. Quodsi postea latius serpsit porrigo in cute,
 36. idque sacerdos observarit, non amplius atten-
 dat ad pilos flavos, homo est impurus. 37. Si vi-
 derit porriginem tenere quidem adhuc locum suum,
 sed pilos in eo natos esse nigros, vitium sanatum
 est, homo mundus est et talem eum quoque judi-
 cet sacerdos. — 38. Si in cute viri aut foeminae
 exi-

existunt maculae albentes, 39. atque sacerdos observat maculas illas esse subalbidas, vitiligo est per cutem erumpens. Purus est homo iste. — 40. Si quis in capite glaber factus fuerit, calvus est, sed purus. 41. Si sinciput glabraverit, recalvus est, sed purus. 42. Quodsi in sincipite aut occipite calvo enatum fuerit vitium albidum aut subrubrum, lepra est, quae in his partibus erupit. 43. Si sacerdos observat tumorem illum vitiosum albidum esse sive rubrum, quemadmodum in lepra cutis esse solet, 44. leprosus est homo iste et impurus. Sacerdos quoque sic de eo judicet, leprosus est in capite. 45. Leprosus incedere debet scissis vestibus, capite nudo, ore velato et identidem clamet: cavete vobis ab impuro. 46. Quamdiu morbo isto est infectus, impurus est, solitarius degat extra castra. — 47. Si in veste lepra b) existit, sive lanea, sive linea sit,

48.

b) Nemo tam hebes est, quin intelligat vocabulum *lepra* de vestibus adhibitum in hac pericopa non proprie sed improprie dici, de vitio quo vestimenta ex lana, lino, aut pellibus fabricata laborent. At enim vero istud vitium quale sit, de omnibus nondum satis constat. Quod ad lanam attinet, Ill. *Michaelis* a mercatore est edoctus, lanam ovium, quae ex morbo perierint, non cultro essent jugulatae, (*Sterbewolle*) pannis conficiendis esse ineptam, atque his, aut similibus vitiis laborare, quae Moses

lane

48. vel iisdem vel diversis filis c) texta sit, aut lineis

lanæ leprosæ tribuat, vid. Jus Mos. P. IV. p. 261. De lino autem et pellibus nondum certi quid rescire potuit.

c) Quanquam interpretes fere omnes שְׁתִּי per *stamen*, et עֵרֶב per *subtegmen* vertunt, tamen contextus docet, hanc non esse posse harum vocum in hac pericopa (in qua etiam solum leguntur) significationem. Quomodo enim comburi potest secundum vers. 52. *sive stamen sive subtegmen vitiosæ vestis?* aut quomodo ex veste lepra infecta, pars vitiosa secundum vers. 56. *vel ex stamine vel ex subtegmine scindi potest, cum tota vestis s. pannus stamine ac subtegmine unice constet?* Clericus quidem, qui vidit hæc nullo modo posse conciliari, explicat stamen et subtegmen de filis ad texendum paratis, nondum in pannum fabricatis. At iterum contextu reclamante. Nam sermo est de veste jam fabricata, non de materia ex qua fabricari debeat. Alii interpretes silent, quasi nulla esset in hac verborum versione difficultas. Unus quod ego quidem sciam, Hubigantius, eam remove tentavit. Primo negat שְׁתִּי et עֵרֶב *stamen* et *subtegmen* significare posse. Leguntur hæc vocabula tantum in hac pericopa, in qua illam significationem pro contextu, uti jam supra probavimus, prorsus non habere possunt. Igitur de alia est cogitandum, quam contextus admittit. Jam vero conjectat עֵרֶב significare vestem texturæ diversæ, h. e. quæ constet filis spissioribus et tenuioribus, uti est in tapetibus et aliis vestibus ex lana et lino paratis. Sub שְׁתִּי vero

neis aut laneis, aut in pelle, aut in quovis utensili pelliceo; 49. Si nempe in ulla harum rerum compareret macula viridis, aut rubra, lepra est, sacerdoti ostendatur. 50. Is inspiciat maculam et includat *utensile illud* ea infectum per septem dies. 51. Si septimo die observat maculam illam latius erupisse in veste, sive iisdem, sive diversis filis texta, aut in pelle, aut in quavis alia supellectile pellicea, lepra est corrodens, vitium impurum. 52. Comburat hanc vestem iisdem aut diversis filis textam, laneam vel lineam aut utensile pelliceum. Lepra corrodeute infectum est, igne comburatur. 53. Quodsi sacerdos observat vitium non latius sese diffudisse, 54. jubeat ut res infecta lavetur, atque iterum per septem dies eam includat. 55. Si post lotionem videt,

vero intelligit texturam simplicem, quæ constet filis ejusdem formæ s. generis. Ex origine admittunt vocabula hanc significationem. Nam שתי ex Syr. אֶשְׂתִּי *texere* illustrandum esse jam in lexicis observatum est. ערב autem *miscendi* notionem habere dubio caret. Et quoniam tantum in hac pericopa occurrunt, nemo neget ea, ut vocabula artis, hanc significationem habere posse. Non sum nescius ex contextu significationem vocum divinari non tuto posse, qui sæpe complures admittat; neque contradicam, si quis alias magis aptas significationes illis vocibus substituat, dummodo mihi concedatur, hætenus alias per contextum nullo modo eis tribui posse.

det, vitii colorem neque mutatum esse, neque latius excrevisse, impurum est, comburatur, corrosio est sive in parte averſa, ſive adverſa. 56. Quodſi ſacerdos videt colorem loci infecti debiliorem factum eſſe poſt lotionem, ſcindat eum ab illa veſte, aut pelle, ſive iisdem ſive diverſis filis texta. 57. Si amplius comparet vitium, lepra eſt efflorefcens, totum illud igne comburatur. 58. Si vitium poſt lotionem diſparuit, iterum lavetur et mundum eſto. 59. Hæc eſt lex de lepra veſtium lanearum et linearum, filis vel iisdem vel diverſis textarum, et de quovis utenſili pelliceo, ex qua de puritate et impuritate earum judicandum eſt.

CAPUT XIV

*De purgatione hominis leproſi qui convaleſcit v. 1 — 32.
de lepra adium inſpicienda et dijudicanda v. 33 — 57.*

1. **P**orro Jova cum Moſe hunc in modum collo-
tus eſt. 2. Hi ſint ritus obſervandi in purificatio-
ne leproſi. Nimirum ſiſtatur ſacerdoti. 3. Qui *ad*
eum extra caſtra exeat, et ſi viderit leproſum mor-
bo ſuo ſanatum eſſe, 4. tum jubeat ſumi pro puri-
ficando duas aves vivas et puras, lignum cedrinum;
filum coccineum et hyſſopum. 5. Porro jubeat ſa-
cerdos maſtari alteram harum avium et ſanguinem
ejus excipi in vaſe fictili, aqua fontana repleto.
6. Quo

6. Quo facto sumat alteram avem vivam, lignum cedrinum, filum coccineum, et hyssopum, atque hæc *in fasciculum colligata* intingat una cum ave viva in sanguinem ovis mactatæ super aqua fontana, 7. et conspergat a lepra purificandum septies, et *hoc facto* mundum declaret, avem vero vivam liberam dimittat. — 8. Postea lavet purificandus vestes suas, radat omnes pilos, abluat se aqua et sic mundus habeatur. Redeat quoque in castra, sed maneat extra tabernaculum suum septem dies. 9. Die septimo abrasat omnes pilos capitis, barbæ, superciliarum, omnes omnino pilos, abluat vestimenta sua seque ipsum aqua lavet, et sic mundus est. — 10. Octavo die duos agnos integros et agnam unam anniculam et integræ, tres decimas similaginis pro ferto, oleo mixtas et logum unum olei offerat. 11. Tum sacerdos purificans sistat hominem purificandum et munera ista ad introitum tabernaculi coram Jova, 12. et adducat alterum agnum ut sacrificium pro delicto cum logo olei, et utrumque Jovæ porriciat. 13. Quo facto mactet istum agnum in eo loco, in quo victimæ pro delicto et holocausta mactari solent in loco sacro. Sacerdotis est hæc victima pro delicto, uti sacrificium piaculare, res sanctissima. 14. Tum sumat sacerdos de sanguine hujus victimæ pro delicto,

atque

atque eo oblinat lobum dextræ auris et pollicem dextrum manus et pedis purificandi. 15. Porro infundat de logo olei in volam suam sinistram, 16. et intingat ei digitum suum dextrum et spargat eo septies coram Jova. 17. Reliquo oleo, quod in vola ejus superest, illinat lobum dextræ auris et pollicem dextrum manus et pedis purificandi super sanguine illo sacrificii pro delicto, 18. et quod adhuc superest ex illo oleo, immittat capiti purificandi. Hac ratione sacerdos eum coram Jova expiat. 19. Tunc faciat sacrificium piaculare ad expiandam purificandi impuritatem. Porro mactet solidum sacrificium, 20. idque una cum ferto in altari imolet. Quibus confectis expiavit eum sacerdos et purus est. — 21. Sed si pauperior est, nec habet in facultatibus suis afferre *ista sacrificia omnia*, tradat agnum unum pro delicto porriciendum in sui expiationem, et unam decimam similæ oleo mixtam pro ferto et logum olei. 22. Duos turtures aut duos pullos columbarum pro facultatibus suis, alterum in victimam pro delicto, alterum in solidum sacrificium. 23. Quæ omnia afferat die octavo in sui purificationem ad sacerdotem ante tabernaculum. 24. Sacerdos agnum pro delicto et logum olei porriciat coram Jova. 25. Deinde mactet eum et aliquid de sanguine ejus illinat lobo dextræ

dextræ auris et pollici dextro manus et pedis purificandi. 26. De oleo vero infundat aliquid in volam suam sinistram, 27. et spargat eo septies coram Jova digito suo dextro. 28. Porro isto oleo, quod in vola tenet, intingat lobum dextræ auris et pollicem dextrum manus et pedis purificandi, eodem in loco, quo sanguinem pro delicto illeverat. 29. Reliquum oleum e manu infundat in caput purificandi, quo facto Jovæ expiabitur. 30. Tandem alterum turturem, aut pullum columbæ pro facultatibus suis oblatum, 31. in sacrificium pro delicto et alterum in holocaustum cum ferto offerat. Hac ratione expiet sacerdos purificandum coram Jova. 32. Hi sunt ritus observandi in purificatione leprosi pauperis. — 33. Porro Jova cum Mose et Aarone his verbis est collocutus: 34. Quando in Cananæam, quam vobis possidendam daturus sum, perveneritis, atque ego domum aliquam terræ vestræ lepra a) infecero, 35. ejus possessor indicet sacer-

doti,

a) Quod ad Cap. 13, 47. de significatione tropica lepræ in vestibus observatum est, valet etiam de lepra ædium. Caries nempe quasi quædam murorum est, dum lapides arroduntur a nitro, quod in eis nascitur, germanice vocari solet *Salpeterfraß*. De quo pluribus egit Ill. Michaelis in libro ad illum locum laudato.

doti, conspici in ædibus suis aliquid lepræ simile.
36. Tum jubeat sacerdos domum evacuari, antequam ipse veniat ad vitium inspiciendum, ne inquinetur supellex domestica. Quod, si factum fuerit, intret domum, 37. et inspiciat ejus vitium. Si in parietibus videt cava viridia, aut rubra, quorum superficies pariete est depressior, 38. discedat et claudat hanc domum in septem dies. 39. Septimo die redeat. Si observat vitium latius in pariete sese expandisse, 40. jubeat lapides vitio infectos evelli et extra urbem in locum impurum abjici, 41. domum vero intus circumquaque abradi et pulverem abrasum effundi extra urbem in locum impurum. 42. Quo facto alios lapides in illorum locum reponant, et alio tectorio domum illinant. 43. Si redit vitium, et in domo illa denuo comparet post lapides evulsos et erasam et trullifatam domum, 44. et sacerdos observat vitium latius excrevisse, lepra corrodente domus ista infecta est et impura. 45. Destruatur et lapides ejus, ligna et totum ejus tectorium efferatur extra urbem in locum impurum. 46. Qui domum istam ingreditur, illis diebus quibus clausa est, polluitur usque ad vesperam. 47. Qui cubat in ea, aut cibum sumit, vestimenta lavet. — 48. Quodsi sacerdos animadvertit vitium illius domus non latius erupisse, postquam

quem novo testorio obducta est, puram eam pronunciet, vitium ejus sanatum est. 49. In expiationem autem ejus adhibeat duas aves, lignum cedrinum, filum coccineum et hyssopum. 50. Mactet alteram avem et excipiat sanguinem ejus in vase testaceo aqua fontana repleto. 51. Tum sumat lignum cedrinum, hyssopum et filum coccineum, atque hæc in *fasciculum colligata* una cum ave viva immergat in sanguinem avis mactatæ et in aquam illam fontanam, et conspergat domum septies. 52. Sic expiet domum istam sanguine avis et aqua fontana, ave viva, ligno cedrino, hyssopo et filo coccineo. 53. Tandem avem vivam extra urbem liberam dimittat. Hac ratione domus expiatur et purificatur. — 54. Hæ sunt leges de morbo lepræ et de porrigine, 55. de lepra vestium et ædium, 56. de tumore, impetigine et macula, 57. secundum quas judicandum est, quid pollutum sit, quid mundum. Hactenus leges de lepra.

CAPUT XV

*Leges de viris et mulieribus immundo fluxu seminis
et sanguinis laborantibus.*

1. **I**tem Jova jussit, ut Moses et Aaron 2. Israelitis hæc edicerent: Si quis fluxu seminis laborat, impurus est. 3. Neque solum dum durat ille flu-

D d 2

xus,

xus, sed etiam quando remittit, impurus est. 4. Lectus in quo ægrotus ille cubat, sella in qua sedet, inquinantur. 5. Qui lectum ejus tangit, vestes et corpus lavet, et impurus sit usque ad vesperam. 6. Item qui in eadem sella confedit, qua ægrotus utitur. 7. Item qui verenda ejus tetigerit. 8. Item qui ab ægroto consputus fuerit. 9. Sella cui insidet, jumento vestus, impura est. 10. Qui tetigerit aliquid quo ægrotus usus est, impurus est usque ad vesperam, et qui aliquid de eo extulerit, abluat vestimenta sua et corpus, et impurus sit usque ad vesperam. 11. Item faciendum est ei, quem ægrotus tetigerit manibus illotis. 12. Vas testaceum quod contrectavit, frangatur, ligneum aqua eluatur. 13. Quando ægrotus e morbo suo convaleuit, expectet septem dies post recuperatam sanitatem, tunc lavet vestimenta sua, seque ipse in aqua fontana abluat, et sic mundus est. 14. Die vero octavo afferat duos turtures, aut duos columbarum pullos in locum sacrum ad tabernaculum conventus, eosque tradat sacerdoti. 15. Qui alterum in victimam pro delicto, alterum in holocaustum faciat, atque sic eum expiet coram Jova propter fluxum quo laboravit. — 16. Vir cui semen genitale effluxerit, aqua totum suum corpus abluat et immundus sit usque ad vesperam. 17. Stragulum
aut

aut pellis in quam semen inciderit, aqua eluatur et immunda sit usque ad vesperam. — 18. Si vir cum muliere rem habuerit, utrique laventur, et immundi sint usque ad vesperam. — 19. Mulier quæ menstrua sua patitur, per septiduum manet in impuritate sua: quicumque eam tetigerit, pollutus est usque ad vesperam. 20. Omne utensile in quo cubat aut sedet, donec in menstruis erit, poluitur. 21. Qui lectum ejus tetigerit, abluat vestimenta sua et corpus suum, et impurus est usque ad vesperam. 22. Item qui aliquid contraxerit in quo confedit, 23. sive lectus sive sella sit, qua mulier hujusmodi utatur; contactus ejus inquinat usque ad vesperam: 24. Si vir juxta eam dormierit, et ejus menstruis contactus fuerit, per septem dies cum ipse impurus est, tum lectus quoque, in quo cubat. — 25. Mulier cui cruor defluit complures dies, vel alieno a menstruis tempore, vel ultra illud, toto illo immundi fluxus tempore perinde ac menstruorum tempore impura est. 26. Lectus cui incubat, sella cui insidet, immunda sunt, quemadmodum tum, cum in mensibus est. 27. Qui alterutrum attigerit, inquinatur, abluat se et vestes suas, et impurus sit usque ad vesperam. 28. Postquam convaleuit ex illo fluxu, expectet adhuc septem dies, et tunc pura est. 29. Octavo die duos turtures et

duos columbarum pullos afferat ad sacerdotem ad introitum tabernaculi. 30. Is alterum faciat in sacrificium pro delicto, alterum in holocaustum, atque hac ratione explet eam apud Jovam propter fluxum ejus impurum. 31. Curate ut se separent Israelitæ propter immunditiam suam, ne morte afficiantur in impuritate sua, dum habitationem meam, quæ inter eos est, contaminant. — 32. Hæ sunt leges de fluxu seminis et de eo qui emisso semine genitali polluitur, 33. item de menstruis mulierum de profluvio viri aut foeminæ et de viro qui juxta immundam dormierit.

CAPUT XVI

Ritus die expiationis solenni observandi.

1. **P**ost mortem duorum Aaronis filiorum, quam sibi contraxerant cum Jovæ libarent, Jova cum Mo-
se his verbis locutus est: 2. Admone Aaronem fratrem tuum, ne quovis tempore sanctuarium intra-
sarium versus operculum, quod super arca est, in-
grediatur, ne morte pereat, quoniam in nube a) su-
per

- a) Plerique interpretes ex h. l. probant nubem, quam Ju-
dæi Schechinam vocare solent, symbolum præsentiæ divinæ,
arcæ fœderis perpetuo insedisse. Quod alii negant et sub
nube hæc fumum suffitus intelligunt, instar nubis ascen-
dens

per arca me conspiciendum præbebo. 3. Sed adiutum sibi paret sacrificio piaculari juvenci et holocausto arietis. 4. Tunicam lineam sacram induat, femoralibus lineis se vestiat, cingulum lineum sibi applicet et tiaram lineam *capiti* circumvolvât. Hæ sunt sacræ vestes, quibus se amiciat postquam antea corpus abluerit. 5. A coetu vero Israelitarum duos capros ad victimam piacularem et arietem unum ad solidum sacrificium accipiat. — 6. Primo sacrificium suum piaculari, juvencum, offerat, eoque se et domum suam expiet. 7. Deinde duos capros sistat coram Jova ad introitum tabernaculi conventus, 8. et sorte super eis jacta alteram *Jovæ*, alteram *Dimisso b)* inscribat. 9. Tum adducat caprum qui ex sorte *Jovæ* destinatus fuit, atque eo sacrificium piaculari faciat. 10. Alterum caprum sorte *dimisso* signatum, vivum sistat coram Jova, ut eum expiet et deinde libere dimittat in deserti pascua. — 11. Quo facto Aaron adducat juvencum victimam piaculari

dentem atque operculum obtegentem. Quibus et ego assentior, cum in versu 13. verbis clarissimis explicetur, quæ de nube sermo sit. De controversia super hac re agitata vid. *Simonis prælectt. in Antiquitt. Jud. Relandi.*

b) De hirco hoc e. rissario, uti vulgo dicitur, cf. dicta ad *Glossium* p. 678.

piacularem pro se ipso. 12. Tum thuribulum prunis ex altari divino plenum et suffiminis contusi plenos pugillos inferat intra siparium c). 13. et immittat suffitum in ignem coram Jova, ut nubes ejus tegat operculum super arca legis, ne moriatur. 14. Deinde sumat^d de sanguine jüvenci et spargat digito super operculo orientem versus, et ante illud, solum conspergat septies. 15. Tum mactet caprum piacularem pro populo et inferat sanguinem ejus intra siparium, atque *ibi* idem faciat cum eo, quod antea cum sanguine jüvenci, nimirum conspergat operculum et ante hoc *ejus solum*, 16. ut *hoc modo* expiet sanctuarium ab Israelitarum impuritatibus et peccatorum eorum defectionibus. Sic quoque faciet tentorio conventus, quod in media eorum immunditie fixum est. 17. Nemo autem sit in tentorio conventus, quando Aaron sanctuarium ingressus est ad expiandum. Quando autem se ipsum, domum suam et universum Israeliticum cœtum expiavit, 18. exeat ad aram Jovæ eamque expiet. Nimirum sanguine jüvenci et capri intingat ejus eminentias 19. et

c) Per se intelligitur, sacerdotem suffitum, cujus duos pugillos debebat secum inferre in sanctuarium præter thuribulum, non manibus tenuisse, sed ingessisse in vasculum, ex quo deinde, cum ingrediebatur, eum in acerram effudit.

19. et super ea digito suo spargat septies. Hac ratione mundabit et expiabit eam ab impuritatibus Israelitarum. 20. Perfecta expiatione sanctuarii, tabernaculi, et altaris, adducat caprum vivum, 21. et impositis ejus capiti ambabus manibus confiteatur omnia Israelitarum peccata et defectionum delicta. Imponat ea capiti hujus hirci, et dimittat eum per certum d) quendam virum in deserti pascua. 22. Sic ferat ille hircus eorum peccata in terram incultam, dimittatur in desertum. e) — 23. Tum veniat Aaron in tabernaculum conventus, et depositis vestibus lineis, quibus indutus fuit, cum Sanctuarium ingredere.

d) pro עֶרֶב legendum videtur עֶרֶב illius enim forma tantum h. l. obvia est contra analogiam. *ad o, ἐν χροί ἀνθρώπου τρώμεν.* Vulg. *per hominem paratum.* Sic quoque reliqui.

e) Quamquam Judæi multa nugentur de morte crudeli, qua hircus iste perierit, tamen fabulæ istæ a Christianis non nimis credulis (v. *Heinii Dissert. de Judæorum in rebus antiquitatis erroribus, in Dissertatt. ejus sacris p. 181.*) jure meritoque sunt repudiatae. Non ad mortem hircus iste dimissus est, sed ad libertatem. Expiatus fuit Jovæ secundum v. 10. et sic libertatem erat consecutus. Symbolum esse debebat populi Jovæ expiati et libertatem consecuti, cum alter Jovæ sacer ut sacrificium piaculare mactaretur v. 9.

deretur, eisque ibi relictis, 24. lavet se in loco sacro et vestimentis suis consuetis indutus exeat et faciat holocaustum suum et holocaustum populi, atque expiet se et populum. 25. Adipem vero victimæ hujus piacularis incendat super altari. — 26. Ille vero qui hircum dimissum abduxit, lavet se et vestimenta sua, et tum demum redeat in castra. 27. Juvenum et caprum piaculares, quorum sanguis in sanctuarium expiandi causa illatus fuit, efferantur extra castra, ibique pelles, caro et fimus eorum comburatur. 28. Qui ista combusserit, abluat se et vestes suas, et ita demum in castra redeat. — 29. Hoc institutum usus vobis sit perpetui. Decimo die mensis septimi jejunare debetis, atque ab omni labore abstinere, indigena æque ac peregrinus inter vos degens. 30. Hoc enim die *sacerdos* vos expiat, ut purgemini apud Deum ab omnibus vestris peccatis. 31. Hoc sabbato feriari debetis et jejunare æterno instituto. 32. Sacerdos qui ungetur, et qui in locum patris sui ad sacerdotium obeundum inaugurabitur, induat vestes lineas sacras, 33. atque expiet sanctuarium, tabernaculum conventus, altare, sacerdotes, et universum populi cœtum. 34. Lex hæc vobis æterna sit, ut Israelitæ ab omnibus peccatis suis semel quotannis expiantur. — Facta sunt omnia quæ Jova Moysi præceperat.

CAPUT XVII

*Prohibetur esus carnis, nisi in epulis sacrificialibus, et
ab omni omnino sanguine abstineri
jubetur.*

- P**orro Jova cum Mose his verbis collocutus est:
2. Hæc Aaroni et filiis ejus nec non omnibus Israelitis
nomine meo edicto: 3. Quicumque de Israelitis
mactarit pecus bovillum, ovillum, vel caprinum in
castris aut extra castra, 4. neque hoc in introitu
tabernaculi conventus tanquam sacrificium Jovæ ob-
tulerit ad ejus habitationem, eadem commississe re-
putabitur, supplicio propterea afficiendus a). 5.

Debent

- a) Plerique interpretes legem de sacrificiis intelligunt Jovæ
offerendis in altari tabernaculi recens extructi, cum an-
teæ Israelitæ, quocunque in loco eis placuisset, sacra fecis-
sent. Sed Ill. *Michaelis* in notis ad vers. germ. et in Jure
Mos. P. III. p. 167. existimat interdici omnem esum car-
nis pecoris bovilli et ovilli, nisi in epulis sacrificialibus,
atque consilium legislatoris fuisse prohibere occultam ido-
latriam, quæ utique, nisi cultus Jovæ sacer ad certum
locum esset restrictus, facile poterat exerceri; attamen re-
strictam fuisse hanc legem tantum ad tempus commora-
tionis in deserto; postquam enim Israelitæ ad terræ pro-
missæ fines pervenerant, Moses esum communem carnis
iterum concedit Deut. 12, 15, seqq. Quæ Viri Celeb. sen-
tentia inprimis hac lege firmari videtur. Nam id ipsum
quod Moses esum carnis quocunque in loco concedit, sub-
indicat, eum antea fuisse interdictum.

Debent enim Israelitæ victimas, quas in agris macerant, deferre ad tabernaculum conventus ad sacerdotem, atque ibi Jovæ sacrificia sua eucharistica macerare. 6. Quorum sanguinem sacerdos sparget super altari Jovæ sacro in introitu tabernaculi, atque adolebit adipem tanquam sacrificium Jovæ acceptum. 7. Non licitum sit eis deinceps immolare victimas suas satyris, quos turpi idololatriæ amore persequuntur. Lex hæc sit eis et eorum posteris perpetua. — 8. Porro eis dices: Quicumque de Israelitis, aut peregrinis inter eos commorantibus, obtulerit holocaustum aut *aliud* sacrificium, 9. neque hoc ad tabernaculum conventus detulerit, ut Jovæ immoletur, is excindatur e numero civium suorum. 10. Quicumque de Israelitis aut peregrinis inter eos sanguinem comederit, in hunc ego conversus tollam eum e medio populi sui. 11. Vita enim animalium in sanguine est, atque ego volo, ut hunc mihi in altari offeratis in ipsam vestram expiationem. Sanguis enim est quo vita hominis expiatur. 12. Propterea jubeo ut omnes omnino Israelitæ atque etiam peregrini inter eos viventes a sanguine abstineant. 13. Quodsi eorum aliquis venando ceperit feram, aut volucrem quem edere licet, sanguinem ejus in humum effluere faciat, et terra tegat. 14. Nam vita animantis in sanguine ejus est, propterea jubeo ut

Israe-

Israelitæ nullo omnino sanguine animalium vescantur. Quicumque comederit, pereat. 15. Quicumque morticinum aut discerptum gustaverit, sive indigena sive peregrinus, lavet se et vestimenta sua et immundus sit usque ad vesperam. 16. Quod, si non fecerit, poenas dabit.

CAPUT XVIII

Matrimonia quædam prohibentur, quæ inter Aegyptios et Cananaeos concedebantur.

Porro Jova jussit Mosen, 2. suo nomine his verbis cum Israelitis agere: Ego Jova sum Deus vester. 3. Ne Aegyptiorum, inter quos vixistis, aut Cananitarum, ad quorum terram vos duco, mores imitemini, neque eorum instituta observetis. 4. Meas leges tenete et ad has vitam vestram diligenter instituete. Ego Jova sum Deus vester. 5. Legum et institutorum meorum curiosa observatione vos, uti omnis qui ea fecerit, felices eritis. Ego sum Jova. 6. Nemo vestrum mulieris consanguinitate ei propinquæ verenda retegat a). Ego sum Jova.

- a) Non ingrediar in controversias super legibus Moſis matrimonialibus, quarum nec brevissimam enarrationem angustæ, quibus hæ notulæ circumscriptæ sunt, caperent. Data opera hoc argumentum pertractavit Ill. *Michælis* in libro cui titulum fecit: von den Ehegesetzen Moſis etc. cujus Epitomen dedit in Jure Moſ. P. II. §. 101. seqq.

va. 7. Verenda patris tui, hoc est, verenda matris tuæ ne retegās. Mater tua est. Absit, ut hoc facias. 8. Neque cum noverca tua hoc committas. Patris tui sunt verenda. 9. Sororis tuæ, sive ex patre sive ex matre, sive domi sive foris natæ *b)* verenda ne retegās. 10. Neptis tuæ, tum ex filio tum ex filia, verenda ne retegās, tua sunt verenda. 11. Filiæ novercæ tuæ a patre tuo genitæ verenda ne retegās. Soror tua est. 12. Amitæ tuæ verenda ne retegās. Patris tui consanguinea est. 13. Materteræ tuæ verenda ne retegās, matris tuæ consanguinea est. 14. Avunculi tui ex patre verenda ne retegās, hoc est, cum uxore ejus ne rem habeas. Amita tua est. 15. Nurus tuæ verenda ne retegās, filii tui uxor est. Absit ut hoc facias. 16. Uxoris fratris tui verenda ne retegās. Fratris tui sunt verenda. 17. Ne ineas mulierem et filiam ejus, nec neptem ejus, sive ex filio sive ex filia. Consanguineæ tuæ sunt. Incestus est. 18. Uxoris sororem ne in matrimonium ducas ad æmulationem ejus excitandam cum hac propter illam concumbens, illa vivente. 19. Ne rem habeas cum muliere quæ in mensibus est. 20. Cum alterius uxore ne concumbas

b) In textu legitur active מוֹלֶדֶת, sed passive legendum esse מוֹלֶדֶת probavit Michaelis in J. M. L. c. 5. 114. 115.

bas et polluaris. 21. E liberis tuis nullum in honorem Molochi per ignem trajicies, quo facto Deum tuum abnegares. Ego sum Jova. 22. Cum mare ne concumbas uti cum femina. Abominabile hoc est. 23. Neque concubitu cum animali te contamines. Neque mulier bestię se prostituat. Flagitium hoc est. 24. Ne ullo istorum vos inquinetis, quemadmodum fecerunt gentes, quas ego ante vos expello. 25. Terra fuit contaminata, puniam ejus scelera. Evomet suas incolas. 26. Leges et statuta mea diligenter observate, nec quidquam istorum scelerum committite, neque indigena, neque peregrinus, qui inter vos commoratur. 27. Ista enim flagitia omnia patrarunt incolę hujus terrę, qui vos antecesserunt, quibus turpiter polluta est. 28. Alias enim vos quoque terra evomet, si eam inquinatis, quemadmodum gentem evomuit, quę ante vos eam inhabitavit. 29. Quicumque ullum istorum scelerum admiserit, is e medio popularium suorum tollatur. 30. Diligenter igitur observate quę vobis observanda pręcepi, ita ut abstineatis a moribus istis turpissimis, qui antea *in terra ista* obtinuerunt, neque vos iis polluatis. Ego Jova sum Deus vester.

CAPUT XIX

*Leges variæ, de reverentia in parentes, de idolis, de sacrificiis eucharisticis, spicilegio et racematione, furto, mendacio, ju-
rejurando, justitia studio, amore erga alios, concubitu cum
serva, arboribus plantatis, tonsura, super-
stitione etc.*

1. 2. **H**æc quoque, inquit Jova ad Mosen, nomi-
ne meo omni Israelitarum coetui edicere debes:
Sancti estote, nam ego Jova Deus vester sanctus
sum. 3. Quisque matrem suam et patrem suum re-
vereatur, et sabbata mea servate. Ego Jova sum
Deus vester. 4. Ne vos convertatis ad idola, neque
simulacra Deorum fusa faciatis. Ego Jova sum Deus
vester. 5. Si sacrificium eucharisticum mihi offerre
vultis, ita hoc facite ut probemini. 6. Ipso sacrifi-
cii die et sequenti comedatur. Quod in tertium
diem reliquum est, igne comburatur. 7. Quodsi ta-
men tertio die comeditur, impurum habetur *hoc sa-
crificium*, neque acceptum est, 8. et qui de eo co-
mederit, culpam contrahit, nam quæ mihi sacra
erant, profanavit; excindatur propterea e populo
suo. — 9. Quando agrorum vestrorum messem fa-
cietis, non demetetis extremas eorum partes, nec
spicilegium habeatis. 10. Vineas non racemabitis,
neque acinos relictos colligetis. Pauperi hæc et pe-
regrino relinquire. Ego Jova Deus vester. —

11. Ne

11. Ne furemini, ne denegetis alteri *depositum suum*, nec alios decipiat. 12. Ne per nomen meum falso juretis et profanetis nomen Dei vestri. Ego Jova sum. 13. Ne alios vi opprimatis aut diripiat. Ne retineatis mercedem operarii in diem posterum. 14. Ne dicatis convicia surdo, ne ponatis cæco offendiculum. Revereamini Deum vestrum. Ego Jova sum. 15. In judiciis ne quid iniqui committatis, neque partibus pauperis favete, neque auctoritati potentioris assentamini. Ex æquo omnes judicate. — 16. Ne delatores sitis aliorum, nec in causa capitali nimis faciles vos præbeatis ad testimonium perhibendum. 17. Ne odio persequamini alios, arguite eos quominus et ipsi propter eos peccati rei fiat. 18. Ne vindictæ cupidi sitis, nec injuriæ ab aliis acceptæ memores; amate vos invicem. Ego Jova sum. 19. Servate præcepta mea. Non diversa genera pecoris vestri coire faciatis. Agros vestros non diversi generis semine conferatis, neque vestes duplicis materiæ ex lana et lino contextas a) induatis. 20. Si quis cum muliere concubue-

a) Hæc lex repetita legitur Deut. 22, 11. ubi explicatur, quid sit per לָאָה וּלְבָשׁוֹת intelligendum, lana nempe et linum. Sed quid מִצְוָה proprie significat? Missis variis virorum doctorum de hujus vocis origine sententiis ex lexicis facile cognoscendis, dicam tantum de Celeb. *Forsteri* expli-

cubuerit, quæ serva est, et qua alius pro lubitu utitur, *b*) nec tamen redempta nec libertate donata, vapulabunt ambo *c*), non supplicio afficientur, quoniam non manumissa fuerat. 21. Vir autem sacrificium pro delicto, arietem, Jovæ afferat ad tabernaculum conventus, 22. quo expiet sacerdos in loco sacro peccatum ab eo commissum, cujus etiam veniam impetrabit — 23. Quum in terram *promissam* perveneritis atque arbores frugiferas cujuscunque generis plantaveritis, primi earum fructus, tanquam præputium, impuri vobis videantur. Per tres annos ab esu horum fructuum abstineatis. 24. Quarto vero anno mihi consecrentur in conviviiis sacrificialibus, 25. quinto demum anno eos ipsi colligatis et comedatis. Ego Jova sum Deus vester. 26. Ne carne cum

catione, quam dedit in libro de Byssu antiquorum p. 92. Ibi probavit שמעוֹס vocem esse Aegyptiacam *Shonnes* et certum quoddam vestimenti genus notare, variantibus lane et lini liciis texti. Cujus usum Deus populo suo interdixerit, partim propter magnum harum vestium pretium, partim quoniam hujus generis vestes variis figuris animalium et plantarum pictæ fuissent ex cultu symbolico Deorum Aegyptiorum, ut Israelitæ ab illo cultu retinerentur.

b) Sic phrasin rariorem explicat *Schultensius* in *Animadv. philol.* ad h. l.

c) Sic *Vulgatus* recte; sequitur enim pluralis *non moriantur*. cf. *Micbaelis* in *J. M. P. V.* p. 50.

cum sanguine vescamini. Ne ex serpentibus, aut nubibus omina captetis. 27. Ne extremos capillos in orbem tondeatis, nec extremam barbæ partem radatis. 28. In funere carnem vestram ne incidatis, neque stigmata vobis insculpatis. Ego sum Jova. 29. Filiam tuam ad meretricandum ne prostituas, ne terra scortationibus et turpissimis sceleribus impleatur. 30. Sabbata mea servate et sanctuarium meum venerationemini. Ego sum Jova. 31. Ne vos convertatis ad ventriloquos, nec consulatis hariolos, quo facto vos contaminatis. Ego sum Jova Deus vester. 32. Seni assurgite et honorem exhibete pro reverentia mihi Deo vestro debita *d*). Ego sum Jova. 33. Peregrinos in terra vestra commorantes ne affligatis. 34. Sicuti indigenæ vobis videantur. Amate eos ut vos ipsos. Nam vos quoque peregrini fuistis in Aegypto. Ego Jova sum Deus vester. 35. In iudicio, in dimensione, in pondere, in mensura nullam admittite iniquitatem. 36. Trutina justa, pondere justo, modio justo et sextario justo utemini. Jova sum Deus vester, qui vos ex Aegypto eduxit. 37. Omni studio igitur servate leges et statuta mea. Ego sum Jova.

d) Deus enim infirmos senes viribus destitutos defendit.

Pœna divina idololatria et superstitioni dictæ. Supplicia incestus.

1. **U**lterius Jova cum Mose his verbis locutus est:
 2. Israelitis hæc edicto: Si quis vestrum, sive Israelita sive peregrinus, ullum ex liberis suis Molochō dederit *immolandum*, supplicio afficiatur. Homines illius loci *a)* lapidibus eum obruant. 3. Ego ipse iratus animadvertam in istum hominem, eumque e numero popularium suorum auferam, quoniam liberos suos Molochō tradidit atque hoc factō sanctuārium meum polluit, et nomen meum sanctum profanavit. 4. Quodsi vicini sceleri istius hominis coniveant, neque eum ad supplicium trahant: 5. ego ipse me in istum hominem et familiam ejus convertam, et tum ipsum, tum omnes qui ejus exemplo Molochum sectati sunt, excindam e populo suo. 6. Eos quoque, qui ventriloquos et hariolos superstitione consulunt, severe puniam atque ex suorum numero auferam. 7. Sanctos vos servate et tales semper vos gerite, ego enim Jova sum Deus vester. 8. Igitur servate instituta mea summo studio. Ego enim Jova volo ut mihi sacri sitis. 9. Qui patri aut matri

a) sc. ubi peccatum commissum fuerit. עַם הָאָרֶץ quod ex seqq. apparet.

tri maledixerit, interficiatur. Parentibus suis male est precatus. Mortis reus est. *b)* 10. Qui cum uxore alterius adulterium commiserit, morte afficiatur, tum adulter tum adultera. 11. Si quis cum noverca sua rem habuerit, verenda patris sui retexit, utrique supplicio afficiantur. Mortis rei sunt. 12. Si quis cum nuru sua concubuerit, utrique capite plectantur. Incestum commiserunt, mortis rei sunt. 13. Qui cum mare sicuti cum foemina concubuerit, utrique propter nefandum scelus moriantur. Rei sunt supplicii. 14. Qui præter filiam matrem quoque in matrimonium duxerit, flagitium turpissimum commisit, cujusmodi inter vos fieri non debet. Cum ille, tum alterutra ex illis igno comburantur. 15. Qui cum pecude rem habuerit, moriatur, atque animal quoque interficite. 16. Mulierem, quæ se pecudi prostituerit, occidite, atque etiam pecudem. Supplicio afficiantur. Poenas luunt promeritas. 17. Qui in matrimonium duxerit sororem suam, sive ex patre sive ex matre, et utrique rem inter se habuerint, incestus hic est. Tollantur e medio suorum. Verenda sororis suæ retexit. Luat poenam suam.

b) hebr. דָּמִיו בּוֹ Syrus דָּמָה עָלָיו *sanguis ejus super ipso.* et ὁ, ὁμοῦς ἔχει. Sic quoque Chaldaeus: *mori debet.* Alii: ipse mortis suæ causa est, sive, culpa sua perit.

suam. 18. Qui concubuerit cum muliere menstruali et verenda ejus retexerit, si ipsa consenserit, ambo auferantur e medio civium suorum. 19. Verenda tum amitæ tum materteræ ne retegās; *qui hoc fecerit*, cum consanguinea rem habuit. Poenas dabit. 20. Si quis cum patruī sui uxore coierit, patruī sui verenda retexit. Pœnam commeruerunt, sine liberis morientur. 21. Qui fratris sui mulierem duxerit, probrosum est matrimonium, verenda fratris sui retexit, improles erunt. 22. Servate leges et præcepta mea, eisque obtemperate, ne vos evomat terra ad cujus possessionem vos jam perduco. 23. Neque imitemini gentium instituta quas ante vos expello. Illarum enim pertæsus 24. vobis promisi hujus terræ, quam istæ possidebant, occupationem, terræ lacte et melle abundantis. Ego Jova sum Deus vester, qui vos ab aliis gentibus separavit. 25. Scernite quoque animalia pura ab impuris, aves impuras a puris. Ne vos contaminetis quadrupedibus, volucris, reptilibus, quæ vobis tanquam impura secrevi. 26. Sancti mihi sitis, quoniam ego Jova sanctus sum, vosque ut mei essetis ab aliis gentibus separavi. 27. Qui se ventriloquum aut hariolum jactet, sive vir sit, sive fœmina, supplicio afficiantur. Lapidibus eos obruant. Mortis rei sunt.

CAPUT XXI

*Leges de sacerdosum luctu, matrimonii, et corporis virili
quibus ad sacerdotium inepti ferent.*

Tum porro Jova Mosen jussit sacerdotibus Aaronis filiis præcipere quæ sequuntur: Nemo se in funere popularium suorum contamine, 2. nisi consanguinitate proximorum, *videlicet* matris, patris, filii, filiæ et fratris. 3. Sororis quoque germanæ, si virgo sit, quæ virum non habuerit. In hujus funere se contamine. 4. In funere principis populi sui non se polluat aut profanet *a*). 5. Non calvitiem

a) Verba textus sic habent: **לֹא יִטְמָא בְּעַלְּוֹ לְהַחֲלוֹ** in quibus vertendis interpretes valde dissentiunt. *Alii*: non se polluat princeps in populo suo, ut se profanet. Sic ex antiquis Onkelos et uterque Arabs, quos multi recentiores sequuntur. At enim vero non dantur h. l. leges principi, sed sacerdotibus. Ill. *Michaelis* ad hanc objectionem evitandam, explicat principem populi de summo pontifice: ausser diesen Fällen aber soll er, das Haupt seines Volks, sich nicht verunreinigen und dadurch sein Volk entweihen. Sed dura videtur ellipsis verborum: *præter hoc casus*, de qua Vir Cel. lectores suos non admonuit, quanquam in textu non extant. Neque de summo pontifice h. l. sermo est, uti versu 10, sed de quovis sacerdote. — *Alii* **בְּעַלְּוֹ** per *maritum* explicant, ut sensus sit: non licere sacerdoti pollui funere uxoris suæ. Quem sen-

Ee 4

sum

tiem inducant capiti suo; extrema barbæ non tondeant, neque incisuras carni suæ faciant. 6. Sancti sint Deo suo, nec profanent ejus nomen. Offerunt enim sacrificia Jovæ, cibos ejus, igitur sancti sint. 7. Mulierem meretricem aut vitiatam non ducant in matrimonium, neque a viro repudiatam. Deo enim suo sunt consecrati. 8. Et vos quoque eos sanctos habetote, nam panem Dei vestri apponunt. *b)*

Sancti

sum alii negant esse posse, quoniam conceditur luctus propter fratrem et sororem, quidni et propter uxorem quæ ei propinquior est fratre et sorore? — Equidem verti ex lectione antiquiorum quorundam interpretum, levissima nempe trajectione *אֲנִי בְעַל* ante *עַמִּי* quod præmittunt *אֲנִי בְעַל*. Sic Vulgatus: *sed nec in principe populi sui contaminabitur*, et Syrus: *לֹא נִתְטַמָּא בְּרֶבָא* לא נִתְטַמָּא בְּרֶבָא *non polluitur in principe populi sui, ne se contaminet*. Versio græca habet: *ὅτι μὴ αὐτοὺς ἑξαπῶς ἐν τῷ λαῷ αὐτοῦ, ἀλλ' ἐν βεβήλῳ αὐτοῦ, non subito polluitur in populo suo, ad quam Cappellus (in notis criticis) ingeniose conjectat interpretem legisse בעגל quod syriace est subito, in N. T. saepe obvium et arabice etiam عجل est festinare, et sensum esse non incommodum: non temere et levi de causa sacerdotem polluere se debere funere alicujus, sed certis duntaxat in casibus, qui hic enumerantur, ut ἑξαπῶς idem hic sit quod ἐν τυχόρῳ. — Judicent alii. cf. Hubigantius in nota ad h. l.*

b) De panibus appositivis plerique explicant. Potest tamen quoque de sacrificiis accipi, ut in v. 6.

Sancti vobis sint, quoniam ego Jova sanctus sum, qui vos mihi consecravi. 9. Filia sacerdotis cum scortata fuerit, dehonestat patrem suum, igne comburatur, 10. Pontifex autem fratrum suorum natu maximus, qui unctus, initiatus et *sacris* vestibus indutus est, caput suum non tondeat, nec vestes suas laceret. 11. Nec omnino funeri intersit. Ne in funere quidem patris aut matris sese contamine. 12. E Dei sui sanctuario non egrediatur, ne illud profanet; nam diadema et oleum unctionis Dei est super eo. c). Ego sum Jova. 13. Uxorem ducat quæ virgo sit. 14. Viduam aut repudiatam, aut vitiatam, aut meretricem ne ducat, sed virginem popularem matrimonio sibi jungat. 15. Nec posteros suos in populo suo dehonestet. Nam Jova sum, qui eum *mihi* consecravi. — 16. Porro Jova Moſen jussit ut Aaroni diceret: 17. Nemo posterorum tuorum, qui vitio *corporis* sit affectus, accedat ad sacrificia Deo offerenda. 18. Quicumque vitio aliquo laboret, sive coecus sit, sive claudus, sive mutilus sit, sive membris justo longioribus, 19. sive pedem aut manum fractam habeat, 20. sive gibbosus sit, sive nimis gracilis, sive albuginem habeat in oculo, sive sca-

bie

c) Post diadematis (712) impositionem ungebatur. cf. Exod.

29, 6. 7.

bio et impetigine sit infectus, sive in testiculo confusus. 21. Nemo, inquam, posteriorum Aaronis qui ullo vitio est affectus, sacrificia mihi offerat. Non potest talis admitti ad hujus generis ministeria. 22. Licitum tamen est eum vesci oblationibus sanctissimis et sanctis *d*). 23. Tantum intra siparium ne ingrediatur, neque ad altare accedat, quia vitio laborat, neque profanet quæ ego sacra esse volo. — 24. Retulit Moyses hæc omnia ad Aaronem, ejus filios et Israelitas.

CAPUT XXII

Leges de puritate sacerdotum sacro cibo vescientium. De iis, quibus præter sacerdotes rebus sacris vesci liceat. De vitiis victimarum.

1. **P**orro Jova cum Mose his verbis est locutus: 2. Dico Aaroni ejusque filiis, ut *certis temporibus* sese abstineant ab eis, quæ Israelitæ mihi consecraverunt, ne nomen meum sanctum profanent. Ego sum Jova: 3. Dico eis: quicumque ex posteris vestris pollutus accēsserit ad ea, quæ Israelitæ mihi consecraverunt, is tollatur e conspectu meo. Ego sum Jova.

d) Sub illis partes victimarum, panes sacri, donaria farrea intelliguntur, quæ sacerdotes tantum in loco sacro comdebant; sub his decimæ et primitiæ, quibus et alii præter sacerdotes vesci poterant.

va. 4. Quicumque de posteris Aarōnis leprosus est, aut fluxu feminis laborat, is non comedat de rebus sacris, donec mundus fuerit. Nec qui rem cadaveris re contaminatam attigerit, aut ex quo semen fluxerit. 5. Nec qui tactu reptilis animalis immundus factus sit, aut in homine quacunque de causa immundo sese contaminarit: 6. Is immundus sit usque ad vesperam, nec licet ei vesci rebus sacris, nisi aqua se abluerit. 7. Post occasum autem solis mundus erit, et ita demum vescatur rebus sacris, victu ei destinato. 8. Morticino aut discerpto ne se inquinet. Ego sum Jova. 9. Servent praecepta mea, a) ne culpam contrahant et morte pleantur propter aliquam eorum profanationem. Ego Jova volo ut sancti sint. 10. Nullus peregrinus, si quoque sacerdotis inquilinus sit, aut mercenarius, comedat de rebus sacris. 11. Sed servus vel a sacerdote emtus, vel verna hoc ejus victu vescantur. 12. Filia sacerdotis homini peregrino nupta de fertis sacris non comedat. 13. Vidua vero facta, aut repudiata et liberorum expers,

si

a) מִשְׁמֶרֶת nonnulli interpretes explicant de *sanctuario* custodiendo a sacerdotibus, quod alias מִקְדָּשׁ dicitur. Alii de oblationibus s. fertis, ex contextu. Equidem malim de omnibus praeceptis sacerdoti observandis intelligere. Dicitur enim מִשְׁמֶרֶת in genere quoque de praeceptis omnibus Israelitis etiam servandis Cap. 18, 30.

si redit ad domum paternam, quemadmodum in juventute sua ibi fuit, vescatur victu paterno, non vero peregrinus. 14. Qui per errorem cibum sacrum gustarit, restituat eum sacerdoti quinta parte superaddita. 15. Ne profanent sacras Israelitarum oblationes, quas mihi offerunt. 16. Neque illos ad peccandum seducant, quando sacra sua edunt. Ego Jova sum, qui eos sacros esse volo. — 17. Porro Jova jussit, 18. ut Moses Aaroni et filiis ejus et omnibus Israelitis hæc ediceret: Si quis vel Israelita vel inter Israelitas peregrinus munus Jovæ offerre velit, sive ex voto, sive voluntarie, quod sit holocaustum, 19. ita sit comparatum ut favorem vobis conciliet; integrum sit, masculum, aut bovillum, aut ovillum, aut caprinum. 20. Nullum offeratis quod vitio laboret, alioquin minus grati eritis Deo. 21. Si quis sacrificium eucharisticum Jovæ facere velit, sive ex voto, sive sua sponte, bovillum sit, aut ovillum, aut caprinum, integrum sit necesse est, si probari debeat, sine ullo vitio. 22. Cæcum, aut læsum, aut mutilatum, myrmeciis affectum, scabiosum, aut impetiginosum, nequaquam Deo offeratis, aut hujusmodi sacrificium in altari Jovæ immoletis. 23. Bovem, ovem et capram membro corporis vel longiores, vel breviores, ut sacrificium voluntarium offerre licet, ut votivum minus gratum erit.

erit. 24. Pecus, cui testiculi aut compressi, aut contusi, aut abrupti, aut excisi sunt, Jovæ ne offeratis; nec omnino animalia in terra vestra castratis *b*).

25. Ne a peregrino quidem hujusmodi sacrificium Deo vestro offerendum accipiat: Corruptio enim ejus facit illud vitiosum. *Eorum oblatione* Deo non placebitis. — 26. Porro Jova Moysi dixit: 27. Bos,

ovis, capra, quum nata fuerit per septem dies matri subrumetur, atque ab octavo die et deinceps gratum erit mihi sacrificium. 28. De iisdem generibus matrem et pullum suum ne eodem die mactetis.

29. Si sacrificium eucharisticum mihi facitis, ita hoc agite, ut mihi probemini. 30. Eodem die comedatur, nihil in sequentem diem relinquit.

Ego sum Jova. 31. Diligenter servate præcepta mea. Ego sum Jova. 32. Ne profanetis nomen meum sanctum. Volo inter vos sancte coli. Ego Jova sum, qui vos mihi sanctificavi. 33.

Eduxi vos ex Aegypto, ut me tanquam Deum vestrum veneremini. Ego sum Jova.

b) De hac lege vid. *Michaelis* in *Jure Mos.* P. III. p. 139.

CAPUT XXIII

*De diebus festis anniversariis, Paschate, festo primitiarum,
festo buccinarum, die expiationis, et festo
tabernaculorum.*

- P**orro Jova cum Mose hunc in modum est locutus.
1. Dicitō Israelitis: Festa Jovæ, quæ solenni ritu indicetis, sunt sequentia: 3. Sex diebus fiat opus, septimo autem die sabbatum est quietis, solennitas sacra, qua ab omni labore vobis abstinendum est. Sabbatum hoc est Jovæ *sacrum*, per totam terram vestram *celebrandum*. 4. Hæc sunt festa Jovæ, faceri conventus, statis temporibus a vobis indicendi.
 5. Quarto decimo die primi mensis circa vesperam Pascha est Jovæ celebrandum. 6. Quinto decimo ejusdem mensis festum azymorum *incipit*, quo per septem dies panibus sine fermento vescamini. 7. Horum dierum primo sacrum conventum habeatis, nec ullum opus servile agatis. 8. Per septem illos dies sacrificia Jovæ imoletis, ultimo vero horum dierum iterum conventus facer sit, nec labores ulli suscipiantur. — 9. Item Jova Mosen jussit, 10. hæc quoque Israelitis edicere: Cum veneritis in terram quam vobis daturus sum, messis vestræ manipulum primitiarum ad sacerdotem afferte, 11. qui eum ante Jovam porriciat ad favorem vobis conciliandum. Postridie sabbati hoc faciat. 12. Eodem

dem die quo manipulum porriticis, facietis quoque Jovæ holocaustum agno integro anniculo. 13. Item ferto, quod constet duabus decimis similaginis oleo permistæ, Jovæ in odorem suavem adolendæ, una cum libamine vini, quarta parte Hinis. 14. Pane, aut spicis tostis, aut viridibus vesci vobis non licet usque ad ipsum illum diem, quo Deo vestro ferto hoc obtulistis. Lex hæc sit a posteris vestris in perpetuum observanda per totam terram vestram. —

15. Postridie illius sabbati, quo manipulum porriciendum obtulistis, numerate septem hebdomadas integras, 16. usque ad posterum diem septimæ hebdomadis, dies nimirum quinquaginta, tum Jovæ novum ferto libabitis. 17. Ex domiciliis vestris offeretis duos panes porriciendos, ex duabus decimis similaginis, addito fermento. Quæ sunt Jovæ primitiæ. 18. Præter panes illos immolabitis septem agnos integros anniculos, juvenum unum et arietes duos in sacrificium solidum, cum fertis suis et libaminibus in suavem odorem Jovæ. 19. Porro offeretis hoedum caprinum, sacrificium piaculare et duos agnos anniculos, sacrificium eucharisticum. 20. Porriciet sacerdos eæ Jovæ cum panibus primitiarum, quæ, ut et agni duo Jovæ consecrati, sint sacerdotis. 21. Hoc ipso die indicetis sacrum con-

ven-

ventum atque omnes labores sint prohibiti. Lex hæc sit vobis per omnes ætates in terra vestra observanda. 22. Cum messem facietis extremas agrorum vestrorum partes ne demetatis, nec spicilegium habeatis. Pauperi hæc et peregrino relinquire. Jovæ sum Deus vester. ^{a)} 23. Porro Jovæ Moſen hæc Israëlitis dicere jussit: 24. primus dies mensis septimi sabbatum vobis sit, dies festus quo tuba clangatur et sacer conventus indicatur. 25. Ab omni labore abſtinete et sacrificia Jovæ offerre. 26. In primis vero, inquit Jovæ Moſi: 27. decimo die septimi hujus mensis (qui est dies expiationis) sacrum conventum indicatis, jejunetis et Jovæ sacrificia immoletis. 28. Nulla prorsus negotia hoc die suscipiatis. Dies est, quo Jovæ Deo vestro expiæmini. 29. Qui eo die non jejunaverit, tollatur e medio popularium suorum. 30. Qui vero eo die laborem peregerit, hunc ego ipse perdam. 31. Omnis omnino labor prohibitus sit. Lex hæc sit in terra vestra perpetuo observanda. 32. Sabbatum quietis sit vobis dies ille, quo jejunetis, nono die illius mensis a vespera usque ad vesperam *sequentis diei*. — 33. Porro Jovæ Moſen hæc Israëlitis edicere jussit: 34. Quinto decimo die mensis septimi est festum tabernaculorum per septem dies

Jovæ

^{a)} cf. Cap. 19, 9.

Jovæ celebrandum: 35. Quorum primo facer conventus habeatur labore omni intermisso. 36. Septem diebus sacrificia Deo offeratis, octavo die facer conventus indicatur et Jovæ victimas immoletis. Feriæ sunt, cessent omnis generis labores. 37. Hæc sunt festa Jovæ, quæ tanquam solennes conventus proclametis, quibus sacrificia Jovæ offeratis, holocausta, ferta, victimas et libamina, suis quæque diebus, 38. præter sabbata Jovæ et præter alia donatum votiva tum voluntaria. 39. Inprimis vero quinto decimo die mensis septimi, postquam omnes terræ fruges collegistis, festum Jovæ celebrate per septiduum. Primus et octavus horum dierum sunt sabbata. 40. Primo die adhibete mala citria, palmarum ramos, frondesque densarum arborum salicumque fluvialium, atque hilares celebrate festum in honorem Jovæ per septem dies. 41. Quotannis hæc solennitas a vobis peragatur, perpetua lege posteris vestris tradenda, mense septimo. 42. In umbraculis omnes Israelitæ indigenæ septem dies degant, 43. ut posterī vestri sciant habitasse Israelitas sub umbraculis, cum eos ex Aegypto educerem. Ego sum Jova Deus vester. 44. Moses igitur indicavit Israelitis hos dies festos Jovæ celebrandos.

CAPUT XXIV

De oleo ab Israelitis ad lucernas sacras conferendo. De panibus appositis singulis sabbatis renovandis. De blasphemia puniendi ex enunciazione nominis Jovæ interdicta.

1. **P**orro Jovæ Moysi dixit: 2. Præcipe Israelitis ut tibi offerant oleum purum ex olivis expressum pro candelabro ^{a)} ad lucernas perpetuo alendas, 3. quas Aaron extra siparium legi prætensum in tabernaculo conventus instruat semper a vespera usque ad mane coram Jovæ. Perpetuum hoc sit institutum apud posteros vestros. 4. In aureo candelabro statuatur has lucernas coram Jovæ quotidie. — 5. Item ex similagine coques duodecim placentas, singulas ex binis decimis. 6. Easque repones strue duplici, senas in strue, super mensa aurea coram Jovæ. 7. Adde super quaque strue thus purum. Quæ panis loco sint et sacrificium Jovæ. 8. Singulis sabbatis reponat Aaron panes illos coram Jovæ, ab Israelitis ex perpetua lege curandos. 9. Qui sint deinde Aaronis et filiorum ejus comedendi ab eis in loco sacro. Res enim hæc est sanctissima, quam ex sacrificiis Jovæ percipit ritu sempiterno. — 10. Tum accidit, ut homo quidam, qui matrem Israeliticam, patrem vero Aegyptium haberet et inter Israelitas degeret, tum
Israe-

a) cf. Exod. 27, 20.

Israelita in castris contenderet. 11. Filius mulieris istius Israeliticæ, cujus nomen fuit Schelomit, filia Tibri e tribu Danitica, nomen *b)* cum conviciis pronuntiavit. Deduxerunt eum ad Moſen, 12. et ſervarunt in cuſtodia ut Dei voluntatem hac de re reſciſcerent. 13. Tunc juſſit Jova Moſen, 14. educere convitiatorem extra caſtra, imponere omnes qui *blaſphemias ejus* audierint manus ejus capiti, et lapidibus eum obruere omnes qui aſſeſſent. 15. Præterea Iſraelitis Moſes has leges promulgare debebat: Quicumque Deo ſuo maledixerit, poenam luat. 16. Qui nomen Jovæ enuntiavit, morte afficiatur, lapidetur ab univerſo coetn, peregrinus æque ac indigena. 17. Qui hominem interfecerit, moriatur. 18. Qui animal occiderit, reſtituat illud, animal pro animali. 19. Qui alterum in corpore læſerit, idem ei fiat, quod fecerit alteri. 20. Vulnus pro vulnere, oculus pro oculo, dens pro dente, idem vitium quod alteri intulerit, ei inferatur. 21. Qui beſtiam occiderit, mulctabitur, qui hominem, ſupplicio afficietur. 22. Idem jus inter vos obtineat cum erga peregrinum, tum erga indigenam. Ego ſum Jova Deus veſter. — 23. Tum Moſes juſſit ut Iſraelitæ educerent convitiatorem extra caſtra et lapidarent. Quod etiam fecerunt.

Ff 2

CAPUT

b) ſcil. Jova, כִּשְׁמִי κατ' ἰσχυρῶν.

CAPUT XXV

De anno sabbatico et Jubilæo quinquagesimo quoque anno celebrando.

Item Jova cum Mose in monte Sinai sic est locutus: 2. Dicitis Israelitis: si perveneritis in terram, quam vobis daturus sum, sabbatum agat ipsa terra in mei honorem. 3. Sex annis agros vestros conferetis, sex annis vites amputetis et earum fructus percipiat. 4. Septimo autem anno quiescat terra, sabbatum mihi agat, agros non feratis, nec vites putetis. 5. Messum sponte natam non metetis, nec uvas vineæ non putatæ vindemiabitis. Annum quietis habeat terra. 6. Hoc terræ sabbato *proventus spontaneo* vescamini, vos servi et ancillæ vestræ, mercenarii, peregrini omnes apud vos commorantes. 7. Petus vestrum et feræ agrestes victum habeant ex illo *proventus terræ spontaneo*. 8. Peraclis septem sabbatorum annis, qui efficiunt undequinquaginta, 9. tuba canatur decimo die mensis septimi, qui est dies expiationum, per totam terram vestram. 10. Quo consecretis annum quinquagesimum, atque omnibus terræ incolis libertatem indicatis. Annus hic est jubilæus, quo quisque vestrum in possessionem et familiam suam reveniat. 11. Hoc anno jubileo, quinquagesimo nimirum, non feretis, non metetis sponte natum, nec vindemiabitis uvas non putatas. 12.

Sanctus

Sanctus vobis sit hic annus jubilæus; proventu vero agrorum *spontaneo* vescamini. 13. Hoc anno quisque ad possessiones suas redeat. 14. Quodsi igitur vendatis aut ematis, ne damnis vos invicem afficiatis. 15. Pro numero annorum, qui post Jubilæum effluxerunt, emite alter ab altero et proventum annorum secundum eundem numerum vendite. 16. Pro multitudine horum annorum vel pretium augete, vel pro paucitate eorum minuite; nam proventum numerus venditur. 17. Igitur nolite vos invicem damno afficere, revereamini Deum vestrum, quia ego sum Jova. 18. Obtemperate institutis meis, diligenter servate jura mea, ita enim secure vivetis in terra. 19. Hæc vero edet fructus suos, ut abunde habeatis quod edatis, et tuto eam inhabitabitis. 20. Quodsi quæritis: quid edemus anno septimo, si nec sementem fecerimus, nec proventus perceperimus? 21. promitto, me tantam anno sexto fertilitatem largitulum esse, ut proventum in triennium edat. 22. Igitur feretis anno octavo et vescemini adhuc proventu veteri usque ad proventum anni noni. — 23. Terra ne in perpetuum vendatur, mea enim est, et vos peregrini tantum et coloni mei estis. 24. Igitur in tota terra, quam possidetis, jus redemptionis locum habeat. 25. Si popularis tuus præ paupertate vendiderit partem fundi sui, consanguineus

neus ejus jus redimendi habeat. 26. Quodsi quis non habeat consanguineum, et ipse sibi acquisiverit, quantum ad redemptionem sufficiat, 27. subductis venditionis annis, reliquum restituat emtori et redeat ad possessionem fundi sui. 28. Si verò tantum acquirere non potuerit, quantum ad restituendum satis est, manet fundus venditus emtori usque ad annum jubilæum, quo *hic fundum* cedit, ille vero ad possessionem ejus redit. 29. Si quis vendiderit domum in oppido moenibus cincto, habet jus redimendi usque ad finem anni quo vendita fuit. 30. Quodsi non redimitur ante elapsum annum, manet hæc domus in oppido murato in perpetuum emtori et posteris ejus, non egreditur *ea* anno jubilæo. 31. At pagorum domus, qua muris circumdatæ non sunt, habentur ut agri. Jus redemptionis in eis locum habet, exit *emtor* anno jubilæo. — 32. Domus in urbibus Levitarum jus redimendi habent in perpetuum. 33. Sed si, qui redemerit, sit de Levitis, perit sc. cessat jus domus venditæ in urbe (sc. urbis) quam Levitæ possident anno jubilæo *a*). Domus enim urbium.

a) Versus est paullo difficilior, in quo interpretes antiquiores et recentiores dissentiunt, tum quoad lectionem, tum quoad sensum. Vulgatus quidem addit *ל* ante *ל* quod

bium Leviticarum peculium eorum sunt inter Israe-
litas. 34. Nec agri eorum suburbani vendi pos-
sunt, perpetuæ sunt eorum possessiones. 35. Si
quis popularium vestrorum ad paupertatem redactus
opem vestram implorat, juvate eum ut peregrinum
et

quod tamen reliqui non habent, et *וי* pro *ויער* lege-
runt *ויער*. Utramque lectionem *Hubigantius* recepit in
versionem suam in hunc modum: *Quare aliquam domum
si quis Levita non redemerit, irrita erit in Jubilæo vendi-
tio domus ejus quæ in urbe est de possessione illius.* Qui
sensus mihi non probatur, quoniam durior lex videtur,
quod etiam sine redemptione Levita in possessionem domus
venditæ anno Jubilæo sit restitutus. Igitur nolim ex au-
thoritate unius interpretis *ו* textui intrudere. Sed *Vau*
ante *ויער* non admittit explicationem, quoniam non de
venditione et redemptione urbis sed domus sermo est. Igi-
tur legendum arbitror *ויער* secundum versionem græ-
cam. Videtur vero accuratior in hoc versu esse determi-
natio et explicatio legis in versu 32. latæ. *Jus* nempe red-
imendi in urbibus Levitarum etiam tantum competere
Levitis, non aliis, addita ratione, quod præter istas do-
mos in illis urbibus alias non haberent possessiones. Quod
ad constructionem verborum attinet, vocabulum *ויער*
refero ad subjectum hujus versus, *qui de Levitis est*, h. e.
Levita, et lectione versionis græcæ admissa nullam video
in reliquis difficultatem.

et advenam qui apud vos vivit. 36. Ne sumatis ab eo foenus aut usuram, timete Deum vestram. Vivat popularis vester inter vos. 37. Pecuniam ei non mutuemini in usuram, nec victum in foenus. 38. Jova ego sum Deus vester, qui vos ex Aegypto eduxi, ut terram Cananæam vobis darem et vos me tanquam Deum vestrum colatis. — 39. Si quis popularium vestrorum præ paupertate vobis venditus fuerit, nolite eum ut servum tractare: 40. ut mercenarium *aut* advenam eum habete, vobisque usque ad annum jubilæum serviat. 41. Tum vero a vobis discedat una cum liberis suis, atque iterum redeat ad cognationem suam patriamque possessionem. 42. Sunt enim mei servi, quos ex Aegypto eduxi, ne vendantur more servili. 43. Non impetis eis severe, timete Deum vestrum. 44. Servos et ancillas, quibus in *perpetuum* utamini, emite a gentibus finitimis, 45. aut ab advenis peregrinis inter vos commorantibus, aut ab eorum familiis, in terra vestra natos. Hi sint vobis tanquam peculium, 46. hos eadem ratione hereditate relinquatis filiis vestris, his in perpetuum tanquam servis utamini, popularibus vero vestris Israelitis ne severius impetitis. — 47. Si peregrinus aut advena inter vos ad opes pervenerit, eique sive quoque alii ex familia peregrina oriundo popularis tutus ad paupertatem reductus venditus

ditus fuerit: 48. jus redemptionis locum habet. Potest eum aliquis ex consanguineis ejus redimere, 49. sive patruus, sive patruelis, sive alius de propinquitate ejus aut cognatione. Ipse quoque facultatem forte nactus, potest sese redimere. 50. Tunc rationes subducatur cum emptore suo ab anno quo venditus ei fuerit usque ad annum jubilæum, et pecunia, qua venditus fuerit, dividatur in annos *quos servit*; eadem enim conditione qua mercenarius apud ipsum fuit. 51. Si complures anni supersunt, secundum numerum illorum restituere debet de summa, qua emptus fuit. 52. Si pauci restant, usque ad annum jubilæum pretium redemptionis respondeat numero istorum annorum, 53. ut mercenarius in annos singulos apud eum sit, ne permittatis ut durius eum tractet. 54. Si his conditionibus redemptus non fuerit, anno jubilæo una cum liberis suis libertatem consequitur. 55. Etenim Israelitæ mei servi sunt, quos ex Aegypto eduxi. Ego Jova Deus vester.

CAPUT XXVI

De idololatria vitanda, et studio erga legem divinam.

*Promissiones obedientiæ, comminationes
inobedientiæ dista.*

1. **N**e faciatis vobis idola aut simulacra, nec statuas vobis erigite, nec lapides figuris inscriptos in

Ff 5

terra

terra vestra ponite, ut eos adoretis. Ego Jova sum Deus vester. 2. Servate sabbata mea, sanctuarium meum reveremini. Ego Jova sum. — 3. Si ex legibus meis vivitis et præceptis meis obtemperatis atque ea exsequimini: 4. dabo vobis pluviam tempestivam, terra edet proventum suum et arbores erunt fructuosæ. 5. Tritura pertinet usque ad sementem. Vistum abundabit et terram vestram tuto incoletis. 6. Pacem vobis dabo, ut nihil sit quod quietem vestram perturbet: arcebo fera animalia a terra vestra, nec gladius *hostilis* eam pervadat. 7. Persequemini hostes, et cadent gladio vestro. 8. Quinque vestrum centum et centum decem millia persequentur et gladio periment. 9. Ad vos respiciam, secundabo vos et multiplicabo, implebo fœderis, quod mihi vobiscum intercedit, conditiones. 10. Comeditis fruges veteres, eosque *ex horreis vestris* efferetis, ut locum faciatis novis. 11. Habitabo inter vos, nec vos repudiabo. 12. Inter vos versabor, ero Deus vester et vos meus populus. 13. Ego Jova sum Deus vester, qui vos ex Aegyptiorum terra eduksi, ne eis serviretis. Fregi vestes jugi vestri, atque effeci ut erecti incedere possetis. — 14. Quodsi mihi non obtemperaveritis, nec jussa mea executi fueritis; 15. si instituta mea negligentes, jura spernentes, contemnentes

præ-

præcepta, fœdus, quod mihi vobiscum intercedit, violaveritis: 16. ego simili modo vobiscum agam. Puniam vos terrore immisso, phthisi, febri ardente, quæ oculos conficiant et animum excrucient. Frustra sementem facietis, hostes eam confument. 17. Ira mea in vos conversa cademini ab hostibus vestris. Imperabunt vobis inimici vestri, fugietis nemine persequente. 18. Quodsi ne sic quidem mihi obtemperabitis, angebo peccatorum vestrorum pœnam septuplo. 19. Frangam pertinaciæ vestræ superbiam. Efficiam, ut cœlum ferreum vobis sit et terra ænea. 20. In cassum laborabitis, non dabit terra vestra proventum, nec arbores edent fructum. 21. Quodsi tunc quoque mihi adversantes obedire rennetis, pergam vos plagis conficere septuplo peccatis vestris gravioribus. 22. Immittam in vos feras agrestes, quæ vos orbabunt, perdent pecora vestra, et vos ita diminuent, ut viæ vestræ sint desolatæ. 23. Quodsi ne sic quidem emendati mihi tamen adversamini, 24. ego quoque vobis adversabor, clade vos adficiam septuplo sceleribus vestris graviore. 25. Bellum contra vos concitabo, quo ulciscar fœdus violatum. In oppida vestra cogemini et peste a me immissa in hostium venietis potestatem. 26. Subtrahito vobis panis præsidio decem mulieres in uno furno panem coquent; quem si ad pondus

pondus retulerint, comedetis, nec tamen fatiabimini. *a)* — 27. Quodsi neque tunc mihi morem geretis, sed potius adversabimini, 28. ego quoque vobis iratus adversabor et pœnas vobis irrogabo vestris sceleribus septuplo graviore. 29. Comedetis carnem filiorum et filiarum vestrarum. 30. Destruam loca excelsa, evertam statuas solares et vestra cadavera rideribus idolorum vestrorum injiciam, vos repudiabo. 31. Urbes vestras vastabo, sacraria excindam, nec sacrificiis vestris favebo. 32. Adeo terram vastabo, ut ipsi hostes, ejus incolæ, obstupescant. 33. Vos vero inter gentes dispergam, atque ibi quoque stricto gladio persequar. Sic erit terra vestra vastata, oppida destructa. 34. Tunc fruetur terra sabbatis suis, quamdiu vastata est, et vos inter hostes vestros vivitis, tunc feriabitur et fruetur suis sabbatis. *b)* 35. Feriabitur, inquam, tota

a) Tanta erit hominum penuria, ut decem familiis unus furnus sufficiat, et tanta panis inopia, ut portiones ad pondus distribuantur.

b) In hoc et sequenti versu Deus haud obscure prædicit, legem de anno sabbatico sive quietis, septimo quoque anno, Cap. 35, 2. seqq. mox ab Israelitis neglectum iri. Quod ex collatione loci 2 Paral. 36, 21. sub Saulo factum esse, probabiliter colligit Ill. *Michaelis* sub finem commentationis de anno sabbatico, quæ legitur in *Comment.*

Socie-

toto illo vastitatis tempore; si quidem non licuit ei feriri sabbatis vestris, dum vos eam incoluistis. 36. Reliquis vestrum tantam animi timiditatem immittam in terra hostium suorum, ut strepitus folii volitantis eos fuget; fugiant gladium *hostilem* et cadent nemine persequente. 37. Impingent alii in alios quasi gladium fugerent, cum tamen nemo eos persequitur. Hostibus vestris resistere non poteritis. 38. Peribitis inter gentes, terra hostium, vestrorum vos consumet. 39. Reliqui vestrum contabescunt propter peccata sua in terra hostili, atque adeo propter peccata patrum lente confumentur. — 40. Tum suam et majorum suorum culpam confitebuntur, quod a me defecerint atque adeo mihi adversari ausi fuerint. 41. (*quo facto* ego quoque eis resistam et in hostium suorum terram deportabo.) Sed tunc deprimetur animus eorum pertinax e), tunc luent peccatorum suorum culpam. 42. Ego vero memor ero fœderis cum Jacobo, Isaaco et Arahamo initi, imo ipsius terræ memor ero, 43. quæ ab eis derelicta sabbatis suis fruetur, dum vastata erit. Illi vero peccatorum suorum pœnam ferent, propterea quod jura mea repudiarunt et rejecerunt statuta mea. 44. Verum

Societati regiz Gœtting. prælectis P. I. p. 178. et in Jure Mos. P. II. §. 76.

e) hebr. cor eorum praputiatum s. incircumcisum.

rum ne sic quidem in terra hostium suorum eos ita repudiabo aut fastidiam, ut rupto fœdere meo cum eis penitus conficiantur. Ego enim Jova sum eorum Deus. 45. Recordabor fœderis olim jam cum eis initi, quos ex Aegypto eduxi spectantibus gentibus aliis, ut Deus eorum essem, ego Jova. 46. Hæc sunt statuta, jura, et leges, quas Jova Israelitis in monte Sinai per Moſen promulgavit.

CAPUT XXVII

De votis ſ. rebus Deo consecratis.

1. **U**terius Jova cum Moſe collocutus, 2. juſſit eum, Israelitis hæc quoque edicere: Si quis votum fecerit, quod homines ſpectat, æſtimari debent, 3. et maris quidem a vicenario ad ſexagenarium æſtimatio ſit quinquaginta ſiclorum argenteorum ſecundum ſiclum ſanctuarii, 4. fœminæ vero triginta. 5. Si ætas ſit a quinque annis ad viginti, mas æſtimetur viginti ſiclis, fœmina decem. 6. Ab ætate unius menſis uſque ad annum quintum, pretium pueri ſit quinque, puellæ trium ſiclorum argenteorum. 7. Ab anno ſexageſimo et ulterius mas ſolvat quindecim ſiclos, fœmina decem. 8. Pauper vero, qui pretium conſtitutum ſolvere non poteſt, ſiſtat ſe coram ſacerdote, qui eum pro ejus facultate æſtimet. — 9. Si pecus fuerit *voto nuncupatum* ex eorum genere, quibus Jovæ ſacra fieri poſſunt, quid-

quidquid eorum sit, Jovæ sacrum est. 10. Non licet illud permutare, aut aliud substituere, bonum pro malo, aut malum pro bono. Quod si factum fuerit, utrumque, tum votum tum quod cum eo permutatum est, sacrum esto. 11. Si pecus immundum, quod Jovæ offerri nefas est, *voto promissum* fuerit, sistat illud qui vovit, coram sacerdote, 12. qui illud ex vero suo pretio æstimet, *a)* in qua ejus æstimatione acquiescendum est. 13. Quodsi, qui votum fecit, redimere vult, solvat quintam partem præter æstimationis pretium. — 14. Si quis domum suam Jovæ consecraverit, sacerdos eam ex vero ejus pretio æstimet, et prouti æstimaverit, ita ratum sit. 15. Quodsi domum suam is qui consecravit, redimere vult, habeat eam, si quintam partem addiderit pretio solvendo. 16. Si quis partem agri sui Jovæ consecravit, æstimatio fiat pro ratione sementis. In quo Chomer hordei feritur, is quinquaginta siclis argenteis æstimetur. 17. Si ab anno jubilæo agrum consecravit, rata manet illa æstimatio. 18. Quodsi eum post illum annum consecravit, imputet ei sacerdos tantum pecuniam reliquorum annorum, deducta æstimatione *præteritorum*. 19. Si redimere
agrum

a) hebr. *inter bonum et inter malum*: h. e. ut bonum pluri æstimet quam malum, quod est verum pretium rei statuere.

agrum vult qui eum consecravit, addat quintam partem summæ æstimatæ, et manet ei. 20. Si non redimit, et *sacerdos* vendit agrum alii, ne quidem amplius redimi potest. 21. Sed anno Jubilæo, quo ille emtor agrum reddit, sacer sit Jovæ, uti ager devotus. Peculium sit sacerdotis. — 22. Si quis agrum emtum, qui non est patrimonii sui, Jovæ consecravit, 23. æstimet sacerdos summam usque ad annum jubilæum, quam, utpote Jovæ sacram, statim solvat, 24. anno jubilæo redit ager ad venditorem, cujus peculium est. 25. Omnis æstimatio fiat ex siclo sacro, qui est viginti gerarum. — 26. Primogenita pecoris, quæ, quoniam primogenita sunt, jam Deo debentur, sive de bovillo sive de ovillo pecore sint, non possunt ei consecrari. 27. Si de pecore immundo sunt, redimantur ad æstimationem, superaddita parte quinta; sin minus, vendantur æstimata. 28. Enimvero nihil omnino, quod quis Jovæ devovit e facultatibus suis, sive homo sit, sive bestia, sive fundus hereditarius, neque vendi neque redimi potest. Omnis res devota Jovæ est sacrosancta. 29. Homo devotus non potest redimi, supplicio est afficiendus. — 30. Decimæ totius terræ e rebus fatis et ex arborum fructibus Jovæ sacre sunt. 31. Qui partem decimarum suarum redimere vult, superaddat *summæ æstimatæ* partem quin-

quintam. 32. Omnes decimæ, sive de armento, sive de pecore, quæcunque sub pedum mittuntur, *b)* Jovæ sacræ sunt. 33. Non quærat bonum an malum sit. Non permutari potest. Quodsi tamen fuerit permutatum, utrumque Jovæ sacrum est, nec redimi potest. 34. Hæ sunt leges quas Jova Israelitis per Mosen in monte Sinai promulgavit.

b) hebr. *quæ transeunt sub virga*, h. e. quæ in pastorum custodia aut cura sunt.



NUMERI

CAPUT I

*Moses jussu Dei censum inis omnium tribuum Israelitarum,
exceptis Levitis, quibus tabernaculi cura
committitur.*

1. **P**rimo die secundi mensis anni quoque secundi,
ex quo Israelitæ ex Aegypto egressi erant,
Jova cum Mose in deserto Sinai e tabernaculo con-
ventus hunc in modum est collocutus: 2. Nume-
rum inite omnium Israelitarum a) secundum familias
suas

a) Quærent interpretes, num hic populi census diversus sit
ab eo, cujus jam Exod. 30, 11. seqq. mentio facta est.
Eundem illum esse cum hoc, persuadere videtur conve-
nientia numeri recensitorum Exod. 38, 26. Sed temporis
diversitas contrarium videtur probare. Ille enim primo
anno quo ex Aegypto populus egressus erat, antequam
tabernaculum erigeretur, est habitus. Hic vero anno se-
cundo, cum ministerium tabernaculi jam esset constitutum.
Priorem sententiam defendit Ill. *Michaelis*, atque difficul-
tatem commemoratam ita removet, ut censum illum, de
quo Exodi 1. c. legimus, inchoatum esse statuat collatio-
ne dimidii sicii ad ministerium tabernaculi; absolutum
verò

suas paternasque domos, nominibus singulorum indicatis, marium omnium, viritim. 3. Omnium qui annum vicesimum excedentes arma ferre possunt, recensete eos secundum agmina sua. Tu et Aaron hoc agite. 4. Adjuvent vos viri singuli de singulis tribubus, paternarum domuum principes. 5. Quorum quidem nomina hæc sunt: de Rubenitis, Elizur filius Schdeuri. 6. De Simeonitis, Schlumiel filius Zurischadai. 7. De Judæis, Naehschon filius Aminadabi. 8. De Isascharitis, Natanel filius Zuari. 9. De Sebulonitis, Eliabus filius Chetonis. 10. De Josephi posteris, et quidem de Ephraimitis, Elischama filius Ammihudi, de Manassitis, Gomliel filius Pedazuri. 11. De Benjaminitis, Abidan filius Gideo-

vero eum esse anno secundo consignatione nominum singulorum, in catalogis familiarum singularum tribuum, quæ hoc loco præcipiatur. Ast *Clericus* non quidem valde alienus ab hac sententia, apte tamen observat ad v. 46, neglectas in his recensitorum catalogis monadas omnes, quæ fuerunt supra decadas; Vix enim esse credibile in omnibus tribubus fuisse tantum Chiliadas, et Hecatonradas, ne uno quidem viro, aut ne una quidem decade superante. Quoniam igitur inter utrumque censum non plures quam septem menses intercesserunt, potuit numerus censitorum non nimis exactè hoc loco indicatus in utroque casu convenire.

deonis. 12. De Danitis, Achieser filius Ammischad-
dai. 13. De Ascheritis, Pagiel filius Ochrani.
14. De Gaditis, Eljafaphus filius Deueli. 15. De
Naphtalitis, Achiraus filius Enani. 16. Hi fuerunt
de comitiis populi *b)*, principes tribuum paternarum,
capita chiliadum Israeliticarum. — 17. Moses
igitur et Aaron, adhibitis viris modo nominatis,
18. convocarunt universum cœtum primo die secundi
mensis, ut natales suos profiterentur *Israelita* secun-
dum familias paternarum domuum, nominatim et
viritim omnes qui annum ætatis vicesimum excessis-
sent. 19. Censum igitur Moses iniit quemadmodum
jussus erat a Jova in deserto Sinai. 20. Posterī Ru-
beni Israelis primogeniti secundum cognationes suas,
familias et paternas domos nominatim et viritim,
mares omnes qui annum ætatis vigesimum exceffe-
rant, armis idonei. 21. Recensiti, *inquam*, de tri-
bu Rubenitica fuerunt quadraginta sex millia et quin-
genti. 22. Simeonitarum *c)* 23. fuerunt undequin-
qua-

b) hebr. קְרָאֵי הָעֵדָה vocati ad cœtum, de quibus cf. di-
cta ad Levit. 8, 3.

c) In indice hoc censitorum repetita sunt in textu hebræo
ad singularum tribuum nomina eadem quæ versu vigesi-
mo leguntur, nempe cujusque tribus familias et paternas
domos nominatim et viritim numeratas esse; quæ in versio-
ne latine, utpote proflus redundantia, omittenda putavi.

quaginta millia et trecenti. 24. 25. Gaditarum
quadraginta quinque millia sexcenti et quinquagin-
ta. 26. 27. Posterorum Judæ fuerunt septuaginta
quatuor millia et sexcenti. 28. 29. De tribu Isa-
sehar: quinquaginta quatuor millia et quadringenti.
30. 31. Sebulonitarum quinquaginta septem millia
et quadringenti. 32. 33. Posterorum Josephi, et
quidem Ephraimitarum, quadraginta millia quingenti.
34. 35. Manassitarum triginta duo millia ducenti.
36. 37. Benjaminitarum triginta quinque millia qua-
dringenti. 38. 39. Danitarum sexaginta duo millia
et septingenti. 40. 41. Ascheritarum unum et qua-
draginta millia et quingenti. 42. 43. Naphtalitarum
quinquaginta tria millia et quadringenti. 44. Ho-
rum igitur censum habuerunt Moses et Aaron et
duodecim principes Israelitici, singulorum secundum
singulas familias paternas. 45. Numerus vero
omnium Israelitarum censitorum, qui annum vicesi-
mum excefferant, et armis ferendis idonei erant,
46. fuit sexcenta tria millia quingenti quinquaginta.
47. Levitæ autem inter hos non sunt numerati.
48. Etenim Jova Mosi dixerat: 49. Leviticæ tri-
bus ne censum instituas, nec summam eorum in eas
una cum reliquis Israelitis. 50. Sed præfice eos
tabernaculo conventus et omni ejus supellestili et
utensilibus. Levitæ enim bajulare debent taberna-

culum et instrumenta ejus, ministrabunt ei et circum illud castra ponent. 51. Si moveri debet tabernaculum, Levitæ illud demittant, si figendum est, iidem erigant. Alienus qui accesserit, moriatur. 52. Castrametentur Israelitæ secundum castra sua, vexilla et agmina. 53. Levitæ vero stendant circum tabernaculum et ad illud custodiam agant, ne ira exardescat in universum cœtum Israeliticum. — 54. Fecerunt Israelitæ omnia quæ Jova Mose jusserat.

CAPUT II

Castrorum dispositio.

Porro Jova Mose et Aaroni dixit: 2. Israelitæ ad suum quisque vexillum sub insignibus patriis castrametentur, e regione tabernaculi conventus in circuitu. 3. Versus orientem castra habeant exercitus Judæ in agmina sua distinctus, cujus dux Nachschon filius Amminadabi. 4. Militum autem numerus recensitorum septuaginta quatuor millia et sexcenti. 5. Iuxta eum *ab una parte* tribus Isaschar, cujus dux Netanel filius Zuari: 6. militum autem numerorum quinquaginta quatuor millia et quadringenti. 7. *Ab altera parte* tribus Sebulon, cujus dux Eliabus filius Chelonis. 8. Militum autem numerorum quinquaginta septem millia et quadringenti. 9. Igitur omnis recensitorum in castris Judæ numerus sit centum et octoginta sex millia et qua-

quadringenti, in agmina sua divisi, qui primi castra moveant. — 10. Versus meridiem castra habeant Rubenitæ secundum agmina sua. Quorum dux Elizur filius Schedeuri. 11. In cujus exercitu numerus recensitorum quadraginta sex millia et quingenti. 12. Juxta eos ab *una parte* tribus Simeon, quorum dux Schelumiel filius Zurischaddai. 13. Milites autem quinquaginta novem millia et trecenti. 14. *Ab altera parte* tribus Gad, cum duce suo Eljasapho filio Reuelis, 15. et militibus quadraginta quinque millibus sexcentis quinquaginta. 16. Castra igitur Rubenitarum efficiant centum quinquaginta et unum millia quadringentos et quinquaginta, qui secundum castra moveant. 17. Tum tabernaculum conventus et Levitarum castra inter reliqua agmina profisciscantur. Quem in castrametatione, eundem in profectioe ordinem servant, suo quisque in loco suum vexillum sequatur. 18. Versus occidentem castra habeat tribus Ephraim in agmina sua divisa; cujus dux Elischama filius Ammihudi. 19. Milites vero quadraginta millia quingenti. 20. Juxta eam *ab una parte* tribus Manasse, cujus dux Gamliel filius Pedazuri. 21. Milites vero triginta duo millia ducenti. 22. *Ab altera parte* tribus Benjamin. Quorum dux Abidan filius Gideonis, 23. et milites triginta quinque millia et quadringenti. 24. Castra

igitur Ephraimitica efficiant centum octo millia et centum: quæ tertio loco proficiſcantur. — 25. Verſus ſeptentrionem tribus Daniticæ vexillum ſit ſecundum agmina ſua; cujus dux Achieſer filius Ammiſchaddai. 26. Milites ſexaginta duo millia et ſeptingenti. 27. Quibus *ab una parte* tribus Aſer et dux ejus Pagiel filius Ochrani. 28. Milites unum et quadraginta millia et quingenti. 29. *Ab altera parte* tribus Naphtali, cujus dux Achiraus filius Enani. 30. Milites quinquaginta tria millia et quadringenti. 31. Summa igitur caſtrorum Daniticorum ſit centum quinquaginta ſeptem millium et ſexcentorum: quæ ultimo loco proficiſcantur. — 32. Summa Iſraelitarum omnium recenſitorum ſecundum familias patrias; *ſive* in caſtra et agmina diſtinctorum, fuit ſexcenta tria millia quingenti quinquaginta. 33. Levitæ vero non recenſiti ſunt una cum reliquis Iſraelitis, quemadmodum Jova Moſi præceperat. 34. Igitur Iſraelitæ prorſus ſicuti Jova Moſi edixerat, caſtrametabantur, ſecundum vexilla ſua diſtributi. Sic quoque proficiſcebantur ſecundum familias ſuas paternasque domos *ordinati*.

CAPUT III

Census Levitarum et primogenitorum totius populi.

Illi horum loca Deo consecrantur.

1. **H**æc fuit progenies Aaronis et Moſis tum cum Jova cum hoc in monte Sinai locutus eſt. 2. Primogenitus filiorum Aaronis fuit Nadab, reliqui Abihu, Eleaſar et Ithamar. 3. Qui omnes ejus filii fuerunt, ſacerdotes uncti et initiati. 4. Mortui vero ſunt Nadab et Abihu coram Jova, cum alienum ignem ei obtuliſſent in deſerto Sinai, nec filios habuerunt. Igitur ſacerdotio functi ſunt Eleaſar et Ithamar, una cum Aarone patre ſuo. 5. Tum Jova Moſi hæc dixit: 6. Adducito tribum Levi et jube, ut Aaroni ſacerdoti præſto ſit eique miniſtret. 7. Impleant *Levitæ* munus ejus ^{a)} et munus totius cœtus *Iſraelitici* in tentorio conventus, ut obſervent quæ ad cultum ejus pertinent. 8. Curam gerant ſupelleſtilis tabernaculi, et quæ præterea Iſraelitæ in cultu

a) Sic verò phraſin שָׁמַר מִשְׁמֶרֶת *custodire custodiam* cum plerisque interpretibus, quam Michaelis proprie intelligit de ſtationibus peragendis à Levitis (von Wache halten). Sed quoniam in ſequentibus explicatur, in quo illa מִשְׁמֶרֶת conſiſtat, atque vocabulum late dicitur de omnibus officiis, cf. Levit. 22, 9. illam explicationem præferendam putavi. cf. verſ. 28. et 31.

cultu ejus curare deberent, exsequantur. 9. Nimirum trades Levitas Aaroni et filiis ejus ut prorsus eis addictos, addicuntur eis ex omnibus Israelitis. 10. Aaronem vero et filios ejus constitues, ut sacerdotio fungantur. Peregrinus qui accesserit, moriatur. 11. Porro Jova Mosi dixit: 12. Selegi mihi Levitas ex Israelitis pro omnibus eorum primogenitis, primo nempe matris foetu. Mei sint. 13. Omnia enim primogenita mea sunt. Nam cum primogenita in Aegypto occiderem, consecravi mihi omnia Israelitarum primogenita, tum hominum tum animalium. Mea sint. Ego sum Jova. — 14. Tum Jova Mosen in deserto Sinai jussit, 15. recensere Levitas secundum domos paternas et familias, omnes mares, qui menssem excessissent, 16. Moses igitur eos recensuit quemadmodum Jova jusserat. 17. Nomina vero filiorum Levi erant hæc: Gerschon, Kehath et Merari. 18. Filii Gerschonis, ex quibus aliæ familiæ originem habebant, fuerunt Libni et Schimei. 19. Filii Kehati cum familiis suis, Amram, Jizhar, Chebron, et Ussiel. 20. Filii Merari cum familiis suis Machli et Muschi. Hæ sunt familiæ Leviticæ secundum domos paternas. 21. A Gerschone originem habebant familiæ Libnea et Schimschea, 22. quarum mares recensiti qui menssem excefferant, fuerunt numero septem millia et quina-

quingenti. 23. Quæ castra sua habebant post tabernaculum ab occidente. 24. Et princeps harum familiarum Gerschoniticarum fuit Eljasab filius Laeli. 25. Quarum curæ commissa fuerunt tabernaculum, hoc est tentorium, sive ejus tegumentum. Nec non stiparium ad introitum tabernaculi. 26. Vela atrii ejus, aulæ quæ ipsum tabernaculum et altare undique ambibant et funes omnis hujus ministerii. — 27. A Kehath ortæ sunt familiæ Amramina, Jizharina, Chebronina et Ossiolina. 28. Quarum mares qui mensē excefferant, numerum conficiebant octo millium et sexcentorum; His sanctuarii cura commissa fuit. 29. Familiæ hæ Kehathinæ castra habebant ad latus meridionale tabernaculi. 30. Princeps earum fuit Elizaphan filius Ussielis. 31. Custodiebant verò arcam, mensam, candelabrum, altaria, sacri ministerii suppellectilem, aulæum cum omni suo apparatu. 32. Summus Levitarum princeps fuit Eleasar filius Aaronis, sacerdos, præfectus eorum qui sanctuarii curam haberent. — 33. Ex Merari ortæ sunt familia Machina et Maschina. 34. quarum mares mensē excedentes, recensiti fuerunt sex milia et ducenti. 35. Princeps vero familiarum fuit Zuriel filius Abichaili. Ad latus tabernaculi septentrionale castra sua tendebant. 36. Curæ eorum credebantur afferes tabernaculi, repagula ejus, colu-
mnæ

mnæ et bafes et reliqua harum partium inftrumenta. 37. Item columnæ atrii cum bafibus fuis, paxilli et funes. — 38. Ante tabernaculum in latere ejus orientali tendebant Mofes et Aaron; cujus filii curam gerebant fanctuarii vice Ifraelitarum. Peregrinus qui accessiffet morte effet punitus. 39. Omnium Levitarum a Mofe et Aarone ex mandato divino recenfitorum, omnium nempe marium, qui mensem excefferant, fuerunt duo et viginti millia. 40. Quo facto Jova Mofen juffit nominatim cenfere omnes primogenitos mares Ifraelitarum, qui mensem excefferant, 41. atque ipfi, Jovæ nimirum, fubftituere Levitas loco primogenitorum Ifraelitarum, ut et pecus Levitarum pro pecore Ifraelitarum primogenito. 42. Mofes igitur, quemadmodum juffus erat a Jova, cenfum habuit omnium primogenitorum Ifraelitarum, 43. quorum (marium nempe mensem excedentium) nominatim confignatorum numerus fuit duo et viginti millia, ducenti feptuaginta tres. 44. Tum Jova Mofi dixit: 45. Sint Levitæ loco primogenitorum Ifraelitarum, illorumque pecus loco horum. Mei fint Levitæ. Ego fum Jova. 46. In redemptionem vero ducentorum feptuaginta trium primogenitorum de Ifraelitis, qui fuperfunt numero Levitarum, 47. accipe a fingulis quinos ficlos, videlicet facros, vicens geras valentes,

48. et da eos Aaroni et filiis ejus. *Sic fiat redemptio eorum, qui in illis redundant.* 49. Accepit igitur Moses pecuniam redemptionis ab eis Israelitarum primogenitis, qui numerum Levitarum redemptorum excedebant, mille trecentos sexaginta quinque siclos sacros, tradiditque eos, sicuti Jova jusserrat, Aaroni ejusque filiis.

CAPUT IV

Alius Levitarum census respectu eorum, qui ad munera sacra obeunda essent idonei.

Porro Jova cum Mose et Aarone sic est locutus: 2. Summam subducite Kehathitarum ex Levitis secundum familias suas paternasque domos, 3. a trigésimo ætatis anno usque ad quinquagesimum, omnium qui idonei sunt ^{a)} ad munus peragendum in tabernaculo conventus. 4. Hoc vero munus Kehathitarum spectat partes tabernaculi sanctissimas. 5. Si castra moventur, ingrediantur Aaron et filii ejus *sanctuarium*, et demittant siparium obtensum, eoque tegant arcam legis. 6. Super eo ponant tegumentum ex pellibus phocarum, et aliud insuper stragulum

a) Phrasis hebraica est *וַיָּבֹאוּ אֲנִי* venire in agmen. Inteligitur numerus ille Levitarum qui ad munera obeunda admittebantur, cf. v. 47. ubi de eadem re alia phrasis adhibetur.

gulum cæruleum expandant et tum vestes admoveant. 7. Super mensa autem extendant stragulum cæruleum, huic immittant scutellas, lances, cyathos et pateras libaminis, panis quoque super ea perpetuo maneat. 8. Hæc stragulo coccineo consternant, quod alio ex pellibus phocarum confectio tegant et sic vestes admoveant. 9. Candelabrum ejusque lucernas, forcipes, foculos et omnia vasa olei, quæ in usu ejus adhibentur: 10. involvant tegumento ex phocarum pellibus et trahæ imponent. 11. Super altari aurea expandant stragulum cæruleum, quod insuper alio ex pellibus phocarum confectio tegant et vestes ejus applicent. 12. Deinde omnia instrumenta, quorum in sacrario usus est, cæruleo stragulo imponent et alio tegmine ex phocarum pellibus tegant et trahæ imponent. 13. Tum super altari cinere purgato expandant stragulum purpureum, 14. cui imponent omnia instrumenta, quæ in ministerio adhibentur, batilla, fuscinas, palas, pateras, et reliquam aræ supellestilem; quæ tegmini ex phocarum pellibus confectio involvant et vestes admoveant. 15. Postquam Aaron et filii ejus obtulerunt sacrarium et omnem ejus supellestilem dum castra moventur, tum demum accedant Kehathitæ ad portandum. Nec tamen res sacras attingant, ne moriantur. Hæc sunt, quæ Kehathitæ de tabernaculo

culo

culo conventus bajulare debent. 16. Eleasarum autem Aaronis filium sacerdotis curam committitur oleum candelabri; suffimen, fertum perpetuum, unctionis oleum, *denique* inspectio *b)* totius tabernaculi et omnium quæ in eo sunt tum sacrarii, tum ejus suppellectilis. 17. Tum quoque Jova Moysi et Aaroni dixit: 18. Cavete ne Kehathitarum familiæ, a Levitis excendantur. 19. Hoc igitur facite, ut vitæ eorum prospiciatis, quando ad res sacrosanctas accedunt. Aaron et filii ejus introeant *tabernaculum*, et assignent cuique eorum onus suum, quod ei ferendum sit. 20. Minime vero ingrediantur ad videndum, quando res sacræ involvuntur, ne moriantur. — 21. Porro Jova Moysi dixit: 22. Gerschonitarum quoque summam subducito secundum domos paternas et familias. 23. Recenseto autem de illis tricenarios usque ad quinquagenarios, omnes qui idonei sunt ad munera subeunda in tabernaculo conventus. 24. Hoc autem est munus quo fungi debent Gerschonitarum familiæ et onera *ab eis gestanda*. 25. Nimirum bajulare debent aulæ tabernaculi,

b) Intelligitur inspectio s. cura earum rerum quas Kehathitzæ bajulare debebant, de quibus antea sermo fuit. Hæc summa cautione adhibita involvendas esse suis stragulis et tum demum Kehathitis tradendas. cf. vers. 28. qui de Ithamaris officio simili loquitur.

culi, et tegmen ejus *interius*, et tegmen ex pellibus phocarum, quod illi superimpositum est; et siparium ad ejus introitum. 26. Vela atrii, quæ tabernaculum et aram ambiunt, et siparium atrii, et funes ejus et alia quæ eis inserviunt. 27. Gerschonitæ vero omnia, quæ ad onera ab eis ferenda et quæ omnino ad munera eorum pertinent, peragant ex præscripto Aaronis et filiorum ejus, qui eorum curæ committant omnia quæ bajulare debent. 28. Hoc est officium familiarum Gerschonitarum in tabernaculo conventus, et quæ curare debent ad mandatum Ithamaris filii Aaronis sacerdotis. — 29. Porro Meraritas secundum familias paternasque domos recenseto, 30. qui tricesimum ætatis annum exceperunt usque ad quinquagesimum, qui idonei sunt ad ministerium in tabernaculo conventus subeundum. 31. Hæc vero sunt, quæ bajulare debent secundum officii rationem in tabernaculo conventus: afferes ejus, repagula, columnas cum basibus suis. 32. Columnas totius atrii cum basibus suis, clavos et funes cum omnibus harum partium instrumentis. Quæ omnia ab eis portanda sigillatim eis tradite. 33. Hæ sunt partes muneris Meraritarum in tabernaculo conventus ad mandatum Ithamaris filii Aaronis sacerdotis. — 34. Igitur Moses, Aaron et principes cœtus recensuerunt Kehathitas secundum fami-

familias suas paternasque domos, 35. omnes qui tricesimum ætatis annum exceſſerant uſque ad quinquageſimum, omnes ad miniſterium in tabernaculo idoneos. 36. Quorum recenſitorum ſecundum familias ſuas fuerunt duo millia ſeptingenti et quinquaginta. 37. Hæc eſt ſumma recenſitorum ex familiis Kehathitarum in tabernaculo conventus miniſtrantium, quos Moſes et Aaron recenſuerunt ex juffu Dei per Moſen. — 38. Recenſiti poſteriorum Gerſchonis ſecundum familias paternasque domos, 39. ab anno triceſimo ætatis uſque ad quinquageſimum ad miniſterium in tabernaculo conventus idonei, 40. fuerunt numero duo millia, ſexcenti et triginta, 41. qui recenſiti ſunt a Moſe et Aaron ex juffu Jovæ. — 42. Item poſteri Merari ſecundum familias paternasque domos recenſiti ſunt, 43. ab anno triceſimo ætatis uſque ad quinquageſimum, omnes qui ad munera in tabernaculo conventus obeunda erant idonei. 44. Horum fuerunt tria millia et ducenti. 45. Hi ſunt recenſiti familiarum Merarenſium, quos Moſes et Aaron e mandato illi a Jova dato recenſuerunt. — 46. Summa omnium a Moſe, Aaron et Iſraelitarum principibus recenſitorum Levitarum ſecundum familias paternasque domos, 47. qui annum triceſimum exceſſerant uſque ad quinquageſimum, omnium qui ad

H h

mini-

ministerium erant idonei, nempe ad ministerium onerum ferendorum in tabernaculo conventus, 48. summa, inquam, fuit octo millia quingenti octoginta. 49. Moses omnes ex voluntate Jovæ recensuit et assignavit singulis muneris sui partes, onera nempe, quæ portare debebant.

CAPUT V

Leges de immundis e castris removendis 1 — 4. de furti restitutione 5 — 10. et aqua mulieri marito suo ob adulterium suspectæ bibenda 11 — 31.

1. **T**um Jova cum Mose sic est locutus: 2. Jubeant Israelitæ emittant e castris omnes leprosos, impuro seminis fluxu laborantes, et funere pollutos; 3. sive mares sint, sive fœminæ, emittant eos ex castris, quo minus ea inquinent, siquidem ego inter vos verfor. 4. Fecerunt igitur Israelitæ quemadmodum Jova per Mosen jusserat, et emiserunt eos ex castris. — 5. Porro Jova cum Mose locutus est: 6. Dic Israelitis: si quis vir aut fœmina alterum defraudaverit et perjurio se a culpa liberarit, deinde yero peccati in conscientia sua convincitur: 7. confiteatur peccatum quod admisit, restituat rei surreptæ pretium quinta parte superaddita; ei quem damno affecerat. 8. Qui si propinquum non habet, cui restitutio fieri possit, res restituenda Jovæ sit, sive sacerdotis, præter arietem piacularem, quo *reus* expia-

expiatur. 9. Omnia donaria omnium rerum ab Israelitis consecratarum sacerdotis sunt. 10. Liberum sit cuique dare consecrata cuicunque sacerdoti voluerit. Ejus erunt cui data fuerint. — 11. Porro Jova cum Mose sic locutus est: 12. Dic Israelitis: Si cujuspiam uxor fidem marito suo datam fefellerit, 13. et alius rem cum ea habuerit, idque maritum latuerit, et quod clam stuprata est, testis contra eam non adsit, nec *in ipso flagitio* fuerit deprehensa, 14. et zelotypia maritum invaserit ex suspitione vel vera vel falsa: 15. adducat conjugem suam ad sacerdotem, et offerat propter eam fertum, decimam partem Ephæ farinæ hordeaceæ, nec tamen oleum affundat, aut thus adhibeat, nam fertum est zelotypiæ, fertum ad crimen commissum redarguendum. 16. Sacerdos mulierem sistat in loco sacro. 17. Sumat aquam sacram a) in vase fictili, cui injiciat de pulvere, qui est in solo tabernaculi, 18. posthæc mulieri in loco sacro constitutæ capillos solvat, fertum redargutionis et zelotypiæ manibus ejus imponat. Sua vero manu teneat aquam perniciosam imprecationum b) 19. et adjuret mulierem

a) scilicet ex labro sacerdotum.

b) Verba textus sunt מִי הַמָּרִים הַמְּאָרְרִים. Circa prius epitheton hujus aquæ interpretes inprimis dissentiant, quo

sensu nempe מרים *amara* dicatur. Si fides Judæis esset habenda, in sensu proprio ita diceretur propter herbas amaras ei injectas. Sed quoniam nihil de eo in lege ipsa præcipitur, figmentum hoc esse doctorum Judaicorum facile intelligitur. Neque ex pulvere et atramento in ea absterfo amaritudinem potuit contrahere, neque ex miraculo saporem ejus immutatum esse temere statuendum videtur. Igitur improprie hanc aquam amaram dici plerique interpretes arbitrantur. In quo sensu tamen alii amaritudinem illam ad maritum referunt, qui aquam illam uxori propinet animo amaro, h. e. irato. Alii vero ab effectu eam amaram dici existimant, quod acerbos dolores per imprecationes additas in muliere rea excitabat. Quæ sententia mihi quoque maxime probabilis aliisque præferenda videtur, inprimis propter versum 24. et 27., in quibus hæc aqua מַרְרִים לְמַרִּים dicitur. Ex qua epithetorum permutatione plane constare putem, hæc esse illius synonyma, ideoque de effectu esse intelligendum. Illi, *Michaelis* quidem alium sensum tropicum vocabulo מרים tribuit, dum in notis, lectores suos admonet *amarum* apud Hebræos dici de *imprecationibus*. At enim vero velim ut Vir Celeb. hanc vocis significationem uno alteroque exemplo probet. Ego quidem nullum novi, neque per sequens vocabulum מַרְרִים quod proprie *maledictionem* notat illud מרים sic verti potest, propterea quoque Vir Celeb. hoc omittit atque utrumque uno vocabulo *Fluchwasser* vertit. *Hubigantius* propter dissensum qui in versione græca et syriaca a lectione recepta esse videtur, crisin h. l. exercet. Illa quidem מרים reddit τὸ ὕδωρ τὸ ἰλεγμα. Hinc conjeſtat *Hubigantius* interpretem legiſſe vel הַכִּימִים vel הַקִּימִים

rem his verbis: Si nemo tecum concubuit, si fidem marito tuo datam non fefellisti, illæsa eris ab aqua hac perniciofa imprecationum. 20. Sin autem fidem marito tuo debitam violasti, si stuprata es, et alius vir quam tuus tecum rem habuit: 21. Jova, sic pergat sacerdos mulierem diris jurisjurandi adjurans, in te exemplum statuatur dirarum et perjurii inter populares tuos, faciat ut femur tibi decidat et venter intumescat. 22. Veniat hæc dira aqua in viscera tua ad ventrem distendendum et femur decutiendum. Ad hæc mulier dicat: ita fiat! 23. Tum scribat sacerdos has diras in scheda et aqua ista perniciofa deleat, 24. quam deinde mulieri bibendam tradat, ut una cum diris eam ingrediatur ad acerbos excitandos dolores. 25. Quo facto sumat sacerdos fertum zelotypiæ e manu mulieris, idque coram Jova porriciat et aræ admoveat, 26. tum pugillo capiat partem illius ferti pro sacrificio et in altari adoleat, tandemque mulieri aquam bibendam præbeat. 27. Si fuerit stuprata, si fidem marito suo datam violaverit, aqua

חקרים. Hæc vero כִּחְרָא explicat per כִּחְרָא aquæ exploratrices, fortasse ex כִּחְרָא. Utramque lectionem jungit et verba textus vertit: aquam pudicitiae exploratricem. Sed quoniam lectio textus recepta explicationem admittit minime difficilem, temerarium videtur crisin in ea exercere.

aqua illa dirarum vehementissimos ei dolores excitabit. Intumescet ei venter et femur concidet, eritque hæc mulier perjurii exemplum inter populares suos. 28. Quodsi non stuprata fuerit, sed munda, illæsa fuerit et prolem gignet. — 29. Hæc lex sit zelotypiæ, si mulier suspecta est perfidiæ in maritum suum commissæ. 30. Aut si vir zelotypia perturbatur, mulierem suam deducat in locum sacrum, ibique sacerdos ei faciat ex hac lege. 31. Vir immunis est ab omni culpa, mulier pœnam suam luet.

CAPUT VI

Leges Nasiræis observanda, et formula bene precandi populo, quam sacerdotes adhibere debebant.

1. **U**terius Jova cum Mose his verbis est locutus: 2. Dic Israelitis: Si quis vir aut fœmina voto Nasiræi nuncupato sese Jovæ consecravit, 3. a vino et temeto abstineat, nec vini aut temeti accitum, nec omnino quidquam quod ex uvis paratur, bibat, neque uvas recentes aut passas comedat. 4. Quamdiu voto suo tenetur, nihil quod *ex fructu* vitium paratur, gustet, ne acinos quidem aut folliculos. 5. Toto illo voti sui tempore novacula ejus capiti ne admoveatur. Jovæ sacer est, alat comam capitis sui. 6. Quamdiu Jovæ se consecravit, funeri

funeri ne interfuit. 7. Ne in patris quidem, aut matris, fratris, aut sororis funere se polluat, quoniam in capite gestat cæsariem Deo devotam. 8. Quamdiu votum illud durat, Jovæ sacer sit. 9. Si quis derepente in præsentia ejus moriatur, polluta est capitis sui cæsaries, quam septimo die, quo iterum purus fit, abradat. 10. Die octavo offerat duos turtures aut duas columbas pullas sacerdoti ad introitum tabernaculi, 11. quarum alteram piaculari, alteram solido sacrificio faciat. Sic expiet ejus culpam in funere contractam, et caput ejus *iterum* consecret eodem die. 12. Et dum agnum anniculum ut sacrificium pro delicto offert, tempus voti nuncupati denuo incipit, superiores enim dies irriti sunt, propter impuritatem contractam. — 13. Completo voti tempore Nasiræo hæc sunt agenda: Compareat ad tabernaculum conventus, 14. et afferat donarium suum Jovæ, agnum unum anniculum sine vitio, ad holocaustum, et agnam unam anniculam sine vitio ad victimam piaculari, et arietem unum vitii expertem in sacrificium eucharisticum. 15. Præterea canistrum placentarum sine fermento similaginearum, partim oleo mistarum, partim oleo tinctarum, cum earum donariis et libaminibus. 16. Quæ omnia sacerdos deferat in locum sacrum, faciatque sacrificium piaculari et solidum. 17. Deinde arie-

te faciat sacrificium eucharisticum Jovæ, una cum placentis azymis earumque donariis et libaminibus. 18. Tum Nasiræus ad portam tabernaculi caput tondeat, ejusque cæsariem consecratam in ignem sacrificii eucharistici abjiciat. 19. Posthæc sacerdos armum arietis coctum et placentam unam utriusque generis e canistro manibus Nasiræi, cujus cæsaries consecrata rafa est, imponat, 20. et deinde coram Jova porriciat. Hæ partes sacræ sunt sacerdoti, præter pectus ^{a)} porrectionis et armum elevationis. Quibus peractis Nasiræus vinum bibat. 21. Hæc est lex Nasiræi, qui voverit se offerre velle Jovæ oblationem pro Nasiræatu, præter ea quæ pro facultate sua sponte offerre potest. Hæc quidem pro voto quod nuncupavit, faciet ex lege Nasiræatus. — 22. Porro Jova Moysi dixit: 23. præcipe Aaroni et filiis ejus, ut Israelitis hunc in modum bene præsententur: 24. Benefaciat vobis Jova et vos custodiat. 25. Faveat vobis Jova, et vestrum misereatur. 26. Benignum sese Jova vobis exhibeat, omnisque generis felicitate cumulet. 27. Nomen meum enuncient coram Israelitis, et ego vos fortunabo.

CAPUT

a) cf. Levit. 7, 34.

CAPUT VII

Munera principum Israelitarum in consecratione tabernaculi oblata.

Postquam Moses tabernaculum erexerat, idque, ut et omnem ejus supellectilem, nec non altare cum instrumentis suis omnibus unxerat et consecrarat: *a)* obtulerunt Israelitarum principes, capita familiarum, qui et tribuum principes erant et exercitui præfecti, 3. munera sua Jovæ, sex plaustra tecta et duodecim boves. *Nimirum* bini singula plaustra et singuli boves singulos; eaque adduxerunt ante tabernaculum. 4. Tum Jova Mosen jussit, 5. ea ab illis accipere, ut in ministerio tabernaculi adhiberentur, et inter Levitas pro ratione muneris distribuere. 6. Igitur Moses accepit illa plaustra et boves a *principibus Israelitarum* deditque ea Levitis. 7. *Nempe* duo plaustra et quatuor boves Gerschonis pro ratione muneris eorum, 8. quatuor vero plaustra et octo boves dedit Meraritis, qui eis in ministerio suo opus habebant, sub inspectione Ithamaris filii Aaronis sacerdotis. 9. Kehathitis autem nullum *de plaustris istis* dedit, quia res sacræ curæ eorum.

a) Factum hoc est primo mense anni secundi post exitum ex Aegypto. Exod. 40, 2.

eorum commissæ humeris erant bajulandæ. 10. Obtulerunt etiam principes illi ad aræ dedicationem cum inuncta est, munera sua ante aram. 11. Jusserat autem Jova Mosen, ut singuli principes singulis diebus munera sua ad aræ dedicationem offerrent. 12. Igitur primo die obtulit munus suum Nachschon filius Amminadabi de tribu Judæ. 13. Nempe scutellam argenteam triginta et centum siclorum, phialam argenteam septuaginta siclorum ex siclo sacro *astimatorum*, utramque plenam simila oleo mista ad fertum. 14. Lancem decem aureorum suffitu plenam. 15. Juvenum bovillum, arietem, agnum anniculum ad holocaustum, 16. hoedum caprinum ad sacrificium piaculare, 17. et ad sacrificium eucharisticum duos boves, arietes quinque, hircos quinque, totidemque agnos anniculos. Hoc fuit donum Nachschonis filii Amminadabi. — 18. Secundo die obtulit Natanel filius Zuari princeps Isascharis munus suum, 19 — 23. *quod primi diei muneri prorsus simile fuit b)*. 24 — 29. Tertio die princeps Sebulonitarum Eliabus filius, Chelonis. 30 — 35. Quar-

to

b) Munera omnium duodecim principum eadem fuerunt atque in textu hebræo iisdem verbis describuntur, quæ in versu 13 — 17. leguntur. Ego vero nolui eadem toties repetere, neque vereor ne propterea reprehendar. cf. Cap. 1, 22. not. c).

to princeps Rubenitarum, Elizur filius Schedeuri.
 36—41. Quinto princeps Simeonitarum, Schelumiel
 filius Zurischadai. 42—47. Sexto princeps Gadi-
 tarum, Eljasaphus filius Deuelis. 48—53. Septimo
 princeps Ephraimitarum, Elischama filius Ammihudi.
 54—59. Octavo princeps Manassitarum, Gamliel
 filius Pedazuri. 60—65. Nono princeps Benjami-
 nitarum, Abidan filius Gideonis. 66—71. Decimo
 princeps Danitarum Achiefer filius Ammischaddai.
 72—77. Undecimo princeps Ascheritarum, Pagiel
 filius Ochrani. 78—83. Duodecimo princeps Na-
 phtalitarum, Achira filius Enani. 84. Hæc sunt in
 aræ dedicatione, tum cum uncta fuit, a principibus
 Israelitarum dono data: scutellæ argenteæ duode-
 cim, totidem phialæ argenteæ, totidem lances au-
 reæ. 85. Scutellæ singulæ erant tricenorum et cen-
 tenorum, phialæ singulæ septuagenorum siclorum.
 Quorum vasorum argenteorum summa fuit duo
 millia et quadringenti sicli, ponderis sacri. 86. Lan-
 ces aureæ duodecim suffitu plenæ singulæ denorum
 siclorum sacrorum, quæ summam auri efficiebant
 viginti et centum siclorum. 87. Boves ad holocau-
 stum duodecim, totidem arietes et agni anniculi cum
 ferto suo. Hoedi caprini duodecim ad sacrificium
 piaculare. 88. Ad eucharisticum sacrificium quatuor
 et viginti boves, sexaginta arietes, totidem hirci to-
 tidem-

tidemque agni anniculi. Hæc sacrificia in dedicatione aræ, postquam uncta erat, sunt oblata. — 89. Quando Moses tabernaculum conventus ingrediebatur, ut Deum consuleret, audivit vocem respondentem ex operculo, quod erat super arca legis inter duos Cherubos. Sic cum eo loquebatur.

CAPUT VIII

Leges de lucernis accendendis 1—4. de consecrandis Levitis loco primogenitorum Israelitarum ad sacri tabernaculi ministerium 5—23. et de ætate, qua ad illud ministerium sunt idonei 23—26.

Jussit quoque Jova, 2. ut Moses Aaronem admoneret lucernas ita candelabro imponere, ut omnes septem antrorsum lucerent. 3. Quod etiam Aaron fecit et in fronte candelabri lucernas instruxit, sicuti Jova Mose præceperat. 4. Fuit autem candelabrum opus solidum ex auro, cum scapus, tum ejus flores, factum a Mose ad exemplar, quod ei Jova ostenderat. — 5. Tum porro Jova cum Mose sic est locutus: 6. Secerne Levitas ex Israelitis eosque purificato. 7. Quod hac ratione fieri debet: consperge eos aqua lustrali, deinde novacula totum corpus radant, et lavent vestimenta sua et se ipsos. 8. Tum taurum bovillum adhibeant cum ferto suo, similia nempe oleo mista, et alium taurum bovillum
ad

ad victimam piacularem afferto. 9. Adductis a te Levitis ante tabernaculum conventus et convocatis legatis Israelitarum, 10. illos *propius* in locum sacrum adduces et hi illis manus suas imponent. 11. Tunc Aaron Levitas Jovæ ab Israelitis oblatos sistat, ut ministerium ejus curent, 12. atque hi imponent manus suas capitibus istorum taurorum, quorum alterum in victimam piacularem, alterum in solidum sacrificium Aaron faciat ad Levitas expiandos. — 13. Sic sistes Levitas coram Aarone ejusque filiis, eosque mihi *quasi* porricias. 14. Secernes eos ab Israelitis, et mei sint. 15. Deinde suscipiant ministerium in tabernaculo conventus, postquam a te fuerint purificati et *mihi* oblati. 16. Sunt enim mihi prorsus addicti ex omnibus Israelitis pro primo foetu matris, omnibusque Israelitarum primogenitis eos mihi selegi. 17. Omnia Israelitarum primogenita mea sunt, cum hominum tum animalium, quæ mihi sanctificavi eo die, quo Aegyptiorum primogenita occidi. 18. Pro illis Israelitarum primogenitis accipio Levitas, 19. et trado eos Aaroni ejusque filiis ex *reliquis* Israelitis, ut munere in tabernaculo conventus fungantur, quo illi fungi debebant, utque eos expient et ne clade afficiantur si ipsi ad sanctuarium accederent. — 20. Moses igitur, Aaron et Israelitarum legati fecerunt Levitis omnia quæ Jo-

va per Mosen jufferat. 21. Purgarunt se Levitæ, abluerunt vestes suas, et Aaron eos Jovæ porrexit et expiavit. 22. Quibus peractis munus suum adierunt in tabernaculo sub inspectione Aaronis et filiorum ejus, quemadmodum Jova per Mosen præceperat. — 23. Porro Jova Mosi dixit: Hoc quoque de Levitis habeto: 24. qui annum quintum et vicimum excefferunt, adeant munus in tabernaculo conventus. 25. Ab anno autem quinquagesimo cessent a munere et habeantur emeriti. 26. Adjuvent tamen fratres suos in ministerio tabernaculi leviori, a gravi vero labore liberi sint. Sic Levitis munera sua assignabis.

CAPUT IX

Israelitæ Pascha mense primo anni secundi post exitum ex Aegypto celebrant, qua occasione lex fertur de iis qui illud statò tempore facere non poterant: — 14. De nube super tabernaculo, signo itineris aut stationis figenda

Israelitis 15 — 23.

Primo mense secundi anni post exitum ex Aegypto Jova in deserto Sinai Mosi præcepit, 2. ut Israelitæ pascha celebrarent tempore constituto, 3. nimirum quarto decimo die illius mensis circa vespem, atque in eo agerent secundum leges omnes et ritus præscriptos. 4. Jussit igitur Moses ut Israelitæ pascha celebrarent. 5. Quod etiam ab eis factum

Etum est quarto decimo die mensis primi in deserto Sinaï circa vesperam, et observarunt omnia, quæ Jova Mosi præceperat. — 6. Fuerunt autem nonnulli impuri ex funere, nec poterant pascha eo die celebrare. Hi adeunt Mosen et Aaronem eo ipso die, 7. eisque indicant, sese ex funere esse pollutos; quare vero prohiberemur, *inquiiebant*, quo minus munera nostra statuto tempore Jovæ offeramus una cum aliis Israelitis? 8. Jussit eos Moses expectare, sese Jovam consulturum, quid eorum causa fieri vellet. 9. Tum Jova respondit his verbis: 10. Dicito Israelitis: Si quis vestrum, aut posterorum vestrorum, impurus fuerit ex funere, aut sit in itinere longinquo, quando pascha in mei honorem celebratur, 11. quarto decimo die mensis secundi circa vesperam, idque cum azymis et herbis amaris comedat. 12. Nihil de eo relinquatur in sequentem diem, nec os ei frangatur, et plane ex institutis paschatis illud celebrent. 13. Qui vero mundus erit, neque in itinere, et tamen pascha celebrare omittit, is e populo suo excindetur, quoniam tempore constituto munus suum mihi non obtulit; feret culpam suam. 14. Peregrinus inter vos, qui Pascha celebrare voluerit, faciat hoc ex iisdem institutis et ritibus. Idem jus sit peregrinis et indigenis. — 15. Cum tabernaculum erigebatur, obtexit

xit illud nubes, vespere autem extitit super eo ignis quædam species usque ad mane, 16. et sic perpetuo. *Interdiu* a) nubes illud contextit, noctu ignis species. 17. Prouti nubes super tabernaculo ascendit, ita profecti sunt Israelitæ; atque ubi confedit, ibi castra posuerunt. 18. Ad voluntatem Jovæ vel profecti sunt, vel castrametati. Quamdiu nubes tabernaculo infedit, castra non moverunt. 19. Quodsi per complures dies nubes tabernaculo immorata est, vacarunt Israelitæ cultui sacro, b) neque iter continuarunt. 20. Si ad paucos dies tabernaculo insidebat, ex voluntate Dei vel castra

a) Supplendum esse יומם oppositum לילה docet. Sed quod re vera e textu exciderit, nec tamen ausim cum *Hubigantio* certo affirmare, quanquam ex antiquis interpretibus ei o, Syrus, Vulgatus et Arabs in Polygl. illud habent. Constat Hebræos non semper summam in scribendo ἀκριβοῦς adhibere. Codex Sam. Onkelos et Araba Erpen. consentiunt cum recepta lectione.

b) Phrasis שְׁמֹר מִשְׁמֶרֶת quæ h. l. legitur, omnem cultus Levitici observationem indicat. cf. Levit. 18, 30. et 22, 9. not. a). Sensus igitur h. l. est: Israelitæ tum demum tabernaculum sacrum erexisse et ritus sacros observasse, si per complures dies uno in loco commorabantur; si ad breve modo tempus, tabernaculum non esse erectum. Quod num futurum esset, indicabatur eis per Moſen, secundum v. 23.

posuerunt vel profecti sunt. 21. Si a vespera ad mane consedit et tunc ascendit, profecti sunt. Sive interdiu, sive noctu, quando ascendit, profecti sunt. 22. Si per biduum, aut mensem, aut annum integrum nubes super tabernaculo immorata est, non profecti Israelitæ, sed castra posuerunt; simulac vero ascendit, iter sunt ingressi. 23. Utrumque fecerunt ex voluntate Jovæ, per Moysen indicentis, si cultum sacrum deberent instituire.

CAPUT X

De rubis quibus Israelitæ convocentur, et certo ordine quæ castra moveri debeant. Alii tubarum usus. Rogat Moyses affinem suum, ut se in itinere per desertum comitetur.

Preces Moysi, quando castra movebantur, aus figebantur.

1. **T**um quoque Jovæ cum Moysa ita est locutus :
 2. Fac tibi duas tubas argenteas easque solidas, quibus legatos populi convoces et ad castra movenda signum des. 3. Si ambabus clangitur, conveniant apud te populi legati ad portam tabernaculi conventus. 4. Si una tantum, principes, capita familiarum congregentur. 5. Si sono productiori clangitur, proficiscantur castra orientalia. 6. Si idem sonus iterum editur, proficiscantur castra meridionalia. Sonus ille productus signum sit castrorum movendorum. 7. In convocandis vero populi legatis fracto sono tantum clangatur, non productiori. 8. Filio-

rūm Aaronis sacerdotum sit, tubis clangere. Quorum *tubarum* usus sit apud vos perpetuus, etiam inter posteros vestros. 9. Si in terra vestra prælium cum hoste vobis infesto initis, tubis clangetis, ut memoria vestrum Jovæ redeat et ab hostibus vestris defendamini. 10. Item diebus festis, feriis statutis et noviluniis tubis canetis. Item super holocaustis vestris et sacrificiis eucharisticis. Interviant vobis ad memoriam vestri recolendam coram me. Ego sum Jova Deus vester. — 11. Anno secundo, vicesimo die secundi mensis ascendit nubes super tabernaculo legis. 12. Tunc castra moverunt Israelitæ e deserto Sinai. Confedit deinde nubes in deserto Paran, 13. et tunc primum ordine quem Jova per Mosen instituerat iter sunt ingressi. 14. Vexillum castrorum Judæ cum agminibus suis primum profectum est, quibus præfuit Nachschon filius Amminadabi. 15. Dux tribus Isascharis, Nataneel filius Zuaris, 16. et dux tribus Sebulonis, Eliabus filius Chelonis. 17. Interea demissum fuit tabernaculum et profecti sunt Gerschonitæ et Meraritæ portantes tabernaculum. 18. Tum vexillum castrorum Rubenitarum cum agminibus suis profectum est, duce Elizuro filio Schdeuri, 19. et dux tribus Simeonis, Schelumiel filius Zurischadæi, 20. et dux tribus Gaditarum, Eljasaphus filius Deuelis. 21. Tum pro-

fecti

fecti sunt Kehathitæ portantes sanctuarium. Inter-
 ea illi tabernaculum erexerunt antequam *hi* veni-
 rent. 22. Tum vexillum castrorum Ephraimiticorum
 profectum est cum agminibus suis, duce Elischama
 filio Ammihudi, 23. et dux tribus Manassis Gamliel
 filius Pedazuri, 24. et dux tribus Benjaminitarum
 Abidan filius Gideonis. 25. Postremo vexillum ca-
 strorum Danitarum profectum est cum agminibus
 suis, duce Achiesero filio Ammischaddæi, 26. et dux
 tribus Ascheritarum Pagiel filius Ochranis, 27. et
 dux tribus Naphtalitarum Achiraus filius Enani. 28.
 Hoc ordine Israelitæ in agmina distributi castra mo-
 verunt et profecti sunt. — 29. Moses autem Cho-
 babo filio Reguelis Midianitæ affini suo *a)* dixit:
 Jam quidem proficiscimur ad locum quem Jova no-
 bis dare promisit. Veni nobiscum, tibi benefacie-
 mus. Magnæ enim felicitatis Jova Israelitis spem
 fecit. 30. Ille vero recusavit comitem se præbere,
 sed in patriam suam se reversurum esse dixit. 31.
 Sed institit Moses precibus suis, noli nos deserere,
 inquit, nosti enim ubi in deserto castra ponere
 debeamus, oculorum instar nobis eris. 32. Quodsi
 nos comitabere, bonorum quibus Deus nos afficiet,
 tu quoque inter nos particeps fies. — 33. Profe-
 cti igitur a monte Jovæ trium dierum iter fecerunt,

arca

a) cf. Exod. 2, 18.

arca fœderis Jovæ eos præcedente et procurante locum stationis. 34. Nubes autem Jovæ interdium iter faciebant, eos texit. 35. Quando arca iter ingrediebatur, Moses dixit: Surge Jova, ut dissipentur hostes tui et adversarii tui in fugam convertantur. 36. Quando autem in loco suo reponebatur, dixit: Revertere Jova ad myriadum millia Israëliitarum.

CAPUT XI

Iterata populi querela carnem a Mose flagitantis. Quibus hic vehementer commotus Deum de onere sublevando rogat. Jubetur senatum septuaginta seniorum convocare. Populus carnem a Deo accipit, sed in ipso ejus esu clade afficitur.

1. **A**ccidit autem ut populus impie quiritaret coram Jova. Quo facto hic iratus ignem incendit, qui extrema castra consumsit. 2. Tum populus clamavit ad Mosén, atque cum hic apud Jovam intercederet, ignis confedit. 3. Unde locus hic Tabera (h. e. incendium) dictus est, quoniam ignis Jovæ inter eos exarserat. — 4. *Non ita longe post turba mixta hominum inter Israelitas commorantium desiderio aliorum ciborum afficiebantur, et ipsi quoque Israelitæ denuo flere incipiebant et dicere: utinam carne vesci possemus. a)* 5. Recordamur piscium, quos

a) cf. Exod. 12, 38.

quos in Aegypto gratis comedebamus, cucumerum, peponum, porri, ceparum et alliorum. 6. Jam vero contabescimus, nec oculis nostris quidquam conspicimus nisi Mannam. (7. Erat autem Manna ut grana coriandri, colore instar bdellii. 8. Populus eam passim colligebat, molaque contusam aut in mortario contritam coquebant in olla, et parabant ex ea placentas subcineritias. Sapore similis erat pani oleato. 9. Quando ros in castra cadebat noctu, manna quoque cadebat.) 10. Moses cum audiret universum populum flentem, omnes enim ante tabernacula plorabant, graviter hac re offensus, Jovæ, qui et ipse vehementer irascebatur, 11. dixit: Cur me tantopere affligis? cur hanc mihi gratiam non concessisti ut *munus hoc detrectare mihi liceret*, sed ut totum hujus populi onus mihi imponeres? 12. Num ego hunc tantum populum concepi? num peperì? ut me jubeas enim in sinu ferre, ut solet nutritor lactentem, in terram quam majoribus ejus jurejurando promissisti. 13. Unde carnem sumam, quam universo huic populo dem? omnes tamen flentes a me postulant, ut carnem eis comedendam præbeam. 14. Non possum ego solus ferre hunc populum, impar sum huic oneri ferendo. 15. Si ita mecum agere velis, interfice me, quod beneficii loco mihi erit, ne tanta cogar mala experiri. 16. Ad hæc Jovæ

Mosi respondit: evoca septuaginta ex Israëlitarum senioribus, quos nosti populi esse proceres et scribas. Hi una tecum adsint ante tabernaculum conventus.

17. Tum ego in nube descendam et tecum loquar, tuæque virtutis partem eis tribuam, ut tecum onus populi portent, neque tibi soli id sit sustinendum.

18. Populo autem dicito: lustrate vos in crastinum, carnem accipietis comedendam. Jova audivit voces vestras flentes, quibus carnem optastis et in Aegypto bene vobis fuisse dixistis. Dabit vobis Jova carnem qua vescemini,

19. non in unum, non in duo, aut quinque, aut decem, aut viginti dies,

20. sed in mensem integrum, donec vobis fastidio sit et nauseam pariat, quoniam repudiastis Jovam, qui inter vos versatur, et doluistis, vos ex Aegypto esse egres-

fos. 21. Tum Moses, sexcentis peditum millibus, inquit, constat hic populus, cui ego præsum et tu promittis dare eis carnem, qua per integrum men-

sem vescantur. 22. Num pecus et armentum mactari debet, quod eis sufficiat, aut pisces maris omnes congregabuntur, ut satis habeant?

23. Ad hæc Jova Mosi respondit: Num manus mea brevior facta est? videbis, num dicta mea eventura sint, nec ne.

24. Tum Moses retulit ad populum quæ Jova dixerat, et convocavit septuaginta viros de proceribus, quos adesse jussit ante tabernaculum conventus.

25.

Quo

Quo facto Jova in nube descendit et locutus est ad eos, partemque facultatum, quibus Moses instructus fuit, impertiit septuaginta illis proceribus. Qui ut primum earum participes erant facti, divina vi sunt locuti *b*). 26. Verum duo ex illis, alter nomine Eldad, alter nomine Medad, non convenerant, sed re-

b) In textu legitur וַיִּתְּנָאן וְלֹא יָסֻפּוּ quæ verba mihi quidem valde difficilia videntur. Primo נָאָא dicitur de illa mentis agitatione extraordinaria, quam legimus nonnunquam homines in se sensisse et ea impulsos locutos esse. Sed qualis ea fuerit, obscurum est et incertum. De Saulo quidem bis legitur 1 Sam. 10, 5. et 17, 23. ubi in cætu נְבִיאִים dicitur כִּתְּנָאָא quod de vaticiniis proprie dictis s. rerum futurarum prædictione non potest intelligi, sed de carminum cantu adhibitis instrumentis musicis recte, uti arbitror, a plerisque interpretibus explicatur. Sed quid hoc loco, ubi nulli prophetarum chori? Equidem ex causa effectum explicavi. Sed quæ horum נְבִיאִים ratio fuerit, fateor me ignorare. Hoc tantum affirmare audeo, eos res futuras non prædixisse, atque propterea verbum non per *vaticinari* esse vertendum. Deus partem facultatum, aut animi indolis, נָאָא, qua Moses instructus fuit, impertiit viris illis; hinc factum est ut וַיִּתְּנָאן divino impulsu loquerentur, sicuti Moses. — Neque minus difficilia sunt verba quæ sequuntur וְלֹא יָסֻפּוּ in quibus vertendis interpretes antiqui et recentiores in duas partes abeunt. Alii: *et non addiderunt*, h. e. tantum hoc

remanferant in castris. Hi quoque vim illam extraordinariam in se sentiebant. Erant quidem inter illos non consignatos, sed non egressi fuerant ad tabernaculum. Igitur in castris divina vi loquebantur. 27. Quod cum Mofi esset a puero quodam sine mora indicatum: 28. Josua filius Nunis, qui ei inde a juventute sua c) ministra-

die vaticinati sunt et non amplius. Sic *ai ó* et Syrus. Alii: *non cessarunt*, a *סוף* ut sensus sit: quod inde ab hoc die nunquam destituti fuerint dono illo vaticinandi, quamdiu magistratum gesserint. Sic Onkelos et Vulgatus. Neutram explicationem mihi probari vident lectores, quod aliam lectionem sum secutus. Hæc vero est Codicis Samaritani, qui inserto *N* legis *סוף־נ* quod cum sequenti *וַיִּשְׁמְרוּ* conjungo et initium sequentis versus facio. Lectionem hanc facilem esse, neque alienam a genio linguæ, aut modo narrandi Hebræorum, nemo vii arbitror negabit. Quod si ex illis explicationibus alterutra esset eligenda, posteriorem præferrem, in qua tamen *סוף־נ*, quod ex lectione recepta legimus, litera *י* inferenda esset, *סוף־י*. Num igitur audacior videatur crisis, si *N* inseritur, auctore præterea Samaritano?

c) hebr. *מִבְּחַרֵּי* quod *ai ó* Vulgatus et Arabs in concreto explicant *ó εκλεκτός*, *electus e pluribus*. Sed Syrus et Onkelos in abstracto, quos ego secutus sum. Utramque explicationem vocabulum hebraicum admittit. Nec tamen propterea Mosen satellitibus stipatum fuisse existimem, uti *Michaelis* verit (der von seiner Leibwache war), de quo nullibi aliis, quod ego sciam, indicium extat.

nistravit, rogavit ut eos prohiberet. 29. At enim vero Moses, num mea causa invides? inquit; utinam totus populus divino impetu loqueretur et Jova omnes extraordinaria facultate instrueret. 30. Tum rediit Mose cum proceribus Israelitarum in castra. — 31. Jova vero coturnices vento trans mare sublatas disperfit per castra ab utraque parte unius diei itinere duorum cubitorum altitudine in terræ superficie. 32. Igitur populus toto illo die totaque nocte et die quoque sequenti coturnices collegit (ad minimum decem fasciculos quisque collegerat) quas per castra expanderunt. 33. Caro adhuc erat eis inter dentes, necdum conscissa, cum ira Jovæ erupit et clade perquam magna eos affecit. 34. Hinc locus hic vocatur Kibhroth Hattaavah (sepulera desiderii) quoniam ibi sepulti erant isti insana cupiditate incitati. 35. Ab Kibhroth Hattaavah profecti sunt Chazerotham.

CAPUT XII

Maria et Aaron nuptias secundas Moses cum peregrina improbantes reprobentur a Deo, atque illa quidem lepra puniatur, a qua tamen ad preces Moses sanatur.

1. Ibi Maria et Aaron indignabantur Mosi, quod mulierem Aethiopissam in matrimonium duxerat.
2. Num tantum per Mosen, inquebant, Jova loquitur,

tur, nonne etiam per nos? a) Quæ eorum dicta Jova valde improbavit, (3. Moses quidem vir fuit omnium quos terra ferebat, mitissimus,) 4. atque subito jussit, ut Moses Aaron et Maria ipsi tres ad tabernaculum conventus egrederentur. Quod cum fecissent, 5. Jova in nube descendit et ad ostium tabernaculi substans evocavit Aaronem et Mariam, eisque ambobus egressis 6. dixit: audite quod dicam: Si quis vestrum propheta est, ego ei in visione innotescere soleo, aut in somnio cum eo loqui: 7. At cum Mose servo meo non item: qui in omnibus mihi est fidelissimus b). 8. Ut præsens cum præsente loqui cum eo soleo, coram, non per ænigmata, me ipse intuetur. Quare igitur non veriti estis loqui adversus servum meum Moysen? 9. Sic iratus in eos Jova discessit. 10. Nubes quoque super tabernaculo disparuit. Et ecce Maria leprosa erat, candens instar nivis. Quod cum Aaron

a) Sensus est: se has nuptias non sua auctoritate, sed ex voluntate Dei improbare, quam, quoniam et ipsi revelationibus divinis non destituti essent, æque ac Moses cognitam haberent et perspectam. Qui sensus ex verbis Dei probatur, in quibus ostendit, quantum discrimen sit inter revelationes, quibus Moysen et quibus alios prophetas dignetur.

b) hebr. *in cora. domo mea fidelis est.* Domus h. l. est populus Israeliticus.

Aaron videret, 11. dixit Mosi: noli, mi domine, nobis imputare peccatum tam imprudenter commissum. 12. Ne similis ista fiat fructui abortivo, qui dimidio corpore consumto ex utero materno prodit. 13. Tum Moses precibus apud Jovam pro ea intercessit, ut iterum sanaretur. 14. Respondit Jova Mosi: Si pater ei in vultum exspuisset, nonne per septem dies eam puderet? Includatur igitur extra castra in septiduum et postea recipiatur. 15. Igitur inclusa est Maria extra castra per septem dies, neque populus castra movit, donec esset recepta. 16. Tum vero profectus est ex Chazeroth et castra posuit in deserto Paran.

CAPUT XIII

Mittuntur jussu Dei duodecim exploratores in Palastinam, Qui ea perlustrata et ad populares suos reversi terram quidem bonam esse referunt, sed incolas fortes et bellicosos, urbes munitas. Quo nuntio populus perterritus omnem terræ potiundæ spem abjicit.

1. Ibi Jova Mosen jussit, 2. mittere exploratores in Cananæam, quam Israelitis dare vellet, ex singulis tribubus singulos, eosdemque omnes viros principes. 3. Igitur misit Moses ex deserto Paran ex voluntate Jovæ viros, qui omnes primarii erant inter Israelitas. 4. Nomina eorum erant hæc: e tribu Ruben,

Ruben, Schammum filius Sacchuris. 5. E tribu Simeon, Schabad filius Chori. 6. E tribu Juda, Caleb filius Jephunnæ. 7. E tribu Isaschar, Jigal filius Josephi. 8. E tribu Ephraim, Hosea filius Nuni. 9. E tribu Benjamin, Paldi filius Raphni. 10. E tribu Sebulon, Gaddiel filius Godi. 11. E tribu Josephi, et quidem Manassis, Gaddi filius Sufi. 12. E tribu Danis, Ammiel filius Gemalli. 13. E tribu Ascher, Setur filius Michaelis. 14. E tribu Naphtali, Nachbi filius Vophsi. 15. E tribu Gadis, Geuel filius Machi. 16. Hæc sunt nomina virorum quos misit Moses ad explorandam terram. (Hoseam vero filium Nuni vocarat Josuam.) 17. Cumque eos dimitteret, dixit: per tractum meridionalem converte vos ad regionem montanam, 18. et videte qualis sit terra et qui populus eam inhabitans, num potens, an debilis? num exiguus, an multus? 19. Tum qualis terra quam incolit, num bona, an mala? tum cujusmodi urbes sint, quas incolunt, num in castris, an in locis munitis degant? 20. Item quale terræ solum, pingue an macilentum? num arbores habeat an contra? Nec dubitetis fructus nonnullos afferre. Tempus autem erat, quo uvæ maturescunt. — 21. Profecti igitur sunt et explorarunt terram a deserto Sin usque ad Rechobam versus Chamatham. 22. Primum a)

per

a) cf. vers. 17.

per tractum meridionalem venerunt *b)* Hebronem. Ibi erant Achimanæi, Schefschæi, Talmæi *c)* ex posteris Enakæorum. Hebron autem condita est septem annis ante Tanin Aegypti. 23. Hinc venerunt in vallem Eschkol, ibi absciderunt palmitem cum uva, quem duo palo impositum tulerunt. Item malogranata et ficus *secum attulerunt*. 24. Hinc locus hic vocatus est vallis *Eschkol* (h. e. *uvarum vallis*) quod Israelitæ ibi uvam absciderant. — 25. Post quadraginta dies ab exploranda terra redierunt, 26. et venerunt ad Mosen, Aaronem et universum Israelitarum cœtum Cadescham in desertum Paran, eisque *quid egissent* retulerunt et ostenderunt terræ fructus. 27. Fuimus in terra, quo nos misisti, (ita narrarunt Mosi) et sane terra est rebus præstantissimis abundans *d)*, videte ejus fructus.

28. Ve-

b) In textu quidem legitur אַחִימָנִי *et venit*, sed in plurali legendum esse אַחִימָנִי *rum* contextus docet, tum Cod. Sam., et versiones antiquæ præter Onkelosum et Arabem Erpenil probant.

c) Nomina hebræa Achiman, Schefschai et Talmæi non sunt nomina hominum singulorum (nam ratio non esset, cur tres homines exploratorum attentionem tantopere excitassent); sed integræ familiæ, sive tribus Troglodytarum a progenitoribus suis nominatæ, cfr. vers. 28. et Genes. 36, 15. not. *c)*.

d) hebr. *lacte et melle fluit*.

28. Verum enim vero populus qui eam inhabitat, fortis est: et urbes munitæ et permagnæ. Etiam Enakæos ibi vidimus. 29. In tractu meridionali habitant Amalekitæ, in regione montana Chittæi, Jebusitæ, Amoritæ, Cananitæ ad mare et Jordanum. 30. *Orto ad hac fremitu populi e)* Calebus mitigare animos in Mosen studuit, ascendamus, inquebat, occupemus terram, prævalebimus sine dubio. 31. Sed qui cum eo fuerant, negarunt se populum istum posse aggredi, utpote ipsis fortiozem. 32. Diffamarunt etiam terram quam exploraverant apud Israelitas. Terra, inquebant, quam explorandi causa peragravimus, quam maxime est insalubris. *f)* Homines quos in ea vidimus, immanis erant staturæ. 33. Gigantes ex posteris Enakæorum ibi vidimus, quibus nos et nosmetipsi cum illis collati locustæ videbamur.

CAPUT XIV.

Graves querele primum senatus, deinde totius populi de periculo eis in terræ occupatione timendo. Moses et Aaron frustra placare populum tentant. Deus apparuit, minatur mortem populo rebeli, jubet reverti in desertum et in eo per quadraginta annos oberrare. Cum contra voluntatem Dei Cananitas aggrediuntur, ab his repelluntur.

1. Tum

e) Hæc supplenda esse contextus narrationis docet, coll.

Deut. I, 26. seqq.

f) hebr. terra comedit incolas suos.

1. **T**um universus coetus sublata voce et populus quoque tota nocte ploravit. 2. Omnes Israelitæ murmurarunt contra Moſen et Aaronem, et univerſus cœtus eis dixit: utinam in Aegypto eſſemus mortui, aut in hac ſolitudine! 3. Quare vero Jova nos duxit ad hanc terram ut gladio pereamus, mulieres et parvuli noſtri in prædam abducantur? Nonne præſtat reverti in Aegyptum? 4. Immo jam agebant inter ſe de dñce eligendo et de reditu in Aegyptum. 5. Hic Moſes et Aaron coram univerſo Iſraelitarum cœtu ſupplices in faciem procidere. 6. Joſua vero, filius Nunis et Caleb ſilius Jephunnæ, qui erant de terræ exploratoribus, veſtes ſuas dilacerare, 7. atque univerſo Iſraelitarum cœtui dicere: terra quam explorandi cauſa peragravimus, perquam bona eſt. 8. Si Deus nobis favet, ducet nos in hanc terram eamque nobis poſſidendam dabit, ſiquidem terra eſt rebus optimis et præſtantiffimis abundans. 9. Modo ne rebelletis contra Jovam, nec timeatis vobis ab illius terræ incolis, ad inſtar panis eos conſumemus. Præſidium eorum ab eis diſceſſit. Jova vero nobiſcum eſt, nolite metuere. 10. Ad hæc totus cœtus eos lapidare minatus eſt. Tum vero Jovæ majeſtas in tabernaculo conventus conſpiciebatur ab omnibus Iſraelitis: 11. atque Moſi dixit: Quouſque me contemnet populus iſte? quouſque

usque mihi non credent, post tot miracula, quæ inter eos patravi? 12. Peste eos perdam et delebo, et ex te gentem oriri faciam istis longe majorem et potentio rem. 13. Ad hæc Moses Jovæ respondit: Id vero audient Aegyptii, e quibus tu hunc populum virtute tua eduxisti, 14. atque dicent hujus terræ incolis, qui et ipsi audierunt te, Jovam, apud hunc populum versari, te ei conspiciendum præbere, nubem tuam ei incumbere, te in nube interdiu atque in igne noctu eum præcedere, 15. dicent, inquam, istæ gentes, quæ de fama tua audierunt, quando hunc populum ad unum omnes delevisi: 16. Non poterat Jova hunc populum in terram quam ei jurejurando promiserat, perducere, propterea mactavit eum in deserto. 17. Quare ostende jam virtutem illam tuam quam prædicabas de te his verbis: a) 18. Jova longanimis est et insigni benevolentia, condonans culpam et peccatum, non prorsus perdit, punnit patrum iniquitatem in liberis tertia et quarta generatione. 19. Ignosce, quæso, culpæ hujus populi pro magna tua benignitate, quemadmodum ei inde ab Aegypto huc usque ignovisti. 20. Ignosco, inquit Jova, prouti precatus es. 21. Sed per vitam meam juro, majestatem meam in tota hac terra iri-

mani-

a) Respicit descriptionem, quam Deus de se ipse dederat

Exod. 34, 6.

manifestatum. 22. Nullus enim istorum hominum, qui potentiae meae signa in Aegypto et deserto viderunt, meque jam decies tentarunt, nec mihi morem gerunt, 23. videbit terram quam majoribus eorum jurejurando promisi. Nemo eorum qui me spreverunt eam videbit. 24. Verum Calebus mihi deditus, alio in me animo affectus, constanti erga me obedientia, hunc perducam in terram in qua fuit, ejusque posterii eam possidebunt. 25. Amalekitae et Cananitae vallem istam tenent, cras convertite vos et profiscimini in solitudinem versus mare rubrum. — 26. Porro Jova cum Mose et Aarone hunc in modum locutus est: 27. Quousque condonabo cœtum isti improbo, perpetuo murmuranti? Audivi fremitus istos Israelitarum. 28. Dic eis nomine meo: per vitam meam juro, ni vobis fecero quemadmodum me audiente dixistis. 29. In hoc deserto moriemini, nimirum omnes recensiti, qui vigesimum annum exceßerunt, qui contra me murmuraſtis. 30. Non venietis in terram quam vobis habitandam jurejurando promiseram, præter Calebum Jephunnæ et Josuam Nunis filium. 31. At parvulos vestros, quos prædæ futuros esse dixistis, hos eo ducam, hi terræ a vobis repudiatae bonis fruentur. 32. Moriemini in hac solitudine. 33. Filii vero vestri in ea oberabunt quadraginta annos et defectionis vestrae poe-

nam luent, donec vos omnes eritis confumti in deserto, 34. pro numero dierum, quibus hanc terram explorastis, nempe quadraginta, dies pro anno æstimabitur, luetis culpam vestram per quadraginta annos. Sic iram meam experiemini. 35. Ego Jova hæc minitor et profecto ita faciam universo huic cœtui improbo adversus me conspiranti. Confecti in hac solitudine morientur. — 36. Viri autem isti a Mose ad explorandam terram missi, qui reversi universum cœtum in seditionem concitaverant, diffamando terram, 37. subita morte perierunt in loco sacro *b*). 38. Josua tantum filius Nunis et Caleb filius Jephunnæ ex illis terræ exploratoribus superstites manserunt. — 39. Postquam Moses hæc omnia ad Israëlitas retulisset, omnes vehementer luxerunt. 40. Mane ut surrexerunt, montem voluerunt ascendere, atque *Mosè* indicarunt, sese jam paratos esse aggredi illum locum, de quo Jova dixisset, fateri se culpam admissam. 41. Moses quidem eos hortatus est, ne recusarent Jovæ obtemperare, infelicem successum rem esse habituram. 42. Ne igitur ascenderent, Jova eos non adjuvante, ne ab hostibus cæderentur. 43. Illic enim eos in Amalekitas et Cananitas esse incursumos et gladio ca-
suros;

b) hebr. לִפְנֵי יְהוָה *coram Jova* h. e. cum adhuc starent ante tabernaculum. cf. vers. 10.

-furos: nam quoniam Jovæ morem non gessissent, eum ipsis non adfuturum. 44. Illi vero pertinaciter contenderunt montem ascendere. Arca tamen fœderis et Moses e castris non discesserunt. 45. Amalekitæ igitur et Cananitæ montes illos incolentes eos cæciderunt et profligarunt usque ad Chormam.

CAPUT XV

De fertis et libaminibus Deo cum victima offerendis. De primitiis farinæ. De peccatorum per errorem admissorum expiatione. De supplicio ejus qui sabbatum violavit, et vestim sabbatis.

1. **H**as quoque leges Jova Moſen jussit 2. Israelitis promulgare: quando perveneritis in terram a) quam vobis habitandam daturus sum, 3. et sacra mihi facere velitis, holocausto aut alio sacrificio, five ex voto, five voluntarie, five diebus festis ad me placandum b), five sit ex armento, five ex pecore: 4. is qui munus offert, fertum simul præbeat similæ decimam partem mistam cum quarta hinis olei, 5. item vinum ad libandum, quartam hinis

a) Igitur in deserto hæ leges non debebant observari, nec poterant propter similæ et vini inopiam.

b) hebr. *ad faciendum odorem placaminis Jovæ*. cf. quæ ad explicationem hujus formulæ dicta sunt ad Genes. 8, 21.

hinis partem, five holocaustum sit, five aliud sacrificium quod agno constat. 6. Si ariete facit; fertum sit duarum decimarum similæ mistæ cum tertia parte hinis olei, 7. et ad libationem etiam tertiam hinis partem vini. 8. Si juvenum aut holocausto aut alio sacrificio facitis, five ex voto nuncupato, five pro sacrificio eucharistico: 9. fertum cum juvenco offerendum sit trium decimarum similæ mistæ cum dimidio hinis olei; 10. libatio vero sit dimidium hinis vini. 11. Sic fieri debet in singulis bobus, arietibus, agnis aut hœdis. 12. Pro numero hostiarum facietis etiam ferta. 13. Sic indigena sacrificium faciat ad me placandum. 14. Sic quoque peregrinus qui inter vos commorabitur, aut quicumque inter posteros vestros deget, si me sacrificio placare voluerit, idem quod vos facietis, faciat. 15. Vos omnes unum idemque institutum habeatis cum peregrino, idque in perpetuum apud vos servetur. Sicuti vos, ita et peregrinus sacra mihi faciat. 16. Una lex idemque jus sit vobis et peregrino, qui inter vos commoratur. — 17. Porro Jova Moysi dixit: 18. Hæc quoque Israelitis præcipito: quando perveneritis in terram, in quam vos duco, 19. et pane ejus *primum* c) vescemini, munus mihi seponetis, 20: nimirum placentam ex pri-

c) Hoc supplendum esse ex sequenti versu apparet.

primitiis farinæ vestræ subactæ. Sicuti manus ex
area seponitis, ita etiam cum hoc fieri debet. 21.
Has igitur primitias farinæ subactæ semper mihi po-
steri vestri seponant — 22. Quodsi per impruden-
tiam non fueritis exsecuti hæc præcepta omnia, quæ
vobis dedi per Mosen, 23. inde a primo die quæ
leges vobis dare institui, et deinceps: 24. Si in-
scio universo cœtu per errorem aliquid commissum
fuerit, faciat universus cœtus juvenco holocaustum
ad me placandum, cum ferto et libamine ex ritibus
præscriptis et hædo caprino victimam piacularem.
25. Sic expiet sacerdos universum Israelitarum cœ-
tum et condonabitur ei, quoniam imprudentia fuit,
illi vero solidum sacrificium et piaculare propterea
Jovæ obtulerunt. 26. Neque solum Israelitis, sed
etiam peregrinis inter eos degentibus condonabitur,
cum universus populus in errore fuerit. — 27.
Quodsi unus aliquis per imprudentiam peccarit, of-
ferat capram anniculam sacrificio piaculari, 28. et
sacerdos eum expiet in loco sacro propter peccatum
per errorem commissum, et condonabitur ei. 29. In-
digena Israelitæ et peregrino apud vos degenti ca-
dem lex esto, si per errorem culpa est contracta.
30. Qui vero sciens volensque malum fecerit, sive
indigena sit, sive peregrinus, is Jovam despiciatus est,
atque ex suorum numero excindatur; 31. Quoniam

legem Jovæ sprevit ejusque præcepta violavit, tollatur e medio, luat culpam suam. — 32. Cum Israelitæ in deserto essent, deprehensus est quidam qui sabbato ligna colligebat. 33. Deductus est ab iis, qui eum deprehenderant, ad Moſen, Aaronem et univerſum conventum, 34. qui eum in custodiam dederunt, quia lege nondum erat definitum, quid ei faciendum ſit. 35. Juſſit Jova Moſi, ut ſupplicio afficeretur, ut lapidaretur ab univerſo cœtu extra caſtra. 36. Igitur eduxerunt hominem e caſtris atque eum lapidibus obruerunt, quemadmodum Jova Moſi præceperat. 37. Tum Jova Moſen juſſit 38. Iſraelitis edicere, ut ſibi facerent in poſterum ſimbrias in veſtium ſuarum limbis, quibus ſila hyacinthina adderent. 39. Quæ ſimbriæ eis in mentem revocent omnia mea præcepta, ut ea obſervent, neque amplius vagentur ad animorum oculorumque ſuorum deſideria, quibus ſolent indulgere. 40. Sic recorderentur præceptorum meorum, eis pareant et mihi ſacri ſint. 41. Ego ſum Jova Deus eorum, qui eos ex Aegypto eduxit, ut me tanquam Deum colerent. Ego ſum Jova eorum Deus.

CAPUT XVI

Seditionem excitant contra Moſen et Aaronem Korachus Datan et Abiramus propter ſacerdotii honores hujus familiae collatos:

Puniuntur a Deo.

1. **R**ebellarunt a) quoque Korachus filius Jizhari, Keha-

a) Lectio textus recepta וִיקַח *et accepit* non commodam admittit explicationem. Judæi quidem interpretes, quos plerique ex Christianis ſequentur, vertunt *vel, tulit ſe ipſum*, ſc. ut ſurgeret contra Moſen; At וִיקַח centies obvium nunquam in prima conjugatione habet ſignificationem reciprocā, ut taceam modum loquendi proſus inuſitatum: *Vel, ſuſcepit* ſc. ſecum alios, nimirum illos centum et quinquaginta viros, de quibus in ſequenti verſu. At hunc ſenſum conſtructioni verborum nullo modo reſpondere, quique qui textum inſpicit, facile intelliget. — Propterea non dubito quin וִיקַח hoc loco ſit derivandum non a לָקַח ſed a קָח atque aliis punctis ſubjectis legendum וִיקַח. Quod קָח in lingua Syriaca eſt *murmuravit, rixatus eſt*, vid. *Caſtellus* in *Lex. Hept.* Interpretes antiqui quid ſenſerint non liquet, num aliud verbum quam לָקַח et fortasſe illud ipſum קָח ſubſtituerint, an ex contextu tantum verterint, cum viderent vulgarem ejus ſignificationem *et accepit* parum aptam eſſe. Syrus quidem et Onkelos habent: אֶתְּפִלֵּג *diviſionem* ſ. *ſeparationem fecit*, cum quibus Arabs Erpenii conſentit qui habet اختلف *diſſenſit*.

Kehathita è tribu Levi, et Datan et Abiram, Eliabi filii et On filius Pelegi e tribu Ruben. 2. Adierunt Mosen una cum ducentis et quinquaginta Israelitis, qui omnes principes erant conventus, viri honoribus et dignitate clari. 3. Hi congregati contra Mosen et Aaronem sic eis dixerunt: nimium vobis arrogatis, universus cœtus sanctus est et Jova in eo versatur, quid igitur vos effertis supra Jovæ civitatem? 4. Quæ cum Moses audiret, in faciem cecidit, b) 5. dixitque Koracho et sociis ejus: cras Deus indicabit, qui ejus sit et qui sanctus sit et qui ad eum accedere debeat. Quem enim electurus est, hunc ad se evocabit. 6. Hoc igitur facite, sumite

thu-

Sed Arabs in Polygl. ^{تقدم} accessit, *oi ô, xxi* *ἑλθοντες Κορε*, et Vulgatus: *Ecce autem Kore* etc. — Caterum hanc horum hominum in Mosen conspirationem admodum fuisse periculosam facile intelligitur ex versu secundo, in quo narratur ducentos et quinquaginta illos viros non fuisse homines de plebe, sed principes populi *מִנְּאֲדָרֵי* legatos et deputatos populi, de quibus cf. dicta ad Levit. 8, 3. et Num. 1, 16. Quorum igitur seditio nisi vi esset repressa, verendum erat, ne universum populum ad suas partes traherent. Propterea Deus quoque legati sui auctoritatem præsentissimo miraculo probavit.

b) Fortasse ad placandos eos, uti in alia seditione fecerat. Cap. 14, 5.

thuribula, tu Korache tulque focil. 7. Igni eis imposito injicite suffitum, cras coram Jova, et quem elegerit, ille sanctus sit. Nimium vobis arrogatis, Levitæ. 8. Præterea Moses Koracho dixit: audite quod dicam, Levitæ! 9. Num parum vobis videtur, quod Deus Israelitarum vos sejunxerit ab universo Israelitarum cœtu, ut ad ministerium tabernaculi ob-eundum ad eum accedere possitis, et vice ipsius populi servire? 10. Te et contribules tuos omnes, Levitas admisit, et jam quoque sacerdotium affectatis. 11. Igitur tu et focil tui contra Jovam conspirastis. Nam quis est Aaron ut contra eum murmuretis? 12. Misit quoque Moses arcessitum Datanem et Abiramum filios Eliabi, sed illi negarunt se venturos esse. 13. Num parum est, *inquirebant*, quod nos o terra lacte et melle abundante eduxisti in hac solitudine necandos, nisi quoque imperium in nos exerceas? 14. Profecto in terram lacte et melle feracem nos non duxisti, nec in agrorum aut vinearum possessionem immisisti: num homines cœcos esse existimas? c) Non veniemus. 15. Ad hæc Moses gravi ira commotus Jovæ dixit: ne *benigne* respicias ad eorum oblationem. Nulli eorum asinum abstuli, nec quenquam injuria affeci. 16. Korachum vero jussit

c) hebr. *num effodias oculos horum hominum.*

jussit postridie cum sociis suis coram Jova comparere, Aaronem quoque adfuturum. 17. Sumerent quisque thuribulum suum et injecto suffimento accederent ad Jovam: ducentis nimirum et quinquaginta thuribulis. Ita ipse æque ac Aaron, quisque cum thuribulo suo adesset — 18. Igitur quisque eum thuribulo suo, igne et suffimento injecto stebant sese ad introitum tabernaculi; Moses et Aaron quoque aderant. 19. Korachus vero convocavit universum cœtum ad tabernaculum. Tum majestas Jovæ comparuit toti cœtui. 20. Et Jova Mosi et Aaroni dixit: 21. Separate vos ab his hominibus, derepente eos conficiam. 22. Tum illi in facies suas prociderunt et dixerunt: o Deus, qui omnibus vitam dedisti, unus *d*) peccavit, et tu omnibus irasceris? 23. Respondit Jova Mosi: 24. Jube ut omnes undique a tabernaculis Korachi Datanis et Abirami discedant. 25. Adiit igitur Moses Datanem et Abiramum comitantibus eum Israelitarum proceribus. 26. Atque omnem multitudinem sic est allocutus: recedite a tentoriis hominum istorum improborum, nec tangite quicquam eorum, ne eodem quo illi judicio auferamini. 27. Igitur omnes undique a tentoriis Korachi Datanis et Abirami discesserunt. Datan vero et Abiramus egressi steterunt

d) proverbialiter, unus pro paucis.

runt ante tabernacula sua una cum mulieribus suis et liberis. 28. Tum Moses inquit: ex eo intelligetis, Jovam me misisse ut omnia sic ordinarem, neque me proprio consilio egisse. e) 29. Si morientur isti uti alii homines, aut si vulgari poena afficientur, Jova me non misit. 30. Sed si Jova insoliti quid fecerit ut terra dehiscens eos una cum omnibus quæ habent deglutiat, et vivi ad inferos descendant, cognoscetis homines istos Jovam contempsisse. 31. Quæ cum Moses dixisset, fissa est terra subter illis, 32. et biatu aperta devoravit eos una cum tentoriis eorum et omni familia et facultatibus Korachi f). 33. Sic descenderunt isti cum suis omnibus vivi ad inferos, terra eos operuit e medio coetu sublatis. 34. Tunc Israelitæ, qui circa illos erant, fugerunt ad illorum clamores, veriti ne et ipsos terra deglutiret. 35. Ignis vero qui a Jova erupit, absumpsit ducentos et quinquaginta illos viros, qui suffitum obtulerant.

CAPUT

e) hebr. *ad faciendum omnia hæc facta et non ex corde meo.*

Quæ non intelligo de omnibus facinoribus et miraculis a Mose inde a quo curam populi susceperat patratis, sed tantum de iis, super quibus contendebatur: nimirum de privilegio Aaronis, de sacerdotio et de Levitarum institutis.

f) Intelliguntur servi, nam filii Korachi criminis patris sui non se reos fecerant, hinc etiam non cum eo perierunt, quod diserte Moses addit infra Cap. 26, 11. et sæpe filiorum Korachi in Psalmis et alibi mentio fit.

CAPUT XVII

Nova populi querela clade repentina puniuntur 1—16. Virga

Aaronis vires in confirmationem sacerdotii ei

collati 16—28.

1. **Q**uo facto Jova jussit Moſen 2. præcipere Eleaſari filio Aaronis ſacerdotis, ut tolleret iſta thuribula e medio combuſtorum et ignem diſjiceret, quoniam conſecrata eſſent. 3. Thuribula nempe iſtorum, qui ſibi ipſi perniciem attuliſſent, et ut in laminas diducerentur, quibus arca operiatur: conſecrata ea eſſe, quod Jovæ fuiſſent oblata, Iſraelitis vero eſſent in ſignum. 4. Igitur Eleaſar ſacerdos fuiſſit thuribula iſta ænea, quæ combuſti illi obtulerant, iisque in laminas diductis aram contexiſſit, 5. ut Iſraelitæ admonerentur, ne quis peregrinus, qui non eſſet de familia Aaronis accederet ad ſuſſendum coram Jova, ne idem ei eveniret, quod Koracho et ſociis ejus, quemadmodum Jova Moſi præceperat. — 6. Poſtridie totus Iſraelitarum cœtus murmuraviſſet contra Moſen et Aaronem, eosque accuſarunt, quod populum Jovæ occidiſſent. 7. Sed cum jam contra eos coirent et verſus tabernaculum conventus tenderent, nubes illud contexiſſit et Jova apparuiſſet. 8. Ad hæc Moſes et Aaron acceſſerunt ad tabernaculum. 9. Tum Jova Moſi dixiſſet: 10. Separate vos ab iſtis hominibus, eos derepente conficiam.

ficiam. Illi vero in facies suas prociderunt, 11. et Moses Aaroni dixit: Sume thuribulum, ignem immitte de altari, suffitum injice et abi sine mora ad cœtum, ut eum expies. Nam ira Jovæ jam erupit, incepit jam clades. 12. Aaron, uti Moses jusserrat, currit cum thuribulo ad populum, in quo clades jam inceperat, et injecto suffitu eum expiat, 13. stans inter mortuos et vivos. Cohibita est clades, 14. in qua perierunt quatuordecim millia et septingenti, præter eos, qui in causa Korachi mortui erant. 15. Cum clades cessasset, rediit Aaron ad Mosén ad introitum tabernaculi. — 16. Deinde Jova cum Mose his verbis est locutus: 17. jube ut tibi principes singularum tribuum Israeliticarum tradant singulas virgas, numero igitur duodecim. Quibus singulis nomen cujusque tribus inscribe. 18. Nomen Aaronis autem inscribe virgæ tribus Levi. Nam singulis familiarum capitibus sint singulæ virgæ. 19. Has depone in tabernaculo conventus, ante arcam legis, ubi responsa tibi a) dare soleo. 20. Quem igitur elegero, hujus virga florebit: hac ratione fremitus istos Israelitarum adversus

a) In textu recepto legitur לָכֶם vobis. Sed Codex Samaritan. et ð, Vulgatus et Arabs habent לָּ. Quod melius videtur, nam cum Mose loquebatur Deus ex illo loco.

versus vos sedabo. 21. Quæ cum Moses ad Israëlitas retulisset, tradiderunt ei singuli familiarum suarum principes singulas virgas, hoc est duodecim, inter quas etiam fuit virga Aaronis, 22. et Moses deposuit eas coram Jova in tabernaculo. 23. Postridie cum tabernaculum ingrederetur, vidit virgam Aaronis tribus Leviticæ florere: gemmas protruserat, flores emiserat, et amygdala maturaverat. 24. Tum Moses omnes virgas e loco sacro ad Israelitas extulit. Quibus visis quisque virgam suam accepit. 25. Sed Jova Mosen jussit reponere virgam Aaronis ante arcam legis in perpetuam hujus miraculi memoriam apud homines istos rebelles, ut supprimerentur tandem seditiosi eorum adversus eum clamores, neque perirent. 26. Quæ omnia Moses diligenter, quemadmodum Jova jusserat, curavit. — 27. Tum Israelitæ apud Mosen conquesti sunt: en exspiramus, perimus, interimus omnes, 28. quicumque audet accedere ad sanctuarium. Num omnibus erit moriendum? *b)*

CAPUT

- b)* Incertum mihi videtur, utrum hæc a populo dicta sint animo thalo et indignante ob illas pœnas divinas peccatoribus illatas, an perterriti et timido ne forte ira Dei sævire pergeret. Quoniam non narratur, quid Moses populo responderit. In illa verborum ambiguitate, nam utramque explicationem admittunt, nolo eorum sensum definire.

CAPUT XVIII

Officia et jura sacerdotum et Levitarum denuo describuntur et familie Aaronis et Levitis assignantur.

1. **T**unc Jova cum Aarone hunc in modum est locutus: Tu, filii tui et domus tua patria pœnam feretis; si quid in sanctuario aut sacerdotio peccatum fuerit. 2. Contribules tuos, Levitas, eodem tecum patre prognatos adhibe, qui te in ministerio adjuvent. Tū quidem et filii tui *eritis* in anteriori parte tabernaculi. 3. Illi vero curabunt quæcunque eis per totum tabernaculum curanda committes, tantum ne ad vasa sacra, aut ad altare accedant, (quod cum illis, tum vobis mortem contraheret), 4. Modo administri vestri sint in omnibus, quæ spectant cultum tabernaculi, nec peregrinus ad vos accedat. 5. Vos tantum curam sanctuarii et altaris geretis, neque deinceps ira mea in Israelitas exardescet. 6. Ipse ego assumo fratres tuos Levitas ex Israelitis, mihi addictos vobis dono ad cultum tabernaculi curandum. 7. Tu vero et filii tui sacerdotio fungemini in omni eo quod pertinet ad aram, et quæ intra siparium sunt peragenda. Munus sacerdotii vobis assigno, peregrinus qui accesserit, morietur. — 8. Porro Jova Aaroni dixit:

Done

Dono tibi oblationes mihi servatas, omnia quæ Israelitæ mihi consecrant, in tuam et filiorum tuorum portionem ex lege perpetua. 9. Sanctissima tibi sint quæ ex sacrificiis accipis: quidquid afferunt, sive fertum sit, sive sacrificium piaculare; sive pro delicto, quidquid de hoc genere est, sacrosanctum sit tibi et filiis tuis. 10. In loco sanctissimo ea comedetis, et quidem mares tantum. Sanctum tibi videatur. 11. Omnia præterea dona Israelitarum, quæ mihi consecrant, tibi dono, nec non filiis et filiabus tuis ex æterna lege; quilibet domesticorum tuorum, modo mundi sint, ea comedat. 12. Oleum, mustum, frumentum optimum, quæ mihi tanquam primitias afferunt, tibi dono. 13. Omnes primores terræ fruges mihi oblatae, tuæ sunt. Vescantur iis domestici tui, dummodo mundi sint. 14. Omne devotum Israelitarum tuum esto, 15. nec non omnia primogenita hominum et animalium, quæ mihi debentur: modo hominum et animalium immundorum primogenita redimenda cures. 16. Redemptionem autem hominis unius mensis æstimes quinque siclis facris, quorum unus est viginti gerarum. 17. In primogenito autem bovis, ovis, aut capræ, redemptionem noli accipere. Sancta hæc sunt. Sanguinem eorum sparges super altari, adipem vero adolebis, cujus sacrificii odore delector. 18. Caro au-

tem

tem tua erit æque a) ac pectus porrectum et armus dexter. 19. Omnia donaria sancta quæ Israelitæ mihi offerunt tibi assigno, filiis et filiabus tuis ex æterna lege. Salarium hoc sit sacrum b) et perpetuum a me tibi et posteris tuis statutum. — 20. Præterea Jova Aaroni dixit: Tu in terra Israelitarum non possessionem nec fundum habebis: quæ mihi debentur, c) pars et portio tua sint inter Israelitas. 21. Levitis autem assigno decimas Israelitarum pro ministerio, quo in tabernaculo conventus funguntur. 22. Neque enim amplius Israelitæ appropinquare debent ad tabernaculum, ne mortis rei fiant.

a) cf. Levit. 7, 29. seqq.

b) Verba textus **בְּרִית מִלַּח עוֹלָם** *fædus salis æternum*, difficilia sunt, si ex lectione recepta debent explicari. Cur enim *fæderis* mentio sit in loco, ubi de retributibus sacerdoti debitis sermo est? Cur hi vocantur *fædus salis*? Ad durationem eorum indicandam? At hæc præcipitur quoque in sequenti **עוֹלָם**. Quæ et similes difficultates tolluntur, si Ill. *Michaelis* conjectura admittatur, qui aliis punctis subiectis legendum censet (in Commentt. Societatis Gæting. prælectis P. I. p. 162.) **בְּרִית** *sal purum* s. *sacrum*. *Sal* vero pro *salarario* dici non solum ex linguis occidentalibus notum est, sed etiam in orientali usurpatum fuisse plane apparet ex Esr. 4, 14. cf. Levit. 2, 13.

c) hebr. *ego sum pars et portio tua inter Israelitas.*

fiant. 23. Sed Levitæ cultum tabernaculi procurent; hi quoque pœnam ferant, in quo peccant Perpetuum hoc sit institutum apud posteros vestros: Nullas habebunt inter Israelitas possessiones, 24. quo propterea a me statuitur, quoniam eis omnes decimas mihi oblatas assigno. — 25. Cum Mose autem Jova hæc locutus est: 26. Levitis hæc edicto: Si ab Israelitis decimas, quas vobis possessicium loco donavi, accipitis: separetis ex iis mihi donarium, decimas de decimis. 27. In quo eaderatione ageatis, qua fit cum frumento ex area, aut cum vino ex torculari. 28. Sic vos quoque mihi donarium separare debetis ex decimis omnibus quas ab Israelitis accipitis, quod meum donarium Aaroni sacerdoti dare debetis. 29. Ex omnibus muneribus partem mihi sacram eamque optimam mihi seponetis. 30. Quod, si feceritis, (hoc ei promitte) eodem loco vobis sint *reliqua*, quo proventus ex area aut torculari. 31. Edere ea potestis quocunque in loco cum familiis vestris. Hæ enim est merces vestra pro ministerio in tabernaculo conventus. 32. Nec culpam in eo contrahetis, si modo partem optimam separastis, nec consecrata ab Israelitis profanabitis, neque moriemini.

CAPUT XIX

*De aqua lustrali ex cinere juvenca rufæ conficienda et
ejus usu in iis, qui immundiciem
contraxerant.*

Item Jova Moſi et Aaroni 2. hanc legem promulgavit: Jube ut Iſraelitæ ad te adducant juvenecam rubram, vitii expertem, in qua macula non ſit, et quæ jugum non ſubierit. 3. Hanc tradite Eleaſari ſacerdoti, qui eam extra caſtra educat et ipſo ſpectante maſtetur. a) 4. Tunc intingat digitum ſuum in ſanguinem, et ſpargat eo ſepties verſus tabernaculum conventus. 5. Deinde comburatur juvenca præſente ſacerdote cum pelle, carne, ſanguine et excrementis: 6. Cui flammæ ſacerdos lignum cedrinum, hyſſopum et lanam coccineam injiciat. 7. Quibus confectis lavet veſtimenta et corpus ſuum, et redeat in caſtra, ſed immundus ſit uſque ad veſperam. 8. Is quoque, qui juvenecam combuſſerit, corpus et veſtes aqua abluat, et immun-
dus

a) שָׁחַט h. l. ut ſequens יָשַׁח impersonaliter eſt explicandum. Nam non ipſe ſacerdos juvenecam debebat maſtare, quod patet ex addito לַפְּנֵי. Clericus Kal pro Hiphil dictum putat: cures maſtandam, quod idem eſt, quoad ſenium.

duſ fit uſque ad veſperam. 9. Tunc mundus aliquis colligat cinerem juvencæ, et extra caſtra in loco puro deponat, ubi ſervetur ad conficiendam pro Iſraelitis aquam luſtralem. Sacrificium eſt piaculare. 10. Item, qui huius juvencæ cinerem collegit, lavet veſtimenta ſua, et immundus habeatur uſque ad veſperam. — Hoc igitur perpetuum fit inſtitutum inter Iſraelitas et peregrinos, qui apud eos commorantur: 11. Qui cadaver humanum attigerit, impurus eſt in ſeptem dies. 12. Is tertio et ſeptimo die ſe *hæc aqua* expiet, et purus fit. Quodſi hiſ diebus non fuerit expiatus, manet impurus. 13. Qui cadaver hominis mortui tetigerit, neque fuerit expiatus, is Jovæ tabernaculum polluit: Huiusmodi autem homo tollatur ex Iſraelitis. Quamdiu aqua luſtrali non eſt conſperſus, impurus eſt, adhæret ei immundities ſua. 14. De homine qui in tentorio mortuus fuerit, hæc lege præciuntur: quiſquis tentorium ingreditur, et quæcunque in eo ſunt, in ſeptem dies inquinantur, 15. ut et omnia vaſa aperta, quibus operculum non eſt impoſitum. 16. Item quiſquis rure occiſum, aut mortuum, aut oſſa humana, aut ſepulcrum tetigerit, in ſeptem dies polluitur. 17. *In harum rerum expiationem* fumatur de cinere ſacrificii illius piacularis combuſti, et miſceatur cum aqua viva in vaſe.

18. Tum purus aliquis sumat hyssopum, quem huic aquæ immergat, atque ea conspergat tentorium, vasa et homines omnes, qui illic fuerint, aut eum qui ossa, aut occisum, aut mortuum, aut sepulcrum tetigerit. 19. Quod fieri debet tertio et septimo die quo expiatur, et si aqua vestimenta et corpus abluerit, circa vesperam mundus est. 20. Immundus qui non vult expiari, is e medio cœtu excindatur. Nam Jovæ sanctuarium polluit, aqua lustrali non conspersus manet impurus. 21. Hoc perpetuum sit inter Israelitas institutum. Is quoque qui aquam lustralem sparserit, lavet vestimenta sua; item qui eam tetigerit, ad vesperam usque immundus est. 22. Quæcunque tetigerit impurus, impura redduntur, et qui eum tangunt, usque ad vesperam inquinantur.

CAPUT XX

Maria moritur. Israelitæ denuo conqueruntur ob aquæ penuriam. Jubetur Moses rupem alloqui, ut aquam emitteret. Sed percutit eam. Ob quam diffidentiam Deus Mo- sen et Aaronem punit, dum neutrum in terram promissam perventurum minatur. Edomitæ Israelitis transitum per terram suam denegant. Propterea hi converso itinere veniunt ad montem Horum; in quo Aaron moritur, cui in munere succedit Eleasar filius.

x. **M**ense primo a) totum Israelitarum agmen venit

a) Anni nempe quadragesimi post exitum Israelitarum ex

nit in desertum Sin, et Cadefchi ad tempus commorati sunt. Ibi mortua et sepulta est Maria, 2. Cum aquæ esset penuria, coeunt omnes contra Mosén et Aaronem, 3. Atque cum illo sic rixantur: utinam mortui essemus, cum fratres nostri a Jovâ occiderentur. 4. Cur duxistis Jovæ cœtum in hanc solitudinem, ubi nos et jumenta nostra perimus? 5. Cur nos ex Aegypto perduxistis in loca hæc tristia? in quibus non sunt agri culti, non ficus, non vites, non malogranata, ne aqua quidem quam bibamus, 6. Tum Mosés et Aaron a cœtu venerunt ad introitum tabernaculi. Ibi cum se in faciem abjecissent, apparuit Jovâ, 7. et cum Mo- se hunc in modum est locutus: 8. Prehende baculum, et convocato cœtu tu et Aaron frater tuus alloquimini petram illis audientibus, ut aquam emit- tat. Sic aquam eis elicies e petra, et potum præbebis omnibus, ut et eorum pecori. — 9. Mo- ses igitur sumit baculum *b)* e loco sacro, quemad- modum

Aegypto, cf. Cap. 33, 37, 38. Omnem igitur historiam septem et triginta annorum itineris et commorationis in deserto Mosés silentio præterit, quod eam a consilio suo alienam judicavit,

b) Grotius, Clericus et alii baculum Aaronis intelligunt, qui una nocte floruerat et amygdala emiserat, quoniam
h. l.

modum Jova jufferat, 10. et convocato a se et Aarone cœtui e regione petræ dixit: audite rebelles, num aquam ex petrâ vobis eliciemus? 11. Simul sublata manu percussit petram bis baculo suo, et magna aquæ copia emanavit, ut populus et pecus haberent quod biberent. 12. Tum Jova Mosi et Aaroni dixit: quoniam mihi non credidistis c), ut honorem mihi coram Israelitis exhiberetis, non introducetis populum in terram ei destinatam. 13. Hæ sunt aquæ contentionis, ubi Israelitæ cum Jova contendebant, hic vero verendum se eis exhibuit. — 14. Deinde misit Moses legatos Cadescho ad Edomitarum regem *cum his mandatis*: Sic dicunt Israelitæ cognati vestri: nostis multas et varias

h. l. narratur, Mosén sumfisse baculum *e loco sacro*, in quo ille fuerat depositus. cf. Cap. 17, 25. Ego vero intelligo baculum Mosi, quo miracula illa in Aegypto patraverat, quoniam vers. 8. simpliciter jubetur sumere baculum et vers. 11. narratur eum *suo baculo* rupem percussisse. Ex illis vero verbis colligo eum æque ac virgam Aaronis virentem in loco sacro, attamen non in arca legis, uti hæc, fuisse depositum.

- c) Peccavit Moses primo dum populum per interrogationem allocutus est, quæ fere dubitantis erat, deinde dum rupem bis percussit, quod omnino non jussus erat. cf. vers. 8.

rias difficultates, in quas incidimus. 15. Majores nostri migraverant in Aegyptum ibique diu habitaverunt. Sed cum Aegyptii nos et majores nostros valde affligerent, 16. Jovam invocavimus; qui audito clamore nostro misit legatum, qui nos ex Aegypto educeret. Jam sumus ad Cadefschum, extremum finium vestrorum oppidum. 17. Liceat nobis transire per terram vestram. Non per agros aut vineas ibimus, neque aquam ex puteis bibemus, via regia incedemus, neque ad dextram neque ad sinistram descedentes, donec terminos vestros transiverimus. 18. Sed Edomitæ denegarunt Israelitis transitum, alioquin armata manu eis obviam ituros. 19. Et cum denuo Israelitæ promitterent, se velle via trita incedere, et si aquam eorum vel ipsi, vel pecora hiberent, pretium esse soluturos, nulla re se *molestos futuros*, pedibus tantum transituros; 20. tamen constanter denegarunt Edomitæ transitum et cum magno exercitu et armata manu in occursum exierunt. 21. Quod cum Israelitæ viderent, ab iis deflexerunt, 22. atque a Cadefcho profecti venerunt ad montem Horum, 23. qui et ipse est in finibus Edomitarum. Ibi Jova Moysi et Aaroni indicavit, 24. huic moriendum esse, eum non perventurum esse in terram quam Israelitis daturus sit, quoniam ipsi morem non gessissent ad aquas Meribæ;

25. ascenderet igitur cum Aarone et Eleasare ejus filio montem Horum, 26. ibique exueret Aaronem vestimentis suis, quibus amiciret ejus filium Eleasarem, illum vero ibi diem suum obiturum. 27. Moses fecit quod Jova jusserat. Ascendit Horum montem videntibus omnibus. 28. Ibi exuit Aaronem vestibus suis, iisque amicivit Eleasarem ejus filium, et tunc mortuus est Aaron in vertice montis. Cum vero Moses cum Eleasare iterum descendisset de monte, 29. et populus videret, Aaronem mortuum esse, omnes eum per triginta dies deplorarunt.

CAPUT XXI

Israelitæ regem Aradensem vincunt terramque ejus devotioni addicunt. Propter impatientiam ex itineris longinquitate Deus punit eos immixtis serpentibus, a quorum morfu aspectu serpentis avari sanantur. Sichonem Amoritarum regem et Ogum regem Basanis bello vincunt eorumque terram occupant.

1. **R**ex Aradensis Cananæus in tractu meridionali cum audiret Israelitas via Atharim a) adventare, eos aggressus

a) Plerique interpretes דָּרַךְ הָאֶתְרִים vertunt via exploratorum, quos bene refutat Drusus. Exploratores dicti essent תָּרִים a תֹּר non אֶתְרִים ut alia taceam. Oi ó vertunt ut nomen proprium loci ἐδὲρ Ἀδύρην. Ill. Mi-

aggressus est, et nonnullos captivos fecit. 2. Tum votum fecerunt Israelitæ Jovæ, si hunc populum eis traderet, velle se ejus oppida devovere. 3. Annuit Jova votis Israelitarum tradiditque eis Cananæos. Illi igitur fecerunt quod voverant, hinc locus vocatur Chormah. — 4. Ab Horo monte profecti sunt versus sinum Arabicum, ut regionem Edomitaram circumirent. Sed itineris pertæsi 5. coeperunt cum Deo et Mose expostulare, qui eos ex Aegypto eduxissent in hac solitudine morituros panis et aquæ penuria, tædere eos cibi adeo levis *b*). 6. Tum Jova eis immisit serpentes, basiliscos, ex quorum morfu multi perierunt. 7. Qua de re Mosen adierunt et culpam confessi sunt, quod in Joyam et in ipsum locuti essent, intercederet apud Jovam, ut eos a serpentibus liberaret. Cum Moses pro populo deprecaretur, 8. jussit eum Jova basiliscum *æneum* perticæ imponere, morfi qui eum adspicerent, sanatum iri. 9. Fecit igitur Moses serpentem æneum, quem in pertica suspendit. Et si quem serpens momoderat,

chaelis ex significatione chaldaica vocis אֶתֶר vertit *regiones*. Sed obstare videtur constructio cum רֶדֶךְ *via regionum*. Propterea præfero versionem רֶדֶךְ, quam Arabs quoque habet in Polygl. quanquam nomen hujus non amplius occurrit.

b) Mannam intelligunt.

derat, aspexit serpentem illum aeneum et convolvit. — 10. Inde profecti Israelitæ castra posuerunt in Oboth. *c)* 11. Ex Oboth profecti castrametati sunt in clivis Abarim, qui sunt in deserto, Moabitarum regioni ab Oriente. 12. Inde profecti castra posuerunt in valle Sared. 13. Inde cis Arnonem, qui per desertum fluens ex Amoritarum terminis oritur. Hic Arnon terminos constituit Moabitarum et Amoritarum. 14. Propterea in libro bellorum Jovæ memorantur: Vaheb in Supha, torrentes Arnonis *d)*, 15. et defluxus torrentium, qui defleat ad sedes Aris et tangit fines Moabitarum. — 16. Inde venerunt Beerum s. puteum. Hic est ille puteus, ad quem Moses jussu Jovæ populum convocavit, ut aquam acciperet. 17. Tunc cecinerunt Israelitæ hoc carmen: Ascende *e)* putee, accinite ei.

18.

c) cf. Cap. 33, 43, ubi hæ Israelitarum stationes plenius recensentur.

d) Hic versus et sequens 15. sumti sunt ex libro citato, sed ex medio contextu, hinc eorum obscuritas. Moses eos citavit, ut probaret Arnonem tangere Moabitarum fines. Id quod in ultimis verbis clare dicitur.

e) Tertiam personam *אֲלַח* legerunt Codex Samaritanus et Vulgatus: *ascendat*. Quæ lectio propter sequentem verbum præferenda videtur *Hubigansio*, sed Syrus, Arabs et Onkelos legerunt, uti est in lectione recepta, imperativum, qui et carmini aptior est. *Oi* s. hæc verba omittunt,

18. Puteus quem principes foderunt, quem d
populi cavarunt et indicarunt baculis suis f).

f) Admodum variant interpretes antiquiores in vert
verbis בְּמַחֲקֵק בְּמִשְׁעָנֵתָם. Difficultas maxime e
priori, quod ei ó vertunt: ἐν τῇ βασιλείᾳ αὐτῶν, Vulg
in datore legis, sine sensu. Onkelos: סִפְרֵיָא scriba
cum baculis suis. Melius quoad sensum, sed legit
Beth. Syrus habet: וְבִדְקוּ בְּחוּטֵי־הוֹן et indica
eum baculis suis, cum quo Arabs in polyglottis conse
ita tamen, ut verba textus aliter nesciat: nobiliores p
signarunt eum baculis suis. Quam lectionem ego in
sione expressi, quoniam receptæ vix probabilem nov
plicationem. Attamen etiam de horum interpretum le
ne incertus sum, fortasse ea fuit וְחָקָה vel וְחָקָה
Neque minus difficilia sunt ultima verba: וְדָבַר מִתְּנָה
Etenim si non pertinent ad illius carminis fragmen
(quod tamen plerique interpretes statuunt) debeban
quentem versum inchoare. Sed Onkelos refert ea ac
ad descriptionem putei: qui datus est eis ex deserto.
que hæc solum, sed etiam duos versus sequentes. In
tamen haud dubie errat; atque reliqui quoque interpi
sequentis sic intellexerunt, ut continuetur descriptio st
num populi Israelitici. Sed vox וּמִדְבָּר et ex de
suspecta videtur. Neque enim in antecedentibus narr
populum venisse in desertum, quod tamen, si lectio h
vocis sana est, factum esse dicitur. Sed verba versus

Ex Beero *profecti sunt* Mattanem. 19. Ex Mattano Nachalielem, ex Nachaliele Bamotham, 20. ex Bamotha Gajam in campis Moabiticis, in cacumine Pisga, quod spectat versus solitudinem. — 21. Hinc miserunt Israelitæ legatos ad Sichonem regem Amoritarum, qui ab eo peterent, 22. ut sibi liceret per terram ejus transire, nolle se neque in agros, neque in vineas deflectere, neque aquam ex cisternis bibere, via regia se iter esse facturos, donec fines ejus superassent. 23. Sed denegavit Sichon Israelitis transitum, et collectis suis copiis eis obviam ivit et ad Jahzam prælio cum eis contendit; 24. in quo Israelitæ victoriam adepti sunt et occuparunt ejus terram ab Arnone usque ad Jabokum, *hoc est*, usque ad Ammonitas, quorum termini muriti erant. 25. Potiti igitur Israelitæ oppidis istis Ammonitarum omnibus in eis confederunt, in Hesbone et coloniis ejus. 26. Hesbon vero metropolis fuit Sichonis Amoritarum regis, qui olim cum Moabitarum rege bellum gesserat eique omnem ejus terram usque ad Arnonem eripuerat. 27. Unde dixit

cum quibus hæc cohærent, dicunt populum venisse בארה. Cui igitur non maxime probabilis videatur lectio τῶν ὁ, *αὐτῶν ἀπὸ Φεζαρος, et ex puteo, h. e.* ומבארה. Quo certior mihi hæc lectio videtur, eo magis miror, reliquos interpretes in lectione recepta consentire.

dixerunt poetæ: Venite Hesbonem, exstruatur et muniatur urbs Sichonis. 28. Ignis erupit ex Hesbone, flamma ex urbe Sichonis, consumpsit Aram Moabitarum, et quæ loca excelsa ad Arnonem incolebant. 29. Væ tibi, Moab, actum est tecum, gens Camoschi. Sivit filios suos fugari, filias abduci captivas, a rege Amoritarum Sichone. 30. Sagittis eos confecimus, periit Hesbon usque ad Dibonem, vastavimus usque ad Nophachum, conflagravimus g) omnia usque ad Medbam. — 31. Cum igitur Israelitæ in terra Amoritarum confedissent h), 32. misit Moses exploratores Jaferam. *Israelitæ* occuparunt oppida minora atque expulerunt i) Amoritas, qui in eis erant. 33. Hinc conversi Basanem aggressi sunt. Cujus rex Ogus eis obviam profectus est

g) Lectio recepta אֲשַׁר in ipsis Codd. hebr. a Masorethis ut suspecta et dubia est notata. Literam ך puncto signarunt, ad indicandum eam in aliis Codicibus deesse. Atque ita etiam est. In Codice Samaritano legitur אֲשׁ, et LXX. interpretes habent αῶ. Præterea parallelismus membrorum favet huic lectioni. Languet etiam אֲשַׁר in carmine, quod situm urbium non solet describere.

b) Hoc jam dictum est versu 25. et repetitur post insertum illud carminis fragmentum.

i) Pro וַיִּירָשׁוּ legendum est וַיִּזְרִישׁוּ. Sic Cod. Sam. et ἡ ἰβήλον.

est cum toto suo exercitu ad prælium cum eis committendum Edreæ. 34. Jova vero Mosi dixit: noli eum timere, tradidi tibi eum, omnem ejus populum et terram. Eandem sortem habeat, quam rex Amoritarum Sichon Hesbone. 35. Igitur eum, filios ejus omnemque populum nullo relicto trucidarunt, ejusque terram occuparunt.

CAPUT XXII

Bileamus a Balako Moabitarum rege vocatus, ut Israelitis imprecaretur, renuit quidem venire, sed legatione iterata proficiscitur. In itinere visione prophetica divinitus admonetur de voluntate Dei in omnibus exsequenda. a)

1. **Q**uibus confectis Israelitæ longius progressi, castra-

- a) Recte, uti arbitror, judicavit Celeb. Auctor epistolarum super literis theologicis p. 26. (*Briefe das Studium der Theologie betreffend*) minus fortasse dubitatum fuisse de hujus historię veritate, si ejus interpretes eam nolissent nostris temporibus et moribus accommodare. Etenim hinc factum est, ut partim in apparitionibus, quibus Deus hominem pessimum dignatus esse narratur, partim in asina loquente offenderent. Quodsi vero meminissent, quam saepe Deus cum illa gente, in qua sui cognitionem servare volebat, modo plane extraordinario egerit, minus fortasse in utroque offenderent. Quid enim est in eo, quod Deus im-
- pedie-

pedierit conatus hostium populi Israelitici repugnans, aut adversarium curæ, quæ pro hoc populo gessit? Immo aptissima fuit hæc occasio, qua Deus monstraret suam potentiam in falsos Deos, aut quam facile posset irritas reddere illas artes divinatrices, quas populo suo per Moysen severe interdixerat. Verum enim vero colloquium illud Bileami cum asina sua suspectum videtur plerisque, adeo ut nonnulli totam historiam propterea tanquam fabulam diversâ tamen ratione rejicerent. Quanquam vero alii negant hoc recte fieri, quoniam neque ab omnipotentia Dei, neque a singulari ejus cum hoc populo agendi ratione alienum sit, tamen interpretes non contemnendi facti insolentiam alio modo mitigare sunt conati. Nimirum existimant illud quod asinæ evenisse narratur, Bileamo non vigilantem, sed in ecstasi raptum visum fuisse. Quæ sententia, jam a *Mose Maimonide* in *Moreh Nebochim* p. 310. allata, compluribus interpretibus christianis placuit, atque mihi quoque probabilis videtur. Celeb. *Herderus* quidem in *Epistolis* supra laudatis p. 27. negat hanc pericopam de somnio explicari posse, quoniam ejus nulla in tota narratione mentio injiciatur. Sed facilis videtur hujus dubitationis solutio exemplis, quibus prophetæ aliquid egisse aut vidisse narrantur, quæ tamen non vigilantes egerunt, aut viderunt, sed in ecstasi rapti. Sic *Jesaias* Cap. VI. narrat se vidisse Jovam in templo sedentem, neque addit hoc in visione prophetica factum esse, nec tamen de eo unquam aliquis dubitavit. *Jeremias* vidit amygdalum et ollam ebullientem Cap. I, 11. seqq. profecto non oculis corporeis, sed in ecstasi raptus, quanquam de eo in textu nihil legitur. Atque pleraque *Ezechielis* visa narrantur

tan-

strametati sunt in campestribus Moabitarum cis Jordanem & regione Hierichuntis. — 2. Cum autem Balakus filius Zipporis videret ista omnia, quæ Israelitæ Amoritis fecissent, 3. vehementer sibi timuerunt Moabitæ a populo tantæ multitudinis, et propter eum perquam anxii fuerunt. 4. Igitur cum principibus Midianitarum consilia inierunt, verendum esse, ne ista multitudo suos quoque terminos depasceret instar bovis gramina agrorum depascen-
tis.

tanquam ab eo dicta et facta, quæ tamen tantum in ecstasi prophetica ei contigerunt. Quid igitur impedit, quominus et illud Bileam cum asina sua colloquium eodem modo explicemus, imprimis cum vers. 9. et 20. ex eodem de his rebus usu loquendi scripturæ sacræ narretur, Deum noctu venisse ad Bileamum, quod de somnio omnes, etiam Celeb. *Herderus* p. 29. intelligunt. Quo admissio in reliqua historię serie nihil est, quod a veritate alienum videatur, aut quod nos cogat, eam vel fictioni poeticæ, vel impostoris fraudibus tribuere. Cui sententiæ etiam adversatur locus Deut. 23, 5. ubi Moabitæ prohibentur a jure civitatis Israeliticæ, quoniam mercede conduxissent Bileamum ad imprecandum Israelitis, cujus imprecationes vero Deus in bona vota convertisset. Quod factum Moses profecto non ut legis suæ rationem attrahisset, si illud tantum ex testimonio impostoris, non ex fide sua certa minimeque dubia memoriæ prodidisset.

tis. *b)* — Balak filius Zipporis, qui tunc Moabitarum rex fuit, 5. misit legatos ad Bileam filium Beoris, qui Pethoræ, quæ *urbs* est ad flum *Euphratem*, habitabat, eumque ad se invitavit, forte verbis: Populus exiit ex Aegypto, qui terræ superficiem tegit, et e regione mei confedit. 6. J: igitur, veni quæso, et diras imprecare huic populo me potentiori, fortasse eum vincam et e terra expellam. Novi enim, cui tu bene precaris, eum esse felicem, et cui tu imprecaris, eum esse infelicem. 7. Moabitarum et Midianitarum principes præmi divinationis secum ferentes venerunt ad Bileam, et eique Balaki mandatum exposuerunt. 8. Quibus respondit: Pernoctate apud me, referam vobis quod Jova mihi dicet. Cum igitur Moabitarum principes apud Bileamum pernoctarent, 9. Deus ad eum venit *c)* et interrogavit: quinam sunt isti homines, qui apud te divertunt? 10. Respondit Bileamus: Balak filius Zipporis Moabitarum rex ad me misit. 11. migrasse ex Aegypto populum, qui totam terræ superficiem obtegit; rogare se, ut eum exsecutum veniam, si forte prælio vincere et expellere

et

b) Supplenda sunt reliqua hujus consultationis ex sequentibus; evocatum nempe esse Bileamum ex consensu omnium principum Moabiticorum et Midianitarum, coll. vers. 7.

c) scil. in somnio.

eum posset. 12. Ad hæc Deus Bileamo dixit: Noli cum eis abire, neque mala imprecari populo, qui fortunatus est. 13. Postridie mane Bileamus Balaki principibus indicat, Jovam nolle permittere, ut cum illis proficiscatur. 14. Hi igitur Balako renuntiaverunt, Bileamum recusare secum venire. 15. Tum ille iterum misit plures adhuc et illis nobiliores principes, 16. qui Bileamum suo nomine rogarent, ne recusaret ad se venire, 17. summo se honore eum esse affecturum, et quæcunque vellet facturum, veniret modo et exsecraretur hunc populum. 18. Bileamus vero eis respondit: Si mihi Balakus domum suam auro et argento plenam daret, non possem contra Dei voluntatem quicquam suscipere. 19. Interim manete apud me hac nocte, videbo quid Jovam amplius mihi dicturus sit. 20. Jam Deus hac ipsa nocte Bileamo apparuit eique dixit: si homines isti ad eum arcessendum venissent, iret cum illis, modo nihil faceret quod non juberet. 21. Postridie Bileamus mane strata asina sua profectus est cum Moabitæ principibus. 22. Sed Deo displicuit hoc ejus iter, et constitit angelus Jovæ in via ad eum impediendum. Cum igitur equitaret in asina, duobus servis eum comitantibus, 23. vidit asina Jovæ angelum stantem in via et strictum gladium manu tenentem, propterea declinavit de via in agrum. Bi-

leamus eam cædebat, ut in viam eam redigeret. 24. Tunc angelus Jovæ substitit in vinearum semita, in qua ab utraque parte maceries erat. 25. Asina viso angelo pressit sese ad murum et compressit simul pedem Bileami, qui propterea eam iterum verberavit. 26. Sed Jovæ angelus ulterius procedens substitit in loco adeo angusto, in quo nullum deflectendi spatium esset neque ad dextram, neque ad sinistram. — 27. Hic asina viso angelo succubuit sub Bileamo, qui vehementer iratus baculo eam percussit. 28. Tum Jova asinæ os aperuit, ut Bileamum his verbis alloqueretur: quid tibi feci, quod me jam ter verberasti? 29. Bileamus respondit: quod mihi illudis, si modo gladium haberem, te statim transfoderem. 30. Tum asina, nonne ego, inquit, asina tua sum, qua inde a longo tempore veheris? num sic antea facere solita sum? Non, inquit ille. 31. Sed tunc Jova oculos Bileami aperuit, ut videret angelum stantem in via cum gladio stricto; quo conspecto in terram se abjecit, 32. et angelus ei dixit: Quid jam tribus vicibus asinam tuam verberasti? Exii ut tibi adversarer, iter enim tuum est perniciosum d). 33. Vidit me asina et ter decli-

d) Verbum וַיֵּצֵא *ṯāaʿ* *lay*. recte illustratur ex arabico ورط *præcipitem dedit in exitium* (Goliur pag. 2654.) cui simile est

declinavit; quod nisi fecisset, profecto te, illa conservata, occidissem, 34. Tum Bileamus Jovæ angelo respondit: peccavi, sed nesciebam te mihi obstere;

est רטא quod legitur Job. 16, tt. Antiquiores interpretes videntur veram verbi significationem ignorasse, et tantum ex contextu sensum divinasse: *ei ó habent: ex árta* (fortasse עֲדָתָא) *h' éðúc sz hártior m.* Vulgatus: *quia perversa est via tua mihiq; contraria.* Syrus: *ecce ego exi, ut essem tibi adversarius, quoniam direxisti viam contra me.* Onkelos: *quia notum mihi est, quod tu vir ire in via contra me s. mihi contraria.* — Codex Samaritanus aliam lectionem exhibet *כי הרע דררך* *quoniam mala est via tua,* quæ quanquam facilior est, atque adeo propter responsionem Bileami in sequenti versu probabilis videatur, tamen ego quidem eam receptæ non putem præferendam, cum minime sit probabile hanc difficiliorem ex illa ortam esse, aut scribarum errore *דרע* sensu adeo commodo mutatum esse in *רט*. Enimvero affixum secundæ personæ addendum esse *רָ* *הדרך* ex lectione codicis Samaritani minime dubio, quod propter præcedens Caph omissum est, uti in præcedenti inembro ad *לשטן* pro quo etiam rectius legitur in Cod. Sam. *לשטן* quod Caph in Cod. hebræo excidit propter sequens *כי* cujus generis errores scribarum frequentes esse dudum observarunt critici. Interpretes antiqui supra citati haud obscure innuunt eos legisse affixa in illis vocibus præter Chaldæum, qui textum hebræum sequitur.

stere; jam si tibi iter meum displicet, revertar.
 35. Perge, inquit angelus, cum his viris, verum nihil loqui debes, quod non tibi dixerō. — Igitur profectus est Bileamus cum Balaki principibus.
 36. Quem ubi advenire Balakus audivit, obviam ei processit ad urbem Moabiticam in extremis finibus ad Arnonem sitam, 37. et sic eum est allocutus: Nonne ego misi ad te qui te invitarent, cur venire recusasti? an te honorare non potero? 38. Respondit Bileamus: Veni quidem ad te, sed nihil loquar, nisi quod Deus mihi suggesserit. 39. Tum venit cum Balako in urbem Chuzot. 40. Balakus sacrificavit boves et oves, misitque Bileamo et proceribus, qui eum comitabantur, *de epulis sacrificialibus*.
 41. Postridie Auxit Bileamum in loca excelsa Baalis, unde ad extrema populi Israelitici castra posset prospicere.

CAPUT XXIII

Bileamus populo Israelitico bene precatur.

1. **H**ic rogavit Balakum, ut sibi exstrueret septem aras, totidemque juvencos et arietes pararet. *a)*

2. Quod

- a)* Numerum septenarium elegisse putatur Bileamus in honorem Jovæ Dei, cui sacer erat hic numerus, quod intra septiduum cælum terramque creavit, ut his sacrificiis eum sibi conciliaret. Sed hoc ejus consilium fuisse, non satis

2. Quod cum Balakus, uti Bileamus dixerat, fecisset, utrique in singulis aris singulos juvencos et arietes immolarunt. 3. Tum hic illi: subsiste ad sacrificium tuum, discedam paullulum: fortasse Jova mihi occurrit mihiq[ue] indicat, quod tibi renunciem. Sic abiit anxius *b*). 4. Occurrit ei Deus, cui dixit:

fatis probabile mihi videtur. Crediderim eum plures Deos coluisse, in his quoque Jovam Deum Israelitarum, atque sperasse interventu alius cujusdam Dei voti sui particeps fieri. Propterea secessit a sacrificio non ad oracula Dei audienda, quanquam hoc pretendat vers. 3. sed ad alia auguria captanda, quod Cap. XXIV, 1. plane dicitur.

b) In textu legitur *בְּעֵמֶק* in qua voce vertenda interpretes valde dissentiunt. Sunt qui ex significatione ejus vulgari eam explicent per *locum altum et eminentiorem*. Quæ non satis apta videtur explicatio *Lud. de Dieu* in *Critica S.* ad h. l. quoniam Bileamus a Balako jam in loco excelso constitutus erat, ibique sacrificium instruxerat, Cap. 22, 41. Propterea *בְּעֵמֶק* per *vallem* explicat atque hanc significationem ex lingua Syriaca illustrat, in qua *ܢܕܝܐ* est *complanavit* et *ܢܕܝܐ* *planities* v. c. *Luc. 3, 5*. Sed haud scio, an hæc sufficiant ad notionem *vallis* *ܐܝܠܐ* *בְּעֵמֶק* vindicandam. Nam complanatio potest etiam fieri in loco alto, atque omnino mihi videtur hæc esse primaria *ܐܝܠܐ* *בְּעֵמֶק* significatio, ut sit locus altus, sed planus, in quo liber detur prospectus quoquoersum. Atque sumi posset, Bileamum

xit: septem aras instruxi, in quibus juvencos et arietes immolavi. 5. Tum Jova suggestit Bileamo, quæ diceret, jussitque, ut ad Balakum rediret. 6. Cum ad eum venisset, invenit eum adstantem sacrificio suo una cum omnibus Moabitarum principibus, 7. et orditur orationem in hunc modum: Ex Mesopotamia me arcessivit Balakus Moabitarum rex, ex montibus Orientis. Age, inquit, male imprecare Jacobitis! Detestare Israelitas! 8. Quomodo imprecabor, Deo non imprécante? quomodo detestabor, Jova non detestante? 9. Ex vertice petrarum video cum,

in hujusmodi locum discessisse, ex quo prospectum habuisset minus impeditum. At enim vero durior mihi videtur ellipsis præpositionis **אֶת** in hac constructione. — Antiquorum interpretum plerique illud **אֶת** ad ipsum Bileamum referunt. Vulgatus: *cumque abiisses velociter*. Onkelos et Arabs Erpenii: *abiit solus*. Arabs in Polygl. *abiit*

فِي هَذِهِ *tranquille*, tandem Syrus: *abiit* **فِي هَذِهِ** quod non intelligo. Interpres ejus vertit: *abiit fucere*. Male, uti arbitror. Ex significatione chaldaica verbi **אֶת** *construxit, asseruit*, quæ fortasse ex illa *complanandi* venit, nonnulli ex Iudæis interpretati sunt de animo Bileami quasi attrito h. e. sollicito et inquieto. Quod non displicet. Animum enim pseudoprophetae anxium fuisse et de incerto rerum suarum eventu sollicitum, nemo improbabile dixerit. Sed nihil definitio.

eum, ex collibus eum contemplor. Seorsim habitabit hic populus, nec aliis gentibus annumerabitur.

10. Quis numeret innumerabiles Jacobitas? c) quis computet quadrantem Israelitarum? d) Mori cupio ut probi illi! idem sit meus qui eorum exitus.

11. Ad hæc Balakus Bileamo, quid agis? inquit, ad imprecandum hostibus meis te arcessivi, jam vero bene eis precaris. 12. Hic vero respondit: nonne mihi studiose eloquenda sunt, quæ Jova suggestit?

13. Tum Balakus ei dixit: veni mecum in locum alium, unde hunc populum videre poteris, nec

c) In textu est: *quis numeret pulverem Jacobi?* In vulgato notum est, pulverem metaphorice pro re innumerabili dici. Tropum h. l. cum paronomasia permutavi, quæ sonantior mihi videbatur.

d) Pro *מִסְפָּר כָּל סֵפֶר* divisum *כָּל סֵפֶר* legendum esse conjectat Venema in Comment. ad Mal. 1, 13. ut respondeat *כָּל מִנֶּה* in priori membro, et sic facilius quoque est constructio cum sequenti *רִבְעֵי*, nec tamen necessaria est hæc emendatio, quoniam *אֵת* interdum quoque nota est genitivi, v. c. Num. 10, 2. et sic *מִסְפָּר כָּל מִנֶּה* potest construi. *רִבְעֵי* ex sententia plurimorum interpretum explicatur de quatuor illis castrorum Israeliticorum partibus, in quas duodecim tribus erant divise, Num. 2. quarum unam fortasse eminus Bileamus prospectabat.

nec tamen totum; atque inde mala ei imprecare.
 14. Duxit igitur eum per campos speculatorum in
 fastigium Pisgæ, extruxit septem aras, in quibus
 singulis juvenum et arietem immolavit. 15. Tum
 mandavit Balako, ut adstaret sacrificio suo, *velle*
se paulisper secedere, ut Deo occurrat. 16. Atque
 hic quoque obviam ei venit, jussitque ut ad Bala-
 kum rediret, postquam eum dicendis instruxerat.
 17. Ad quem ut venit, offendit eum adstantem sa-
 crificio suo una cum Moabitarum principibus. Ba-
 lakus quærit, quid Jova dixerit. 18. Tum ille sic
 inquit: Age, Balak, audi, attende ad me, fili Zip-
 poris. 19. Deus non homo est, ut mentiatur, non
 homine natus, ut eum pœniteat. Num ille aliquid
 diceret quod non faceret? num promitteret quod
 non impleret? 20. En! fausta omnia accepi. Cum
 ille bene cupiat, equidem non possum avertere.
 21. Non video malum inter Jacobitas, non conspi-
 cio ærumnas inter Israelitas e), Jova Deus eorum
 eis adest, et læti clamores propter hunc regem *sum*
 inter

e) Codex Samaritanus legit primam personam אכיש, sed
 non æque in posteriori membro אכיש. Syrus vero in
 utroque membro legit primam personam. Onkelos quo-
 que eam exprimit, quanquam *אכיש*. Quorum lectio-
 nem ego in versione secutus sum, ut contextui conve-
 nientiore.

inter eos audiuntur. 22. Deus eduxit eos ex Aegypto, alacres sunt ad instar bubali. 23. Nihil artes magicæ adversus Jacobum, nihil præstigia contra Israelem efficiunt. Tempus instat, quo de Jacobo et Israele dicetur, quanta Deus iis præstitit: 24. En! surget populus, sicuti leæna, instar leonis sese efferet. Non prius recubabit, quam prædam vorarit, quam sanguinem occisorum hauserit. — 25. Tum Balakus Bileamo dixit: neque exsecrare hunc populum, neque bene ei precare. 26. Nonne tibi prædixi, respondit Bileamus, me facturum esse quod Jovâ jusserit? 27. Ducam te, inquit Balakus, in locum alium, fortasse permittet Deus, ut illinc huic populo mala impreceris. 28. Igitur duxit eum in verticem Peoris, unde prospectus est versus solitudinem. 29. Ibi jussit Bileamus Balakum exstruere septem aras, totidemque parare juvencos et arietes. 30. Fecit Balakus sicut Bileamus dixerat, et immolavit in singulis aris singulos juvencos et arietes.

CAPUT XXIV

Reliqua Bileami vaticinia de magna populi Israelitici felicitate, imprimis de Moabitis ab eo subigendis, et de aliarum gentium fatiis.

1. **C**um autem Bileamus videret Jovam velle, ut bene precetur Israeli, non amplius sicuti antea fecerat,

cerat, abiit ad auguria captanda. Sed facie versus desertum conversa 2. prospexit ad Israelitas secundum tribus suas tendentes, et divino spiritu afflatus 3. carmen inquit his verbis: Dicit Bileamus filius Beoris, dicit vir cui oculus apertus est a). 4. Dicit, qui verba audit divina, qui visa Dei summi vidit, cui prolapsi oculi repositi sunt b). 5. Quam pulcra sunt tentoria tua, Jacobe, sedes tuæ, Israel! 6. Ut valles patentes, ut horti ad flumina, ut aloë a Deo plantata, ut cedri ad aquam. 7. Manabit aqua ex ejus situla, et posterius in aquas multas *excrescent*. Rex ejus Agago erit potentior c); ejusque regnum extolletur. 8. Deus hunc *populum* ex Aegypto duxit, alacris est instar bubali. Consumit gentes sibi adversantes, ossa earum confringit, sagittis suis vulnerat

a) In textu est שֵׁתָם עֵינָי, quod h. l. tantum obviū multum conferunt cum שֵׁתָם *clausis*, et hinc vertunt *clausus* s. *obscurus oculis*. Sic *Vulgatus*; quod nempe antea angelum non viderit. Sed contraria potius est significatio verbi שֵׁתָם in lingua chaldaica *perforare*, hinc *aperire*. Sic quoque ex antiquis interpretibus οὐδὲ, οὐδὲ ἀληθινὸς ἔργον. Onkelos: דִּישְׁפִּיר חֵי qui pulcre vider, et Syrus: vir cuius repositus est oculus.

b) Alludit haud dubie ad id quod Cap. 22, 31. narratum est.

c) Agag fuit commune nomen omnium regum Amalekitarum. 1 Sam. 15, 8. legimus implementum hujus vaticinii.

nerat d). 9. Procumbit et recubat instar leonis et leonæ, quis eum excitet? Felices sunt, qui tibi bene precantur; infelices qui te volunt esse infelicem. —

10. Hic Bileamo irascens Balakus complofis manibus dixit: ad imprecandum hostibus meis te arcessivi, et tu jam tertium eis bene ominaris. 11. Abi unde venisti. Equidem volui te honorare, sed Jova te ab illo honore prohibuit. 12. Respondit Bileamus: Nonne ego jam legatis tuis dixi: 13. Etiam si Balakus mihi domum suam auro et argento plenam daret, non possem contra voluntatem Dei agere, nec boni malive quidquam pro arbitrio meo facere: quod Jova mihi dixerit, eloquar? 14. Jam quidem redibo ad meos, sed indicabo tibi, quid

hicce populus tuo populo sequentibus temporibus sit factu-

d) Sic verba habent: **וְהָיָה יָמֶיךָ**. Sed non bene respondent *sagittæ* precedenti membro, nec verbum **מָרָן** substitutivo adjecto satis convenit. Consentiant tamen omnes interpretes antiqui in lectione recepta præter Syrum, qui habet: **וְהָיָה יָמֶיךָ** *dorsa eorum concides*. Nemo neget lectionem parallelismo membri melius respondere. Sed propter unius Syri testimonium non ausus sum a lectione textus hebræi recedere. Ill. Michaelis vertit: *et contundis eorum ossa* (und zersehlagt ihre Gebeine) de qua mutatione vero lectores suos, uti alias plerumque solet, non admonuit.

facturus. 15. Tum carmen in hunc modum exsus est: Dicit Bileam filius Beoris, dicit vir, oculus est apertus, 16. dicit qui verba audit divina, qui novit scientiam altissimi, qui visa Dei sumi videt, cui lapso oculi sunt relecti. 17. Vicum, sed non nunc, intueor eum, sed non propinquum. Procedit stella ex Jacobitis, sceptrum effluit ex Israelitis e), percutiet tractus Moabi, exci-

- e) Quanquam multi interpretes, antiquiores et recentiores Judæi et Christiani, hoc vaticinium de Messia explicarunt tamen contextus tam parum favet huic opinioni, utrum videatur, tam multos in errore adeo manifesto fuisse consentire. Nam præter stellæ et sceptri nomina sub quibus regem intelligendum esse, dubio caret, non est in toto loco; quod ad Messiam possit transferri; im reliqua omnia contrarium docent. Dixerat Bileamus v. verbis minime obscuris Balako, velle se, antequam in triam suam rediret, indicare, quid populus Israeliticus Moabitico sequentibus temporibus sit facturus. Jam permissa carmini suo prophetico præfatione versu 15. et 16. c. jam antea usus fuerat versu 3. et 4. dicit, regem aliquar insignem exiturum esse, qui Moabitas et Edomitas sit perditurus et destrueturus etc. At enimvero qui possunt huius nisi perquam coacte ad Messie regnum pacificum et humani salutis transferri? Sed non opus est, hoc pluribus refutemus, partim quoniam quivis, qui non præconcepta opinione impeditus ad loci interpretationem

det homines infestos f); 18. Occupabitur Edom,
immo

accedit, sensum ejus facile potest investigare; partim quoniam illius explicationis errores satis demonstrati sunt et refutati ab interpretibus linguarum peritis et a piis illis hypothesibus alienis. E quorum numero est inter externos S. R. *Verfchuur* LL. OO. Professor in Academia Franequer, qui in disputatione super hoc loco, (quæ primum Bibliothecæ Brem. novæ Class. III. Fasc. I. p. 21. inserta est, repetita deinde a Viro Celeb. in Dissert. philol. exeget. quæ 1773. Leowardæ et Franequeræ prodierunt) primo hoc egit, ut mylticæ illius explicationis vanitatem ostenderet, deinde pro insigni sua linguarum orientalium peritis verba hujus loci sane difficilia interpretaretur. E nostratibus autem Illustris *Michaelis*, qui in notis ad versionem bibliorum germanicam lectores suos breviter quidem, sed solide docuit, quam manifeste errent, qui Christum humanæ salutis auctorem quærant in loco alia omnia loquente.

f) Verba textus sane difficilia: וְקָרַךְ בֶּל-כְּנִי-שֵׁת verbi
ex sententia S. R. *Verfchuir*, qui ל. ל. קרַךְ derivat a קָרַ
med. ו quod est *secare, incidere*, hinc, ut alia similia,
excindere, delere. Attamen silentio prateriri non debet
lectio codicis Samaritani, qui habet קָרַךְ *verricem*, quæ
haud parum firmatur ex Jer. 48, 45. ubi ad hunc nostrum
locum manifeste alluditur. Sed quoniam lectio recepta
explicationem admittit non improbabilem, possumus in ea
acquiescere. Enimvero de sequentibus verbis כְּנִי שֵׁת va-
riæ sunt virorum doctorum explicationes et conjecturæ,
quarum

immo occupabitur Seir ab hostibus suis g). Israel magna patrabit. 19. Tum dominabitur aliquis ex Jacobitis, qui et reliquos debellabit. h) — 20. Amalekitas

quarum complures attulit S. R. *Verschuir* l. l. p. 16. Equidem ei assentior, dum שֵׁט dictum putat contrahte pro שֵׁטָא a שֵׁטָא quod dicitur de strepitu et tumultu rerum, v. c. undarum, et deinde de strepitu et tumultu militari Jcf. 13, 4. Jerem. 51, 55. Amos 2, 1. Sed ibi legitur alia forma substantivi שֵׁטָא. Nostrum vero שֵׁטָא cum א radicali extat Thren. 3, 47. ubi jungitur שֵׁטָא quod de everfione rerum et calamitate gravissima dicitur. Quo minus vero hæc explicatio durior mihi videtur, facit locus Jeremie citatus Cap. 48, 45. ubi, y. i. in nostro loco vocantur בני שֵׁטָא a Jeremia vocantur בני שֵׁטָא vocabulo prorsus synonymico. Intelliguntur autem gentes Israelitis vicinæ, Moabitarum, Ammonitarum, Edomitarum, eis semper infestæ, sive, ut phrasi prophetæ utar, belli strepitus et tumultus excipientes. Quos repressit et subegit David, qui unus sub illa stella, aut sceptro ex Israele orituro est intelligendus. 2 Sam. 8.

g) sc. Israelitis. Hos enim intelligendos esse, totum varicini argumentum docet, atque etiam sequentia verba: *Israel magna patrabit*. Inter utramque gentem odium insensissimum intercessisse, historia et complura prophetarum loca probant.

h) In hoc versu de alio Moabitarum victore sermonem esse, appa-

lekitas conspicatus in hæc verba erupit: Gentium primi sunt Amalekitæ, sed ad extremum peribunt. —

21. Cum Kenitas videret, hos versus dixit: *z*) Habitatio tua fortis est. Pone in petra nidum tuum.

22. Tamen vastabitur Kain, ita ut Assyrii te captivum abducant. — 23. Porro hæc quoque dixit: Væ! quis vivet Deo hæc decernente? 24. Ex-

eunt ex Chittim *k*) qui Assyrios affligent, qui affligent

apparet, quod is dicitur perditurus reliquos. In verbis equidem non hæreo, neque in ultimo מֵעִיר *ex urbe*, quod collective de urbibus Moabitarum reliquis accipio. Implementum ex historia plane constat in victoriis Alexandri Jannæi, quas *Josephus* Antiq. Lib. XIII. Cap. 15. et 16. narrat.

z) Cum de his Kenitis antiquis Palæstinæ incolis Genes. 15, 19. nihil præter nomen memoriæ proditum sit, vaticinium hoc, quod eorum facta respicit, non potest non nobis obscurum esse; igitur neque de lectione, neque de sensu verborum aliquid definire audeo.

k) Ultimum Bileamni oraculum omnium est obscurissimum, neque solum quoad lectionem, sed etiam quoad sensum verborum. Primum quidem vocabulum יָצְאוּ propter diversam apud antiquiores interpretes lectionem non sine causa suspectum videtur. Codex Samaritanus habet יָצְאוּ *exeuntes* (pro quo alii minus bene habent יָצְאוּ *educet eos*), αἱ δὲ ἐξελύσσονται, pro quo vix dubitem legendum

Nn

esse.

gent Eberum, verum hi quoque peribunt. 25. Tum Bileamus rediit unde venerat, et Balakus quoque discessit.

CAPUT

esse ἐξελεύσονται, quoniam sequitur καὶ παύσασιν. Vulgatus: *venient in irremibus de Italia*, Onkelos: וְסִיעַן יִצְטָרְחָן מִכְתָּאֵי cætus emittentur ex Cittaïs, in quo tamen quoque est lectionis varietas, quam Buxtorfius annotavit in Lexico Talmud. et Rabb. sub h. v. Syrus habet וְלִיִּינָא וְלִיִּינָא נִפְקִין מִן אֶרֶצָא דְכְתִיָּא legiones egredientur e terra Cittaorum. Ex qua versione id quidem patet, Syrum interpretem locum, ut Onkelos et Vulgatus, de Romanis intellexisse. Sed hos interpretes, uti codex Samaritanus et versio græca, pro וְצִיִּים legisse וְצִיִּים non dixerim cum *Hubigantio*, quoniam substantiva illa, *irremes* Vulgati, *cætus* Onkelosi, *legiones* Syri, respondent τοῖς וְצִיִּים ad quæ necessario verbum eis aptum supplendum fuit. Atamen mihi codicis Samaritani et versionis græcæ lectio videtur receptæ præferenda, partim quod non satis certa sit significatio *navium* τοῖς וְצִיִּים pro וְצִיִּים dictis tributa; partim quod contextui non satis apta videtur. De quo duplex est interpretum sententia pro duplici τῶν כְּתִיָּים explicatione. Alii quidem sub eis Græcos, in specie Macedones intelligunt. Hi igitur hoc Bileami vaticinium de bellis Alexandri M. cum Assyriis eorumque successoribus Medis et Persis explicant. Sic *Grotius* et qui eum sequuntur. Alii כְּתִיָּים Romanos esse defendunt, horumque bella et victorias in his regionibus putant indigitari. Sic ex antiquioribus interpretibus Judæi. E recentioribus interpretibus Ill. *Michaelis* in notis ad versionem bibliorum germ.

CAPUT XXV

Israelitæ a Moabitis ad idololatriam et scortationem seducuntur. Puniantur a Deo. Pinehasi ira laudabilis graves poenas prohibet. Jubentur bellum inferre Midianitis.

1. **C**um Israelitæ in Schittim commorarentur, coeperunt scortari cum puellis Moabiticis, a) 2. a quibus invitati ad deorum suorum sacrificia, interfuerunt epulis eorum sacrificialibus, adorarunt eorum deos, 3. atque in honorem Baalpeoris fascias gestarunt b). Quo facto Jova vehementer iratus Israelitis, 4. jussit Moysen principes populi ad solem c) suspendere ad iram suam pacandam. 5. Hic igitur præcepit iudicibus, ut omnes hoc supplicio afficerent, qui in honorem Baalpeoris fascias gestarent. 6. Tum

Israe-

a) Quod factum est ex consilio Bileami pessimo, uti narratur infra Cap. 31, 15. 16.

b) מִצֵּי hoc loco in genere est *conjunxit se*, s. *copulavit*, sed in specie uti arab. ضَمَّ *zanîa*, s. *fascia caput reliavit*; quo signo profitebantur se colere Baalem, cf. vers. 5. Eundem sensum, sed non propriam verbi significationem indicarunt ei ó et Vulgatus. Illi habent: *καὶ ἐταξέθη Ἰσραὴλ*. Hic: *Initiatus est Israel*.

c) hebr. נָגַד דָּשָׁמֶשׁ nempe usque ad occasum solis, ex lege Deut. 21, 22. 23.

- Israelita quidam introduxit ad populares suos Midianitidem Mose spectante et universo Israelitarum senatu, qui ante tabernaculi introitum lacrimabantur. 7. Quod cum Pinehas filius Eleasaris nepos Aaronis sacerdotis videret, surrexit e medio cœtu, et prehensa hasta 8. infecutus est virum Israeliticum in conclave et transfixit ambos virum et feminam per vulvam ejus. Quo facto cohibita est plaga Israelitarum, 9. in qua viginti quatuor milia interierunt. — 10. Tum Jova Mosen sic est allocutus: 11. Pinchas filius Eleasaris, nepos Aaronis sacerdotis, avertit iram meam ab Israelitis, quominus eos prorsus perderem, cum meum inter eos honorem vindicaret. 12. Promitte ei igitur meo nomine præmium d). 13. Nimirum cum ipse, tum posterorum ejus sit sacerdotium in perpetuum, quod Dei sui studiosus Israelitas expiavit. — 14. Israelita vero iste, qui cum Midianitide occisus est, fuit Simri filius Sala, princeps familiarum tribus Simeoniticæ. 15. Nomen autem mulieris Midianiticæ fuit Cosbi filia Suri, qui et ipse familiæ in gente

d) Verba textus sunt: ecce ego do illi foedus meum pacis. Foedus hoc loco idem esse quod promissum, apparet ex sequenti versa. Pacem vero de omnis generis felicitate dici inter omnes constat. Igitur hebraicas significationes in versione latina non putavi esse servandas.

gente sua princeps erat. — 16. Deinde Jova Mosen jussit 17. bellum inferre Midianitis eosque cedere, 18. quoniam hostiliter sese in eos gessissent, dum astute eos ad Peoris cultum seduxissent, subornata hunc in finem quoque Cosba Midianitici principis filia ipso cladis die occisa.

CAPUT XXVI

*Moses et Eleasar jubentur a Deo novum populi censum
inire.*

1. **P**ost illam cladem jussit Jova Mosen et Eleasarem filium Aaronis sacerdotem, 2. omnium Israelitarum secundum familias summam subducere, qui annum vicessimum excederent et arma ferre possent. 3. Moses igitur et Eleasar sacerdos hoc eis promulgarunt in campestribus Moabiticis juxta Jordanum e regione Hierichuntis. 4. *Atque numerum inierunt a)*, eorum qui annum vicessimum excefferant, quem-

a) Quivis qui verba textus vel negligenter inspexerit, intelliget deesse ad initium hujus versus nonnulla. Desinit versus tertius in **לֵאמֹר** et hic incipit cum verbis: **וּמִבְּנֵי עֲשָׂרִים שָׁנָה וּמֵעֵלָּה** Neque possunt hæc ex modo narrandi Hebræorum sæpe parum accurato excusari, uti Clericus fecit, nam integræ formulæ omissio post **לֵאמֹר** prorsus inusitata est. Error tamen iste perquam antiquus

quemadmodum Jova Mosi præceperat et Israelitis cum ex Aegypto essent egressi. 5. Rubeni quidem pri-

fuertit necesse est, quoniam codex Samaritanus et versio græca cum textu hebræo consentiunt. Ex reliquis vero interpretibus non satis tuto possumus veram lectionem constituere, quoniam omnes variant et nexum verborum faciunt, qui eis facillimus videretur. Vulgatus sic habet: v. 3. *locuti sunt itaque Moses et Eleasar ad eos qui erant* v. 4. *a viginti annis et supra*. Omittit igitur לאמר in quo v. 3. desinit. Quod Syrus quoque facit et supplet v. 4. *et numeravit eos Moses a viginti annis et supra*. Onkelos: *Locus est Moses et Eleasar sacerdos, et decreverunt numerare eos in campestribus — a viginti annis etc.* Arabs in Polygl. (nam Erpenii consentit pro more cum lectione recepta) v. 3. *Præcepit Moses Eleasari sacerdoti numerationem eorum — in deserto* v. 4. *a filio viginti annorum etc.* — Neque hæc una est hujus loci difficultas. Sequentia verba: *quemadmodum præcepit etc.* non possunt esse verba Mosi ad populum loquentis. Nunquam enim de se in tertia persona loquitur, si ad populum verba facit. Igitur etiam ante כאשר supplendum esset verbum, si initium hujus versus cum præcedenti לאמר connectitur. Hubigantius quidem supplet ויעשו et fecerunt, sicuti præceperat Jova Mosi. Sequentia et filii Israel connectit cum sequenti versu: *Illi autem sunt filii Israel qui Aegypto egressi sunt: 5. Ruben primogenitus Isr. etc.* Ego quidem in loco tantum ex conjectura emendando (nam Kenni-

cottia-

primogeniti Israelitarum filii fuerunt Chanochus, e quo gentilitas Chanochitarum, Phallu, e quo Phalluitæ. 6. Chezron, e quo Chezronæi, Charmi, e quo Charmæi originem habent. 7. Hæ sunt gentilitates Rubenitarum, quorum recensiti sunt quadraginta tria millia septingenti triginta. 8. Phallui filius fuit Eliahus, 9. qui Nemuelem, Datanem et Abiramum filios habuit. Qui Datan et Abiramus socii fuerunt eorum, qui cum Mose et Aarone contendebant, Kbrachi nimirum et conjuratorum ejus. Qui cum contra Jovam contenderent, 10. terra fissâ eos deglutivit. In his quoque Korachum, dum ignis ducentos et quinquaginta consumsit, qui *aliis* essent exemplo. 11. Filii tamen Korachi illorum supplicio non sunt sublati. — 12. Filii Simeonis secundum gentilitates suas fuerunt Nemuel, e quo Nemuelitæ, Jamin, e quo Jaminitæ, Jachin, e quo Ja-

N n 4

chini-

cottiana collatio nihil nos juvat) omitto לאמר et repeto ad initium v. 4. formulam mandati divini ex v. 2. וישאו ראשם *numerum inierunt eorum qui* etc. Circa alterum membrum hujus versus dubito. Possunt verba inter se connecti, uti ego in versione feci; attamen tunc fortasse ex genio linguæ, quantum ego sentio, repetenda fuisset nota casus: ואת בני Quodsi ובני connectitur cum sequenti versu, formula alias usurpata esse solet: ואלה בני ישראל. Judicent alii, nihil definio.

chinitæ, 13. Serach, e quo Serachitæ, et Saulus, e quo Saulæi. 14. Quæ Simeonitarum gentilitates numerum efficiunt millium viginti duorum et ducentorum. — 15. Filii Gad secundum gentilitates suas fuerunt Zephon, e quo Zephonitæ, Chaggi, e quo Chaggæi, Schuni, ex quo Schunæi, 16. Ofni, ex quo Ofnæi, Eri, ex quo Eræi, 17. Arod, ex quo Arodæi, Areli, ex quo Arelitæ. 18. Recensitorum ex his Gadi gentilitatibus fuerunt quadraginta millia et quingenti. — 19. Filii Judæ, Er et Onan, qui in Cananæa mortui sunt. 20. Verum ex Sela filio Judæ originem habet gentilitas Selanæorum, ex Perez Parzæorum, ex Seracho Saſchæorum. 21. Perez filios habuit Chezronem, ex quo Chezronitæ, et Chamulum, ex quo Chamulæi. 22. Ex quibus Judæ gentilitatibus in censum venerunt septuaginta sex millia et quingenti. — 23. Filiorum Isascharis gentilitates fuerunt Tolæi ex Tola, Puvæi ex Puva, 24. Jafchubæi ex Jafchubo, Schimronæi ex Schimrone. 25. Ex quibus Isascharis gentilitatibus censiti sunt sexaginta quatuor millia et trecenti. — 26. Gentilitates filiorum Sebulonis fuerunt Sardæi ex Seredo, Elonæi ex Elone, Jachlealitæ ex Jachleælo. 27. Ex quibus, qui in censum venerunt, fuerunt sexaginta millia et quingenti. — 28. Filii Josephi fuerunt Manasse et Ephraim. 29. Et illius qui-

quidem gentilitates fuerunt Machiritæ ex Machire, qui genuit Gileadum, ex quo Gileaditæ orti sunt.

30. Hujus Gileadi filii fuerunt Jeferus, ex quo Jeferitæ, Chelek, ex quo Chelkæi. 31. Afriel, ex quo

Afrielitæ, Schechem, ex quo Schichmæi. 32. Schemida, ex quo Schemidæi, Chepher, ex quo Chephræi.

33. Zelophchat filius Chepheri non habuit filios, sed filias. Quarum nomina fuerunt: Machla, Noa, Chogla, Milca et Thirza. 34. Numerus ex Manassis

gentilitatibus censitorum fuit quinquaginta duo millia et septingenti. — 35. Ephraimi filii fuerunt

Schutelach, ex quo Schutelachæi, Becher ex quo Bechræi, Tachan, ex quo Tachnæi. 36. Schutalach

filium habuit Eranum, ex quo Eranæi orti sunt. 37. Recensiti sunt ex Ephraimi gentilitatibus triginta duo

millia et quingenti. Hæ sunt filiorum Josephi gentilitates. — 38. Benjamin filios habuit Belæum, ex

quo Belæi, Aschbelum, ex quo Aschbelæi, Achiramum, ex quo Achiramæi. 39. Schephuphamum, ex quo Sche-

phuphamæi, Chupham, ex quo Chuphamæi. 40. Filii Belæ fuerunt Ard et Naaman, ex quibus gentilitates

ejus nominis ortæ sunt. 41. Censitorum ex Benjamin gentilitatibus fuerunt quadraginta quinque millia et

sexcenti. — 42. Dan filium habuit Schuchamum, ex quo Schuchamæi, 43. qui censiti numerum effecerunt

sexaginta quatuor millium et quadringentorum.

44. Filii Afcheri fuerunt Jimna, ex quo Jimnæi, Jifchoi, ex quo Jifchoæi, Beria, ex quo Beriæi. 45. Beria filios habuit Cheberum, ex quo Chebræi, Malchielem, ex quo Malchielæi. 46. Filiam quoque habuit Afcher nomine Saracham. 47. Ex his Afcheri gentilitatibus recensiti sunt quinquaginta tria millia et quadringenti. — 48. Naphtali filios habuit Jachzelem, ex quo Jachzeelæi, Gunum, ex quo Gunæi, 49. Jezerum, ex quo Jezræi, Schillemum, ex quo Schille-mæi. 50. Ex his Naphtali gentilitatibus in censum venerunt quadraginta quinque millia et quadringenti. 51. Numerus Ifraelitarum omnium censitorum fuit sexcenta millia et mille septingenti et triginta. — 52. Tum Jova hæc Mofi dixit: 53. His terra dividatur in possessionem pro numero capitum, 54. ita tamen, ut quanto plures aut pauciores essent *in familia*, tanto vel major, vel minor sit possessio eis assignanda, quæ pro numero censitorum constituatur. 55. Sorte terra dividatur, secundum tribuum familias, 56. quæ cuique cum numerosiori, tum pauciori possessionem suam designet. — 57. Hæ sunt Levitarum gentilitates recensitæ. Ex Gerschone orti sunt Gerschonitæ, ex Kehato Kehatitæ, ex Merare Meraritæ. 58. Item Libnæi, Chebronæi, Machlæi, Muschæi, Korchæi. Kehat genuit Amramum. 59. Is uxorem habuit nomine Jochebetam Levi filiam, quam

quam ei *uxor ejus* in Aegypto peperit *b*). Hæc Amramo peperit Aaronem et Mosen, et Mariam eorum sororem. 60. Aaroni nati sunt Nadab et Abihu, Eleasar et Ithamar. 61. Nadab vero et Abihu mortui sunt, cum alienum ignem Jovæ offerrent. 62. Summa censitorum *de tribu Levi* fuit viginti tria millia. Nimirum omnes mares, qui menssem non excefferant. — Nam inter reliquos Israelitas non censiti sunt, quoniam nullas inter eos possessiones accipiebant. 63. Hic est Israelitarum census a Mose et Eleasare sacerdote peractus in campis Moabiticis ad Jordanum e regione Hierichuntis, 64. in quibus nemo fuit eorum, qui a Mose et Aarone sacerdote censi fuerunt in deserto Sinai. 65. Jova enim natus eis erat, omnes in deserto esse morituros, nec eorum

b) Verū textum ex lectione recepta, quæ tamen, ut verum fatear, suspecta mihi videtur. Ellipsis nominis uxoris, quæ peperit, dura est, et integra formula est contra usum loquendi in hujusmodi genealogiis. Accedit dissensus interpretum antiquiorum; Vulgatus, Syrus et Arabs habent: *quæ nata est ei in Aegypto*. Sic passive legendum est ילדה et redundat אלהה. Aliiter vero אלהה, q̄ d'ane tou-rous τῷ Λευὶ ἐν Αἰγύπτῳ, videntur legisse אלהה Obscure.

III. Michaelis aliis punctis subiectis אלהה habet pro nomine proprio uxoris Levi: *die ihm Ata in Aegypten geboren baste*. Pluribus egit de hoc loco in Tractatu de legibus Moſis matrimonialibus, §. 36.

eorum quenquam superstitem futurum esse præter Calebum filium Jephunnæ et Josuam Nunis filium.

CAPUT XXVII

Lex de successione filiarum in bona patris qui filios non habet.

Designatur a Deo Josua, ut successor Mosi, qui populum in terram promissam ducat.

Tum filiæ Zelophchati, filii Chepheri, filii Gileadi, filii Machiri, filii Manassis de Manassis Josphi filii gentilitate; quarum nomina erant Machla, Noa, Chogla, Milca et Thirza: 2. Hæ, inquam, adierunt Mosen, Eleasarem sacerdotem et principes totius cœtus ad introitum tabernaculi, 3. eisque ostenderunt, patrem suum mortuum esse in deserto; eum tamen non fuisse inter eos, qui cum Koracho contra Jovam conjurassent, sed ob suum peccatum ^{a)} e vita discessisse, neque filios habuisse. 4. Propterea, ne patris nomen e gentilitate sua tolleretur, sese rogare, ut sibi inter patris sui cognatos detur possessio. 5. Cum Moses rem ad Jovam retulisset, 6. hic sic respondit: 7. Aequum est quod Zelophchati filiæ rogant, dato eis hæreditariam possessionem inter consanguineos suos, et jura possessionis paternæ in eas trans-

^{a)} scil. commune illud omnibus Israelitis, qui propter incredulitatem suam intra quadreginta annos commorationis in deserto mortui erant.

transferto. 8. Atque omnino Israelitis hæc debes promulgare: Si quis sine filio moritur, possessio ejus transit ad filiam. 9. Si filiam non habet, tradatur ejus fratribus. 10. Si neque fratres habet, dare debetis ejus hæreditatem fratribus patris sui. 11. Si neque patris fratres supersunt, cedat hæreditas in reliquos de propinquitate ejus et familia. Hoc juris sit inter Israelitas, quemadmodum Jova Mosi præcepit. — 12. Deinde Jova Mosi dixit: Ascende montem Abarim, et prospice ad terram, quam datus sum Israelitis; 13. quo facto diem tuum obibis, sicut Aaron frater tuus, 14. eo quod mihi non morem gessisti in deserto Sin altercante universo cœtu, qua occasione hunc honorem coram iis mihi tribuere debebatis. (hæ aquæ sunt contentions Kadeschi in deserto Sin). 15. Ad hæc Moses Jovæ respondit: 16. Utinam Jova omnium mortalium Deus præficiat aliquem huic cœtui, 17. qui dux ejus sit et rerum publicarum curam gerat, *b*) ne similis sit gregi, qui pastorem non habet. 18. Hic erit, inquit Jova, Josua filius Nunis, vir præclaris animi dotibus instructus; huic manum tuam impone, 19. eumque siste coram Eleasare sacerdote et coram universo cœtu, et

b) hebr. *qui eos educat et reducat*. Forma loquendi sæpe obvia: *exire et redire*, pro: res et negotia curare et administrare.

et præsentibus omnibus instrue eum mandatis. 20. Et de tua auctoritate aliquid ei tribue, ut Israelitarum legati ei morem gerant. 21. *In causa dubia* adeat Eleasarem sacerdotem, qui pro eo per Urim ^{c)} consulat. Ex ejus sententia ipse et senatus Israelitarum agant. 22. Moses igitur fecit, quod Jova jussérat. Deduxit Josuam ad Eleasarem sacerdotem et Israelitarum legatos. 23. Et manibus impòsitis rerum publicarum curam ei demandavit, quemàdmodum Jova præceperat.

CAPUT XXVIII

Leges de sacrificio quotidiano et de victimis Sabbatho, Neomenia, Paschæ et festo septimanarum offerendis.

1. **J**ova cum Mose hunc in modum est collocutus:
2. Hæc Israelitis promulgato: oblationes mihi sacras, quæ sicut dapes meæ igne mihi immolantur, diligenter curate suis quasque temporibus. 3. Sacrificium vero, ita perges ad eos, quod mihi quotidie offerre debetis, sunt duo agni anniculi sine vitio,
4. quorum alterum mane, alterum circa vespèram facere debetis, 5. una cum decima parte Ephæ similæ et admixta quarta parte Hini olei tusi in fermentum.

^{c)} Intelligitur Urim et Tummin in pectorali sacerdotis summi, de quo cf. dicta ad Exod. 28, 30.

tum. 6. Hoc est jūge sacrificium mihi jam ad montem Sinai oblatum ad me placandum ⁴⁾. 7. Libamen ejus constet quarta parte hini pro singulis agnis, in loco mihi sacro libandum. 8. Alterum agnum circa vesperam, sicuti matutinum una cum eodem ferto et libamine faciatis, in sacrificii odorem mihi accepti. 9. Die sabbati duos agnos anniculos eosque integros offeretis una cum ferto duarum decimarum similæ et olei admixti et libamine suo. 10. Quod sabbati sacrificium præter jūge sacrificium cum suo libamine offerendum est. 11. Noviluniis solidum sacrificium mihi facietis duobus tauris bovillis, ariete uno et septem agnis anniculis integris. 12. In singulos tauros fertum constet tribus decimis similæ oleo mixtæ, atque in arietes singulos duabus decimis similæ itidem oleo conspersæ. 13. In singulos agnos autem singulis decimis similæ oleo mixtæ. Cujus sacrificii odor ad me placandum ascendet. 14. Vini libatio sit dimidium hini in singulos tauros; tertia pars hini in arietem, et quarta in agnum. Hoc sit solidum sacrificium singulis anni mensibus faciendum 15. una cum hoedo caprino pro sacrificio piaculari. Præter jūge holocaustum cum libamine suo. — 16. Quarto decimo die primi

⁴⁾ לַיהוָה נִיחָח cf. de hac phrasi in seqq. sæpe obvia annotata ad Genes. 8, 21.

mi mensis Passa est mihi sacrum, 17. et quintodecimo ejusdem mensis festum celebratur, per septem dies panibus azymis vescemini. 18. Primo die facer conventus indicitur et ab omni labore debetis abstinere. 19. Solidum sacrificium mihi facietis duobus tauris bovillis, ariete uno et septem agnis anniculis iisque integris. 20. Fertum eorum constet tribus decimis similæ oleo mixtæ in taurum et duabus decimis in arietem, 21. et singulis decimis in singulos agnos. 22. Hædum quoque caprinum ut sacrificium pro peccato ad vos expiandos, 23. præter sacrificium matutinum quotidie a vobis offerendum. 24. Hæc sacrificia per omnes hujus festi septem dies ad suavem mihi odorem excitandum offeretis, præter jüge holocaustum cum libamine suo. 25. Die septimo facer conventus a vobis indicetur, et omnem laborem intermittetis. — 26. Die primitiarum, quando mihi fertum libatis post septem septimanas, sacrum conventum indicetis, quo ab omni debetis labore abstinere. 27. Solidum vero sacrificium facietis duobus tauris bovillis, ariete uno et septem agnis anniculis. 28. Una cum ferto similæ trium decimarum in bovem oleo admixto, duarum decimarum in singulos arietes, 29. et in singulos agnos singularum decimarum. 30. Hædum caprinum ad vos expiandos, 31. præter jüge sacrificium
cum

tum ferto suo. Quæ sacrificia omnis vitii expertia esse debent, ut et eorum libationes.

CAPUT XXIX

Leges de sacrificiis in sacris anniversariis festisque mensis septimi.

Primo die mensis septimi sacrum conventum debetis proclamaré, quo omnis labor intermittetur. Hoc die buccinis clangetur *a)*. 2. Solidum sacrificium facietis ad me placandum, tauro bovillo, ariete uno, agnis anniculis septem hisque integris. 3. Quorum ferto constet tribus decimis similæ oleo perfusæ in taurum, duabus decimis in arietem: 4. et singulis decimis in singulos septem agnos. 5. Tum hœdum caprinum piacularem ad vos expiandos, 6. præter holocaustum novilunii cum ferto suo et iugo sacrificium cum ferto suo et libatione ex instituto. — 7. Porro decimo die mensis hujus septimi sacrum conventum indicetis *b)*, jejunabitis et omni labore abstinebitis. 8. Sacrificia vero, quibus me placetis, sint hæc: Juvencus, aries, septem agni anniculi integri. 9. Quorum ferto constet tribus decimis similæ oleo perfusæ pro juvenco, duabus decimis pro ariete

a) cf. Levit. 23, 24.

b) cf. Levit. 16, 29. 23, 27.

ariete 10. et singulis decimis pro septem singulis agnis. 11. Hoedum caprinum piacularem, præter sacrificium piaculare die expiationis et jube sacrificium cum ferto suo et libamine — 12. Quinto decimo die mensis hujus septimi sacer conventus indictur, quo omnem laborem intermittetis. Festum mihi celebrabitur per septem dies. 13. *Quorum primo* vos mihi expietis his sacrificiis: nempe tredecim juvenis, arietibus duobus et quatuordecim agnis anniculis iisque integris, 14. eorumque ferto, nempe trinis similæ decimis oleo mixtæ in singulos juvenes, binis decimis in arietes, 15. et singulis decimis in singulos agnos, 16. item hoedo caprino piaculari; præter jube sacrificium cum suo ferto et libatione. — 17. Secundo die *offeretis* juvenes, duodecim, arietes duos, agnos anniculos quatuordecim integros 18. cum fertis suis et libationibus in juvenes, arietes et agnos pro numero et ritibus præscriptis. 19. Item hoedum caprinum piacularem, præter holocaustum quotidianum cum ferto suo et libamine. — 20. Tertio die *facietis* undecim juvenes, duos arietes, agnos anniculos quatuordecim vituli expertes, 21. cum fertis suis et libationibus in juvenes, arietes et agnos pro numero et ritibus præscriptis. 22. Item hoedum caprinum piacularem, præter sacrificium jube cum ferto suo et libamine. 23. Quarto die decem

cem juvenços, arietes duos, agnos anniculos quatuordecim eosque integros, 24. cum fertis suis et libationibus in juvenços, arietes et agnos pro numero suo et ritibus præscriptis. 25. Item hœdum caprinum piacularem præter jûge sacrificium cum ferto suo et libamine. — 26. Quinto die novem juvenços, arietes duos, quatuordecim agnos, anniculos, vitii expertes, 27. cum fertis suis et libationibus in juvenços, arietes et agnos pro numero suo et ritibus, 28. Item hœdum piacularem præter jûge sacrificium cum ferto suo et libamine. — 29. Sexto die juvenços octo, arietes duos, agnos anniculos vitiique expertes quatuordecim, 30. cum fertis suis et libationibus in juvenços, arietes et agnos pro numero et ritu suo. 31. Item hœdum piacularem, præter jûge sacrificium cum ferto suo et libamine, 32. Septimo die juvenços septem, arietes duos, agnos anniculos vitii expertes quatuordecim, 33. cum fertis suis et libationibus in juvenços, arietes et agnos pro numero et ritu suo. 34. Item hœdum piacularem præter jûge sacrificium cum ferto suo et libamine. 35. Octavus dies, dies festus est, quo ab omni labore abstinebitis, 36. atque sequentia sacrificia mihi ad me placandum offeretis. Juvençum unum, arietem unum, agnos anniculos septem vitii expertes, 37. cum fertis suis et libationibus in juvençum,

venum, arietem et agnos pro numero et ritu suo.
 38. Item hœdum piacularem præter jube sacrificium
 cum ferto suo et libamine. 39. His sacra mihi fac-
 cietis diebus vestris festis, præter vota vœstra, aut
 spontanea sacrificia, aut oblationes, aut libationes,
 aut sacrificia eucharistica.

CAPUT XXX

Leges de votis.

1. **M**oses autem retulit ad Israelitas omnia quæ
 Jova ei præceperat. — 2. Deinde hæc quoque pri-
 moribus tribuum Israelitarum ex auctoritate Jovæ
 edixit: 3. Si quis Jovæ votum fecerit, aut jure ju-
 rando sese obstrinxerit, non revocet votum suum,
 sed quod ore pronunciavit, præstet. 4. Verum si
 mulier Jovæ votum nuncuparit, cum adhuc in domo
 paterna ut puella vivit, 5. et pater audierit vo-
 tum ejus *et jure jurandum* quo sese obstrinxit, et ta-
 cuerit: rata sunt ejus vota, et tenetur jurejurando
 suo. 6. Quodsi autem pater ejus improbarit ejus
 votum, aut promissum quo se obstrinxit, utrumque
 irritum est. Jova ei remittit omnia propter dené-
 gatam patris approbationem. — 7. Si porro aupse-
 rit, quæ vota suscepit, aut temerario promisso se-
 se obstrinxerit, 8. et maritus eo audito non con-
 tradixerit, rata sunt vota ejus, tenetur promisso suo.
 9. Quodsi

9. Quodsi vero maritus eam prohibuerit et irritum reddiderit votum aut promissum temere prolatum, Jova ei ignoscet. 10. Votum viduæ aut repudiatæ, quocunque modo sese obstrinxerit, ratum esto. 11. Si mulier domi viri sui voverit, aut jurejurando se obstrinxerit, 12. et vir eo audito non contradixerit, nec eam prohibuerit, rata sunt vota ejus et quæcunque jurejurando promisit. 13. Quodsi vero improbarit maritus cum audiret quæ voveret, aut quibus se obstringeret, irrita sunt omnia, et Jova ei condonabit. 14. Omne votum et omnem jurati jejunii religionem potest maritus ejus ratam et irritam reddere. 15. Qui, si per aliquod tempus non contradixerit, rata fecit ipso illo silentio suo omnia ejus vota aut quæcunque promiserit. 16. Quodsi postea ea dissolverit, illius culpam sustinebit. 17. Hæc sunt instituta quæ Jova Mosi præcepit, virum inter et uxorem ejus, inter patrem et filiam puellam in ædibus paternis adhuc degentem.

CAPUT XXXI.

Bellum cum Midianitis, et praeda diviso.

Tum dixit Jova Moſi: 2. ulciſcere Iſraelitas de Midianitis, poſtea morieris. 3. Ille igitur jubet populum armare ^{a)} exercitum, qui contra Midianitas egrediatur, et Jovæ poenas ab eis expetat, 4. atque hunc in finem ex ſingulis tribubus millenos ſeligant. 5. Quo delectu ex Iſraelitarum copiis habito. duodecim millium exercitus inſtruitur; 6. quem Moſes in expeditionem emittit una cum Pineaſo Eleaſaris filio ſacerdote, qui instrumenta ſacra nempe tubas clangoris ſecum habebat. 7. Igitur hi Midianitas aggreſſi ſunt, ſicuti Jova Moſi præceperat, atque omnes mares interfecerunt. 8. Reges quoque Midianitarum quinque, Eveum, Rekemum, Zurum, Churum et Rebam, item Bilcamum Beoris filium gladio trucidarunt. 9. Mulieres vero et parvulos captivos abegerunt Iſraelitæ, jumenta, pecudes et reliquas facultates diripuerunt, 10. oppida vero eorum atque arces igne combuſſerunt. 11. Quam prædam omnem et rapinam hominum et animalium 12. abduxerunt ad Moſen et Eleaſarem ſacerdotem et

a) Pro imperativo Niphal ^{לחַמַּם} legendum eſt ſine dubio

• in Hiphil ^{לחַמַּם}. Sic et ^{לחַמַּם}, *ἐφελκίζω*. Vulgatus: arina-

te. Syrus: ^{לחַמַּם} Onkelos: ^{לחַמַּם}.

et ad senatum Israelitarum, qui in campis Moabiticis juxta Jordanum e regione Hierichuntis castra habebant. 13. Tum Moses, Eleasar sacerdos et principes populi eis obviam processerunt extra castra. 14. Moses vero succensuit exercitus ducibus, tribunis et centurionibus, qui de expeditione illa veniebant. 15. Itane vero, inquit, vivas servastis omnes foeminas? 16. At istae ipsae Israelitas auctore Bileamo induxerunt, ut a Jova deficerent in festo Peoris, unde cladem istam facer coetus accepit. 17. Igitur occidite omnes mares impuberes, et mulieres omnes, quae cum viris rem habuerunt. 18. Foeminas autem impuberes, marium conjunctionis ignaras vobis servate. 19. Vos autem extra castra manete septem dies. Qui hominem interfecit, aut occisum tetigit, expiet se die tertio et septimo. Hoc vos et captivae vestrae facitote, 20. nec non vestimenta omnia et suppellectilem pelliceam et quae ex pellibus caprinis facta sunt, et omnia instrumenta lignea expiate. — 21. Deinde Eleasar sacerdos militibus, qui ex illo bello redierant, dixit: Hoc vobis Moses ex voluntate Jovae edicit: 22. aurum, argentum, aes, ferrum, stannum et plumbum, 23. quicquid ignem sustinet, igne adhibito purificate et deinde aqua lustrali expiate. Quicquid autem ignem non sustinet, in aquam immittite, 24. et septimo

die vestes vestras lavate. Sic mundi eritis et tunc in castra poteritis redire. — 25. Tum Jova Mosi dixit: 26. tu adhibito Eleasare sacerdote et principibus familiarum summam subducite captivorum, tum hominum, tum animalium, 27. et divide prædam inter milites, qui ad hanc expeditionem egressi sunt, et inter universum cœtum. 28. Quo facto ab illis sume partem pro me, nempe unum de quingentis, sive homines sint, sive boves, sive asini, sive oves, 29. a dimidia eorum parte hæc accipe et trade ea Eleasari sacerdoti, ut donarium mihi datum. 30. A dimidia vero parte Israelitarum sume quinquagesimam partem hominum, boum, asinorum, ovium et alius pecoris, quam Levitis dabis curam mei tabernaculi gerentibus. 31. Moses igitur et Eleasar fecerunt, quod Jova illi præceperat. 32. Summa autem captorum, quæ milites diripuerant, fuit ovium sexcentorum millium, septuaginta quique millium, 33. boum septuaginta duorum millium, 34. asinorum unius et sexaginta millium, 35. hominum autem sexus muliebris, quæ virum expertæ non erant, omnino fuerunt triginta duorum millium. 36. Dimidia igitur pars, quam milites accipiebant, fuit ovium trecentorum triginta septem millium et quingentarum. 37. Et pars Jovæ debita ex ovibus, sexcentæ septuaginta quinque. 38. Boum pars dimidia fuit triginta

triginta sex millium, e quibus septuaginta duo Jovæ debebantur. 39. Asinorum triginta millium et quingentorum, e quibus unus et sexaginta Jovæ erant reddendi. 40. Hominum sedecim millium, e quibus duo et triginta Jovæ cedebant. 41. Quam donarum Jovæ facti summam Moses Eleasari sacerdoti tradidit ex mandato, quod a Jovæ acceperat. 42. De dimidia autem parte *præda*, quam Israelitæ a militibus accipiebant, 43. quæ constabat ex ovibus trecentis septem et triginta millibus et quingentis, 44. ex bobus triginta sex millibus, 45. ex asinis triginta millibus et quingentis, 46. ex hominibus sedecim millibus: 47. De illa, inquam, Israelitarum parte sumit Moses quinquagesimam partem hominum et animalium, eamque dedit Levitis, curam sacri tabernaculi habentibus, quemadmodum Jovæ ipsi præceperat. — 48. Tum duces exercitus, tribuni et centuriones Moſen convenerunt, 49. eique monstrarunt, sese commissos sibi milites recensuisse, nullumque omnino desideratum esse. 50. Igitur offerre munus Jovæ ex rebus pretiosis quas acceperant, armillas, torques, annulos, inaures, globulos, ut sibi propitiâ redderent Jovam. 51. Acceperunt Moſes et Eleasar sacerdos aurum ab eis, quod constabat vasis artificioso elaboratis, 52. et summa ejus fuit sedecim millium sexcentorum et quinquaginta siclo-

rum. Quod donarium Jovæ oblatum fuit tantum a tribunis et centurionibus, 53. milites enim gregarii sua sibi servabant. 54. Tum Moses et Eleasar sacerdos illud deposuerunt in tabernaculo conventus in memoriam Israelitarum coram Jovæ.

CAPUT XXXII

Rubenitæ, Gaditæ, et dimidia tribus Manassis regionem Jordani orientalem pecori alendo aptam sibi a Mose expetunt. Qui precibus eorum concedit, sed sub hac conditione, ut, qui ex eis arma ferre possent, populares suos in occupatione terre trans Jordanum adjuvarent.

Rubenitæ vero et Gaditæ perquam numerosos greges habebant. Cum igitur viderent, terram Jaserem et Gileaditidem alendo pecori esse aptissimam, 2. adierunt Mosen, Eleasarem sacerdotem et principes cætus, atque hunc in modum apud eos verba fecerunt: 3. Atarot, Dibon, Jaser, Nimra, Cheschbon, Eleale, Sebam, Nebo et Beon, 4. terra, quam Israelitæ Deo juvante occuparunt, terra est pecori alendo apta: nos autem habemus pecus. 5. Rogamus igitur, ut id beneficii nobis concedatis atque hanc terram in possessionem assignetis, neque jubeatis nos Jordanum trajicere. 6. Ad hæc Moses Gaditis et Rubenitis respondit: Itane fratres vestri bellum

bellum gerent et vos hic desidebitis? 7. Cur avertitis animos Israelitarum a transitu in terram, quam Jova eis dedit? 8. Ita quoque fecerunt patres vestri, cum eos misissem ex Cadefch Barnea ad explorandam terram. 9. Venerunt usque ad vallem Eschkol, explorarunt terram, deinde alienarunt mentes Israelitarum, ut nollent terram a Jova eis promissam adire. 10. Quo facto hic iratus juravit, 11. ex illis, qui Aegypto essent egressi, atque annum vicesimum excessissent, neminem terram visurum esse, quam jurejurando Abrahamo, Isaaco et Jacobo promississet, quia eum sequi recusarent, 12. præter Calebum filium Jephunæ Kenisitam et Josuam Nunis filium constantes in sua erga eum obedientia. 13. Qua Jovæ ira in Israelitas factum est, ut per quadraginta annos oberrarent in deserto, usque dum consumpta esset tota ista hominum generatio, quæ eum tam graviter offenderat. 14. Et jam vos surgitis loco patrum vestrorum, progenies hominum improborum, ut augeatur ira Jovæ in Israelitas. 15. Nam si Jovam sequi detrectaveritis, ulterius populum in deserto detinebit, et sic eum perdetis. — 16. Tum illi pergebant in hunc modum: caulas tantum pecori nostro hic extruemus et oppida liberis nostris. 17. Nos vero armati Israelitas præcedemus, donec eos ad loca sua perduxerimus. In-
terea

terea maneant parvuli nostri in oppidis munitis, ut tuti sint ab hujus terræ incolis. 18. Non domum revertemur, donec Israëlitarum ad suas possessiones pervenerint. 19. Neque enim cum illis fundos nobis expetemus trans Jordanum et ulterius, si nostras possessiones sortiti fuerimus in citeriori parte Jordani orientali. 20. Tum Moses eis respondit: Si hoc facietis, si armati ad bellum præsentem Jovam procedetis, 21. et sic quoque Jordanum trajicietis, tum demum redituri, cum ille hostibus suis expulsis 22. terram sibi subjecerit: vos promissis vestris apud Jovam et Israelitas soluti eritis, atque hanc terram favente vobis Jova possidebitis. 23. Sin minus, scitote vos contra Jovam peccare, vestrique peccati poenas esse daturos. 24. Aedificate oppida parvulis vestris et caulas pecori vestro, verum præstate quoque quod promissistis. 25. Ad hæc Gaditarum et Rubenitarum Moysi responderunt: Utique faciemus, quod tu, domine, jussisti. 26. Parvuli nostri, mulieres nostræ, pecus et jumentum remanebunt in oppidis Gileaditicis; 27. Nos vero armati præsentem Jovam ad bellum procedemus, quemadmodum dominus noster dixit. — 28. Tum Moses Eleasari sacerdoti, Josue filio Nunis et principibus tribuum Israeliticarum præcepit: 29. Si Gaditarum et Rubenitarum vobiscum Jordanum armati ad bellum trajecerint,

rint, et terra a vobis occupata, dabitur eis terram Gileaditicam in possessionem. 30. Sin minus, accipient suas possessiones inter vos in Cananæa. 31. Tum denuo Gaditæ et Rubenitæ polliciti sunt, se facturos esse quod Jova iusserit: 32. se velle armatos in Cananæam coram Jova trajicere, suas sibi manere possessiones cis Jordanum. 33. Sic Moses Gaditis, Rubenitis et dimidiæ tribui Manassis filii Josephi dedit regnum Sichonis. Amoritarum regis et regnum Ogi regis Bafanis, terram cum suis oppidis, quam longe lateque in toto circuitu suo patebat. 34. Gaditæ edificabant Dibon, Ataroth, Aroer, 35. Atrot, Schophan, Jaser, Jogbehah, 36. Bethnimra et Bethcharan, oppida munita, et caulas pecori. 37. Rubenitæ edificabant Chesbon, Elale, Kiriatajim. 38. Nebo, Baalmeon mutatis nominibus, et Sibmam, quibus urbibus a se instauratis, pristina nomina reliquerunt. 39. Posteriores Machiri filii Manassis expeditionem fecerunt in Gileaditidem, eamque occuparunt, ejectis incolis Amoriticis. 40. Quibus propterea Moses eam regionem habitandam assignavit. 41. Jair vero Manassis nepos villas Amoritarum cepit, easque Jairi villas vocavit. 42. Nobach cepit Kenatham ejusque municipia, eamque ex nomine suo Nobacham nominavit.

CAPUT XXXIII

Stationes Israelitarum toto itinere suorum tempore, ex quo Aegypto erant egressi. 1 — 49. Novum de Canaanis expellendis, et extirpanda omni idololatia, preceptum 50 — 56.

Hæ sunt profectioes Israelitarum, cum ex Aegypto ductu Moſis et Aaronis ſecundum agmina ſua eſſent egreſſi. 2. Literis eas conſignavit Moſes ſecundum ſtationes a) quas ex voluntate Jovæ fecerunt. Sunt vero ſequentes: 3. Profeſti ſunt ex Raeniſe quinto decimo die primi menſis poſtridie paſchatis potenter vindicati b) ſpectantibus omnibus Aegyptiis, 4. qui primogenitos & Jovæ occiſos ſepeliebant. A dñis adeo eorum Jovæ poenas ſuſceperat. 5. Ex Ramſe igitur profeſti Iſraelitæ caſtra poſuerunt in Succoth. 6. Inde in Etham, quod in extremo deſerti. 7. Ex Ethamo profeſti converterunt verſus Pihachiroth, quod eſt e regione Baal Zephon, et caſtra fecerunt ante Migdol. 8. Ex Pihachiroth profeſti mare tranſierunt in deſertum atque itinere trium dierum in deſerto Etham conſe-

a) מִצָּעַת et מַחֲנֶה ſunt ſynonyma. Indicant vero loca in quibus Iſraelitæ ad tempus aliquod cum caſtris ſuis commorati ſunt.

b) hebr. בִּיד רָמָה manu elata. cf. Exod. 14, 3. Sequens verſus hæc verba explicat.

quo, castrametati sunt in Mara. 9. Ex Mara profecti venerunt Elimam, ubi duodecim fontes et septuaginta palmas inveniebant; ibique castra posuerunt. 10. Ex Elima profecti castrametati sunt ad finem Arabicum, 11. inde in deserto Sin, 12. inde in Dophka, 13. inde in Alufch, 14. inde in Rephidim, ubi aqua carebant; 15. inde in deserto Sinai, 16. inde ad sepulcra desiderii, 17. inde in Chazeroth, 18. inde in Rithma, 19. inde in Rimmonperez, 20. inde in Libna, 21. inde in Riffa, 22. inde in Kehelata, 23. inde ad montem Schepher, 24. inde in Charata, 25. inde in Makheloth, 26. inde in Tachat, 27. inde in Tarach, 28. inde in Mitka, 29. inde in Chasthmona, 30. inde in Moserot, 31. inde. apud posteros Jakanis, c) 32. inde in Horhaggidgad, 33. inde in Jotbata, 34. inde in Abrona, 35. inde in Ezjongeber, 36. inde in deserto Sin, sive Kadefch, 37. inde ad montem Hor in finibus Moabiticis. 38. Hunc montem ascendit Aaron sacerdos ex voluntate Jovæ, ibique mortuus est, anno quadragesimo post exitum Israelitarum ex Aegypto, die primo mensis quinti, 39. cum annum ageret centesimum tertium et vicesimum. 40. Tum rex Cananitarum Arph in tractu meridionali Cananæ de adventu Israelitarum

c) De dissenfu. 1. ab Deut. 10, 6. dicitur ad illam locum.

raelitarum audivit d. 41. Ex monte Hor profecti castra habuerunt in Salmona, 42. inde in Phunan, 43. inde in Obot, 44. inde in Jjje Abarim, in terminis Moabitarum, 45. inde in Dibongad, 46. inde in Almon Diblatajim, 47. inde in montibus Abarim e regione Nebonis, 48. inde in campis Moabiticis ad Jordanum e regione Hierichuntis. 49. Quae eorum castra ad Jordanum sese extendebant ipse a Bethjeschimothe usque ad Abel Schittim per campestria Moabitarum. 50. Ibi Jova Moysi haec dixit: 51. Admone Israelitas, ut quem trajecto Jordane in Canaanem venerint, 52. expellant omnes ejus incolas, lapides figuris inscriptos et fusa simulacra perdant, et sacella in locis altis exstructa destruant. 53. Quo facto terram incolant, nam ego eam ipsis possidendam dedi. 54. Sorte vero terram dividant secundum familias, ita ut quo vel plures, vel pauciores in familia sint, eo vel plus, vel minus possideant, et quem cuique locum fors assignaverit, eum habeat. Secundum tribuum familias possessiones dividant. 55. Quodsi non ejecerint terrae incolas, quos reliquerint, sicut illis quasi aculei in oculis et spinae in lateribus, eosque affligent in terra quam inhabitant. 56. Tunc quod ego illis facere decreveram, id ipsis faciam.

CAPUT

d. cf. Num. 11, 1. seqq. ubi historia haec narratur.

CAPUT XXXIV

*De terminis terræ promissæ ejusque inter novem tribus et
dimidiam distributione.*

Porro Jova cum Mose locutus est in hunc modum: 2. Hæc Israelitis edicito: Cum jam perventuri sitis in terram Cananæam forte inter vos distribuendam, termini ejus ita sunt constituendi. 3. Terminus extremus meridionalis sit a deserto Sin juxta Edomum. Qui termini meridionales inde ab extremo maris salsi versus orientem pateant, 4. vergant porro ad juga montium Akrabbim, inde ad Sinam, pertingant a meridie ad Kadeschbarneam, Chazar Adarem, Azmonam. 5. Ab Azmona convertant se ad fluvium Aegypti, atque desinant in mari. 6. Terminum occidentalem constituit mare magnum, quod vobis est ab occidente. 7. Terminus septentrionalis sit vobis a mari magno, unde lineam ducetis ad montem Hor. 8. Inde ad Chamatam, porro pergat ad Zedadam, 9. porro ad Siphronam et tandem Chazar Enanem. Hic terminus vester a septentrione. 10. Meridionalem terminum designetis a Chazar Epiane versus Schephmam. 11. Inde descendat ad Riblam ab Oriente fontis *a) Jordani*; inde pertingat ad ripam Orientalem

a) Intelligitur lacus ille, a figura rotunda Phiala dictus, ex

P p

quo

talem lacus Cinnereth. 12. Pergat ulterius ad Jordanum, et tandem desinat in mari salso. Hæc sit vobis terræ descriptio secundum terminos suos. —

13. Porro Moses Israelitis his verbis præcepit: Terram hanc secundum sortem distribuere debetis ex voluntate Jovæ inter novem tribus et dimidiam.

14. Nam Rubenitæ, Gaditæ et dimidia tribus Manassis possessiones secundum familias suas acceperunt

15. cis Jordanum e regione Hierichuntis versus Orientem. 16. 17. In hac vero terræ divisione,

sic pergebat Jova ad Mosen, adhibere debetis Eleasarem sacerdotem et Josuam filium Nunis, 18. atque ex singulis tribubus singulos principes. 19. Quo-

rum nomina hæc sunt: E tribu Juda Caleb filius Jephunnæ. 20. E tribu Simeon Samuel filius Amihudi.

21. E tribu Benjamin Elidad filius Cisloni. 22. E tribu Dan, ejus principem Bukkum filium Jogli.

23. Ex posteris Josephi et quidem e tribu Manassis principem Channielem filium Ephoti.

24. E tribu Ephraimi principem Kemuelem filium Schiphtani. 25. E tribu Sebulon principem Elifaphanem filium Parnachi.

26. E tribu Issacharis principem Paltielem* filium Assani. 27. E tribu Ascheri principem Achihudum filium Schelomi. 28.

E

quo Jordanus oritur, cf. *Bachiane* in descriptione *Palestinae* P. I. p. 134.

E tribu Naphtali principem Pedaelem filium Ammi-
hudi. 29. Hæc sunt quæ Jova præcepit quoad di-
visionem terræ Cananææ inter Israelitas.

CAPUT XXXV

*De oppidis Levitarum et de asyli oppidis, ad quæ, qui alium
casu occiderit, confugeret.*

Item Jova cum Mose in campis Moabiticis ad
Jordanum e regione Hierichuntis sic locutus est: 2.
Jube ut Israelitæ de suis possessionibus Levitis op-
pida quædam et pomœria in eorum circuitu assignent.
3. In oppidis habitent Levitæ, pomœria verò in-
serviant eorum jumentis, pecori et omnis generis
possessionibus. 4. Quod ad pomœria oppidorum
attinet, quæ Levitis dare debetis, ea foras extra
murum oppidi mille cubitos pateant. 5. Nimirum
mensurabitis extra oppidum a latere orientali duo
cubitorum millia, totidem a latere meridionali, oc-
cidentalī et septentrionali. Ipsum autem oppidum
sit in medio. Sic se habeant omnia oppidorum po-
mœria. 6. In oppidis autem quæ Levitis dare de-
betis, sunt sex illa asyli oppida, ad quæ homicida
perfugere potest, præter ea verò adhuc duo et qua-
draginta. 7. Omnino igitur duo de quinquaginta
cum suis pomœriis. 8. Oppida autem quæ de pos-
sessionibus vestris Levitis dabitis, ita disperantur,

ut quo vel majores, vel minores illæ sint, eo vel plura vel pauciora oppida hunc in usum conferantur. — 9. Porro Jova sic cum Mose est collocutus: 10. Edicito Israelitis: quando Jordanum in Cananæam trajeceritis, 11. feligatis oppida certa, quæ oppida asyli vocentur, ad quæ homicida per fugiat, talis nimirum, qui alterum per imprudentiam occiderit. 12. Hæc igitur oppida asylum ei præstent a vindice sanguinis, a) ne indicta causa moriatur;

a) Hebraice vocatur לִנְיָ de quo accurate egit Ill. *Michaelis* in Jure Mosæico P. II. §. 131. seqq. Nimirum ille לִנְיָ minime a Mose fuit constitutus, ut ex homicida vindictam peteret, sed ex antiquissimo more hoc fuit receptum inter Hebræos, et omnino inter Arabes, (inter quos etiamnum hic mos obtinet,) ut proximus ex cognatione, qui לִנְיָ vocabatur, homicidam persequeretur et quocunque modo posset, sive vi manifesta, sive per insidias cædem ulcisceretur, et qui hoc facere recusaret, ignominia afficeretur maxima. Igitur cum Moses videret, Israelitas hunc a majoribus suis traditum morem ægre esse mutatu-
 3. 2. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000. 1001. 1002. 1003. 1004. 1005. 1006. 1007. 1008. 1009. 1010. 1011. 1012. 1013. 1014. 1015. 1016. 1017. 1018. 1019. 1020. 1021. 1022. 1023. 1024. 1025. 1026. 1027. 1028. 1029. 1030. 1031. 1032. 1033. 1034. 1035. 1036. 1037. 1038. 1039. 1040. 1041. 1042. 1043. 1044. 1045. 1046. 1047. 1048. 1049. 1050. 1051. 1052. 1053. 1054. 1055. 1056. 1057. 1058. 1059. 1060. 1061. 1062. 1063. 1064. 1065. 1066. 1067. 1068. 1069. 1070. 1071. 1072. 1073. 1074. 1075. 1076. 1077. 1078. 1079. 1080. 1081. 1082. 1083. 1084. 1085. 1086. 1087. 1088. 1089. 1090. 1091. 1092. 1093. 1094. 1095. 1096. 1097. 1098. 1099. 1100. 1101. 1102. 1103. 1104. 1105. 1106. 1107. 1108. 1109. 1110. 1111. 1112. 1113. 1114. 1115. 1116. 1117. 1118. 1119. 1120. 1121. 1122. 1123. 1124. 1125. 1126. 1127. 1128. 1129. 1130. 1131. 1132. 1133. 1134. 1135. 1136. 1137. 1138. 1139. 1140. 1141. 1142. 1143. 1144. 1145. 1146. 1147. 1148. 1149. 1150. 1151. 1152. 1153. 1154. 1155. 1156. 1157. 1158. 1159. 1160. 1161. 1162. 1163. 1164. 1165. 1166. 1167. 1168. 1169. 1170. 1171. 1172. 1173. 1174. 1175. 1176. 1177. 1178. 1179. 1180. 1181. 1182. 1183. 1184. 1185. 1186. 1187. 1188. 1189. 1190. 1191. 1192. 1193. 1194. 1195. 1196. 1197. 1198. 1199. 1200. 1201. 1202. 1203. 1204. 1205. 1206. 1207. 1208. 1209. 1210. 1211. 1212. 1213. 1214. 1215. 1216. 1217. 1218. 1219. 1220. 1221. 1222. 1223. 1224. 1225. 1226. 1227. 1228. 1229. 1230. 1231. 1232. 1233. 1234. 1235. 1236. 1237. 1238. 1239. 1240. 1241. 1242. 1243. 1244. 1245. 1246. 1247. 1248. 1249. 1250. 1251. 1252. 1253. 1254. 1255. 1256. 1257. 1258. 1259. 1260. 1261. 1262. 1263. 1264. 1265. 1266. 1267. 1268. 1269. 1270. 1271. 1272. 1273. 1274. 1275. 1276. 1277. 1278. 1279. 1280. 1281. 1282. 1283. 1284. 1285. 1286. 1287. 1288. 1289. 1290. 1291. 1292. 1293. 1294. 1295. 1296. 1297. 1298. 1299. 1300. 1301. 1302. 1303. 1304. 1305. 1306. 1307. 1308. 1309. 1310. 1311. 1312. 1313. 1314. 1315. 1316. 1317. 1318. 1319. 1320. 1321. 1322. 1323. 1324. 1325. 1326. 1327. 1328. 1329. 1330. 1331. 1332. 1333. 1334. 1335. 1336. 1337. 1338. 1339. 1340. 1341. 1342. 1343. 1344. 1345. 1346. 1347. 1348. 1349. 1350. 1351. 1352. 1353. 1354. 1355. 1356. 1357. 1358. 1359. 1360. 1361. 1362. 1363. 1364. 1365. 1366. 1367. 1368. 1369. 1370. 1371. 1372. 1373. 1374. 1375. 1376. 1377. 1378. 1379. 1380. 1381. 1382. 1383. 1384. 1385. 1386. 1387. 1388. 1389. 1390. 1391. 1392. 1393. 1394. 1395. 1396. 1397. 1398. 1399. 1400. 1401. 1402. 1403. 1404. 1405. 1406. 1407. 1408. 1409. 1410. 1411. 1412. 1413. 1414. 1415. 1416. 1417. 1418. 1419. 1420. 1421. 1422. 1423. 1424. 1425. 1426. 1427. 1428. 1429. 1430. 1431. 1432. 1433. 1434. 1435. 1436. 1437. 1438. 1439. 1440. 1441. 1442. 1443. 1444. 1445. 1446. 1447. 1448. 1449. 1450. 1451. 1452. 1453. 1454. 1455. 1456. 1457. 1458. 1459. 1460. 1461. 1462. 1463. 1464. 1465. 1466. 1467. 1468. 1469. 1470. 1471. 1472. 1473. 1474. 1475. 1476. 1477. 1478. 1479. 1480. 1481. 1482. 1483. 1484. 1485. 1486. 1487. 1488. 1489. 1490. 1491. 1492. 1493. 1494. 1495. 1496. 1497. 1498. 1499. 1500. 1501. 1502. 1503. 1504. 1505. 1506. 1507. 1508. 1509. 1510. 1511. 1512. 1513. 1514. 1515. 1516. 1517. 1518. 1519. 1520. 1521. 1522. 1523. 1524. 1525. 1526. 1527. 1528. 1529. 1530. 1531. 1532. 1533. 1534. 1535. 1536. 1537. 1538. 1539. 1540. 1541. 1542. 1543. 1544. 1545. 1546. 1547. 1548. 1549. 1550. 1551. 1552. 1553. 1554. 1555. 1556. 1557. 1558. 1559. 1560. 1561. 1562. 1563. 1564. 1565. 1566. 1567. 1568. 1569. 1570. 1571. 1572. 1573. 1574. 1575. 1576. 1577. 1578. 1579. 1580. 1581. 1582. 1583. 1584. 1585. 1586. 1587. 1588. 1589. 1590. 1591. 1592. 1593. 1594. 1595. 1596. 1597. 1598. 1599. 1600. 1601. 1602. 1603. 1604. 1605. 1606. 1607. 1608. 1609. 1610. 1611. 1612. 1613. 1614. 1615. 1616. 1617. 1618. 1619. 1620. 1621. 1622. 1623. 1624. 1625. 1626. 1627. 1628. 1629. 1630. 1631. 1632. 1633. 1634. 1635. 1636. 1637. 1638. 1639. 1640. 1641. 1642. 1643. 1644. 1645. 1646. 1647. 1648. 1649. 1650. 1651. 1652. 1653. 1654. 1655. 1656. 1657. 1658. 1659. 1660. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. 1681. 1682. 1683. 1684. 1685. 1686. 1687. 1688. 1689. 1690. 1691. 1692. 1693. 1694. 1695. 1696. 1697. 1698. 1699. 1700. 1701. 1702. 1703. 1704. 1705. 1706. 1707. 1708. 1709. 1710. 1711. 1712. 1713. 1714. 1715. 1716. 1717. 1718. 1719. 1720. 1721. 1722. 1723. 1724. 1725. 1726. 1727. 1728. 1729. 1730. 1731. 1732. 1733. 1734. 1735. 1736. 1737. 1738. 1739. 1740. 1741. 1742. 1743. 1744. 1745. 1746. 1747. 1748. 1749. 1750. 1751. 1752. 1753. 1754. 1755. 1756. 1757. 1758. 1759. 1760. 1761. 1762. 1763. 1764. 1765. 1766. 1767. 1768. 1769. 1770. 1771. 1772. 1773. 1774. 1775. 1776. 1777. 1778. 1779. 1780. 1781. 1782. 1783. 1784. 1785. 1786. 1787. 1788. 1789. 1790. 1791. 1792. 1793. 1794. 1795. 1796. 1797. 1798. 1799. 1800. 1801. 1802. 1803. 1804. 1805. 1806. 1807. 1808. 1809. 1810. 1811. 1812. 1813. 1814. 1815. 1816. 1817. 1818. 1819. 1820. 1821. 1822. 1823. 1824. 1825. 1826. 1827. 1828. 1829. 1830. 1831. 1832. 1833. 1834. 1835. 1836. 1837. 1838. 1839. 1840. 1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2158. 2159. 2160. 2161. 2162. 2163. 2164

riatur. 13. Quorum oppidorum sex debetis constituere. 14. Tria cis Jordanum, tria in Cananæa. 15. Tum vobis, tum peregrinis, aut advenis apud vos degentibus hæc sex oppida asylum præbeant, ut eo confugere possit, quicumque aliquem per imprudentiam interfecerit. 16. Qui aliquem instrumento ferreo læserit, ut moriatur, homicida est, supplicio afficiendus. 17. Qui lapide letifero e manu projecto aliquem percusserit ut moriatur, mortis poenam is ipse luat. 18. Item, si idem sit cum instrumento ligneo. 19. Vindex sanguinis potest homicidam interficere, ubicunque ei occurrerit. 20. Si quis alium per odium impulerit, aut per insidias aliquid in eum jecerit ut moriatur, 21. aut ex inimicitia eum manu percusserit ut moriatur, capitis poenam luat hujusmodi homicida; sanguinis vindex eum interficere potest ubicunque ei occurrerit. 22. At si eum fortuito, non animo hostili impulerit, aut instrumento aliquo, nec tamen insidiosè, eum læserit, 23. aut lapidem in eum dejecerit, ut moriatur, cum tamen hostis ejus non fuerit, nec malum ei intenderit; 24. tum judicet magistratus inter homicidam et sanguinis vindicem ex his legibus, 25. atque illum ab hoc defendat et reducat in oppidum asyli ad quod confugerat, ibique maneat usque ad mortem pontificis maximi sacro oleo uncti. 26. Si

hujusmodi homicida egressus fuerit extra terminos oppidi, ad quod suæ salutis causa confugerat, 27. et inciderit ibi in eum sanguinis vindex et occiderit eum, eadem non commisit. 28. Etenim manere debebat in urbe asyli usque ad mortem pontificis maximi, et tum demum domum suam redire poterat. 29. Secundum has leges semper apud posteros vestros in omnibus oppidis debet judicari. 30. Qui alium interfecerit ex testimonio *duarum aut plurium*, supplicio afficiatur. Unus tamen testis in causa capitali admittendus non est. 31. Pretium pro vita homicidæ non accipiatis, reus moriatur. 32. Neque pretium accipiatis pro redimenda fuga ad urbem asyli, ut *homicida* redire ad patriam suam possit antequam sacerdos *summus* moriatur. 33. Ne profanetis terram, quam inhabitatis. Cædes vero commissa profanat eam, nec potest expiari, nisi sanguine homicidæ. 34. Ne polluatís terram, quam incolitis, ego ipse in ea habito. Ego Jova habito inter Israelitas.

CAPUT XXXVI

*Lex de filiabus heredibus, ne per matrimonia bona sua in
aliam tribum transferant, sed nubant suis
tribulibus.*

Tunc patres familiarum cognationis Gileadi filii Machiris nepotis Manassis, ex posteris Josephi, adierunt Mosen et principes tribuum Israelitarum, atque in hunc modum apud eos verba fecerunt: Jova dominum nostrum jussit terram sorte inter Israelitas distribuere, et tamen idem jussit possessionem Zelophchadi contribulis nostri filiabus ejus dari ^{a)}. Quodsi igitur cuidam ex alia tribuum Israelitarum nupserint, possessio earum a possessione familiarum nostrarum avelletur et accrescet possessioni ejus tribus in quam nupserint. Quo facto fors possessionis nostræ imminuetur. 4. Nam anno jubilæo earum possessio addetur possessioni ejus tribus, cui junctæ sunt et sic earum possessio de possessione tribus nostræ detrahetur. 5. Ad hæc Moses Israelitis ex voluntate Jovæ sic respondit: Recte monuerunt tribules Josephitarum: 6. propterea sic pronuntiat in hac causa filiarum Zelophchadi: nubant pro lubitu, dummodo de familia tribus paternæ nubant. 7. Neque enim Israelitarum possessiones ab una tribu in aliam transferentur, sed quisque in possessione tribus pa-

Pp 4

ternæ

^{a)} cf. Csp. 27.

ternæ maneat. 8. Filia igitur Israelitica, cujuscunque tribus ea sit, possessionis cujusdam hæres facta, nubat alicui de familia tribus paternæ. Sic Israelitæ manebunt in suis patrimoniis. 9. Neque transferetur possessio ex una tribu in aliam. Quilibet enim in suo patrimonio maneat. 10. Atque ita etiam, ut Jova Mofi præceperat, fecerunt filiæ Zelophchadi. 11. Nupserunt Machla, Tirza, Chogla, Milca, Noam, Zelophchadi filiæ, patruelibus suis 12. in gentilitatibus posterorum Manaßis, Josephi filii. Et sic mansit earum patrimonium in tribu paternæ familiæ. 13. Hæc sunt præcepta et jura, quæ Jova per Mosen Israelitis dedit in campesribus Moabiticis ad Jordanum e regione Hierichuntis.





DEVTERONOMIUM

CAPUT I

*Argumentum libri. Sermones Moſis ad Iſraelitarum præfectos * non ita longe ante mortem ſuam habiti v. 1—4.*

In primo ſermone Moſes repetit partem rerum geſtarum ab Iſraelitis in deſerto. Primo ſeditionem, quam explora-

torum timiditas excitaffet, et pœnam ſub-

ſecutam v. 5—46.

1. **H**i ſunt ſermones, quos Moſes ad Iſraelitas habuit, cis Jordanum in deſerto, in planitie e regione Suphæ inter Paran, Tophel, Laban, Cha-

* Facile intelligitur, Moſen hos ſermones, qui in hoc libro leguntur, non ad omnes Iſraelitas habuiſſe, quanquam hoc primi verſus dicere videntur. Quomodo enim Moſes coram tot hominum millibus, quorum caſtra circuitum aliquot milliarium germanicorum occupabant, tam clara voce loqui potuiſſet, ut omnes eum audirent? Sed repetenda eſt h. l. obſervatio, quam ſupra Levit. 8, 3. adſcripſimus, Moſen ſemper cum populo egiſſe per legatos ſ. deputatos ejus, qui mandata Moſis referebant ad ſingulos. Coram hoc igitur ſenatu ex omnibus tribubus electo Moſes hos ſermones habuit et deinde literis mandavit, ut eorum memoria ſemper in populo ſervaretur.

Chazeroth et Difahab. (2. Undecim dierum iter est ab Horebo ad Kadesbarneam, via per regionem montanam Seiri facta.) 3. Anno quadragesimo, primo die mensis undecimi Moses ad Israelitas ex mandato Jovæ hunc in modum locutus est: 4. postquam Sichonem Amoritarum regem Chesbone sedem suam habentem, et Ogum Basanis regem Aschtarote regnantem Edreæ ^{a)} prosligaverat. 5. Cis Jordanum in terra Moabitica incepit Moses legem his verbis explicare: 6. Jova Deus vester in Horebo sic nobis dixit: Jam satis diu in hoc monte estis commorati. 7. Convertite vos atque aggredimini regionem montanam Amoritarum, et loca eis finitima, tum campestria, tum montana, tum convallium, tum meridiana, tum maritima, terram Cananitarum et Libani usque ad flumen magnum Euphratem. 8. Addixi vobis hanc terram, occupate eam. Jurjurando promisi eam majoribus vestris Abrahamo, Isaaco et Jacobo, eorumque posteris. — 9. Circa illud tempus vobis monstravi, me solum non posse diutius vos sustinere. 10. Jova Deus vester, inquebam, vos ita auxit, ut jam stellarum multitudinem æquetis. 11. Augeat vos Deus ille patrum vestrorum millicuplo, vosque prouti promisit, fortunet. 12. Sed quomodo ego solus feram onus,

res

a) cf. Cap. 3, 1.

res et lites vestras? 13. Igitur circumspicite viros sapientissimos, prudentissimos et spectatissimos tribuum vestrarum, quos vobis præficiam. 14. Tum vos approbastis quæ dixeram. 15. Ego igitur delegi tribuum vestrarum capita, viros sapientes et spectabiles, quos vobis Chiliarchos, Centuriones, Pentecontarchos, Decuriones et tribunos constitui. 16. Atque hortatus sum hos iudices vestros, ut audirent controversias popularium suorum, atque ex æquo dirimerent, cum inter illos, tum inter peregrinos, 17. ut nullum in judiciis personarum respectum haberent, sed tenuem æque ac potentem audirent, et neminem timerent, nam iudicium Dei esse. Causas vero difficiliore ad me referrent, has me esse dijudicaturum. 18. Simul alias leges tunc vobis promulgabam. 19. Quibus constitutis ab Horebo profecti peragravimus desertum illud magnum et horribile, quod nostis, versus regionem montanam Amoritarum, quemadmodum Jova Deus noster præceperat, et sic pervenimus usque ad Kadesbarneam. 20. Ibi vobis dicebam: jam venistis ad Amoritarum montes, quos Jova Deus noster nobis tradidit. 21. Hic vobis hanc terram donavit, ascendite, occupate eam, quemadmodum Jova Deus majorum vestrorum vobis iussit, nolite timere, aut consternari. 22. Tum vos omnes me convenistis
atque

atque indicastis, placere vobis exploratores præmittere *b)*, qui vos certiores faciant de via qua ascendendum sit et de urbibus quas essetis aggressuri.

23. Et mihi quoque hæc placuerunt, igitur delegi e vobis duodecim, singulos ex singulis tribubus.

24. Qui cum montes esçendissent, pervenerunt ad vallem Eschkol. Atque regione explorata 25. secum sumserunt de terræ frugibus: et ad nos reversi retulerunt, terram, quam Jova Deus noster nobis donasset, bonam esse. — 26. At vos noluistis ascendere et rebellastis contra Jovam Deum vestrum,

27. et murmurantes in tabernaculis vestris dixistis: Jovam odio permotum vos ex Aegypto eduxisse, ut vos Amoritis objiceret trucidandos.

28. Nunc nescire quo vos verteritis, populares vestros timidos vos fecisse, qui retulissent populum istum esse vobis et majorem et potentiolem, urbes maximas et ad cælum usque munitas; Troglodytas quoque se vidisse. — 29. Equidem vos hortabar,

ne terreremini, aut eos timeretis. 30. Jovam

Deum vestrum, qui vos præcederet, pro vobis esse pugnaturum, quemadmodum vobis spectantibus fe-

cerit

b) Num. 13, 1. seqq. narratur Mosen jussu Dei hos exploratores misisse. Quæ sic possunt conciliari, Deum populi incredulitati concessisse et permisisse, ut exploratores mitterentur.

terit cum Aegyptiis; 31. tum quoque in deserto; in quo vos ab eo sic esse portatos, ut a patre filium toto eo itinere, quod fecissetis, donec ad huc locum perveneritis. 32. Sed vos ea in re fidem Jovæ Deo vestro non habuistis, 33. qui vobis præibat, ad locum stationibus vestris explorandum; noctu in igne, ut viam qua incederetis monstraret, interdiu autem in nubē. 34. Cum vero Jova sermones vestros audiret, iratus juravit: 35. neminem ex tam pravo hominum genere visurum esse terram, quam eorum majoribus jurejurando interposito promississet, 36. præter Calebum Jephunnæ filium, eum visurum esse terram, quam peragrasset, et posterius ejus, quod constanti in se reverentia fuisset. 37. Mihi quoque Jova succensuit vestra causa c), neque tu, inquiebat, eam ingredieris. 38. Sed Josua Nunis filius famulus tuus. Huic animum adde, is enim Israelitas in terræ ejus possessionem immittet. 39. Parvuli vestri, quos dicebatis prædam *hostium* futuros esse, et liberi, qui discrimen inter bonum et malum adhuc ignorant, hi eo venient, his eam dabo possidendam. 40. Vos igitur revertimini in desertum versus sinum Arabicum. 41. Ad hæc

c) Sed alia longe occasione et diu post illam populi seditionem. Historia legitur Num. 20, 1. seqq.

hæc mihi respondistis: Peccavimus in Jovam, volumus ascendere et aggredi *hostem*, et simul armis sumtis parati fuistis *d*) ad expeditionem suscipiendam. 42. Jova autem jussit, ut vos ab ea dehortarer, ne ab hoste caderemini, se enim vobis non esse adfuturum. 43. Sed quanquam hoc vobis indicaram, tamen non morem gessistis, et contra Jovæ voluntatem pertinaciter montem contendistis. 44. Igitur Amoritæ hos montes incolentes vos aggressi sunt et persecuti, uti apes solent, et cæciderunt vos, a Seïre usque ad Chormam. 45. Tum reversi flevistis coram Jova, ille vero non audivit preces vestras. 46. Mansistis igitur Kadesc hæ per tempus bene longum, uti nostis.

CAPUT

d) hebr. וַיִּזְכְּרוּ quod *ἀπαξ λγ.* ex arabico هان explicandum, pro duplici sua significatione (Golius p. 2593.) duplicem sensum admittit. Nam هان significat *lenis, facilis fuit*, hinc וַיִּזְכְּרוּ verti potest: *faciles vos præbuisistis ad ascendendum*. Idem vero verbum in IV. conjugatione est *despexis, vilipendis*, hinc sensus esset: *rem nullius negotiis putastis montem ascendere, vel, contempsistis* sc. *mandatum Dei*. Priorem sensum præfero propter locum parallelum Num. 14, 40. cf. *Lud. de Dieu* in Crit. S. ad h. l. et *Schultensius* in Animadv. philol.

CAPUT II

Pergit Moses in commemorandis iis, quæ Israelitis in Edomitarum, Moabitarum et Ammonitarum finibus evenissent. De victoria ex Sichone rege Hesbonis.

1. Tandem profecti sumus in solitudinem versus finem Arabicum, quemadmodum Jova mihi præceperat, atque per complures annos montes Seiriticos circumivimus *a*). 2. Quibus exactis Jova mihi dixit: 3. Jam satis circa hunc montem vagati estis, convertite vos versus septentrionem. 4. Sed populo præcipe *meo nomine* his verbis: Mox transaturi estis fines fratrum vestrorum *b*) ex Esavo progenitorum Seiram incolentium. Timent vos. Sed cavete diligenter, 5. ne eos infestetis. Nam de eorum terra ne minimam quidem partem *c*) vobis concedam, sed Esavitis Seiri montes in possessionem assignavi. 6. Cibus et potum ab eis pecunia emetis. 7. Fortunavi vos in negotiis vestris *d*) omnibus.

Curam

a) cf. Num. 21, 4. seqq.

b) Videntur Edomitæ Israelitis ab initio transitum concessisse, coll. v. 29. quem postea eis denegarunt Num. 20, 20.

c) hebr. usque ad calcationem plantæ pedis.

d) Ex hoc versu clarum est, Israelitas quadraginta illis peregrinationum suarum annis ab aliarum gentium consuetudine non separatos vixisse, sed negotia exercuisse cum illis gentibus, in quarum finibus debebant.

Curam vestri gessi singularem in itinere per vastam illam solitudinem. His quadraginta annis vobis ita adfui, ut nulla re egeretis. — 8. Defleximus igitur ab Esavitis e), nostris consanguineis Seiram incolentibus, e locis campestribus Ela et Ezeongebere, atque progressi sumus in solitudinem Moabiticam. 9. Ibi Jova mihi interdixit infestare aut bello laceffere Moabitas, nolle enim se de eorum terra quicquam nobis concedere, quod Loti posteris Aram assignasset. (10. Emæi olim hanc terram inhabitarunt, populus magnus et potens, et statura uti Enakæi procera f). 11. Gigantibus annumerandi sunt

e) scilicet cum ulteriorem transitum denegabant. Num. 20, 16.

f) In hoc versu et duobus sequentibus, infra versu 20 — 23. et Cap. 3, 9 — 11. et 14, 13. inserta sunt nonnulla de origine et sedibus gentium quarundam antiquissimis, quæ vel prorsus non sunt a Mose, sed ab alia manu historia illustrandæ causa addita, vel, si ipse Moses hæc scripserit, (quod nolum fidenter negare) factum hoc est, cum hæc sermones ad populi legatos habi. os literis mandabat. Nam cum consilium Mosis esset, populo in mentem revocare, quid ipse egisset, prorsus fuisset alienum in illo cætu commemorare, quæ gentes olim has regiones incoluissent, a quibus expulsæ, quæ in earum locum successerint, quæ diversa earum fuerint nomina. Quoniam posterius falsis probabile mihi videtur, עִשָּׂר de Israelitis dictum vers. 12. verri
in

sunt uti Enakæi, sed Moabitæ eos vocarunt Emæos.

12. Seiram olim incolebant Choritæ, sed Esavitæ eos ejecerunt et perdiderunt, et in eorum locis confederunt, quemadmodum Israelitæ faciunt regionibus, quas Jova eis possidendas dedit.) 13. Et jussit nos flumen Saredum trajicere, quod etiam fecimus.

14. Tempus autem quo in itinere fuimus a Kadesch-barnea, donec flumen Saredum trajecimus, fuit octo et triginta annorum, usque dum omnes ad bellum idonei e castris essent consumti, quemadmodum Jova jurejurando minatus erat, 15. qui ipse eis adversatus est atque e castris ad unum omnes vi sustulit.

16. Istis vero omnibus morte sublatis, 17. Jova mihi hæc dixit: 18. Tu mox præteribis Moabitarum terminos juxta Aram, 19. atque accedes ad Ammonitas, sed noli eos infestare, aut bello laceffere. Nihil enim de eorum terra tibi dabo, quippe eam Lothi posteris assignavi. (20. Hæc quoque regio gigantum fuisse putabatur *g*), quam olim inhabitarint. Ammonitæ eos vocabant Samsummim. 21. Populus magnus et potens, corporis proceritate ut Enakæi. Sed Deo juvante Ammonitæ eos deleverunt atque eis ejectis sedes eorum occuparunt.

22.

in tempore præfenti, quod ex significatione temporum hebræorum indefinita fieri posse satis constat.

g) cf. notata ad vers. 10.

Qq

22. Quod idem fecerat Esavitis Seiram incolentibus. Perdidit propter eos Choritas, ut his expulsis loca eorum etiamnum inhabitent. 23. Sic Auvæos in villis usque ad Gazam habitantes Caphthoræi ex Caphthore egressi exterminarunt, atque eorum fedes occuparunt.) 24. Jam castra movete et trajicite Arnorem fluvium: tradidi vobis Sichonem Chesbone sedentem regem Amoritarum et terram ejus. Incipite jam occupare, hunc bello impetite. 25. Inde ab hoc die incipiam tanto vestri terrore et timore omnes terrarum orbis gentes percellere, ut qui de vobis audierint contremiscant et expavecant. 26. Miseram autem ex deserto Kedemoth legatos Chesbonem ad Sichonem regem, qui verbis humanissimis rogarent, 27. ut recta via transitum per terram suam concederet, nos in neutram partem esse deflexuros, 28. cibum et potum parata pecunia emturos, nihil amplius quam transitum nobis permetteret: 29. Eundem nobis concessisse Esavitas Seiram et Moabitas Aram incolentes, donec trajecto Jordano pervenerimus ad terram, quam Jova Deus noster nobis destinavit. 30. Noluit autem Sichon rex Chesbonis transitum nobis concedere, sed obfirmavit, Jova Deo nostro sic rem dirigente, mentem animumque suum, ut in nostram veniret potestatem, quod etiam factum est. 31. Jova enim mihi indica-

dicarat, se velle Sichonem et terram suam nobis tradere, initium igitur faceremus eam occupandi.

32. Cum igitur Sichon cum exercitu suo nobis obviam procederet ad prælium nobis Jahzæ committendum,

33. Jova Deus noster eum nobis tradidit, ut eum, filios ejus et exercitum profligarem.

34. Quo facto oppidis ejus potiti sumus, quæ cum incolis suis, mulieribus etiam et liberis delevimus,

neminem superstitem esse sivismus, 35. tantum pecora et prædam urbium occupatarum nobis diripimus.

36. Ab Aroere, quod est ad Arnonem fluvium, et ab urbe, quæ est in insula illius fluminis usque ad Gileaditidem, nullum fuit oppidum, quod

non expugnassimus. Jova Deus noster nobis omnia tradidit.

37. Tantum regionem Ammonitarum non accessistis; omnem illum tractum, qui est ad flumen

Jabok et urbes regionis montanæ et omnia illa loca, quæ nobis Jova Deus noster interdixerat.

CAPUT III

Victoria de Ogo rege Basanis. Diviso regionis occupatæ inter Rubenitas, Gaditas et dimidiam tribum Manassis.

Josua electio in ducem populi. Mosi irritæ preces.

1. **P**ostea iter convertimus versus Basanem; inde obviam nobis processit Ogus rex Basanis cum toto suo exercitu, ut prælio nobiscum decertaret Edreæ.

2. Sed Jova me admonuit, ne timerem, nam velle se eum cum toto suo exercitu et terra mihi tradere, ut eodem modo cum eo agam, quo cum Sichone Amoritarum rege. 3. Atque ita etiam fecit; vicimus Ogum regem Basanis cum suis copiis, quas omnes nemine relicto occidimus. 4. Deinde etiam omnia ejus oppida cepimus. Nullum fuit quod non expugnasset. Erant autem numero sexaginta in illo tractu Argob, quem Ogus de Basane tenuit, 5. eaque omnia munita muro præalto, portis et repagulis, præter pagos perquam multos. 6. Devovimus vero, quemadmodum Sichoni regi Chesbonis feceramus, omnes urbium incolæ, mulieres et infantes. 7. Pecus tantum et prædam urbium nobis diripuimus. 8. Sic occupavimus eo tempore regionem cis Jordanum duorum regum Amoriticorum, ab Arnone flumine usque ad montem Hermonem. 9. Sidonii vocant Hermonem Sirjon, Amoritæ vero Senir. 10. Omnes urbes in planitie sitæ, tota Gilead, et tota Basan usque ad Salcam et Edream pertinebant ad oppida regni Ogi regis Basanis. 11. Hic enim tantum superstes erat ex gigantum istorum reliquiis. Feretrum ejus ferreum adhuc videri potest Rabbæ Ammonitarum. Cujus longitudo est novem cubitorum, latitudo quatuor, mensura cubiti

cubiti virilis a).) 12. Hanc regionem a nobis tunc
occu-

a) De hac pericopa multo magis quam de illis in præcedente capite dubitari potest, an sit a manu Moſis et non potius ab alia addita. Minime quidem neceſſarium videtur, ut Moſes Iſraelitas doceat Ogum Baſanis regem fuiſſe gigantem, quippe eum viderant, et prælio cum eo decertarant. — פֶּרֶטְרָא verti non *lectum* ſed *feretrum* ex conjectura Ill. *Michaelis* non improbabili. Quis non miretur lectum huius regis Rabbæ Ammonitarum metropoli monſtrari, et non potius Aſtharoꝝ urbe ejus regia? Hinc ſuſpicatur vir Celeb. Ogum in prælio vulneratum fuiſſe Rabbam, ibique mortuum eſſe et ſepultum. Feretra autem Hebræorum lectis ſimilia idem cum his nomen geſiſſe, plane conſtat ex 2Sam. 3, 31. ubi legitur Davidem in funere Abneri ſecutum eſſe פֶּרֶטְרָא *feretrum*. Sic פֶּרֶטְרָא eandem ſine dubio in lingua hebræa habuit ſignificationem, quam in lingua Syriaca habet Luc. 7, 14. Hinc minus quoque mirum videtur 10. פֶּרֶטְרָא huius gigantis fuiſſe ferreum. Sed ſive per lectum, ſive per feretrum vertatur, neutrum Iſraelitis innotescere potuit, antequam David hanc Ammonitarum metropolin expugnaret 2 Sam. 17, 26. multo minus Moſi, qui non ita longe poſt illud prælium cum Ogo commiſſum e vita diſceſſit. — In leſione vocabuli פֶּרֶטְרָא diſſenſus eſt in Codicibus et verſionibus. Ill. quidem *Michaelis* defendit et explicat leſionem ſecceptam, ſic, ut dubitanter a ſcriptore narretur, *num eſt ejus?* ſcil. lectus ſ. feretrum. (*wenn es anders, der ſei-*

occupatam ab Aroere juxta Arnōnem et dimidium montis Gilead cum oppidis suis Rubenitis dedi et Gaditis. 13. Reliquam Gileadi partem et totam Basanem de regno Ogi dedi dimidiæ tribui Manassis. (Totus ille tractus Argob regni Basanitici vocabatur terra gigantum. 14. Jair nepos Manassis occupavit tractum illum Argob usque ad terminos Geschuri et Maacha, eumque ex nomine suo vocavit pagos Jairi; quod etiamnum nomen eorum est b).) 15. Machiri posteris dedi Gileadum. 16. Rubenitis et Gaditis dedi partem Gileadi usque

nige ist.) Sed Codex Samarit. et undecim a Kennicottio citati habent נלך *nonne?* quæ est interrogatio affirmans, ut Cap. 11, 30. et sæpe. LXX interpretes vertunt ἴνα, vel quod legerunt הנה *ecce!* vel quod נלך sic affirmative expresserunt; quod etiam faciunt Syrus et Arabs in Polyglottis, Onkelos et Arabs Erpenii haud dubie legerunt נלך. Ex tot testium consensu equidem non dubitavi hanc illi præferre.

- b) Neque hæc, quæ unciis inclusi, mihi videntur a Mose scripta propter formulam *usque ad hunc diem*, quæ semper de tempore longe præterito dicitur. Moses igitur ea uti non potuit, quoniam inde ab occupatione istorum pagorum usque ad mortem ejus, paucorum mensium tempus præterit. Ista enim omnia ultimo vitæ ejus anno evenerunt. Num. 32, 40. ubi id ipsum a Mose loco suo proprio narratur, non addita est illa formula: *usque ad hunc diem*.

que ad Arnonem fluvium, qui terminum debet constituere, atque usque ad fluvium Jabok, qui terminat regionem Ammonitarum. 17. Item planitiem et Jordanum qui terminus sit, a lacu Genezaret usque ad mare campestre, quod est mare falsum, sub radice montis Pisgæ versus Orientem. 18. Simul vps his verbis sum adhortatus: Jova Deus vester dedit vobis hanc terram possidendam, *sed sub hac conditione*, ut armati, qui bello idonei essent, consanguineos vestros Israelitas præcederetis. 19. Tantum mulieres vestræ, infantes et greges, (quos multos habetis, uti novi) maneat in urbibus vobis a me assignatis. 20. Donec Jova vestros quoque populares ad quietem perduxerit, ut et hi occupent terram, quam eis daturus est trans Jordanum: tum demum quisque vestrum redeat ad possessionem suam a me tributam. 21. Josuam vero his verbis eodem tempore admonui: Vidisti oculis tuis omnia, quæ Jova Deus vester fecit his duobus regibus. Idem vero faciet omnibus illis regnis, ad quæ perges. 22. Nolite timere, nam Jova Deus vester pugnat pro vobis. 23. Equidem Jovam tunc suppliciter rogavi, 24. ut, quoniam jam initium fecisset, manifestare suam magnitudinem et potentiam, qua nullus Deus neque in cælo neque in terra agere posset; 25. mihi permetteret

transire Jordanum et videre terram illam bonam, montes illos fertilissimos et Libanum. 26. Sed iratus mihi propter vos, me non exaudivit, immo vultit amplius hac de re loqui. 27. Jussit verticem Pisgæ adscendere, atque inde prospicere versus occidentem, septentrionem, meridiem et orientem, ipsum Jordanum me non esse transiturum; 28. Josuam vero instruerem et animum ejus confirmarem; hunc enim ducem hujus populi futurum esse, eique divisurum terram, quam ego essem spectaturus. 29. Mansimus igitur ad tempus in valle e regione Bethpeoris.

CAPUT IV

Commendat obedientiam erga leges divinas, imprimis ab idolatria debentur 1 — 40. Separatio trium asyli oppidorum cis Jordanum, et conclusio primi sermonis.

1. **J**am igitur, Israelitæ, observate jura et statuta, quæ ego vos doceo, ut felices sitis, et perveniatis ad possessionem terræ, quam Jova majorum vestrorum Deus vobis daturus est. 2. Nihil addite eis, quæ vobis præcipio, nec quicquam eis detrahite, sed diligentem operam navate legibus Jovæ Dei vestri, quas vobis jam exponam. 3. Iphis oculis vestris vidistis, quæ Jova fecit propter Baalpeorem a); omnes

a) Num. 25, 3 seqq.

omnes qui eum sectabantur, e medio vestrum sunt sublati. 4. Vos vero, qui Jovæ Deo vestro adhaesistis, vos omnes etiamnum vivitis. 5. Docui vos jura et statuta, quæ a Jova Deo meo accepi, ut eis obtemperetis in terra, ad cujus possessionem jam contenditis. 6. Diligenter ea observate, hoc enim sapientiæ et prudentiæ laudem vobis apud alias nationes conciliabit, ut si de his legibus vestris audierint, fateantur, hanc tantam gentem vere sapientem esse et prudentem. 7. Quæ enim gentium magnarum est, cui dii sui tam propinqui sint, quam Jova Deus noster nobis est, ubicumque eum invocaverimus? 8. aut quæ tanta gens est, quæ jura et statuta habeat tam justa, quam hæc sunt, quæ vobis jam promulgavi? 9. Cavete modo, si salus vestra vobis curæ est, ne obliviscamini eorum quæ vidistis, nec excidant ex animis vestris quamdiu vivitis, sed tradatis ea quoque filiis et nepotibus vestris. 10. Diem nimirum illum, quo stetistis coram Jova Deo vestro in Horebq, cum hic me jussisset vos omnes ad se convocare, ut cum ipsum audiretis leges suas enunciantem, eumque per omnem vitam vestram revereremini et liberos quoque vestros ejus timore imbueretis. 11. Tum vos accessistis et ad montem constitistis, qui tenebris, nube et caligine obductus ad medium usque

cælum igne ardebat. 12. Ex igne Jova ad vos locutus est; verborum quidem sonum audivistis, sed nullius rei vidistis imaginem. 13. Tum premulga-
vit vobis fœderis sui *conditiones*, quas ut imple-
retis præcepit, decem numero duabus tabulis lapi-
deis inscriptas. 14. Mihi vero Jova eodem tempo-
re alias leges et instituta edixit, jussitque ut eas
vos docerem observandas in terra ad quam occu-
pandam jam contenditis. 15. Igitur diligenter vo-
bis cavete, si vitam vestram amatis, quoniam nul-
lius rei imaginem vidistis, tum cum Jova in Ho-
rebo ex igne loqueretur, 16. ne peccetis et scul-
ptam imaginem ullius simulacri viri aut foeminæ fa-
ciatis, 17. aut simulacrum ullius animalis in ter-
ra viventis, aut avis per aerem volantis, 18. aut
simulacrum animalis humi serpentis, aut piscis.
19. Porro ne, si forte sublati versus cælum ocu-
lis, contemplemini solem, lunam, stellas et reliqua
astra cælestia, impellamini ad ea adoranda et co-
lenda, quæ Jova ab aliis quidem terrarum orbis
nationibus ut numina coli concedit *b*): 20. vos
vero

b) In textu est: *qua* *פְּתַח* *distribuit Jova Deus suus inter omnes gentes sub cælo.* Verbum activum, quod h. l. de permissione Dei ex genio linguæ orientalis adhibetur, verti secundum verum sensum, de quo plura dixi ad *Glossium*

vero ex durissima Aegypti servitute c) liberatos elegit, ut populus ei essetis peculiaris. Quod eventus comprobat. 21. Mihi quidem Jova vestra causa iratus noluit concedere, ut trajecto Jordano veniam in terram illam egregiam, quam vobis possidendam dabit. 22. Ego enim moriar in hac terra, non trajiciam Jordanum, vos vero eum trajicietis et possidebitis terram illam pulcherrimam. 23. Igitur cavete vobis, ne immemores foederis, quod Jova Deus vester vobiscum pepigit, faciatis sculptam ullius rei imaginem. 24. Est enim ille Jova Deus vester ignis consumens, Deus æmulus. 25. Quodsi deinde natis filiis et nepotibus inveterati jam fueritis in illa terra, et peccaveritis faciendo sculptum ullius rei simulacrum, aut committendo quidquam quod Deo displiceat, quo indignationem ejus excitetis: 26. Cælum

c) hebr. מכור הַבְּרִזָּה *ex fornace ferri*. Tropum, in cujus explicatione interpretes dissentiunt, recte, uti arbitror, explicavit Ill. Michaelis in notis ad vers. germ. Nimirum fornax ferri (*ein Eisenofen*) in qua ferrum coquitur et liquefit, ob ignis ardorem et aspectum, quem noctu inprimis præbet, terribilem, translate dicitur de servitute ista Aegyptiaca, cujus memoria Israelitis non nisi terribilis esse poterat. cf. *Glossius* p. 1098. edit. recent. Sed quoniam tropus sine explicatione adjecta non intelligitur, in versione pro eo verba propria adhibui.

lum et terram testor hodie, vos cito perituros esse ex illa terra, ad quam occupandam mox Jordanum estis trajecturi; non diu in ea vivetis, sed exterminabimini. 27. Nam Jova vos disperget inter gentes, pauci numero supereritis inter nationes, ad quas Jova vos abiget. 28. Ibi coletis Deos manibus humanis factos, ligneos, lapideos, qui neque videre, neque audire, neque edere, neque odorari possunt. 29. Quæretis tunc Jovam Deum vestrum, et invenietis quoque eum, si modo toto corde et animo cum quænaveritis. 30. In his angustiis evenient vobis sequentibus temporibus mala ista omnia, sed ad Jovam Deum vestrum iterum conversi, ei obtemperabitis. 31. Est enim Deus misericors, qui vos non deseret, neque prorsus perdet, non obliviscetur fœderis quod cum majoribus vestris jurejurando pepigit. — 32. Quærite modo de temporibus vobis prioribus, ex quo Jova homines a se creatos in terra collocavit, *quærite* ab uno cœli extremo usque ad alterum, num unquam tanta res facta aut audita fuerit, 33. num unquam populus Deum audierit loquentem ex igne salva vita sua, *d)* quemadmodum vos, 34. aut num unquam Deus tenta-

verit

d) Ex opinione vulgari illorum temporum, hominem Deum salva vita videre non posse. Genes. 16, 13. Exod. 20, 19. Jud. 6, 22.

verit fumere sibi ex alia gente gentem per mala illata, per signa et prodigia, per bella, per præsentissima summæ potentiae documenta *e*) et facta terribilia, quemadmodum Jova Deus vester ista omnia vobis spectantibus fecit in Aegypto. 35. Quæ omnia vidistis, ut intelligeretis Jovam tantum Deum esse, nec alium præter eum ullum. 36. E cælo vos allocutus est ad vos erudiendos et in terra vidistis ignem ejus ingentem, et verba ejus audivistis e medio igne. 37. Propterea quod majores vestros dilexit eorum, que posteros adamavit: vos ipse insigni virtute sua duxit ex Aegypto, 38. ut expelleret gentes majores et potentiores quam vos estis vestra causa, vobisque earum terram daret possidendam, uti eventus docuit. 39. Scitote igitur et ad animos vestros sæpe revocate, Jovam Deum esse in cælo et in terra, nec alium ullum. 40. Atque ejus jura et statuta, quæ ego vobis jam præcipio, diligenter observate, ut vobis et posteris vestris bene sit, et diu vivatis in terra, quam Jova Deus vester vobis in perpetuum assignavit. — 41. Tunc separavit Moses tria oppida cis Jordanum *f*) orientalia, 42. ad quæ confugeret homicida, qui aliquem per imprudentiam occidisset, in quem antea animo non fuisset infenso.

Is

e) hebr. *manu forti et brachio extenso*.

f) Ex lege, quæ extat Num. 35, 14. seqq.

Is in unum horum oppidorum fugeret, et sic vitæ suæ prospiceret. 43. Nimirum Beferum in solitudine in campestri tractu Rubenitarum, Ramotam in Gileade Gaditarum, et Golanam in Basane Manassitarum. — 44. Hæc fuit lex *g*) quam Moses Israelitis exposuit, 45. hæc edicta, jura et instituta, quæ eis explicavit post exitum eorum ex Aegypto. 46. Cis Jordanum in valle e regione Bethpeoris, in terra Sichonis Amoritarum regis Chesbone habitantis, quem Israelitæ Mose duce post exitum suum ex Aegypto cæciderant, 47. ejusque terram, ut et terram Ogi regis Basanis (qui duo reges fuerunt Amoritarum cis Jordanum versus orientem) occuparunt. 48. Ab Aroere, quod est ad ripam fluminis Arnonis usque ad montem Sionem *h*), qui est Hermon.

49.

g) Hæc videtur esse conclusio primi sermonis habiti a Mose in solenni legatorum populi conventu, in quo simul separatio istarum æyli urbium, de qua versu 41. seqq. facta videtur. Sequens enim caput novam habet inscriptionem.

h) In textu hebræo scribitur hoc nomen שִׁיֹּן. Pro quo legendum שִׁיֹּן ex Cap. 3, 9. ubi Sidonios sic hunc montem vocasse narratur. Syrus interpres habet quoque illud nomen in utroque loco سَيْوَن. Sed, quoniam reliqui cum textu hebræo consentiant, nolui hanc lectionem quanquam probabilem in versionem recipere.

49. Nec totum tractum campestre eis Jordanum orientalem usque ad mare planitie sub radicibus montis Pisgæ.

CAPUT V

Quæ in hoc capite et sex sequentibus leguntur, dicta sunt a Mose in alio conventu solenni seniorum s. legatorum populi ab eo convocato sec. v. 1. In hoc quidem capite repetit decalogum ejusque historiam.

1. **C**onvocavit Moses Israelitas, atque hunc in modum ad eos locutus est: Audite, Israelitæ, jura et statuta, quæ ego jam promulgabo, diligenter a vobis discenda et exequenda. 2. Jova Deus noster sædus nobiscum pepigit in Horebo. 3. Non cum majoribus nostris pepigit illud sædus, sed nobiscum omnibus, qui hic præsentés sumus et vivimus. 4. Coram locutus est Jova vobiscum in monte et in medio igne. (5. Ego vero tunc stabam inter Jovam et inter vos, ut vobis dicta Jovæ renunciarem, timebatis enim ignem, neque ipsi montem ascendistis a).) Ita
vero

a) Hæc parenthesi includenda esse historia docet. Post decalogi promulgationem Moses interpres fuit Deum inter et populum. Exod. 20, 16. Neque solum propter timorem, sed etiam ex severa Dei lege populus montem non ascendit. Exod. 19, 21. Sed scriptores hebræi in narrando non semper summam solent *angustiam* adhibere, atque ipse Moses

vero dixit: 6. Ego Jova sum Deus vester, qui vos ex Aegypto et ergastulo eduxit. 7. Ne alios Deos præter me colatis. 8. Ne faciatis vobis sculptam imaginem, aut simulacrum ullius rei, sive sit in cælo, sive in terra, sive in aqua sub terra. 9. Ne ea adoretis, aut colatis. Nam ego sum Jova Deus vester, Deus æmulus, qui parentum culpam etiam in liberis tertiæ et quartæ generationis mei osoribus punit. 10. Benignum vero me præbeo ad millesimam usque stirpem mei amantibus, meorumque præceptorum studiosis. 11. Ne enunciatis nomen Jovæ Dei vestri in mendacii asseverationem, nam non impunitum esse sinit Jova eum, qui hoc fecerit. 12. Sabbatum sancte peragite, quemadmodum Jova Deus vester vobis præcepit. 13. Sex diebus laborate et negotia vestra curate. 14. Septimo autem die sabbatum est Jovæ Dei vestri, quo ab omni omnino labore abstinere debetis, cum vos, tum filiæ vestræ, servi, ancillæ, boves et asini et omne jumentum vestrum, nec non peregrini inter vos degentes, ut et servi vestri et ancillæ æque ac vosmet ipsi quiete fruantur. 15. Meminisse enim debetis, vos servos fuisse in Aegypto, et Jovam Deum vestrum vos illinc manu valida et brachio exserto eduxisse, et propterea

ses deinde versu 19. et seqq. accuratius res ex ordine, quo gesta sunt, enarrat.

pterea velle, ut hoc die feriemini. 16. Honorate parentes vestros, quemadmodum Jova Deus vester vobis præcepit, ut diu vivatis et bene vobis sit in terra, quam Jova Deus vester vobis daturus est. 17. Ne cædem committatis. Ne adulteremini. Ne furemini. Ne falsum perhibeatis testimonium in alios. 18. Ne alterius uxorem concupiscite; nec appetite alterius agrum, aut servum, aut ancillam, bovem, aut asinum, et quidquid possideat. 19. Hæc verba effatus est Jova ad universam vestram concionem in monte e medio igne, nube et caligine, voce magna, et tum quidem nihil addidit, sed inscripsit ea duabus tabulis lapideis, quas mihi tradidit. 20. Vos vero cum audiretis vocem ex tenebris, et *videretis* montem igne ardentem, ad me accessistis, nempe tribuum vestrarum principes et seniores, 21. et dixistis: Ostendit nobis Jova Deus noster majestatem suam insignem, vocem ejus audivimus e medio igne. Jam quidem experti sumus Deum cum hominibus loqui posse salva eorum vita. 22. Sed quare moriamur? ignis ille ingens nos confumet. Si ulterius Jovæ Dei nostri vocem audimus, perimus. 23. Quis enim mortalium unquam Deum immortalem e medio igne loquentem audivit, sicut nos, salva vita sua? 24. Accede tu et audi, quæ Jova Deus noster tibi dicet,

Rr

et

et deinde ad nos ea refer. Diligenter omnia observabimus. — 25. Quos vestros ad me sermones cum Jova audisset, dixit mihi: Novi omnia quæ populus ad te est locutus: Bene habet quod dixerunt. 26. Sed utinam semper ita essent affecti, ut me timerent et præcepta mea servarent, sic enim ipsi et posterii eorum in perpetuum felices essent futuri. 27. Jube igitur, ut in tabernacula sua revertantur. 28. Tu vero mane hic apud me, et tibi indicabo omnia præcepta, jura et statuta, quæ eos edoceas observanda in terra, quam ego eis possidendam dabo. 29. Igitur diligenter observate, quæ Jova Deus vester vobis præcepit, neque ad dextram neque ad sinistram deflecentes. 30. Sedulo incedite in via, quam Jova Deus vester vobis præscripsit, ut bene et feliciter et diu vivatis in terra, quam estis possessuri.

C A P U T VI

Commendat summum studium et diligentiam in observanda lege divina, ejusque ad posteros traditionem.

1. **H**æc sunt præcepta, jura et statuta, quæ Jova Deus vester vos edoceri jubet, ut ea observetis in terra, ad quam occupandam jam contenditis: 2. ut timeatis Jovam Deum vestrum, ejusque jura et præcepta, quæ jam vobis expono, diligenter exequamini,

mini, cum vos, tum filii vestri et nepotes per omnem vitam vestram, quæ tunc erit longæva. 3. Audite igitur, Israelitæ, et curate ut audita faciatis, ut bene vobiscum agatur et ut plurimum augeamini, siquidem Jova Deus majorum vestrorum vobis promisit terram rebus optimis abundantem. 4. Audite, Israelitæ, Jova Deus noster est unus Jova. 5. Hunc igitur toto corde, toto animo, omnibusque viribus vestris amare debetis. 6. Hæc verba perpetuo animis vestris obversentur. 7. Hæc inculcate liberis vestris, de his loquamini domi et foris, cubantes et surgentes. 8. Hæc alligate tanquam insignia manibus vestris, hæc sint frontalia inter oculos vestros. 9. Hæc inscribite postibus ædium vestrarum et *oppidorum* portis. 10. Quando perduxerit vos Jova Deus vester in terram, quam jurejurando majoribus vestris, Abrahamo, Isaaco et Jacobo promisit, ad urbes magnas et egregias, quas non ædificastis, 11. ad domos omnis generis bonis refertas, quas non implevistis, ad cisternas a vobis non excisas, ad vineas et oliveta a vobis non plantata. Quando sic in rerum omnium copia et abundantia constituti estis: 12. cavete, ne obliviscamini Jovæ, qui vos ex Aegypto, ex ergastulo eduxit. 13. Jovam Deum vestrum semper timete et colite, et per nomen ejus jurate. 14. Ne sectemi-

ni alios Deos ex diis gentium vobis finitimarum.
 15. Nam Deus æmulus est Jova Deus vester, inter vos versans, ne vobis irascatur, vosque auferat e terra *vestra*. 16. Neque eum tentetis, quemadmodum Massæ fecistis. 17. Summo studio observate omnia ejus præcepta, instituta et jura quæ vobis dedit. 18. Quæ ei probantur et placent, hæc facite, tunc felices eritis et pervenietis ad terram illam bonam, quam majoribus vestris jurejurando promisit. 19. Hostes vero vestros ante vos expellet, quemadmodum vobis promisit. — 20. Si filii vestri vos in posterum interrogabunt, quid sibi velint illa instituta, jura et præcepta, quæ Jova Deus vester vobis præscripsit, 21. sic eis debetis respondere: Servi fuimus Pharaonis in Aegypto, sed Jova nos illinc eduxit magna potentia. 22. Atque signa edidit et prodigia multa et perniciofa Aegyptiis, Pharaoni et hominibus ejus, nobis videntibus. 23. Nos vero illinc eduxit, ut nobis daret hanc terram, quam majoribus nostris jurejurando promiserat: 24. tunc nobis quoque has leges dedit, ut eum, Jovam Deum nostrum timeremus, et sic semper felices viveremus, uti videtis eventum comprobare; 25. atque hæc nostra erga præcepta ejus obedientia ut meritum nobis ab eo reputatur.

CAPUT VII

Injungiur extirpatio gentium Cananitarum, et idololatriæ earum, cum promissione certissimæ victoriæ.

1. **Q**uum Jova Deus vester vos introduxerit in terram, ad quam occupandam mox estis perventuri, atque ejecerit ante vos gentes magnas, Chittæos, Gergesenos, Amoritas, Cananitas, Pherefitas, Chivvæos et Jebusitas, septem gentes vobis majores et potentiores, 2. easque vobis dederit trucidandas: funditus eas debetis evertere, nullum cum eis fœdus inire, neque earum misereri, 3. nullam cum eis affinitatem contrahere, non filias vestras earum filiis elocare, neque eorum filias filiis vestris in matrimonium sumere. 4. Alioquin filios vestros a Jova ad peregrinorum Deorum cultum seducent, quo factò ille iratus vos brevi est perditurus. 5. Verum sic eis debetis facere: aras earum destruite, statuas frangite, lucos succidite, sculptas eorum imagines igne comburite. 6. Vos enim estis sacer populus Jovæ Deo vestro, qui vos, ex omnibus aliis, totius terrarum orbis populis elegit, ut ei essetis populus peculiaris. 7. Non quia numerosiores, eratis aliis populis, Jova vos eo amore amplexus est et elegit, estis enim omnium populorum minimus. 8. Sed propter amorem suum erga vos, et propter jusju-

Rr 3 random,

randum, quod majoribus vestris juravit, eduxit vos manu valida et redemit ex servitute, e manu Pharaonis regis Aegypti. 9. Scitote enim Jovam Deum vestrum Deum esse verum *a*), Deum fidelem, qui foedus fervet et benignitatem sui amantibus et praecepta sua servantibus ad millesimam generationem: 10. qui vero etiam rependat sui oforibus praesentissima perniciem *b*), nec poenam promeritam eis differat. 11. Igitur servate leges, jura et instituta, quae ego jam vobis praecipio. 12. Habebitis etiam praemium hujus obedientiae vestrae. Etenim Jova Deus vester servabit vobis foedus et benignitatem, quam

a) הוּא הָאֱלֹהִים *ille Deus* h. e. Jova solus est, Deus dici meretur. Alii aliarum gentium dii hoc nomine sunt indigni.

b) Verba textus sunt: אֶל פָּנָיו לְהֶאֱבִידוֹ. Quid sit h. l. *in faciem ejus*, de eo non convenit inter interpretes. Alii per *palam* explicant, ut *Grotius*. Alii: *in visa ejus*, sic ex antiquioribus Syrus et multi alii. *Michaelis*: *vor ihren Augen*, quod esset לְעֵינָיו. In his omnibus desidero probationem ex usu loquendi. Mihi quidem videtur פָּנִים dictum esse pro nomine reciproco *ille, ipse*, ut Exod. 33, 15. Devt. 4, 37. 2 Sam. 17, 11. vid. *Noldius* sub h. v. num. 2. Latine non commode iisdem verbis exprimi potest. Igitur notionem, quae vocabulo hebraeo subesse videtur, cum sequenti לְהֶאֱבִידוֹ conjunctim indicavi.

quam majoribus vestris jurejurando interposito promisit. 13. Amabit, fortunabit, augebit vos. Copiosam prolem habebitis c). Terræ proventus, frumentum, mustum, oleum erunt largissimi, boum et ovium greges erunt fecundissimi in terra illa, quam majoribus jurejurando promisit. 14. Omnibus aliis gentibus eritis beatiores, non erit neque inter homines, neque inter animalia apud vos sterilis. 15. Amovebit Jova a vobis morbos. Languiores illos Aegypti pessimos, quos nectis, vobis non immittet, sed inimicos vestros eis afficiet. 16. Gentem omnes quas Jova Deus vester vobis tradet, conficietis, nolite eis parcere, nec deos earum colere; hoc enim futurum esset vobis perniciosum d). — 17. At fortasse existimatis vos illis tantis gentibus debellandis impares esse. 18. At enim vero nolite timere. Memores estote eorum, quæ Jova Deus vester fecerit Pharaoni omnibusque Aegyptiis. 19. Tentaminum istorum maximorum, quæ oculis vestris vidistis, signorum et prodigiorum, manus fortis et erecti brachii, quibus vos ex Aegypto eduxit. Idem etiam faciet omnibus gentibus, quas timetis. 20. Crabrones e) eis immittet, donec et reliqui,

c) hebr. *benedices fructui usui tui.*

d) hebr. *quoniam inqueus hoc esset tibi.*

e) cf. Exod. 23, 28. not. d).

reliqui, qui se propter vos abdiderint, perditioni fuerint. 21. Nolite igitur eas timere, nam Jova Deus vester est inter vos, Deus magnus et tremendus. 22. Attamen ille Jova Deus vester expellet istas gentes paullatim. Non potestis eas celeriter delere, ne nimis augeantur contra vos feræ agrestes. 23. Tradet eas vobis, et tam diu affliget, donec confectæ fuerint. 24. Reges quoque earum vobis tradet, quorum et nomina e terrarum orbe tolletis. Nemo poterit vobis resistere, omnes conficietis. 25. Sculptas deorum suorum imagines igne comburite. Aurum et argentum, quo ornatae sunt, nolite appetere, ne in eo offendatis. Jova Deus vester ista abominatur. 26. Rem vero abominabilem ne in domos vestras inferte; qua devoti fieretis, uti ipsa est. Sed detestamini et execramini ea omnia tanquam devota.

CAPUT VIII

Commendat obedientiam legi divinæ præstandam, partim a beneficiis in itinere acceptis, partim a præstantia terræ possidendæ.

1. **O**mnia præcepta quæ ego vobis injungo, diligenter observate, ut felices et fortunati perveniat ad possessionem terræ, quam Jova majoribus vestris jurejurando promisit. 2. Recordamini totius itineris,

itineris, quo vos duxit Jova Deus vester his quadraginta annis in deserto, ut vos per mala immissa tentaret, et quo essetis animo exploraret, utrum præcepta ejus servaretis, an minus. 3. Fame vos affixit, sed *mox* manna aluit, cum vobis tum majoribus vestris ignota a), ut intelligeretis, non pane tantum vivere hominem, sed omni eo quod Deo placet hominis victui destinare b). 4. Vestes vestræ non fuerunt detritæ c), nec pedes vobis intumuerunt,

a) cf. quæ de Manna dicta sunt ad Exod. 16, 15.

b) hebr. *sed omni eo quod egreditur ore Jovæ, vivet homo.*

יְהוָה פִּי יֵצֵא est idem quod Deus jubet. Sensus igitur phraeos est: non necessarium esse, ut homo alatur iis cibis, quibus hoc fieri solet ex ordine a Deo constituto, sed posse eum etiam alio modo quocunque, qui ipsi placuerit, idem præstare. In hunc sensum etiam Christus hæc verba citavit. Matth. 4, 4.

c) Complures interpretes jam observarunt, hæc non ad litteram esse intelligenda, neque cum Judæis inepta et ridicula miracula esse fingenda, quasi vestimenta Israelitarum cum ipsis creverint neque usu fuerint detrita. Moses, qui omnino hoc loco phrasibus utitur elegantioribus, ut v. 3. et 9., nihil aliud vult, quam Israelitas non necessitate fuisse coactos vestibus incedere tritis et laceratis; non defuisse eis occasionem novas sibi subinde comparare. Id quod etiam historia plane docet. Supra jam Cap. 2, 7.

Rr 5

Moses

muerunt, per hos quadraginta annos. 5. Plane potestis esse persuasi ad instar patris filium suum educantis, sic Jovam Deum vestrum vos educaſſe. 6. Igitur obſervate ejus praecepta, ut ad normam ab eo praeſcriptam vivatis, cumque revereamini. — 7. Cum vos introduxerit in terram bonam; in terram quae flumina, fontes, lacus habet, qui in vallibus et montibus ſcaturiunt, 8. in terram tritico, hordeo, vino, ſicubus, malis punicis, olivis et melle abundantem, 9. in terram, in qua non tenui victu vivetis, nulla re egebitis, cujus lapides ferrum ſunt, ex cujus montibus aes effodietis: 10. ſumto cibo et ſatiati gratias agite Jovae Deo veltro pro terra hac bona quam vobis dedit, 11. Cavete, ne ejus obliti, praecepta, jura et ſtatuta, quae vobis jam injungo, negligatis. 12. Ne, ſi victu abundetis, domos ele-

Mofes Iſraelitis in mentem revocavit, eos ſuis cum finitimis populis commerciis opes ſibi ſeciſſe multas. Gregeſ ovium et caprarum habebant magnos et copioſos, Num. 32, 1. Devt. 3, 19. mulieres adeo artis textoriae erant peritae Exod. 35, 25. Num igitur credibile eſt Deum miracula edidiſſe per tot annos in tot hominum millibus continuanda, qui ipſi poterant veſtitui neceſſario large proſpicere? vid. *Herm. von der Harde* Ephemerid. philol. Diſſ. XII. *Clericus* in Comment. et S. R. *Jeruſalem* in epistoſis ſuper libris Moſaicis p. 34.

elegantes exstruatis et habitetis, 13. armento et pecore, argento et auro omnisque generis facultatibus aucti: 14. per animi fastum Jovæ Dei vestri obliviscamini, qui vos ex Aegypto ex ergastulo eduxit, 15. qui vos per desertum vastum et terribile, in quo serpentes, basilisci, scorpiones frequentes, duxit; in locis siticulosis aqua carentibus aquam vobis ex petra durissima elicuit, 16. qui vos manna pavit in deserto, majoribus vestris ignota, ut vos per afflictiones tentaret et tandem beneficiis afficeret: 17. ne, inquam, vobis persuadeatis, vos viribus vestris, aut virtute vestra vobis has tantas divitias comparasse. 18. Memores estote Jovæ Dei vestri, is vobis vires concessit ad has divitias acquirendas. Nimirum volebat promissa fervare, quæ majoribus vestris jurejurando dederat. Quod etiam revera præstitit. 19. Quodsi Jovæ Dei vestri oblitii alios Deos sequemini eosque coletis et adorabitis, vobis jam certo assevero, vos cito perituros esse, 20. sicuti gentes quas Jova ante vos perdidit, quoniam voluntati Jovæ Dei vestri non obtemperastis.

CAPUT IX

Demonstrat Mosés Israelitis, Deum non propter singularem eorum virtutem eos in terram promissam ducere, potius indignos eos esse tanta beneficio propter creberrima sua peccata; e quibus potissimum historiam vituli aurei refert.

Audite Israelitæ! Mox trajicietis Jordanum ad aggrediendas gentes vobis et majores et potentiores, ad urbes magnas munitas usque ad cœlum, 2. ad populum magnum et potentem Anakæorum ^{a)} de quibus nostis dicti solere: quis Anakæis potest resistere? 3. Scitote igitur Jovam Deum vestrum qui vos præcedit, esse ignem consumentem. Is eos perdet et subiget ut mox expellero et conficere eos possitis, quemadmodum vobis promisit. 4. Nolite vero existimare, quando Jova Deus vester istas gentes vobis expulerit, propter merita vestra vos ab eo introduci ad illius terræ possessionem, atque gentes istas propter impietatem suam esse ejectas. 5. Non propter merita vestra, aut animi probitatem vos earum terram occupatis, sed propter earum impietatem a Jova Deo vestro exterminantur, atque ut impleat promissa majoribus vestris, Abrahamo, Isaaco et Jacobo, jurejurando interposito data. 6. Scitote igitur non propter

^{a)} Tröglodytæ, Num. 13, 22, not. c).

pter merita vestra Jovam Deum vestrum vobis donare terram illam præstantissimam, homines potius estis contumacissimi. 7. Recordamini, nec unquam obliviscimini; quomodo Jovam Deum vestrum irritastis in deserto. Ex quo die ex Aegypto emigrastis, donec in hunc locum venistis, contra eum rebellastis. 8. Atque in Horebo adeo iram ejus provocastis, ut vos præ indignatione delere minaretur. — 9. Cum montem ascendissem, ut acciperem tabulas lapideas fœderis, quod Jova vobiscum pepigerat, atque ego in illo monte quadraginta dies totidemque noctes mansissem, neque cibum neque potum sumissem, 10. et Jova mihi jam tradidisset duas illas tabulas lapideas digito suo inscriptas, illis nimirum verbis, quæ vobiscum in monte ex medio igne solenni illo conventus die locutus erat; 11. Finitis illis quadraginta diebus et quadraginta noctibus, et acceptis illis duabus lapideis fœderis tabulis: 12. Jova mihi dixit: Age, descende hinc celeriter, peccavit populus tuus, quem ex Aegypto eduxisti. Cito deflexit a via, quam ei præceperam, fecit sibi fufum idolum. 13. Porro tunc Jova mihi dixit: video hunc populum esse pertinacissimum. 14. Sine me, eum perdam et nomen ejus ex terrarum orbe delebo, et te populum eo potentiorum et numerosiorum efficiam. 15. Cum igitur de monte, qui adhuc igne flagrabat, descen-

descendebam, duas legis tabulas manibus tenens: 16. vidi vos graviter in Jovam Deum vestrum peccasse, fecisse vobis vitulum fustum, cito vos deferuisse viam a Jova præscriptam. 17. Tum ego ambas tabulas manibus meis abjeci, ut vobis videntibus frangerentur. 18. Ante Jovam autem me sicuti antea quadraginta dies totidemque noctes, nec cibo nec potu usus abjeci, propter scelus illud vestrum gravissimum, quo iram ejus provocaveratis. — 19. Timebam enim iram Jovæ vehementissimam, qua vos perdere volebat. Sed tum quoque Jova me exaudivit. 20. Aaroni quoque vehementer iratus mortem minabatur, igitur pro eo quoque tum precabar. 21. Scelus autem vestrum, vitulum quem feceratis, sumsi et igne partim combussi, partim conterendo in pulverem redegei, quem in aquam e monte defluentem abjeci. 22. Taberæ, Massæ et ad sepulcra cupiditatis etiam iram Jovæ provocastis. 23. Cum vos jussisset ex Kadesch Barnea terram promissam aggredi, rebellastis contra eum, non credidistis ei, neque morem gessistis. 24. Ex quo ego vos novi, semper rebelles in Jovam fuistis. 25. Abjeci igitur me ante eum quadraginta dies totidemque noctes, quoniam vos delere minitabatur. 26. atque his verbis coram eo precatus sum: o Domine Jova, noli perdere populum tuum, quem virtute tua tibi vindicasti,

dicasti, quem ex Aegypto manu forti eduxisti. 27. Recordare cultorum tuorum, Abrahami, Isaaci et Jacobi. Noli respicere pertinaciam hujus populi, ejus impietatem aut scelera. 28. Ne discitent illi, *b)* ex quorum terra tu nos eduxisti: quoniam non poterat Jova eos perducere in terram eis promissam, aut, propter odium in eos, eduxit eos et interfecit in deserto. 29. Cum tamen sint tuus populus, quem insigni potentia et brachio exerto eduxisti.

CAPUT X

Novae legis tabula. Pericopa inserta de Israelitarum stationibus et Levitarum separatione v. 6—10. Adhortatio ad obedientiam Deo praestandam.

Tum Jova jussit, ut fecarem duas tabulas lapideas prioribus similes, et ut montem ascenderem, faceremque arcam ligneam, *a)* 2. velle se inscribere his

b) Quamquam lectio recepta פָּן יִאָמְרוּ הָאָרֶץ defendi potest, quoniam alias quoque *terra* pro *terra incolis* dicitur, (*Glassius* p. 859.) quod perperam negat *Hubigantius*, tamen quoniam Codex Samaritanus habet עַם הָאָרֶץ et omnes versiones *incola terra*, dubitari potest annon hæc lectio illi sit præferenda.

a) Hoc mandatum Moses prius accepit illo Exod. 25, 10. coll. Cap. 34, 1. Sed quia arca ex parte hunc in usum fabricata est, ut in ea tabulae legis reponerentur, jungit utrumque.

his tabulis eadem, quæ in prioribus a me fractis fuissent, deinde eas in arca reponerem. 3. Feci igitur ex acaciæ lignis arcam, excidi duas tabulas lapideas prioribus similes, easque mecum ferens montem ascendi. 4. Has igitur tabulas exaravit Jova eadem scriptura, qua priores, decem videlicet præceptis, quæ vobiscum ex igne locutus est die conventus illius solennis, mihiq; eas tradidit. 5. Quum deinde e monte rediissem, reposui tabulas illas in arca quam feceram, ut ibi servarentur, quemadmodum Jova mihi præceperat — 6. (Israelitæ profecti sunt a puteis Jaakanitarum Maferam *b*); ibi mortuus et sepul-

b) Hunc versum et tres sequentes uncinis inclusi, quia non possunt esse a Mose, sed ab aliena manu (qua de causa nemo dixerit) sunt inserti. Etenim partim contradicunt Num. 33, 31. ubi tamen Moses ex instituto de Israelitarum stationibus et morte Aaronis exponit; partim prorsus alieni sunt a consilio Mosi, populum ad obedientiam legi divinæ præstandam adhortantis. Quod ad prius pertinet, collatio hujus loci cum Num. 33, 31. plane docet, primo, Israelitas non a puteis Jaakanitarum Maferam, sed ordine inverso ex Mafera ad illos puteos esse profectos. (quanquam ne ibi quidem horum puteorum mentio fit, sed יַעֲקֹב בְּנֵי simpliciter nominantur.) Deinde Aaronem non Maferæ sed in monte Hor mortuum esse, octo stationes a Mafera distante. Alienam autem esse hanc iterationem

sepultus est Aaron. Eleasar autem, filius ejus, ei successit in sacerdotio. 7. Exinde profecti sunt Haggidgadam, inde in Jotbatam, terram quæ aquarum rivos habebat. 8. Tunc secrevit Jova tribum Levi, ut bajularent arcam fœderis, ut ei ministrarent et bene precarentur in ejus nomine, quemadmodum etiamnum facere solent. 9. Propterea Levitæ non

nerum populi enumerationem, et Aaronis mortem et Levitarum separationem ad munus sacrum (non *illo tempore* secundum versum 8. scilicet inter ipsa Israelitarum itinera factam, sed diu ante cum ipsa tabernaculi exstruktionem) a consilio orationis Moysis, quis non videt? Neque enim cum antecedentibus, neque cum consequentibus ullo modo coherent. Codex quidem Samaritanus exhibet versum sextum et septimum eodem modo, quo Numerorum loco citato legitur. Sed quanquam hac ratione dubium contradictionis removetur, tamen remanet alterum, quod non minus grave mihi quidem videtur, totum hujus generis argumentum nihil cum oratione Moysis habere commune. Attamen perquam antiqua sit necesse est, hæc vel scribarum hallucinatio, vel librorum temeritas, quoniam versiones omnes cum lectione textus recepta consentiunt. Audacius enim fortasse videatur asserere, interpolatas esse h. l. versiones antiquas ex Codicum Hebræorum lectione recepta. Hinc etiam mirum non est, Kennicottii collationem, ut in plurimis aliis, nihil nos juvare. cf. Cappellus in Crit. S. Lib. VI. Cap. VII. n. XI. et Cappellorum Commentarii p. 410. et Hubigantius ad h. l.

habent partem aut peculium inter populares suos. Jova eis est instar peculii, quemadmodum eis promisit. 10. Mansi igitur in monte, sicuti antea, quadraginta dies totidemque noctes; atque Jova me hac quoque vice exaudivit, ut vos non perderet: 11. Sed jussit ut vos ducerem ad possessionem terræ, quam majoribus vestris jurejurando promississet. 12. Jam vero, o Israelitæ, quid postulat Jova Deus vester a vobis, nisi ut eum timeatis, ut vivatis secundum rationem ab eo præscriptam, ut ametis eum et colatis toto corde totoque animo, 13. ut præcepta et statuta ejus, quæ ego jam vobis præcipio, teneatis, in propriam vestram utilitatem? 14. Jovæ Dei tui sunt cæli et cæli cælorum, terra et quæ in ea sunt, 15. et tamen majores vestros tanto est amore amplexus, et vos, eorum posteros, elegit ex omnibus gentibus. Res ipsa loquitur. 16. Igitur circumcidite cordis vestri præputium, neque amplius cervicem obstinate. 17. Nam Jova Deus vester est Deus Deorum, Dominus dominorum, Deus magnus, potens, tremendus, qui non habet personarum respectum, nec munera accipit. 18. Causam agit pupilli et viduæ, amat peregrinos, prospicit eis de victu et amictu. 19. Et vos quoque amate peregrinos, quoniam ipsi peregrini fuistis in Aegypto. 20. Jovam Deum vestrum timete et colite, huic adhærete

rete et per nomen ejus jurate. 21. Hic est de quo gloriari potestis, est Deus vester, fecit stupenda et terribilia ista facinora, quorum vos ipsi fuistis spectatores. 22. Septuaginta numero fuerunt majores vestri cum in Aegyptum proficiscerentur, et nunc auxit vos Jova Deus vester ad stellarum cælestium multitudinem.

CAPUT XI

Promittit obedientiæ legi divinæ præstita vitam felicem in terra occupanda, quam à magna fertilitate sua commendat, et victoriam de gentibus ejiciendis, si constanter essent in religione sua, eaque liberos suos quoque imbuerent. Tandem jubet solennem promissionum in monte Garizim, comminationum vero in monte Ebal proclamationem.

1. **A**mate Jovam Deum vestrum et diligentes estote in servandis ejus legibus, juribus et præceptis. 2. Nostis enim, (non loquor cum filiis vestris, qui non experti sunt aut viderunt Jovæ Dei vestri judicia) vos, inquam, nostis ejus magnitudinem, manum ejus fortem et brachium exertum, 3. signa et facinora quæ patravit in Aegypto in Pharaonem ejus regem omnesque ejus incolas. 4. Quæ fecit Aegyptiorum exercitui, equis et curribus, quos aquis sinus Arabici obruit, cum vos persequerentur, et sic eos delevit: quod constat

inter omnes. 5. Quæ vobis fecit in deserto, donec ad hunc locum pervenistis. 6. Quæ fecit Datani et Abiramo, Eliabi filiis, Rubenitis, quos terra hiatu aperta devoravit cum familiis suis, tabernaculis et omnibus facultatibus e medio Israelitarum cœtu a). 7. Quæ eximia Jovæ facta cum ipsi oculis vestris videritis: 8. observate præcepta ejus omnia, quæ vobis jam injungo, ut confirmati pergatis ad terræ occupationem, cujus causa mox Jordanum estis trajecturi, 9. et ut diu vivatis in terra, quam majoribus vestris eorumque posteris jurejurando promisit, terram rebus optimis et præstantissimis abundantem b). — 10. Hæc vero terra non est sicuti Aegyptus, ex qua egressi estis, quam constam machinis adhibitis irrigabatis ut olerum hortum. c) 11. Sed montes habet et valles, et cælestem pluviae aquam bibit. 12. Jova Deus vester hujus terræ curam gerit

a) Historia legitur Num. 16, 31. seqq.

b) hebr. *lacte et melle fluentem*.

c) hebr. *quam semine tuo conserebas et irrigabas pede tuo ut hortum olerum*. Intelligendum hoc est de machinis, quibus Aegyptii aquam Nili hauriunt atque ad loca altiora deducunt, quæ a Nilo non irrigantur. De quibus laboribus valde operosis et molestis vid. *Paulsen Relationes fide dignæ de agricultura orientalium* p. 36. *Shaw Itiner.* p. 351. vers. germ. et *Harmari Observatt. Orient. P. I.* p. 12. P. II. p. 262.

rit et providentia sua peculiari dignatur per totum annum. 13. Quodsi præceptis meis, quæ vobis jam injungo, obtemperaveritis, ut Jovam Deum vestrum ametis et toto corde et animo colatis, 14. dabo, inquit, terræ vestræ suo tempore pluviam tum autumnalem tum vernam *d*). Frumentum, mustum et oleum colligetis. 15. Efficiam ut in campis gramina pro pecore vestro succrescant, ut victus vobis abunde suppetat. — 16. Cavete ne animo decepti a Jova deficiatis et alios Deos colatis et adoretis. 17. Sic enim ille vobis iratus cælum claudet, ne pluviam dimittat, nec terra dabit proventum suum, et cito peribitis in terra illa bona, quam vobis dabit. 18. Igitur hæc mea dicta animo et memoria mandate, ligate ea in signum super manibus vestris, et sint vobis frontalia inter oculos vestros. 19. Docete ea liberos vestros, de his loquimini, sive domitis, sive in itinere, sive cubitum abeatis, sive surgatis. 20. Hæc inscribite ædium vestrarum postibus

d) יֵרֵךְ autumnalis, post jactam sementem sub finem mensis Octobris. מֵלֶקֶץ verna, ante messem, h. e. mense Martio. Quæ duæ sunt pluvie tempestates in Palæstina, a quibus omnis ejus fertilitas dependet. Aestate enim plerumque siccum est. cf. *Harmarum* l. c. P. I. p. 32. seqq. et omnino Cap. I. de cæli temperie in Palæstina l. c.

bus et *oppidorum* portis, 21. ut vos et posterī vestri diu vivatis in terra, quam Jova majoribus vestris jurejurando promisit, quam diu cælum terræ imminebit. 22. Quodsi præcepta, quæ vobis jam commendo, constanter tenueritis, ut ametis Jovam Deum vestrum, ut ad normam ejus vivatis, eique adhæreatis, 23. expellet ante vos omnes istas gentes, earumque terram occupabitis, quanquam sunt vobis majores et potentiores. 24. Omnis locus in quo pedem figetis, vester erit. A deserto usque ad Libanum, ab Euphrate flumine usque ad mare occidentale e) termini vestri erunt. 25. Nemo vobis poterit resistere. Timorem et terrorem vestrum injiciet Jova Deus vester omnibus regionibus, ad quas vos convertetis, quemadmodum vobis promisit. — 26. En ego vobis jam propono felicitatem et infelicitatem. 27. Felicitatem, si obtemperaveritis Jovæ Dei vestri præceptis, quæ vobis jam injungo. 28. Infelicitatem vero, si ea contemseritis, et via quam vobis monstravi deserta alios Deos vobis ignotos sectamini. — 29. Quando Jova vos introduxerit in terram mox a vobis occupandam, pronunciare debetis promissiones in monte Garizim, imprecationes vero in monte Ebal, f) (30. qui sunt

e) h. e. mediterraneum, quod est Palæstinæ ab occidente.

f) De his montibus vid. *Relandus* in Palæstina p. 344. et 353.

sunt trans Jordanum versus occidentem, in Cananæa campestri e regione Gilgalis, juxta therebinthos More). 31. Trajicietis enim Jordanum, ut occupetis et inhabitetis terram, quam Jova Deus vester vobis assignavit. 32. Igitur diligenter servate omnia jura et statuta, quæ vobis jam proposui.

CAPUT XII

Denuo injungit extirpationem idololatriæ Cananitarum antiquorum terræ incolarum. Unius et veri Dei, Jovæ cultus certo cuidam loco deinceps designando adstringitur. Esus carnis in deserto interdictus conceditur in terra 'promissa, modo ut communis, non ut sacer, et cum abstinentia a sanguine.

1. **H**æc sunt jura et statuta a vobis perpetuo observanda in terra, quam Jova Deus majorum vestrorum possidendam vobis dabit. 2. Destruere debetis omnia loca, in quibus gentes istæ a vobis expellendæ, in montibus, collibus, aut sub arboribus virentibus, Deos suos coluerunt. 3. Aras eorum debetis evertere, statuas frangere, lucos igne comburere, sculptas

303. et ejusdem Disp. de monte Garizim, quæ legitur in ejus Diss. miscell. P. I. p. 122. et *Bachione* in descriptione Palæstinæ P. I. Vol. I. §. 97—100. Plura de re ipsa infra ad Cap. 27, 9. seqq.

sculptas Deorum suorum imagines succidere atque adeo nomina eorum ex illis locis delere. 4. Non ita Jovam Deum vestrum coletis, 5. sed in eo loco, quem ipse ex omnibus tribubus eliget, ut ibi habitet. a) Ad hoc ejus domicilium ad eum consulendum convenietis. 6. Eo holocausta vestra et reliqua sacrificia, decimas, donaria, votorum spontaneas oblationes, primogenita b) armenti et pecoris deferre

a) Verba textus sunt: לְשׁוֹם אֶת שְׁמוֹ שָׁם ad ponendum nomen suum ibi; quæ explicanda sunt ex alia phrasi versu 11. obvia, cum qua in sequentibus sæpe permutatur לְשֹׁכֵן שְׁמוֹ שָׁם ut nomen ejus ibi habitet. Jam vero quis nescit, nomen Dei idem esse, quod Deus ipse? Deus vero ibi habitare dicitur, ubi ex voluntate sua colitur. Hinc utramque illam phrasin nonnunquam cum aliis similibus permutavi: locus Deo sacer, locus quem cultui suo destinavit etc. לְשֹׁכֵנו verti ut nomen, sic quoque Syrus, et pro וְבֵאתָ legendum videtur וְבֵאתָם. Sic Codex Samaritanus habet et versiones antiquæ omnes. Syrus: *domicilium ejus quærite et ad illud venite.*

b) Recte, uti arbitror, Illustr. Michaelis statuit, (in J. Mos. P. III. §. 145. p. 22. et P. IV. §. 192. p. 95.) ut decimarum, ita quoque primogenitorum duplex genus fuisse, alterum quod Deo sive Levitis in partem salarii datum sit, alterum quod ab Israelitis in epulis sacralibus consumeretur; illud quidem Moſen in populo Israelitico primum instituisse, hoc

deferre debetis. 7. Ibique in loco Jovæ Deo vestro sacro epulari et lætari una cum familiis vestris, de rebus et negotiis vestris; siquidem Jova Deus vester vos fortunabit. 8. Tum non ea omnia vobis licebunt, quæ hic vobis licent, ubi pro arbitrio nostro vivimus. 9. Nondum enim venistis ad quietam possessionem, quam Jova Deus vester vobis dabit. 10. Quam vero trajecto Jordano habitatis in terra, ad cujus possessionem a Jova Deo vestro immissi istis, quieti et securi ab omnibus undique hostibus vestris, 11. ad locum, quem ille pro domicilio suo eliget, afferre debetis omnia quæ vobis præ-

hoc vero ut ritum antiquum, fortasse inde a Jacobo servatum, invenisse, neque abrogasse. Quod ad duplicis generis decimas attinet, de his scriptores antiquitatum sacrarum, quæ vulgo dicuntur, exponunt, sed de primogenitis, quos ego quidem inspexi, tacent. Clericus ad h. l. v. 17. existimat *primogenitum* pecus vocari *pinguissimum*, epulis sacrificialibus consecratum, ex usu hujus vocis כבֹּר satis noto, quo nonnunquam pro optimo et præstantissimo in suo genere dicitur. Sed ut taceam, tropicam vocum significationem in legum interpretatione non facile esse admittendam, refellit hanc sententiam quoque locus Cap. 15, 19. ubi eadem lex repetita extat, ibique additur *omnis*, כָּל הַבְּכוֹר. Sed durissima lex fuisset, si omnia armenta pingua epulis sacrificialibus debuissent infumi.

præcepi, holocausta vestra et alia sacrificia, decimas, donaria et oblationes votivas, 12. ibique lætari cum liberis vestris, servis et ancillis, et Levitis apud vos commorantibus, qui nullam inter vos habent hæreditariam possessionem. 13. Cavete, ne holocausta vestra ubivis immoletis. 14. Sed tantum in eo loco, quem Jova ex una aliqua tribuum vestrarum eliget, ibi tum illa, tum reliqua omnia facietis, quæ vobis præcepi. c) 15. Attamen pro luitu mactare animalia et carne vestri, ex beneficio divino in urbibus vestris potestis, mundus et immundus, ut capream aut cervum d). 16. Sanguinem tantum ne comedatis, sed humi eum ut aquam effundatis. 17. At enim vero decimas frumenti, musti, olei, primogenita armenti et pecoris, votivas et spontaneas oblationes et donaria, non potestis in urbibus vestris comedere, 18. sed tantum coram Jova Deo vestro, in loco quem eliget, cum liberis vestris, servis et ancillis et Levita apud vos degente, et lætari coram eo de rebus vestris felicibus. 19. Absit ut unquam Levitas negligatis. — 20. Quum Jova Deus vester ampliarit

c) Abrogatur lex de carne non comedenda nisi in epulis sacris. cf. observata ad Levit. 17, 4. a)

d) h. e. ut cibum vulgarem. Illa enim animalia Deo non poterant sacrificii loco offerri. *

rit terminos vestros, quemadmodum vobis promisit, carne pro lubitu vesci poteritis. 21. Si longius aberit locus, quem Jova cultui suo destinavit, licet jugulare armentum et pecus, quemadmodum vobis præcepi, et carne pro lubitu in urbibus vestris vesci, 22. modo tanquam cervo aut caprea. Purus et impurus de eis comedant. 23. Sanguine vero prorsus abstinete. Nam in sanguine vita est, carne vero viva vesci non licet. 24. Igitur eum non comedite, sed lumi ut aquam fundite. 25. Non comedite eum, ut felices sitis, vos et posteri vestri, cum feceritis, quæ Jovæ probantur. 26. Attamen quæ consecrastis, aut vovistis, deferre debetis ad eum locum, quem Jova eliget, 27. ibique immolare holocausta vestra, carnem et sanguinem super altari Jovæ Dei vestri. Sanguis vero sacrificiorum effunditur ad aram, et carne vesci licet. 28. Diligenter observate omnia quæ vobis præcepi, ita enim felices eritis et posteri vestri in perpetuum, quum feceritis, quæ Jovæ Deo vestro probantur. 29. Quodsi, deletis a Jova Deo vestro istis gentibus, vos earum terram occupatam inhabitatis: 30. cavete, ne eodem laqueo irretiamini, ne nempe de earum diis sciscitemini, ut hos eadem ratione, qua illæ fecerunt, colatis. 31. Absit, ut vos ita geratis in Jovam Deum vestrum. Nam quæ hic quam maxime abominatur

minatur et detestatur, gentes istæ fecerunt in honorem Deorum suorum, quibus adeo filios suos et filias immolarunt.

CAPUT XIII

Leges pœnales contra idololatriam et qui ad eam alios seducant.

1. **O**mnia quæ ego vobis præcipio, diligenter servate, nihil eis neque addite, neque detrahite. 2. Si extiterit inter vos vates aliquis, aut somniator, qui signum aut prodigium apud vos ediderit, 3. quod etiam sicuti ab eo prædictum est, evenit a): idem vero vos hortetur ad aliorum deorum vobis ignotorum cultum: 4. nequaquam obtemperate diis huiusmodi vatis, aut somniatoris. Jova Deus vester vos tantum explorat, num eum toto corde et animo ametis. 5. Hunc igitur sectari et timere debetis, ejus præcepta servare, voluntati ejus obtemperare, hunc colere, ei adhærere. 6. Iste vero vates, aut
somnia-

a) Hæc non sunt ita intelligenda, tanquam si falsus iste propheta legationem suam divinam vero miraculo confirmaret. Sed מִן h. l. est res mira, insueta, prodigiosa, quam ille prædicit et quæ impletur. Quod etiam ab impostore rerum naturalium perito fieri potest. cf. *Michaelis* in notis ad vers. germ. et in Jure Mos. P. V. §. 245 seqq. p. 103.

ſomniator, moriatur; ſuaſit enim defectionem a Jova Deo veſtro, qui vos ex Aegypto eduxit et ex ſervitute redemit, et ſeducere vos voluit a via quam ille vobis præſcripſit. Tollite igitur malum e medio veſtrum. — 7. Quum vos pellicere voluerint fratres veſtri germani, aut filii, aut filię, aut uxores vobis cariffimę, aut amici dilectiſſimi, ad cultum aliorum deorum vobis et majoribus veſtris ignotorum: 8. cujuſmodi ſunt dii gentium vobis finitimarum, ſive propinquę ſint, ſive remotę, ab uno terrę extremo ad alterum: 9. Nolite votis eorum annuere, neque eis parcere, neque per miſericordiam eos celare. 10. Interficite eos, veſtra quidem manus prima ſit in eos, reliquorum autem ſecunda. 11. Nimirum lapidare eos debetis ut moriantur, nam vos ſeducere voluerunt a religione Jovę Dei veſtri, qui vos ex Aegypto e ſervitute eduxit. 12. Quo audito Iſraelitę timebunt, neque amplius hujusmodi ſcelus inter vos committetur. — 13. Si audiveritis, in una aliqua urbium veſtrarum, quę Jova Deus veſter vobis habitandas dedit, 14. eſſe homines perditos, qui cives iſtius urbis ſeducant ad cultum aliorum deorum vobis ignotorum: 15. diligenter debetis inquirere atque inveſtigare. Quod ſi ita eſt, ſi revera ſcelus hoc turpiſſimum inter vos patratum eſt: 16. omnes iſtius urbis incolas ferro debetis trucidare,

trucidare, eam et omnia quæ in ea deprehenduntur atque adeo animalia devovere, 17. prædam ejus omnem in forum congerere, eamque ut et urbem ipsam igne comburere in honorem Jovæ Dei vestri, et rudus sit sempiternum, nunquam instaurandum. 18. Nec quicquam de rebus istis devotis manibus vestris adhæreat, ut Jova in ira sua remittat, vestrum misereatur, vosque, quemadmodum majoribus vestris jurejurando promissit, augeat. 19. Si nempe voluntati ejus obtemperaveritis, et præcepta ejus, quæ vobis jam injungo, servantes feceritis, quæ ei probantur.

CAPUT XIV

Ritus prohibiti in funere. Animalia pura et impura. Decima in convitiis consumenda.

Filii estis Jovæ Dei vestri, ne carnem vestram incidatis, aut calvitiam vobis inducatis propter mortuum. 2. Populus enim sanctus estis Jovæ Deo vestro. Vos elegit, ut ei essetis populus peculiaris ex omnibus gentibus, quæ sunt in orbe terrarum. — 3. Nulla re abominanda vescamini. 4. Hæc sunt animalia, quibus vesci licet: a) Bos, pecus ovinum et caprinum, 5. cervus, caprea, Jachmar, tragelaphus, Dischon, bubalus et Semer. 6. Omnino omnia

a) cf. observata ad Levit. XI. not. a).

omnia animalia quæ ungulas habent divisas easque prorsus fissas in duas partes, et quæ ruminant, ea comedatis. 7. In his vero non sunt camelus, lepus, et mus urinus, quæ quidem ruminant, sed ungulas non habent fissas. Propterea vobis sunt immunda. 8. Item porcus, qui quidem ungulas habet fissas, sed non ruminat, impurus vobis esto. Carne ejus ne vescamini, nec cadaver ejus tangatis. — 9. Ex aquatilibus hæc comedere licitum sit: omnia quæ pinnas habent et squamas. 10. Quæ vero eis sunt destituta, ea ne comedatis, impura vobis sunt. 11. Avibus puris vesci licet, 12. ad quas referendæ non sunt aquila, aquila ossifraga, valeria, 13. milvus, et Ajjæ varia genera, 14. ut et omnia corvorum genera, 15. Struthiocamelus, hirundo, larus, et passerum varia genera, 16. otus, noctua et Tinschemeth, 17. pelicanus, vultur, mergus, 18. ciconia, Anaphæ genera, upupa et vespertilio. 19. Omnia volucra reptilia, impura vobis sint, 20. puris vero vesci vobis licitum est. 21. Nullo morticino vescimini. Peregrinis, qui inter vos degunt, illud date comedendum, aut vendite extraneis. Sacer enim estis populus Jovæ Deo vestro. Hædum in lacte matris ne coquatis. *b)* — 22. Decimas omnis proventus vestri ex agris confitis quotannis

b) cf. Exod. 23, 19. not. *b*).

annis seponite, 23. quas deinde comedetis coram Jova Deo vestro, in loco quem cultui suo destinabit. Decimas nempe frumenti, musti et olei, nec non primogenita armenti et pecoris vestri, ut Jovam Deum vestrum per omnem vitam vestram revereamini. 24. Quodsi longior est via, et locus, quem Jova Deus vester cultui suo destinavit, remotior quam ut decimas per divinam benedictionem copiosiores eo deferre possitis, 25. licet eas pecunia permutare, quam in loco sacro 26. infumatis pro arbitrio vestro, armento et pecore, vino et temeto, aut quacunque alia re, quam concupiscitis: ibique in loco sacro cum familiis vestris epulemini et lætemini. 27. Tum vero Levitas inter vos degentes, qui nullam vobiscum partem aut portionem acceperunt, ne omittatis. 28. Sub finem tertii cujusque anni seponetis omnes proventuum vestrorum decimas, ad quas in urbibus vestris 29. invitatis Levitas nullas inter vos possessiones sortitos, peregrinos, pupillos et viduas vestrates, qui ad satietatem epulentur. Quod si feceritis, Jova Deus vester vobis in rebus et negotiis vestris favebit.

CAPUT XV

De debitis septimo quoque anno non exigendis, de servorum manumissione et primogenitis secundis.

1. **S**eptimo quoque anno moram debetis concedere:

2. Hæc vero sit hujus moræ ratio: a) omnes creditores

a) Multi interpretes hanc legem ex sententia Judæorum sic intellexerunt, quasi Moses juberet, ut septimo quoque anno creditores debitoribus suis nomina contracta prorsus remitterent, neque unquam ea ab his exigent. At enim vero alii recte viderunt non esse hunc hujus legis sensum, neque verba Moſis hæc dicere; sed legislatorem tantum præcipere, ne septimo quoque anno, qui erat sabbaticus, h. e. quo non serebatur, nec metebatur, debita exigenter a pauperibus, qui eo anno, quo nullos ex agris proventus percipiebant, non erant solvendo; moram igitur his esse hoc anno concedendam. Sed sequenti, quo ad agrorum suorum culturam iterum redire poterant, utique licitum quoque fuerit debita exigere. Sic legem hanc interpretati sunt *Jo. Meyerus* in Tract. de temporibus sacris et festis diebus Hebræorum Cap. XVII. §. 20. p. 335. et III. *Michælis* in Jure Mos. P. III. §. 157. p. 106. seqq. qui inprimis iniquitatem hujus legis secundum priorem ejus explicationem, et multa et gravia incommoda ex ea proventura, pluribus demonstravit. Neque verba legis jubent, ut ea de absoluta debitorum remissione explicentur, quin potius contrarium suadent. Nam quoniam Moſes concedit de-

T t

bitum

ditores debitoribus suis moram debent concedere, neque debita ab eis exigere, cum indictus fuerit annus moræ in honorem Jovæ. 3. A peregrinis liceat debita exigere, sed popularibus vestris in eo quod vobis debent moram date, 4. nisi forte pauperes non sint. Nam Jova vobis fortunabit possessionem terræ quam vobis concedet. 5. Dummodo voluntati ejus obtemperaveritis, ut diligenter observetis præcepta omnia, quæ ego vobis jam injungo. 6. Imo Jova vobis benedicet, quemadmodum promissit, ita ut mutuo dare possitis multis gentibus, ipsi vero nunquam mutuo accipiatis. Imperabitis multis gentibus, illæ vobis non imperabunt. — 7. Quod si est

bitum exigere a peregrino, apparet eum loqui de exactio-
ne, quæ fieret anno septimo. Nam de eo dubium esse
non poterat, num debitum a peregrino liceret exigere
post annum septimum. — Verbum שָׁמַט quod vulgo
vertitur *remittere*, hoc loco construitur cum substantivo יָד
manus, et debitor jubetur יָדוֹ שָׁמַט *manum suam remit-*
tere, sc. a debitore, h. e. debitum non ab eo exigere. Ex
qua substantivi יָד cum שָׁמַט constructione apparet מֹשֶׁה
in versu secundo non punctandum esse per Tferē, ut sit
in statu constructo cum sequenti יָדוֹ sed per Segol; perti-
net enim ad שָׁמַט non ad מֹשֶׁה. Quod non observassem,
nisi vidissem interpretes nonnullos in illa duarum vocum
ex receptis punctis conjunctione hæzere.

est aliquis popularium vestrorum, egenus in una aliqua urbium ejus terræ, quam Jova Deus vester vobis dabit, ne animum erga eum induretis, aut manum vestram ei subtrahatis. 8. Quin potius liberali manu ei mutuate, tantum quantum opus habet ad penuriam suam sublevandam. 9. Cavete ne cogitationes vobis oboriantur malignæ, atque anno septimo, anno moræ appropinquante vultu inhumano adspiciatis consanguineum vestrum egenum eique mutuare recusetis. Conqueretur enim hac de re apud Jovam, idque vobis culpæ erit. 10. Dare ei debetis, idque animo non invito, hac ipsa enim de causa Jova Deus vester vobis fortunabit res et negotia vestra omnia. 11. Non deerunt in terra vestra pauperes, propterea vobis præcipio liberali manu popularibus vestris pauperibus atque egenis largiri. — 12. Si vobis venditus fuerit popularis vester Ebræus, aut Ebræa, serviat sex annos, septimo anno manumittere eum debetis. 13. Nec tamen vacuum eum dimittite, 14. sed donum addite ex pecore, area et torculari; pro facultatibus vestris, quibus Jova vobis benedixit, eum munerate. 15. Et memores estote vos ipsos in Aegypto servos fuisse, Jovam vero Deum nostrum vos redemisse: propterea hoc ego vobis jam præcipio. 16. Quodsi negabit se a vobis discessurum esse, quoniam vos et vestros amet et

bona apud vos conditione utatur; 17. subula ejus aurem ostio affigite et in perpetuum vobis serviat. Idem quoque ancillæ facite. 18. Ne durum vobis videatur, quod eum manumittere debeatis, nam duplum, mercedis mercenarii sex annis vobis serviit, et Jova omnibus laboribus vestris felices successus largietur. — 19. Omnia primogenita de armento et pecore mascula, Jovæ Deo vestro consecrate. *b)* Ne bove primogenito ad laborem utamini, nec pecus primogenitum tondeatis. 20. Coram Jova illa quotannis comedatis, cum familiis vestris in loco quem Jova cultui suo destinabit. 21. Sed si vitiosum est, ut claudum et cæcum, aut alio gravi vitio affectum, non potest Jovæ Deo vestro sacrificari. 22. Sed domi illud comedite, immundus et mundus, modo ut capream aut cervum *c)*. Sanguinem vero ne comedatis, humi eum ut aquam effundite.

CAPUT XVI

De celebratione trium festorum majorum; de constitutione magistratus et vitanda idololatria occasione.

1. **M**ensem Abib notate, in quo Passa Jovæ Deo vestro celebretis: hoc enim mense ille vos ex Aegypto noctu eduxit. 2. Immolate autem Passato Jovæ

b) Sermo est de primogenitis secundis, de quibus confer dicta ad Cap. XII, 6.

c) cf. Cap. 12, 15. not. *d)*.

Jovæ Deo vestro oves et boves, in loco quem cultui suo religioso destinabit. 3. Sed fermentatum ne comedatis, per septem dies panibus azymis vescamini panibus miseriæ a). Trepidanter enim ex Aegypto egressi estis. Propterea memores esse debetis hujus exitus vestri ex Aegypto per omnem vitam vestram. 4. Non inveniatur fermentum in tota terra per septem dies, nec supersit de carne hostiæ vespere primi diei mactatæ in tempus matutinum. 5. Non licet vobis mactare Passa in una aliqua urbium vestrarum, quam Jova Deus vester vobis dedit. 6. Sed tantum eo in loco, quem ille eligat, ut ibi colatur. Ibi quoque Passa mactate circa vespere, sub occasum solis, quo ex Aegypto emigrastis. 7. Ibique paratum illud comedite et postridie domum revertimini. 8. Sex diebus panibus non fermentatis vescamini. Septimus sacer est Jovæ Deo vestro, quo ab omni labore abstinete. — 9. Septem septimanas numerate, ex quo falcem messi immisistis. 10. Tunc festum septimanarum Jovæ Deo vestro celebrate, dono voluntario, quod respondeat facultatibus Dei beneficio vobis concessis, 11. et lætami coram

Jova

a) Metonym. Sensus est: hoc pane semper memoriam afflictionum, quas in Aegypto perpeffi estis, debetis renovare. Idem tropus extat Jes. 30, 20.

Jova Deo vestro, vos, liberi vestri, servi et ancillæ, Levitæ veſtrates, peregrini, pupilli, viduæ inter vos degentes, in eo loco, quem Jova Deus veſter cultui ſuo deſtinabit. 12. Meminiſſe enim debetis vos ſervos fuiſſe in Aegypto, propterea hæc inſtituta diligenter obſervate. — 13. Feſtum tabernaculorum ſeptem diebus celebrate, cum areæ et torcularis fructus percepiſtiſ, 14. et in illo feſto lætamini cum filiis et filiabus veſtris, ſervis et ancillis, Levitis, peregrinis, pupillis et viduis apud vos degentibus. 15. Per ſeptem dies hoc feſtum agite Jovæ Deo veſtro in eo loco quem Jova ſibi eliget. Is vobis fortunabit proveniſtus veſtros et omnia veſtra negotia, ut poſſitiſ quoque lætari. 16. Ter quotanniſ compareant omnes mares veſtri coram Jova, in loco quem eliget, nimirum feſto azymorum, ſeptimanarum et tabernaculorum, neque vacai tunc compareant coram Jova. 17. Quiſque quod offerre poteſt pro facultatibus a Jova Deo veſtro vobiſ conceſſiſ. — 18. Judiceſ et ſcribaſ conſtituite in omnibuſ urbibuſ, quaſ Jova Deus veſter ſecundum tribuſ veſtraſ vobiſ dabit, qui juſ dicant populo. 19. Juſtitiam ne violate, perſonarum reſpectum nunquam habete, nec munera accipite. Munera enim excœcant ſapientum oculos et pervertunt reſ juſtorum. 20. Juſtitia omni modo ſtudet, ut feliceſ ſitiſ in poſſeſſione terræ,

terræ, quam Jovæ Deus vester vobis dabit. —

21. Ne plantetis lucum ullarum arborum juxta aram

• Jovæ Deī vestri, 22. neque erigatis statuam, quæ omnia ei exosa sunt.

CAPUT XVII

*De victimis prohibitis, de idololatria cavenda, de causis
difficilioribus in judicio, de electione et officio
regis.*

1. **N**e sacrificetis Jovæ Deo vestro bovem, aut ovem ullo vitio infectum, abominatur enim hujusmodi sacrificia. — 2. Si in ulla urbium vestrarum vir aut scēmina tantopere Jovam Deum vestrum offendat et fœdus ejus transgrediatur, 3. ut alios Deos sectetur eosque adoret, aut solem, aut lunam, aut astra cœlestia, quæ tamen minime præcepi. 4. Idque vobis indicatur, diligenter debetis hanc in rem inquirere. Quodsi comperitur revera hoc flagitium inter vos commissum esse: 5. educere debetis hunc virum, aut foeminam, qui scelus istud apud vos patrarint, atque lapidationis supplicio afficere, nullo ad sexum respectu adhibito a). — 6. Ex testimonio duorum aut trium reus moriatur: non vero ex testimonio unius. 7. Testes primi sint in supplicio

a) Sic explicanda videntur verba repetita: *virum aut foeminam*.

plicio ei inferendo, deinde qui de populo præsentes sunt. Sic tollere debetis malum e vobis. —

8. Si qua causa difficilior incidat, quam ut de ea judicare audeatis, ut in homicidio, aut in quæstione possessoria, aut in læsionibus, aut quacunque alia in re controversa: adeatis locum quem Jova cultui religioso destinavit, 9. et conveniatis sacerdotes, Levitas, aut judicem illum, qui tum erit. Hos consulite, hi de jure vobis respondebunt. 10. Quorum sententiæ, quam vobis in loco sacro dicent, obtemperate et studiose facite omnia, quæ vos docebunt: 11. Ex lege, qua vos instruent, ex sententia, quam vobis dicent, ita agite, ut neque ad dextram neque ad sinistram deflectatis. 12. Si quis vero per insolentiam non paruerit sacerdoti, qui tum apud Jovam Deum vestrum ministerio fungitur, aut judici: is morte puniatur. Malum enim e medio vestrum auferetis. 13. Quod cum reliqui audierint, timebunt, neque amplius insolenter se gerent. — 14. Quum perveneritis in terram, quam Jova Deus vester vobis dabit, eamque occupatam inhabitaveritis, regemque creare statueritis ad morem gentium finitimarum, 15. eum vobis præficite, quem Jova Deus vester eliget, regem nempe ex natione vestra. Non licebit vobis præficere peregrinum, qui non sit de popularibus vestris. 16. Ille vero non multos equos

equos alat, neque propter eos populum in Aegyptum reducat, Jova enim negavit vos ea via redire debere. 17. Neque multas habeat uxores, ne a Deo deficiat, neque magnos auri et argenti thesauros sibi colligat. 18. In throno regio constitutus describat sibi exemplar hujus legis a sacerdotibus Levitis. 19. Idque apud se habeat et legat per omnem vitam suam, ut discat Jovam Deum suum timere, legi huic obedire, atque instituta hæc observare. 20. Ne superbe se gerat in consanguineos suos et a præceptis hisce in neutram partem defleat, ut diu vivat in regno suo, cum ipse tum ejus filii inter Israelitas.

CAPUT XVIII

De redditibus sacerdotum et Levitarum, de artibus supersticiosiis vitandis, de falsis prophetis dignoscendis.

1. **S**acerdotes, Levitæ et universa omnino tribus Levitica partem et possessionem non habeat inter Israelitas, sed ex sacrificiis Jovæ ejusque possessionibus vivant. 2. Patrimonium non habeant inter populares suos, Jova eis erit pro patrimonio, quemadmodum etiam promisit. 3. Hæc vero debentur sacerdotibus a populo. Quicumque sacrificium facit, sive bove, sive ovino aut caprino pecore, det sacerdoti armum, maxillas et omasum. 4. Neque minus

date eis primitias frumenti, musti, olei vestri, et primitias tonsuræ, ovium vestrarum. 5. Hanc enim ex omnibus tribubus vestris Jova Deus vester elegit, ut sibi ministret et posteris ejus in perpetuum. 6. Si venerit Levita ex quovis oppidorum vestrorum, in quo peregrinatus fuerat, pro lubitu et arbitrio suo ad locum a Jova cultui sacro destinatum; 7. ministret Jovæ Deo suo, uti omnes Levitæ contribules sui, qui tum ibi ministerio funguntur, 8. atque æquali cum eis portione fruatur, præter vendita a se de bonis paternis. — 9. Quum perveneritis in terram quam Jova Deus vester vobis daturus est, ne mores imitemini turpissimos istarum gentium. 10. Ne sit inter vos qui filium suum aut filiam igne comburat, qui fortilegia exerceat, astrologus, augur, veneficus, 11. serpentum conjurator, consulens pythones, fatidicus, necromantes. 12. Detestatur Jova omnes, qui ista faciunt et propter scelera ista turpissima expellit gentes illas ante vos. 13. Integri estote erga Jovam Deum vestrum. 14. Gentes istæ a vobis expellendæ astrologos habent et fortilegos. Vobis vero hoc Jova Deus vester non concedit. a) 15. Prophetam vobis excitabit ex popularibus vestris

a) hebr. נתן *dedit* h. l. idem est quod *concessit*, *permisit*, uti sæpe, v. c. Genes. 20, 6. 31, 7. Quoad constructionem cf. *Gladius* in Tract. de Pronomine p. 143.

stris mei similem, hunc audietis. *b)* 16. Quemadmodum

- b)* Sub hoc propheta non unus aliquis, non Josua Mosis successor, nec adeo Messias primario et in sensu literali est intelligendus, sed prophetæ in genere omnes, quos Deus sequentibus temporibus voluntatis suæ interpretes ad Israelitas sit missurus. Quem sensum, quantum ego quidem intelligo, contextus plane docet. 1) Interdixit Moses versu præcedente populo, ne hariolos et divinatores adiret. Rationem addit in hoc versu: quod Deus eis ex gente sua prophetas suæ voluntatis interpretes perpetuo mittere vellet. 2) Nulla esset vis in verbis Mosis ad cavendam illam superstitionem, nisi promittat Messiam statim post mortem suam venturum — Nolite hariolos adire — nam Deus vobis prophetam Messiam excitabit. — 3) Nexus cum versibus 20. 21. 22. in quibus docetur, qua ratione ab illis veris Dei prophetis pseudoprophetæ sint discernendi. Perperam nonnulli interpretes urgent illud כַּמֹּנִי *sicuti me*, cum negetur Deut. 34, 10. et Num. 12, 6. 7. prophetam Mosis similem extitisse. Male enim ab eis illud כַּמֹּנִי extenditur ad omnes Mosis prærogativas. Propheta Mosis similis intelligitur talis, cui Deus suam voluntatem patefaciat, et qui eam ad populum summa fide referat, uti Moses hætenus fecerat. Cum hac explicatione citatio hujus loci in Nov. Test. Act. 3, 23. et 7, 37. et applicatio ad Messiam bene potest conciliari, si teneamus, id quod adeo *Calovius* contra *Grotium* disputans concessit, multa Vet. Test. loca præter sensum proxime intentum, literalem vocant, habere quoque sensum sublimiorem.
- Igitur

modum ab eo petiistis ad Horebum die solennis istius conventus, ne amplius vocem Jovæ Dei vestri audiretis, neque ignem illum ingentem videre-
tis, ne moreremini. 17. Tum ille mihi dixit: Bene habet quod dicunt. 18. Excitabo eis prophetam ex eorum popularibus, tui similem. Cui voluntatem meam indicabo, atque hic eis eloquetur omnia, quæ ei præcepi. 19. Quicumque vero non obtemperabit eis, quæ ille nomine meo dicet, in hunc ego animadvertam. 20. Quodsi propheta ea audacia fuerit, ut nomine meo loquatur, quanquam ei hoc non præceperim, aut aliorum Deorum nomine oracula proferat, hujusmodi propheta supplicio est afficiendus. 21. Fortasse quæritis, unde cognoscatis, prophetam non ex auctoritate Jovæ loqui? 22. *Respondet*: si propheta nomine Jovæ aliquid prædixerit, neque hoc evenerit, res non est a Jova prædicta; per jactantiam loquitur hujusmodi propheta, non est quod eum metuatis.

Igitur hæc verba maxime proprie de Messia possunt intelligi et in eo sunt impleta: quippe ille fuit verissimus ille a Deo missus propheta ex populo Judaico, cujus contemptum quoque Deus severe puniit.

CAPUT XIX

*De oppidis asyli, termino non transferendo, et
testibus.*

1. **Q**uum exciderit Jova Deus vester gentes, quarum terram vobis assignabit, vosque in earum urbibus et ædibus confederitis: 2. 3. tria oppida in illa terra vestra in tres partes propterea dispertienda feligetis, ad quæ viam complanatam esse curabitis, ut ad ea confugiat homicida a). 4. Sed hoc privilegio fruatur tantum is, qui alium per imprudentiam occiderit, neque antea oderit. 5. Verbi causa: qui cum alio silvam lignandi gratia ingressus securim ad cædendam arborem agitet, et ferrum de capulo elapsum in alterum inciderit, ut ex eo moriatur, is in unum istorum oppidorum confugiat et salutis suæ prospiciat. 6. Ne sanguinis vindex eum in fervore animi sui persecutus assequatur, si via longior sit, et interficiat, cum tamen morte non dignus sit, quia nullam in eum inimicitiam foverit. 7. Propterea vobis præcipio, ut tria oppida *hunc in finem* separatis. 8. Si Jova Deus vester ampliarit terminos vestros, vobisque totam hanc terram dederit, quemadmodum majoribus vestris jurejurando promisit, 9. sed sub hac conditione, ut præcepta, quæ vobis jam injungo, studiosè observetis, ut eum ametis et ex ejus legibus vitam vestram omnem instituatis:

tum

a) cf. de his asyli oppidis observata ad Num. 35.

tum illis tribus oppidis adhuc alia tria addatis, 10. ne, si cædes in terra vestra a Jova Deo vestro vobis concessa committatur, vos ipsi cædis rei fiat. 11. Sed si quis alterum oderit, eique struxerit insidias, aut palam eum aggressus fuerit et occiderit, et deinde in aliquod istorum oppidorum confugerit: 12. mittant procures loci in quo vixit, et inde eum auferant et tradant sanguinis vindici, qui mortis pœnam de eo sumat. 13. Ne parcatis ei, sed commissam cædem punite. Sic enim felices eritis. 14. Ne transferatis terminos aliorum primum definitos in terra, cujus possessionem Jova Deus vester vobis concedet. — 15. Non admittatur unus testis in causa criminali cujuscunque generis, sed ex duorum aut trium testium indicio in rem inquiratur. 16. Si quis falsum testimonium in alium perhibuerit, et criminis aliquem postularit, 17. utraque litigantium pars in loco sacro compareat, coram sacerdotibus et iudicibus, qui tum erunt; 18. iudices diligenter in rem inquirant: et, si probatum fuerit, falsum esse testimonium quod in alterum dixerit, 19. faciant ei, quod ipse in alterum machinatus erat, et malum e vobis removete, 20. ut alii qui hoc audiunt, metuant, neque audeant deinceps hujusmodi scelus inter vos committere. 21. Ne parcatis. Vita pro vita, oculos pro oculo, dens pro dente, manus pro manu, pes pro pede.

CAPUT

CAPUT XX

Belli leget.

1. Cum ad prælium hostibus vestris committendum egressi videritis, equorum, curruum et hominum multitudine vos longe superari, nolite timere, Jova enim Deus vester, qui vos ex Aegypto eduxit, vobis adest. 2. Pugna igitur jam instante accedat sacerdos, et populum sic alloquatur: 3. Audite, Israëlæ, vos jam prælio decertabitis cum hostibus vestris, nolite animis mollescere, aut præ metu et terrore illos expavescere. 4. Jova enim Deus vester vos præcedit, pugnaturus pro vobis cum hostibus vestris, et vos defensurus. 5. Tum tribuni coram populo edicant: qui novam domum exstruxit, neque dedicavit, domum revertatur, ne, si in prælio occubuerit, alius eam dedicet. 6. Qui vineam plantavit, necdum primos fructus percepit, is domum repetat, ne forte in prælio cadat, et alius eos colligat. 7. Qui uxorem sibi desponsavit, neque duxit, is domum redeat, ne, si in prælio occubuerit, alius eam ducat. 8. Tandem et hæc addant tribuni: qui timidus est et animo effeminato, is domum redeat, ne aliis quoque timorem injiciat. 9. Quæ si edixerint tribuni apud populum, tum constituent duces exercitus, qui populo præsent. — 10. Si urbis obsidio-

nem

nem aggredimini, pacem ei antea offerite. 11. Si pacem acceperit, et portas aperuerit, omnes ejus incolæ tributarii vobis sint et servi. 12. Sin pace repudiata armis vobiscum decertare audet, eam obsidete. 13. Quodsi deinde Jova Deus vester vobis eam tradiderit, omnes ejus mares gladio interficite. 14. Mulieres vero, infantes, pecus, et quæ præterea in urbe sunt, vobis ut prædam diripite, et sic utimini spoliis hostium vestrorum, quos Jova Deus vester vobis tradet. 15. Sic vero agere debetis cum urbibus a vobis longius remotis, quæ non sunt ex harum gentium urbibus. 16. Sed de his, quas Jova Deus vester vobis possidendas dabit, nihil omnino vivum debetis conservare. 17. Has prorsus evertetis, *urbes nimirum* Chittæorum, Amoritarum, Cananitarum, Pherefitarum, Chivvæorum et Jebusitarum, quemadmodum Jova Deus vester vobis præcepit. 18. Ne imitemini cultum eorum turpissimum, quem diis suis exhibuerunt, et sic Jovam Deum vestrum offendatis. — 19. Si oppidum aliquod diutina obsidione oppugnatis, ne arbores ejus admota securi corrumpite, nam earum fructibus vesci poteritis. Igitur eas ne fuccidite, ut illis ad obsidionem utamini. Hominum enim usui a
Deo

Deo sunt destinatae a). 20. Sed arbores minus frugiferas potestis corrumpere et succidere, et machinas ex illis construere adversus oppidum, quod vobis resistit, donec illud expugnaveritis.

CAPUT

a) Verba textus **כִּי הָאָדָם עֵין הַשָּׂרָה** sunt paullo diffici-

liora. Vulgaris eorum explicatio mihi non probatur, quoniam sensum dat nimis frigidum, *nun arbores homines sunt, ut eas oppugnes?* neque **כִּי** hujusmodi interrogationi solet praemitti, ut taceam **ה** non cum Kamets, sed Kateph patach esse punctandum. Particula illa causalis rationem reddit, cur arbores frugiferae non sint perdenda, quoniam nempe Deus earum fructus hominum utilibus destinavit, Genes. 1, 29. quod praeceptum Moses sine dubio in animo habuit. Igitur haec verba sunt in parenthesi et ideim dicunt, quod Moses modo aliis verbis dixerat: **כִּי כִכְנו תֹאכַל** atque ultima cum praecedentibus suntnectenda, uti in versione factum est. Phrasia vero *venire in obsidionem*, pro: *adhibere aliquid ad obsidionem instruendam*, legitur etiam Jerem. 32, 24. Ellipsis **וְ** ante **הָאָדָם** non dura videri potest, ejus et alia sunt exempla Eccles. 3, 19, 12, 13. Ezech. 12, 10. Legitur, haec hujus loci explicatio in *Frammanni Opusculis philol.* p. 161.

CAPUT XXI

De expiatione cadis, cujus auctor ignotus est. De captivæ nuptiis. De primogenitorum jure. De liberis consummacibus. De sepultura cruci affixorum.

1. Si inveniatur occisus in terra, quam Jova Deus vester vobis possidendam dabit, ruri jacens, nec constet, quis eum interfecerit: 2. exeant seniores et judices, et metiantur distantiam oppidorum, quæ circum occisum erunt. 3. Et tunc magistratus illius oppidi, quod occiso proximum erit, fumant juvencam, quæ agricoltationi nondum sit adhibita, nec in jugo traxerit, 4. eamque deducant ad rivum perennem, qui exsiccatus nec coli solet, nec conferi a), ibique eam decollent. 5. Tunc accedant sacerdotes Levitæ (hos enim Jova Deus vester elegit,

a) Interpretes dissentiunt in vertendo vocabulo נחל, quod vallem et torrentem notat. Illam quidem significationem suadere videntur verba adjecta, quæ nec coli solet nec conferi; hanc vero ejus epitheton איתן, quod ab arab. آتן aquam perennem notat. Equidem hanc præferendam putavi propter constantem et minime dubiam significationem vocis איתן quæ cum illis verbis bene potest conciliari. Constat enim dari in Oriente multos rivos, qui aquam non habent perennem, sed æstate exsiccantur et in valles, quæ coli possunt, convertuntur. Quæ haud dubie quoque ratio est, unde נחל utramque accepit significationem.

git, ut sibi ministrent, suo nomine bene precentur, et in controversiis et quæstionibus capitalibus de jure respondeant), 6. omnesque illius oppidi proceres, qui occiso proximi sunt, lavent manus suas super vitula ad rivum decollata, 7. et dicant: manus nostræ non effuderunt hunc sanguinem, nec oculi nostri viderunt. 8. Propitius esto, Jova, populo tuo Israelitico, quem redemisti, nec imputes ei sanguinem innocentem apud eum effusum, sed expietur ab illa cæde. — 9. Vos enim cædem e medio vestrum remove debetis, et omnem operam dare ut Jovæ placeatis. — 10. Si in expeditionem profecti Jova Deus vester hostes vobis tradiderit, ut eos captivos abducatis, 11. et vestrum aliquis viderit inter captivos mulierem formosam, quæ sibi adeo placeat, ut eam in matrimonium ducere velit: 12. deducat eam in domum suam; illa vero caput suum tondeat, ungues alat *b)*,
13.

b) Verba textus sunt: וְעִשְׂתָּה אֶת צַפְרֶיךָ *et facies ungues suos*; quam phrasin ambiguum interpretum antiquiorum alii de unguibus nutriendis, alii de iis rescandis intellexerunt. Onkelos, Arabs priori modo, *ei. d.* Vulgatus et Syrus posteriori. Illam præferendam putavi, quoniam mulier ista signa luctus edere debebat. Sed tamen dubito.

13. et deposita veste, qua tanquam captiva induta fuit, maneat domi ejus et deploret parentes suos per mensem integrum, et ita demum cum ea congredi eamque in matrimonium ducere potest. 14. Quodsi *deinceps* ei displicet, liberam eam debet dimittere, vendere eam non licet, neque mancipii loco habere, quoniam eam subegerat. — 15. Si quis duas habet uxores, alteram amatam, alteram invisam, atque ex utraque filios sustulit, quorum primogenitus est ex invisa: 16. non licet ei in constituenda hæreditate inter filios suos, jura primogeniti conferre in filium amatæ, vivente adhuc filio invisæ, qui fuit primogenitus. 17. Sed hunc ut primogenitum agnoscat, eique tribuat duplicem portionem facultatum suarum omnium. Est enim virium suarum principium, huic competit jus primogenituræ. — 18. Si quis filium habet contumacem, rebellem et parentibus suis immorigerum, qui ab eis castigatus ne quidem obtemperet: 19. parentes eum deducant ad magistratum urbis in locum judicii, 20. et sic eum accusent: hic filius noster contumax est et rebellis, obedire renuit, prodigus est et ebriosus. 21. Tum omnes illius urbis incolæ eum lapident. Sic malum e medio tollere debetis, ut Israelitæ, cum hoc audierint, metuant. — 22. Si quis ob crimen capitale sup-
cio

cio affectus e patibulo suspenditur, 23. non pernoctet in eo cadaver, sed eodem die sepeliatur. Nam suspensum Deus execratur. Terram vero, quam Jova Deus vester vobis possidendam dabit, non debetis contaminare.

CAPUT XXII

Leges de rebus amissis restituendis, de sexuum vestibus non permutandis, de matre et pullis una non capiendis, de tecti lorica, de misturis illicitis, de fimbriis, de signis virginitatis, adulterio, stupro.

1. **S**i videtis popularis vestri bovem aut pecus divagari, nolite vos eis subtrahere, sed reducite ea ad illum. 2. Quodsi vobis vicinus non est, aut non notus, recipite ea apud vos et servate, donec ea illi quærenti restituere possitis. 3. Ita etiam facere debetis cum asino ejus, veste et omnino cum omni re amissa popularis vestri, quam si inveneritis, non potestis eam negligere. 4. Neque, si videbitis bovem, aut asinum alterius in via lapsum, curam ejus omittere. Juvare debetis popularem vestrum in eis erigendis. — 5. Non sese amiciat mulier vestitu virili, nec vir induat vestes mulieris; quicumque hoc fecerit, Deo est invisus. — 6. Si incideritis in via in nidum avis, sive in arbore, sive humi positum, in quo aut pulli sunt, aut ova, qui-

bus mater incubet, non licet matrem una cum pul-
lis auferre. 7. Matrem dimittite, pullos vero vo-
bis capite; ut bene vobis sit et diu vivatis. —
8. Si novam domum exstruitis, ejus tectum lorica
munite, ne culpam contrahatis mortis alterius, qui
ex eo deciderit. — 9. Ne conferatis vineam ve-
stram rebus diverſi generis; alioquin omne quod in
ea eſt, ſacrum fiet *a*), tum ſemen quod feminaviſti,
tum proventus vineæ. 10. Bove ſimul et aſino ne
arate. — 11. Schaatnes, h. e. veſtem ex lana et
lino contextam, ne induite *b*). 12. Fila contorta
vobis facietis in quatuor extremis tunicæ veſtræ,
qua amiſti eſtis. — 13. Si quis uxorem duxerit,
et cum ea congreſſus, eam ex odio calumniatus
fuerit, 14. famam ejus læſerit, dixeritque ſe eam
in

a) In textu legitur פִּן תִּקְדֹּשׁ הַקִּלְיָאָה *ne conſecretur ple-*
niendo. Multi interpretes offenderunt in ſignificatione
riori verbi קִדֵּשׁ et explicationes hujus legis dederunt
valde quæſitas. Recte, uni arbitror, *Clericus*, cum quo
etiam Ill. *Mic'aelis* conſentit (in J. M. P. IV. §. 219. p. 140).
verbum קִדֵּשׁ de pœna explicat, quam Moſes minetur
ei, qui contra hanc legem peccet, ne nempe ſacro ſiſco
addicatur, quicquid in hoc agro aut vinea creverit. —
Qui hoc fecerit, inquit Moſes, videbitur fructus illius
agri aut vineæ Deo conſecraſſe.

b) cf. Levit. 19, 19.

In primo congressu virginem non invenisse: 15. tum puellæ parentes deferant virginitatis signa ad magistratum in forum, 16. et pater coram eo rem exponat, se filiam suam viro huic dedisse in matrimonium; qui per odium 17. eam calumniatur, dum dicat, se eam non invenisse virginem, cum tamen hæc sint signa virginitatis filiæ. Simul expandat pannum coram magistratu urbis. 18. Tum hic virum illum castiget, 19. et mulctam imponat centum siclorum argenteorum, quos patri puellæ det, quoniam malum rumorem sparsit de virgine Israelitica, atque eam ita uxorem habeat, ut nunquam dimittere possit. 20. Quodsi autem reversa eam *in primo congressu* virginem non invenerit: 21. deducant puellam ante fores paternæ domus, eamque lapidibus obrutam istius urbis cives supplicio afficiant, quoniam flagitium commisit in Israele et in domo patris sui scortata est; omne autem scelus e medio vestrum tollere debetis. — 22. Si quis deprehensus fuerit concubuisse cum fœmina maritum habente, ambo juxta moriantur, cum vir, tum fœmina. Auferre debetis omne nefas e populo vestro. — 23. Si quis puellam virginem viro jam desponsatam in urbe compresserit, 24. ambos educite ante portas istius urbis et lapidando occidite. Puellam quidem, quoniam in urbe non

clamavit; virum autem, quoniam alterius uxori vim intulit. Omnia flagitia a vobis removete. 25. Si quis autem ruri puellæ desponsatæ vim intulerit: vir tantum moriatur, qui cum ea concubuit. 26. Puella autem poena immunis esto, neque capitale crimen commississe censenda est. Perinde est, ac si quis alterum aggressus vita privet. 27. Nam cum ruri puellam reperisset, clamavit illa quidem, sed nemo aderat, qui ei succurreret. — 28. Si quis puellam virginem non desponsatam constuprarit et deprehensi fuerint, 29. solvat vir ille, qui hoc fecerit, patri puellæ, quinquaginta siclos argenteos, atque eam uxorem habeat, quam nunquam repudiare possit, quoniam ei vim intulerat.

CAPUT XXIII

De iis qui jus civitatis Israeliticæ consequi poterant: de munditiis castrorum: de servo fugitivo: de meretricibus, cæditi, votis, et alienarum frugum usu.

I. Nemo novercam suam ducat in matrimonium, nec patris sui gremium retegat. 2. Nemo contritione læsus aut castratus jus habeat civitatis Israeliticæ. 3. Item peregrinus infamis ^{a)}; is neque decima

^{a)} Explicationem vulgarem vocabuli rarioris מִמֵּינֵי quod h. l. tantum et Zach. 9, 6. legitur, in dubium vocavit Ill.

cima generatione admittatur ad civitatem Jovæ,
 4. non Ammonitæ, non Moabitæ debent admitti,
 vel in decima stirpe, hoc est, nunquam. 5. Eo
 quod

III. *Michaelis* in Jure Mos. P. II. §. 139. Nimirum ex consensu versionum antiquarum et Judæorum christiani interpretes omnes מַמְצָרִים vertunt *de scorto natum*, (sic Vulgatus) sub quo tamen non liberos ex matrimonio illegitimo intelligunt, sed qui ex scorto publico s. prostibulo nati sunt. Quoniam vero duo loca, in quibus hoc vocabulum legitur, non sufficiunt ad hanc significationem certo probandam, neque ex linguis cognatis aliquid ad ejus illustrationem afferri potest, Vir Celeb. primum ipse ex conjectura divinavit, legendum esse מַמְצָרִים *macula peregrini*, h. e. peregrinus, qui populo macula s. ignominia esset; deinde ex nota marginali patris sui, quam suis bibliis adscripserat, didicit eum in eandem sententiam incidisse, non quidem ex eo, quod lectio ei suspecta esset, sed ex contextu, quoniam sequuntur species peregrinorum in perpetuum a jure civitatis Israeliticæ exclusorum, Ammonitæ et Moabitæ. Tandem quod quaesivit Vir Celeb. l. h. p. 434. an non in Codice manuscripto hoc vocabulum per Vau scriptum legatur מַמְצָרִים, confirmat collatio codicum *Kennicottii*, qui unum quidem, nec tamen nullum, codicem sub num. 236. citat, in quo scriptum extat מַמְצָרִים. Quæ omnia mihi facile hanc explanationem ut perquam probabilem et tantum non certam persuaserunt.

quod vobis cibum et potum non suppeditarunt, cum ex Aegypto essetis egressi, atque adeo mercede conduxerant Bileamum filium Beoris, ex Peto-
re Mesopotamiæ ad mala vobis imprecanda. 6. Sed Jova Deus vester hoc ei non concessit, quin potius diras ejus convertit in bona vota, quoniam vos amat. 7. Salutem et utilitatem eorum nunquam stude-
te. 8. Sed ab Edomitibus ne abhorrete, consanguinei vestri sunt; neque ab Aegyptiis, peregrini fuis-
tis in eorum terra. 9. Nati eorum in tertia stirpe admittantur ad Jovæ civitatem. — 10. In expeditione adversus hostes vestros, cavete vobis ab omni re turpi. 11. Si quis impurus factus est pollutione nocturna, castris egrediatur, neque *illo die* eo redeat. 12. Circa vesperam autem lavet se aqua, et post occasum solis in castra revertatur. — 13. Locum *certum* habetote extra castra, quo ad requisita naturæ exeatis. 14. Et instrumento ferreo, quod præter arma vobiscum feratis, fodite, et deinde egesta iterum obruite. 15. Jova enim Deus vester in castris vestris versatur, ut vos defendat, vobisque hostes vestros subjiciat. Igitur castra vestra munda sint, ne si quid foedum apud vos conspiciat, a vobis discedat. — 16. Servum, qui ad vos sese receperit, domino suo ne tradatis: 17. apud vos habitet, in loco quem ipse elegerit, quacunque

in

in urbe ei visum fuerit, nec ullo modo ei molesti estote. 18. Nulla sit ex foeminis Israeliticis prostibulum, neque ex viris cynædus. 19. Mercedem meretriciam et pretium ex vendito cane ullum ob votum ne inferatis in ædem Jovæ Dei vestri, nam utrumque æque abominatur *b*). 20. Nullas a popularibus vestris accipite usuras, neque ex pecunia, neque ex cibis, neque ex ulla alia re quam foeneratus est.

21.

b) Dissentiunt interpretes circa alteram hujus legis partem, utrum nempe כלב proprie an improprie dictum sit, pro cynado, qui in antecedente versu קרשׁ vocatur. Clericus quidem in Commentario suo hanc explicationem data opera defendit contra Bochartum (in Hieroz. P. I. Lib. II. Cap. 56.) et Spencerum (de legibus Hebr. rit. Lib. II. Cap. 36.) qui propriam vocabuli כלב significationem asseruerant, Contra Clericum vero disputavit Ikemius in Dissert. philol. theol. Disp. VI. p. 65.) atque probare studuit כלב utique proprie esse accipiendum, quoniam legislatores non verbis tropicis, sed propriis leges suas promulgare soleant. מחיר vero dicitur de quacunque permutatione, s. emptione s. venditione aut alia transactione fiat in compensationem rei traditæ, ex significatione verbi מנח in VIII. Conjug. *selegit meliorem rei partem.* Hinc מחיר כלב est id quod cum cane permutatur s. quo canis permutatur. Cujusmodi res s. pecunia Deo summæ castitatis et puritatis auctori non poterat non esse quam maxime invisa.

21. In peregrinō licitum sit vobis, non vero in popularibus vestris, ut Jova Deus vester vobis fortunet res et negotia vestra in terra, ad quam occupandam pergitis. — 22. Si votum feceritis Jovæ Deo vestro, ne moremini illud solvere. Exigit enim hoc a vobis Jova Deus vester, et culpam committetis. 23. Qua carebitis, si omnino a vovendo abstinetis. 24. Promissa servate diligenter, quemadmodum Jovæ Deo vestro sponte vovistis atque ore promissistis. — 25. Si alterius vineam intraveritis, uvas pro appetitu ad satietatem comedere, sed convasare non licet. 26. Si in alterius segetem veneritis, spicas manu carpere licet, sed non falcem ei immittere.

CAPUT XXIV

De divortii, belli immunitate, plagio, lepra curanda, pignore, mercede, humanitate in pauperes et peregrinos, et liberalitate in frugum collectione.

1. **S**i quis uxorem duxerit, remque cum ea habuerit, quæ deinde ei displiceat, quod aliquid in ea offenderit inhonestum, atque scripserit ei divortii libellum, quo eam e domo sua dimiserit: 2. e qua egressa, si alii nupserit, 3. et is quoque alter ejus maritus odium in eam conceperit, scriptoque repudiî libello dimiserit; aut si alter ejus maritus, qui
eam

eam duxerat, mortuus fuerit: 4. non potest prior ejus maritus, qui eam dimiserat, eam iterum in matrimonium ducere, siquidem polluta est, idque abominabile futurum esset coram Jova Deo vestro. Terram vero, quam vobis possidendam dedit, nullo modo debetis contaminare. — 5. Qui recens matrimonium contraxit, is non in exercitu pugnet, nec aliis muneribus sit obnoxius: Immunis sit domus ejus per integrum annum, latetur cum ducta uxore. 6. Ne quis pignoris loco accipiat molam et catillum; perinde est, ac si vitam ipsam pro pignore acciperet. — 7. Si quis convictus fuerit, quod furatus sit aliquem ex consanguineis suis, hoc est, Israelitis, quem aut ipse retinuerit, aut vendiderit aliis: fur ille moriatur, tollere debetis hujusmodi flagitium e medio vestrum. — 8. In morbo lepræ omnem operam date, ut diligenter faciatis omnia, quæ vos sacerdotes Levitæ docent: et quæ vobis præcipiunt, exsequamini. 9. Recordamini quæ Jova Deus vester fecit Mariæ in itinere post exitum ex Aegypto 4). — 10. Si mutuum dederitis alteri, quodcumque illud fuerit, nolite domum ingredi ad pignus ab eo accipiendum, 11. foris manete, et is cui mutuastis, pignus vobis foris efferat. 12. Si pauper est, cum pignore ejus ne cubitum

4) Historia legitur Num. 12, 9—16.

bitum abeatis. 13. Reddite ei pignus ante solis occasum, ut in panno suo cubare possit *b*). Qua de re vobis bene precabitur, et pro beneficio vobis reputabitur apud Jovam Deum vestrum. — 14. Mercede sua ne defraudetis mercenarium pauperem et egenum, sive sit popularis vester, sive peregrinus apud vos degens. 15. Suo quoque die date ei mercedem, antequam sol occidat. Nam pauper cupide eam anhelat, ne, si propter vos Jovam imploret, culpam contrahatis. — 16. Non moriantur patres propter filios, neque filii propter patres, quisque sui peccati poenam luat. — 17. Ne causam peregrini et pupilli in judicio pervertatis, nec pignoris loco accipiatis vestem viduæ. 18. Memores estote vos servos fuisse in Aegypto, a Jova Deo vestro exinde redemptos, propterea hæc vobis præcipio. — 19. Si messem facientes in agro omiseritis manipulum, nolite eum repetere. Peregrini sit, pupilli et viduæ. Ita vero Deus vobis res vestras omnes prosperabit. 20. Quando oleam stringitis, non singulos ramos excutiatis. Peregrini sint, pupilli et viduæ. 21. Item in vindemia ne racemini: habeant sibi reliquias peregrini, pupilli et viduæ. 22. Recordemini vos servos fuisse in Aegypto, propterea hæc vobis præcipio.

CAPUT

b) cf. Exod. 22, 25. not. *a*).

CAPUT XXV

De pœna in judicio infligenda, de bove triturrante, de uxore fratris ducenda, de muliere impudica, de ponderibus et mensuris, de delendis Amalekitis.

1. **O**rta contentione partes in judicium eant, et judices dicant sententiam. Innocentem absolvant, nocentem condemnent. 2. Qui si plagis dignus est, judex eum prostratum in suo conspectu pro criminis ratione ad numerum cædat. 3. Quadragies eum feriat, non amplius, ne si modum excedat in flagellatione, nimium affligatur frater vester in conspectu vestro a). — 4. Ne capistrum injiciatis bovi trituranti. — 5. Si fratres una habitant, et unus ex iis sine liberis moritur, defuncti uxor alieno ne nubat, levir eam ex jure suo in matrimonium

a) Verba textus פֶּן נִקְלָה אֶחָדָם לְעֵינָיו vulgo explicantur: *ne contensim habearur frater tuus*. At enim vero Ill. Michaelis recte, uti arbitror, contradixit huic explanationi (in Jure Mos. P. V. p. 52.) ex ea ratione, quod, si plagæ dehonestent, æque ignominiosum sit, num aliquis quadragies, an centies loris cædatur. Igitur Vir Celeb. ex originatione verbi קָלָה, *ussit, adussit*, existimat phrasin hebræam hujus loci respondere Latinorum formulæ, *urere loris, urere virgis*, si nimia verberatione cutis dilaceretur (*blutrünstig schlagen*). Quam ingeniosam explanationem nemo forte contemnat.

nium ducat, 6. et primogenitus, quem pariet, defuncti fratris nomen gerat, ne illius nomen ex Israelitis deleatur. 7. Quodsi nolit vir ille fratriam suam ducere, hæc in loco iudicii coram senatoribus se sistat, atque eis indicet, levirum suum nolle fratris sui nomen fervare inter Israelitas, nec eam ex jure leviratus ducere. 8. Tum advocent eum senatores illius civitatis, et cum eo colloquantur. Si præsens negaverit se velle eam ducere, 9. tum fratria ad eum accedat in præsentia senatorum, etque calceum detrahat et coram eo exspuat, ita dicens: sic sit homini, qui fratris sui familiam sobole non instruit, 10. et cognomen ei sit inter Israelitas, ut ejus familia *familia discalceati* vocetur *b*). — 11. Si duo pugnis inter se contendant et alterius uxor accedat sui viri defendendi causa ab eo a quo pulsatur, et prehendam hujus pudenda: 12. absque misericordia manum ei præcidite. — 13. Ne habeatis in crumena vestra diversum pondus, majus et minus, 14. neque in ædibus vestris diversam mensuram, majorem et minorem. 15. Pondera et mensuras justas et æquas habetote, ut diu vivatis in terra, quam vobis Jova Deus vester dabit. 16. Ille enim abominatur omnes, qui hoc aut aliud quodcunque scelus admittunt. — 17. Mementote quæ

vobis

b) cf. Genes. 38, 8. not. c).

vobis Amalekitæ fecerint in itinere post exitum vestrum ex Aegypto. 18. Quomodo vobis in itinere occurrerint atque extremos vestros carpsierint, festos et fatigatos, nihil Deum veriti c). 19. Igitur cum Jova Deus vester quietem vobis concefferit ab omnibus hostibus vestris finitimis, in terra quam vobis possidendam dabit, memoriam adeo Amalekitarum e terrarum orbe delete. Ne horum obliviscamini d).

CAPUT XXVI

*De ritibus in oblatione primitiarum observandis, de decimis
certis cujusque anni. Conclusio hujus
sermonis.*

1. **Q**uum perveneritis in terram, quam Jova Deus vester vobis possidendam dabit, eamque occupatam inhabitaveritis, 2. de primitiis omnium frugum, quas perceperitis in terra a Jova Deo vestro vobis donata, reponatis in canistro eoque abeatis ad locum cultui sacro a Jova Deo vestro destinatum a),
3. et

c) Historiam legimus Exod. 27, 8. seqq. ubi tamen hæc circumstantia non narratur, sed tantum prælium cum Amalekitis commissum, ex quo Israelitæ superiores discesserunt.

d) Incertum est, utrum de facto Amalekitarum, an de Mosis præcepto hoc intelligendum sit.

e) cf. Cap. XII, 5. not. e).

3. et sacerdotem tunc futurum his forte verbis alloquimini: profiteor hodie apud Jovam Deum tuum, me pervenisse in terram, quam majoribus nostris jurjurando promiserat. 4. Tum sacerdos accipiat canistrum e manibus vestris, idque ante aram Jovæ Dei vestri deponat. 5. Vos vero ita pergatis: pater meus Syrus fuit oberrans. In Aegyptum profectus ibi peregrinatus est cum suis non ita multis; sed ibi excrevit in gentem magnam, potentem et numerosam. 6. Cum Aegyptii nos graviter affligerent et dura servitute premerent, 7. clamavimus ad Jovam majorum nostrorum Deum; is nos exaudivit viditque miseriam nostram, laborem et afflictionem. 8. Eduxit nos ex Aegypto insigni potentia et virtute, terribili judicio, signis et prodigiis, 9. et introduxit nos in hunc locum, dedit nobis hanc terram optimam et fertilissimam. 10. Jam igitur offero primitias frugum terræ, quam tu, o Jova, mihi dedisti. — Et simul deponetis eas coram Jovæ Deo vestro eum suppliciter adorantes: 11. quo facto læta convivia, adhibitis Levitis et peregrinis apud vos degentibus, instituantur propter bona ista omnia vobis et familiis vestris ab eo tributa. — 12. Quum persolveritis omnes proventus vestri decimas *b)* tertio anno, qui est harum decimarum annus,

b) Sermo est de decimis secundis, cf. Cap. 12, 6. not. *b*).

nus, et *ex iis* dederitis Levitis, peregrinis, pupillis, et viduis, ut in urbibus vestris ad satietatem comedere possint: 13. tunc coram Jova Deo vestro hanc professionem edere potestis: Removi sacrum ex aedibus; dedi illud Levitis, peregrinis, pupillis, et viduis, omni modo quo præcepisti. Non transgressus sum leges tuas, neque earum fui immemor. 14. Non comedi de eo in luctu, nec sustuli aliquid in usum immundum, nihil de eo dedi mortuo, tuæ, o Jova, voluntati obtemperavi, feci omnia quæ præcepisti. 15. Respice *ad nos* ex sede tua sancta ex cælo. Fave populo tuo, Israeli, et terræ quam nobis dedisti, quemadmodum majoribus nostris jurando promissisti, terram rebus optimis et præstantissimis abundantem. — 16. Hoc ipso die Jovæ Deus vester vobis præcipit observare jura hæc et statuta omnia. Diligenter igitur ea tenete toto corde et toto animo. 17. Vos quidem Jovæ hodie principatum conceditis *c*), ut nempè sit Deus vester, ut ex voluntate ejus vivatis, leges et præcepta ejus servetis eique in omnibus morem geratis. 18. Ideo quo-

c) hebr. **הָאֵמַרְתָּ** in Hiphil tantum h. l. et sequenti versu legitur. Significat in quarta conjugatione apud Arabes *principatum alicui concedere*, quæ significatio h. l. est aptissima. cf. *Glossius* p. 259.

- quoque Jova vobis hunc honorem concedit, ut vos populum suum esse declaret, quemadmodum vobis promisit, et ut ejus præcepta servetis, 19. ut vos omnibus aliis gentibus a se conditis reddat superiorem, ut laude, honore et gloria floreatis, ut faceretis populus Jovæ Dei vestri, quemadmodum promisit.

CAPUT XXVII

De lege tabulis lapideis insculpenda, usque prope Sichemum erigendis. De nova in montibus Ebal et Garizim fœderis pactione et solenni dirarum proclamatione.

Porro Moses et Israelitarum proceres a) populo edixerunt: observate omnia præcepta, quæ ego vobis hodie injungo. 2. Nimirum quando trajecto Jordano perveneritis in terram, quam Jova Deus vester vobis dabit, erigite lapides magnos, quibus calce obductis 3. inscribite verba hujus legis omnia b). Postquam *Jordanum* transiistis in terram, quam

a) Præsentes sine dubio in illa legatorum populi concione, eoque ipso promittentes se diligenter omnia, quæ Moses jussit, esse executuros.

b) Incertum est, quænam lex sit intelligenda. Alii Decalogum, alii Deyteronomium, alii totum Pentateuchum, alii tantum maledictiones et benedictiones quæ in fine capitis legun-

quam vobis Jova Deus vester donabit, terram rebus optimis abundantem, quemadmodum majorum vestrorum Deus vobis promissit. 4. Igitur Jordano trajecto erigite lapides illos, de quibus vobis dixi, in monte Ebal c), eosque calce obducite. 5. Atque

leguntur, volunt his lapidibus esse inscriptas. De decalogō nihil Moses habet, neque de eo aliquid legitur in executione hujus mandati a Josua curata Cap. VIII. Deuteronomium et multo magis omnes quinque Mosi libri tantam tabularum lapidearum multitudinem requisivissent, quam locus, in quo erigendæ erant, vix cepisset, ut alia taceam, quæ hanc sententiam parum probabilem reddunt. Equidem assentior iis, qui has ipsas maledictiones et benedictiones intelligunt, quæ in solenni isto conventu ex illis montibus debebant proclamari. Sic quoque *Josephus* intellexit Antiquit. Jud. Lib. IV. Cap. VIII. segm. 44.

c) Codex Samaritanus pro monte Ebal substituit montem Garizim. Quam lectionem *Kennicottus* in Dissert. II. super ratione textus hebr. Cap. I. data opera defendit, et Judæos corruptionis temerariæ textus hebræi convincere voluit. At enimvero *Kennicottum* Samaritanorum causam male defendisse, tum alii jam monuerunt, tum novissime S. R. *Verfchuur* (in Dissertatt. philol. exegeticis p. 44 seqq.) qui argumentum primarium quo *Kennicottus* usus est, tam solide refutavit, ut vel Ill. *Michaellem* Kennicotti sententiæ antea faventem ad partes suas traheret. (Biblioth. Orient. P. VI. p. 45.) Nimirum Anglus ille* Celeb. contendit,

que ibidem aram exstruite Jovæ Deo vestro lapideam ferro non adhibito. 6. In hac ara ex lapidibus

aram una cum lapidibus non in monte Ebal fuisse exstructam, sed in monte Garizim, quoniam in illo imprecationes debebant pronuciari, in hoc vero benedictiones, inter quas sacrificia a populo cum gaudio essent peracta. At enim vero S. R. *Verfchuir* hoc ipso argumento contra *Kennicorum* uritur. Quoniam enim tota hæc caerimonia fiebat in sanctionem fœderis cum Israelitis denuo sub ingressum terræ occupandæ percussi, sacrificia, quæ in hoc fœdere uti in omnibus aliis offerebantur, necessario in eo monte mactata sunt, in quo populus sub dirarum illarum pronunciatione promisit, velle se fœderis condiciones omnes implere, qui e consensu utriusque Codicis hebræi et Samaritani fuit mons Ebal. S. R. *Verfchuir* in hujus suæ sententiæ probationem pluribus adstruit discrimen, quod fuerit inter fœdus Moabiticum et Sinaiticum, illudque inprimis sub diris imprecationibus sancitum esse defendit. Sed quanquam Viro Celeb. in eo non assentior, fœdus illud Moabiticum novum prorsus et diversum a Sinaitico fuisse, tamen hæc, ejus hypothesis ad quæstionem hujus loci vel intelligendam vel dijudicandam nihil facit. Convenit hoc inter omnes in fœderis sanctione sacrificia esse adhibita, quibus partes paciscentes mala sibi imprecabantur, si fœderis condiciones violarent. Igitur ara, in qua sacra illa fieri debebant, necessario in monte Ebal fuit erecta. Dei vero erat fidem in servando fœdere monstratam remunerari quasi promissionibus, quod factum est ex monte Garizim.

a)bus impolitis exstructa immolate holocausta Jovæ
 Deo vestro. 7. Ibi macerate sacrificia eucharistica
 et epulas sacrificales instruite et ferias agite coram
 Jova Deo vestro. 8. Lapidibus autem illis verba
 omnia hujus legis clare et perspicue inscribite. —
 9. Porro Moses et sacerdotes Levitæ universo Israe-
 li edixerunt: Attendite Israelitæ! Vos hodie facti
 estis populus *sacer* Jovæ Deo vestro. 10. Igitur
 huic obtemperate et observate præcepta et statuta
 ejus, quæ ego vobis jam injungo. — 11. Præ-
 terea Moses tunc populo dixit: 12. Hi ad bene
 precandum populo stent in monte Garizim, quando
 Jordanum trajecistis: Simeon, Levi, Juda, Isaschar,
 Joseph, Benjamin. 13. Ad imprecandum stent in
 monte Ebal: Ruben, Gad, Ascher, Sebulon, Dan,
 Naphtali. 14. Sic vero Levitæ coram omnibus Is-
 raelitis d) alta voce exclament: 15. Male pereat e)
 qui

d) Jos. 8, 33. totus Israel explicatur per seniores, tribunos
 et judices totius populi partes sustinentes. Neque enim
 verisimile est, terminos horum montium cum valle inter-
 jecta cepisse omnes et singulos Israelitas, peregrinos æque
 ac indigenas, quemadmodum Josuæ l. c. legitur. Tot in-
 terfuērunt sacræ caerimonie, quot locus capiebat.

e) hebr. מלך *maledictus*, h. e. dignus cui mala omnia
 eveniant.

qui sculptum aut fustum simulacrum fecerit, quod Jova abominatur, opus fabрили manu factum, quod in occulto ponat. Et respondeat omnis populus: Ita. 16. Male pereat, qui patrem aut matrem diffamarit *f*), et respondeat omnis populus: Ita. 17. Male pereat, qui terminos alterius submove- rit. Et respondeat omnis populus: Ita. 18. Male pereat, qui cœcum a via seduxerit. Et respondeat omnis populus: Ita. 19. Male pereat, qui peregrinum, pupillum et viduam jure suo defraudave- rit. Et respondeat omnis populus: Ita. 20. Male pereat, qui cum noverca sua concubuerit, nam pa- tris sui gremium retexit. Et respondeat omnis populus: Ita. 21. Male pereat, qui cum bestia rem habuerit. Et respondeat omnis populus: Ita. 22. Male pereat, qui cum sua five ex patre five ex matre sorore concubuerit. Et respondeat omnis popu-

f) Sic verto verbum hebraicum *מקלה* quod ex significa- tione sua primaria *ussit* etiam de ignominia nota, quæ alicui inuritur, usurpatum fuisse apparet ex substantivo *קלון*. *Olé* habent *ατιμίαν*. Vulgatus: *qui non honorat*. Syrus: *מִן דִּנְיָהָ*. Onkelos verbum hebraicum habet: *דִּיקָלִי*. Videntur hi interpretes *קלה* cum *קלל* confu- disse. Quod an recte fiat dubito, quanquam lingua chal- daica confirmare videtur eandem utrique verbo significatio- nem fuisse communem.

populus: Ita. 23. Male pereat; qui cum socru sua concubuerit. Et respondeat omnis populus: Ita. 24. Male pereat, qui alterum clam interfecerit. Et respondeat omnis populus: Ita. 25. Male pereat, qui munus acceperit ad cædem patranda. Et respondeat omnis populus: Ita. 26. Male pereat, qui non omnia hujus legis præcepta diligenter executus fuerit. Et respondeat omnis populus: Ita.

CAPUT XXVIII

Magnam felicitatem Moses promittit Israelitis, si legem servarent, et minatur pœnas gravissimas, si eas transgrederebantur.

1. Si Jovæ Deo vestro morem gesseritis, ut fervetis ejus præcepta, quæ vobis jam injungo; principem vos omnium totius terrarum orbis gentium efficiet. 2. Evenient vobis, semperque juncta erunt bona hæc omnia. 3. Felices eritis in urbe, felices ruri. 4. Felices erunt fructus uterorum vestrorum, terræ, pecoris; foetus armenti vestri, et greges ovium. 5. Felicia canistra vestra et mæstræ. 6. Felices eritis redeuntes, felices exeuntes. 7. Profligabit Jova hostes vestros vos aggredientes. Una via vos invadent, et septem viis fugient. 8. Jubebit Jova, ut felicitas vobis adsit in horreis et in omnibus negotiis vestris. Fortunabit vos in terra,

Xx 5

quam

quam vobis dedit. 9. Constituet vos populum sibi sacrum, quemadmodum vobis jurejurando promisit, si praecepta ejus servaveritis et secundum ea vitam institueritis. 10. Videbunt omnes terrarum orbis nationes vos Jovæ populum esse, vosque timebunt. 11. Efficiet vos bonis abundantes, fructu uterorum, pecoris, agrorum in terra, quam majoribus vestris jurejurando promisit. 12. Aperiet vobis thesauros suos, bona cœli, dabit pluviam terræ vestræ tempestivam. Prosperabit labores vestros. Mutuabitis multis gentibus, vos* vero non mutuo sumetis. 13. Jova vos principem, non ultimam gentium constituet *a*). Superiores, nunquam inferiores eritis, si observaveritis Jovæ Dei vestri praecepta, quæ ego vobis injungo, 14. neque ab his edictis meis vel ad dextram vel ad sinistram deflexeritis, conversi ad alios Deos quos colatis. — 15. At enim vero si Jovæ Dei vestri voluntati non obtemperaveritis, ut praecepta et statuta ejus fervetis, quæ vobis jam injungo, vobis evenient, semperque juncta erunt mala hæc omnia: 16. Infelices eritis in urbe, infelices ruri. 17. Infelicia erunt canistra vestra et mactræ. 18. Infelices fructus uterorum vestrorum et terræ vestræ, foetus armenti et greges ovium.

19.

a) hebr. *efficiet te caput, non caudam*, est dictio proverbialis. cf. v. 44. et *Eccl.* 2, 14. 15.

19. Infelices eritis in reditu, infelices in exitu.
 20. Immittet Jova vobis maledictionem, perturbationem, exitium omnibus laboribus quos suscipitis, ita ut destructi cito pereatis propter morum vestrorum improbitatem, qua eum deseruistis. 21. Pestis vos afficiet, donec vos consumserit et terra, ad quam occupandam pergitis. 22. Infiget vobis phthisin, febrem, ardorem, inflammationem, siccitatem, uredinem et icterum ^{b)}, quæ vos ad perniciem usque persequentur. 23. Cælum super vobis erit æneum, et terra subter ferrea. 24. Demittet Jova in vos loco pluviae pulverem et arenam, donec perditifueritis. 25. Efficiet ut cadamini ab hostibus vestris. Una via exhibitis, et septem fugietis. Oberrabitis per omnia terrarum orbis regna. 26. Cadavera vestra ab avibus rapacibus et feris animalibus confumentur nemine abigente. 27. Afficiet vos Jova ulceribus Aegyptiacis, mariscis, porrigine, scabie insanabili, 28. amentia, cæcitate, mentis stupore.

b) Qui morbi in lingua latina aut germanica his nominibus morborum hebraicis respondeant, nemo tuto dixerit. Conjecturæ ex verborum origine petita incertæ sunt. — שרפון et ירקון alias sunt vitia frumenti. Sed in hoc contextu malum ea etiam de morbis humanis explicare, cf. *Michaelis* quæstiones arab. p. 189. seqq.

stupore. 29. In ipsa meridie palpabitis, sicuti cæcus in tenebris. Nihil vobis prospere succedet, semper opprimemini et diripiemini, defendente nemine. 30. Uxores vobis despondebitis, alii eas stuprabunt, domos exstructis, quas non inhabitabitis, vineas conferetis, nec percipietis earum fructus. 31. Boves vestri vobis spectantibus mactabuntur, sed vos de eis non comedetis. Asini vestri vobis eripientur, neque ad vos redibunt. Oves vestræ tradentur hostibus, nec erit qui vos defendat. 32. Filii filiæque vestræ captivi abducentur a populo peregrino vobis spectantibus, et magno eos juvandi desiderio tenebimini, nec vires habebitis, ut eos liberare possitis. 33. Terræ laborumque vestrorum fructus consumet populus tibi ignotus, semperque oppressi eritis et vexati. 34. Mente moti eritis propter ista spectacula quæ *quotidie* videtis. 35. Afficiet vos Jova malis ulceribus et insanabilibus in genibus et cruribus a planta pedis ad verticem usque. 36. Abducat Jova vos et regem vestrum in gentem vobis et majoribus vestris ignotam, ibi coletis alios Deos ligneos et lapideos. 37. Obstupefcent gentes, ad quas vos Jova abegerit ad calamitatem vestram, derisio et derisioni eritis. 38. Multum feminis efferetis in agrum et parum metetis, locustæ *segetem* consumment. 39. Vineas conferetis et coletis, sed
vinum

Vinum neque bibetis, neque uvas colligetis, convolutus *racemos* corrumpet. 40. Oleas habebitis in terra vestra, nec oleo vos poteritis ungere, quoniam olivæ excutientur. 41. Filios et filias gignetis, sed non vestri erunt, quoniam captivi abducuntur. 42. Arbores et terræ fruges corrumpet locusta. 43. Peregrini, qui apud vos degunt, magis magisque crescent, vos magis magisque decrescetis. 44. Illi vobis mutuabunt, vos non illis. Illi superiores, vos inferiores eritis. 45. Hæc mala vobis evenient, vos persequentur et ad internecionem usque perdent, quoniam Jovæ Deo vestro non morem gessistis, ut præcepta et statuta, quæ vobis dedit, servaretis, 46. eruntque in vobis et posteris vestris signum et exemplum, 47. quoniam Jovam Deum vestrum non coluistis læto et hilari animo ex omnium rerum copia. 48. Servietis hostibus vestris ad quos ille vos propellet in fame, siti, nuditate et omnium rerum inopia. Ferreum jugum vobis imponet ad perniciem usque vestram. 49. Adducet Jova in vos gentem remotam ab extremis terræ finibus, aquilæ instar velocem, gentem cujus linguam non intelligetis, 50. atrocem, quæ nec senis rationem habet, nec pueri miseretur. 51. Fructus pecoris et terræ vestræ consumet, donec *fame* periistis. Non relinquet vobis frumentum, mustum, oleum,

oleum, fœtus armenti, aut pecoris greges, donec vos prorsus confecerit. 52. Oppugnabit vos in urbibus terræ vestræ, donec muros illos altos et munitos, quibus confidebatis, dejecerit. Oppugnabit, *inquam*, vos in oppidis terræ vestræ, quam Jova Deus vester vobis dedit. 53. Comeditis fructum ventris vestri, carnem liberorum vestrorum, quos Jova Deus vester vobis dedit, præ obsidionis angustia qua vos hostes vestri prement. 54. Vir mollis et valde delicatus invidet fratri suo, aut uxori carissimæ, aut filio superstiti. 55. dare de carne filiorum suorum, quos præ inopia rerum aliarum omnium comedere cogetur in obsidionis angustia, qua vos hostes in omnibus oppidis vestris arctabunt. 56. Fœmina mollis et adeo delicata, ut præ mollitie et deliciis non sustineret pede humum tangere, invidet marito dilecto, filio suo, aut filiæ. 57. dare de secundinis a se editis, aut de filiis recens natis, quos præ omnium rerum inopia ipsa clam comedit, propter obsidionis angustiam, qua vos hostes in oppidis vestris prement. 58. Nisi diligenter obtemperaveritis omnibus legibus in hoc libro scriptis, ut nomen hoc gloriosum et venerandum *Jovam Deum vestrum* revereamini: 59. hic miras plagas vobis et posteris vestris infliget, plagas graves et diu durantes, morbos pessimos et incurabiles. 60. Affliget vos
omni-

omnibus Aegypti morbis, a quibus vobis timetis, quique vobis p rpetuo inh rebunt. 61. Omnes quoque morbos et plagas non nominatas in hoc legis libro vobis immittet, donec consumti fueritis. 62. Pauci tantum superstitēs eritis, qui jam stellarum multitudinē  quetis, eo quod Jov  Deo vestro morem non gessistis. 63. Et quemadmodum gavisus est Jova vobis benefacere vosque augere; ita gaudebit vos perdere et delere. Exterminabimini   terra mox a vobis occupanda, 64. et dispergemini per omnes toti s terrarum orbis nationes, ibi coletis deos alios vobis et majoribus vestris ignotos, ligneos, lapideos. 65. Neque inter has gentes felices vivetis, nullus in quo quiescere possitis locus concedetur. Jova vos ibi quoque mentis agitatione, anxio desiderio et animi m erore affliget. 66. Vitam agētis anxiam, noctu diuque metuetis, nunquam vos tutos existimabitis. 67. Mane vesp ram, et vesp re mane optab tis, tanto timore agitabimini, tantopere vos omnia qu  videtis terrebunt. 68. Navibus Jova vos deportari sinet in Aegyptum, quam terram nunquam a vobis revisendam dixerat, ibi vendemini hostibus vestris in servos et servas *tanta multitudine*, ut emtores desint. — 69. Hoc est f edus, quod jussu Jov  Moses pepigit cum Israelitis in regione Moabitica, pr ter illud quod cum eis ad Horebum pepigerat.

CAPUT

CAPUT XXIX

Hortatur Moses ad fœderis conditiones implendas et servandas, et fœdisfragis interitum atque perniciem minatur.

1. **C**onvocavit Moses omnes Israelitas *a)* atque hunc in modum ad eos verba fecit: Vidistis quæ Jova fecit in Aegypto Pharaoni, ejus aulicis et omni ejus terræ. 2. Mala illa gravissima innuo, signa et prodigia horrenda, quibus vos ipsi spectatores interfuistis. 3. Neque tamen ad hunc usque diem Jova vobis dedit mentes intelligentes, oculos ut videre, aures ut audire possetis. 4. Duxi vos quadraginta annos in deserto. Non obsoleverunt vestimenta vestra, nec calcei detriti sunt in pedibus vestris *b)*. 5. Panem non comedistis, nec vinum aut potum fortiozem bibistis. Ex quo Jovam Deum vestrum cognoscere debebatis. 6. Pervenistis tandem in hunc locum. Hic obviam nobis processerunt Sichon rex Chesbonis et Ogus rex Basanis, ut prælium nobis committerent: hos vicimus, 7. et terram eorum captam distribuimus inter Rubenitas, Gaditas et dimidiam tribum Manassis. — 8. Implete omnes hujus

a) Quomodo hæc sint intelligenda, dictum est ad Caput I: sub *

b) cf. Cap. 8, 4. not. c).

jus fœderis conditiones diligenter, sic enim felices eritis in omnibus, quæ susceperitis. 9. Vos omnes hodie statis coram Jova Deo vestro, tribuum vestrarum principes, senatores, scribæ, omnes omnino Israelitæ, 10. liberi vestri, mulieres, peregrini in castris vestris versantes, ipsique adeo lignatores et aquatores, 11. ad fœdus cum Jova Deo vestro adhibito sacramento ineundum c), quod ille vobiscum hodie pangit, 12. quo vos populum suum Deumque vestrum esse declarat, quemadmodum vobis promisit, et majoribus vestris Abrahamo, Isaaco et Jacobo juravit. 13. Neque solum vobiscum ego hoc fœdus et sacramentum sancio: 14. sed tum cum his qui adsunt et coram Jova Deo nostro stant, tum etiam cum his, qui nondum adsunt d). 15. Meministis enim commorationis nostræ in Aegypto atque itinerum nostrorum per varias gentes. 16. Vidistis sacra earum abominabilia, idola earum lignea et lapidea, argentea et aurea. 17. Ne sit inter vos vir, aut fœmina, aut familia, aut tribus, quæ

c) Verba textus לַעֲבֹדָה בְּבְרִית יְהוָה ut *transfers per partes victimarum sectas*, explicanda sunt ex ritu in fœderibus pangendis solenni, de quo dictum est ad Genes. 15, 10.

cf. Jerem. 34, 18.

d) h. e. cum posteris vestris.

quæ animo a Jova Deo nostro averſo ſibi proponat colere iſtarum gentium deos, ne ſit inter vos radix progerminans venenum aut abſinthium e).

18. Qui auditis hujus ſacramenti verbis ſibi ipſo blandiatur, ſibi quæ perſuadeat felicem ſe futurum, ſi quoque ex mentis ſuæ pertinacia vivat, atque ita cupiditates ſuas foveat f).

Jova

e) Hebr. ראש ולענה. Nondum ſatis certa eſt ſignificatio utriusque vocis. De illo quidem egit *Celfius* in Hierobot. P. II. p. 46. et *cicutam* eſſe defendit, de hoc Part. I. p. 480. quod *abſynthium* eſſe ſtatuit. Prioris ſignificationem inprimis in dubium vocavit Ill. *Michaelis* in Quæſt. Arab. p. 144. utpote non ſatis tuto a *Celfio* probatam. Poſui vocabulum generis *veneni*, a quâ ſententia ipſe Vir Celeb. alienus non eſt l. c. Caterum dictio eſt proverbialis, cujus ſenſus eſt: ne ſit aliquis rebellis adverſus legem primariam de uno Deo colendo, atque hæc ſecum cogitet, quæ in ſequenti verſu leguntur.

f) Verba textus ſic habent: למען ספורת הרה את הַצִּמָּה, quæ perquam diverſimode explicantur. Mihi quidem Clerici interpretatio verbis et contextui ſatis apta videtur, ut addas irrigationem terræ ſitienti. הַצִּמָּה eſt ſubſtantivum, idem quod הַרְיָה (ex quo fortasſe contractum eſt) irrigationem ſignificans, ad הַצִּמָּה ellipſis ſubſtantivi ארץ aut ארמה terra nemini dura videbitur. Quorum troporum facillimam explicationem oſtendunt antecedentia:

Jova hujusmodi homini, sed ira ejus et æmulatio in eum exardescet, incumbent ei omnes imprecationes in hoc libro scriptæ, memoriam ejus Jova delebit ex hoc universo. 20. Separabit eum ex omnibus tribubus Israeliticis ad mala ei inferenda, quibus hoc fœdus in hoc libro consignatum sancitum est. 21. Quodsi deinde aliquando futura generatio, liberi vestri qui post vos existent, aut peregrini ex remotis regionibus advénæ, videbunt calamitates hujus terræ, et afflictiones, quibus Jova eam contriverit, 22. sulphure et sale combustam, non constam, non gramen, non herbam progerminantem;

dentia: ne sit inter vos, sit Moses, qui sibi persuadent, se saluum et incolumem futurum esse, quamvis ex animi sententia vivat et agat. Jam, quæso, quid irrigatio esse potest, nisi ex ipsa cogitationes, quæ in hujusmodi Israelitæ animo, qui cum terra sitiensi comparatur, fovebant desiderium illud idololatriæ, atque ita suaves et optatæ ei erant, ut irrigatio terræ sitiensi. Simillimus locus est apud Esaiam, qui eodem tropo utitur ad beneficia describenda, quæ Deus conferre velit ea desiderantibus. Cap. 44, 3. Ne timeas, Jacobe, nam effundam aquam מַיִם עַל in scientem et fluentem יַבְשָׁה עַל in siccam sc. humanam. Sic Moses, modo de re contraria, eandem metaphoram adhibet de falsa et impia spe, qua Israelitæ pravæ suæ cupiditates fovebant.

nantem, Sodomæ et Gomorrhæ, Adamæ et Zeboim per Jovæ iram æstuantem everfis similem: 23. interrogabunt *illi g)* aliæque gentes; cur Jova huic terræ ita fecerit, quæ causa sit hujus tantæ iræ fervescantis; 24. tum eis respondebitur: quoniam *ejus incola* violato fœdere, quod Jova Deus majorum eorum cum eis ex Aegypto eductis fecerat, 25. alios deos coluerunt et adorarunt ipsis ignotos, neque *a Jova assignatos h)*. 26. Propterea ira ejus exarsit in hanc terram, ut adduceret in eam omnes diras in hoc libro scriptas, 27. atque *ejus incolæ* ex terra sua ejiceret magna cum ira et indignatione, atque in alias regiones expelleret, in quibus etiamnum vivunt. 28. Occulta, Jovæ Dei nostri sunt. Revelata autem ad nos et posteros nostros pertinent in perpetuum, ut nos impellant ad omnia hujus legis præcepta servanda *i)*.

CAPUT

g) Mutavit subiectum querens. Nam in hoc versu est apodosis periodi, quæ incipit in vers. 21.

h) hebr. *לֹא יָדָעוּ* cf. Cap. 4. 19.

i) Sensus videtur esse hic: Israelitas non debere nimis curiose querere, quando aut quomodo Deus pœnas illas in eorum posteros sit immisurus; hæc Dei esse, cui futura tantum cognita sint et perspecta. Quæ vero universe de his revelata sint, ea debere ipsos ad obedientiam legibus præstandam impellere.

CAPUT XXX

*Promissit populo resipiscens veniam. Legem ipsam vero
tam clare explicaram esse mones, ut nemo se ejus
ignorantia possit excusare.*

1. **Q**uando autem hæc omnia, tum fausta tum infausa, quæ vobis jam exposui, evenerint, vosque eorum memineritis inter gentes, ad quas vos Jova Deus vester propellet, 2. atque ad eum reversi ejus voluntati obtemperaveritis in omnibus, quæ vobis jam præcipio, una cum liberis vestris toto corde totoque animo eum reverentes: 3. Ille Jova Deus vester vos ex captivitate reducet, atque vestrum misertus, ex omnibus gentibus inter quas vos dispererat, colliget. 4. Si qui vestrum ad extremas cœli regiones dispersi essent, tamen eos inde colliget, 5. vosque reducet in terram, quam majores vestri tenuerunt, atque feliciores et potentiores quam majores vestros efficiet. 6. Liberabit vos et posteros vestros ab ista mentis pravitate ^{a)}, ita ut eum toto corde et animo ametis. Quæ vestra erit felicitas. 7. Hostibus vero vestris et adversariis, qui vos persequuntur, immittet ista mala omnia. 8. Quodsi sic ad Jovam reversi ei obtemperatis et præcepta ejus exsequimini, quæ vobis

Yy 3

jam

^{a)} hebr. circumcidat Jova cor tuum et cor seminis tui.

jam injungo, 9. vos felices reddet in omnibus negotiis vestris, in liberis vestris, in pecore alendo, in agricultura, imo lætabitur de felicitate vestra, quemadmodum de majoribus vestris est lætatus. 10. Sed sub hac conditione, ut ei pareatis, ut præcepta et statuta ejus in hoc libro legis scripta servetis atque ad eum toto corde et animo revertamini. — 11. Hæc vero præcepta, quæ vobis jam exposui, non nimis ardua sunt, neque captum vestrum excedunt. 12. Non in cœlo sunt, ut vobis dicendum sit; quis in cœlum ascendat et inde ea nobis repetat et explicet, ut ea facere possimus? 13. Non trans mare sunt, ut optandum vobis sit; quis mari trajecto ea nobis reportet et explicet, ut ea facere possimus? 14. Valde propinqua vobis sunt, ut exactissimam eis obedientiam possitis præstare. 15. En! propono vobis hodie vitam et felicitatem, mortem et infelicitatem: 16. dum vobis præcipio, ut ametis Jovam Deum vestrum, ut secundum leges, jura et statuta ejus vitam vestram instituatis. Sic enim felices eritis et crescetis; atque Jova Deus vester vos fortunabit in terra, ad quam occupandam vaditis. 17. Sin autem mutatis animis non obtemperaveritis, sed in errorem prolapsi Deos alios adoraveritis et colueritis, 18. prædico vobis, vos perituros esse, neque diu ætatem pro-

producturos in terra, quam trajecto Jordano occupabitis. 19. Cœlum et terram testor, me vitam et mortem vobis proposuisse, felicitatem et infelicitatem. Eligite igitur vitam, ut felices sitis vos et posterī vestri. 20. Amate Jovam Deum vestrum, obtemperate ejus voluntati, ei adhærete. Sic enim felices eritis et diu vivetis in terra, quam majoribus vestris, Abrahamo, Isaaco et Jacobo, interposito jurejurando promisit.

CAPUT XXXI

Moses deposito suo munere. Josuam populi ducem constituit, Legem literis consignatam tradit sacerdotibus, septimo quoque anno in solenni conveniū populo prælegendam.

Convocat populum ad carmen fatidicum ei prælegendum, quod memoria mandent.

1. **T**um quoque Moses hunc in modum ad Israelitas verba fecit: 2. Annum jam ago vicesimum supra centesimum. Non possum ulterius rebus præesse, et Jova mihi indicavit, me non transiturum esse Jordanum. 3. Ille vero Deus vester vobis præcedet, ille perdet gentes istas, quarum terram occupabitis. Josua dux vester erit ex Jovæ voluntate. 4. Qui idem istis gentibus faciet, quod Sichoni fecit et Ogo Amoritarum regibus eorumque terræ, quos evertit. 5. Sic illas quoque vobis tradet, ut

cum eis agatis ex præscripto, quod a me acceptistis. 6. Fortes estote et alacres. Nolite eos timere, aut formidare. Jova Deus vester vobis adest, vos non relinquet aut deseret. — 7. Tunc Josuam allocutus est præsentibus omnibus Israelitis: Fortis esto et strenuus, tu enim perduces hunc populum in terram, quam ejus majoribus Jova jurejurando promisit, eamque inter eos divides. 8. Jova te antecedit, is tibi aderit, non te deseret aut relinquet. Ne igitur timeas, aut consterneris. — 9. Deinde Moses legem literis consignatam tradidit sacerdotibus arcam fœderis portantibus, omnibusque Israelitarum senatoribus, 10. cum hoc mandato: ut septimo quoque anno in solenni conventu anni moræ a) festo tabernaculorum, 11. quando omnes Israelitæ coram Jova in loco cultui suo destinato convenirent, hanc legem audientibus omnibus Israelitis prælegerent: 12. Tunc congregato universo populo viri et feminae, liberi et peregrini, audirent et discerent et timerent Jovam Deum suum, ejusque legem diligenter observarent: 13. ut liberi quoque eorum, qui nihil *his de rebus* novissent, audiendo discerent Jovam Deum suum timere. *Idque facerent*, quamdiu viverent in terra, ad quam occupandam mox Jordanum essent trajecturi. —

a) cf. Cap. 15, 2.

14. Porro Jova Moſi indicavit, inſtare tempus quo moriatur, igitur cum Joſua adeſſet ad tentorium conventus, velle ſe ei ſua mandata dare. Cum uterque in dicto loco conveniſſet, 15. ibi apparuit Jova in nube, quæ ad introitum tabernaculi ſubſtitit, 16. atque Moſen hiſ verbis eſt allocutus: Te quidem apud majores tuos cubante hic populus peregrinos ejus terræ deos ſectabitur, in qua conſederunt, me relicto, et ſœdere, quod cum eo pepigeram, violato. 17. Tum ego iratus eos deferam, atque favore meo eis ſubtracto ab hoſtibus ſuis conſicientur, et multa et graviſſima mala experientur: tunc quidem agnoſcent iſta omnia ſibi evenire, quod ego eis non adſum. 18. Sed ſubtraham tunc eis meum favorem, propter tot ſcelera ab eis commiſſa, cum alios deos ſectarentur. 19. Scribite igitur hoc carmen, et cura ut Iſraelitæ illud memoriæ mandent. Hoc teſtabitur contra eos aliquando, 20. cum a me introducti in terram, quam majoribus eorum ſaravi, fertilem et opimam, bene paſti pingues evaſerint, et ſe converterint ad deos peregrinos, quos colent me ſp̄cto et ſœdere quod eis mecum intercedit violato. 21. Quando tunc eis evenient mala multa et calamitates, teſtabitur contra eos hoc carmen. Nam nec poſteri eorum debent ejus obliviſci. Novi jam, quomodo nunc ſen-

tijunt, antequam eos in terram promissam introduxi. — 22. Scripsit igitur Moses hoc carmen idque Israelitas edocuit. 23. Josuam vero Nunis filium hortatus est *Jova*, ut forti animo esset et alacri, eum enim ducturum esse Israelitas in terram eorum majoribus jurejurando a se promissam, ipsumque ei adfuturum. — 24. Postquam Moses totam hanc legem in libro scripserat, 25. præcepit Levitis arcam foederis portantibus, 26. ut eum juxta arcam foederis Jovæ Dei sui deponerent, qui testimonium contra eos ibi sit perhibiturus. 27. Novi enim, inquit, contumaciam vestram et cervice duritiem. Jam nunc me adhuc vobiscum vivente rebellastis contra Jovam, quanto magis post mortem meam! 28. Convocate ad me omnes tribuum vestrarum senatores et scribas. Recitabo coram eis hoc canticum, cælum et terram in eos testaturus. 29. Scio enim vos post mortem meam graviter esse peccaturos, et defecturos a via quam vobis præscripsi. Tunc vero evenient vobis mala ista, cum Jovam offenderitis et iram ejus facitis vestris provocaveritis. 30. Igitur Moses effatus est audiente universo Israelitarum senatu illud carmen in hunc modum:

CAPUT XXXII

Carmen Moysi fasidicum a).

1. **A**ttende cœlum, nam loquar. Audi, terra, dicta oris mei. 2. Destillet instar pluvie doctrina mea, fluat sicuti ros meus sermo, ut imbres super germen, ut pluvia rorans super herbam. 3. Nomen enim Jovæ celebrabo. Agnoscite Dei nostri magnitudinem. 4. Creator est *b)*, cujus opus perfectum, cujus rationes omnes rectæ sunt. Deus fidelis, sine iniqui-

a) Scripsi in hoc *canticum*, uti vulgo vocatur, dissertationem, (1769.) ex qua pro instituti ratione ea afferam, quæ ad illustrationem versionis necessaria videntur. Plura cum contra *Hubigantii* emendationes criticas, tum de verborum et ipsius carminis structura in ipso libello legi possunt.

b) In textu est *רִשָּׁא* quod ab interpretibus, ex vulgari hujus vocis significatione, vertitur *petra*, quoniam ex pluribus locis constat, Deum sic tropice dici a salute et securitate quam hominibus præstat. Neque ego hunc hujus vocabuli usum nego, in quo infra v. 15. 31. 37. occurrit. Sed quoniam verbum *רִשָּׁא* significat *formare* 1 Reg. 7, 15. et Jer. 1, 5. (ex lectione textuali) equidem malim h. l. et infra v. 18. præferre significationem quæ aptior est prædicato, quam illa altera, *rupes est cujus opus est perfectum*, et v. 18. *rupes quæ te genuit*. Neque antiquiores interpretes hanc significationem ignorarunt, nam *οὐ* 6 1 Sam. 22, 32. vertunt *κτῆνη* et in nostro loco *Theodotion* *κλίσην*.

iniquitate, iustus et rectus est. 5. Corrupti illi filios, non jam suos, ipsorum protervitas c), genus perversum et tortuosum. 6. Hæccine Jovæ re-
pendis, natio stolidi et insipiens? nonne est pater tuus, et qui te sibi comparavit, is qui te fecit et formavit? 7. Recordare temporum antiquiorum, considera annos præteritorum sæculorum. Interroga patrem tuum et tibi indicabit, seniores tuos, et tibi dicent. 8. Cum possessiones assignaret Supremus gentibus, cum dispergeret homines, terminos nationum *Cananiticarum* constituit pro numero Israelitarum. 9. Nam pars Jovæ erat populus ejus. Jacobitæ portio, quam ipse sibi assignarat. 10. Confortavit eum in deserto, in locis aridis eum laute
aluit

- c) Ne nunc quidem repudio interpretationem prioris membri, quam in disputatione citata ex *Lewiso* de poesi S. hebr. Prælect. XV. stuli. Admittuntq; eam verba hebræa שחת לו לא בני מומם neque tamen propterea negare audeam lectionem codicis Samaritani faciliorem esse et fortasse genuinam שחת לו לא בני מומם peccarunt, non sunt ejus, filii machla, quam et o. s. et Syrus exhibent. Illi: ἡμαρτοὺν ἢ αὐτοῦ ἢ τῆς μητρὸς. Hic: חבלו ולא לה בניא דמומא Pharaem quoque Onkelos exprimit: corruerunt se ipsos non illum filii, qui servierunt idolis.

aluit d). Adfuit ei undequaque, curam ejus gessit,
custo-

- d) Lectio textus recepta **יִמְצְאוּהוּ בְּאֶרֶץ מִדְבָּר** *invenit eum in terra deserta*, non commodam admittit explanationem. Quomodo enim dicere potuit Moses, Deum invenisse populum in deserto, in quod eum ipse deduxerat? Nonnulli interpretes, ut rationem redderent versionis græcæ ἀνέβησαν αὐτὸν volunt **כִּצָּא** h. l. esse *sufficere*. Sed sic aliis punctis subjectis legendum esset in Hiphil **יִמְצְאוּהוּ** neque ego negem hanc lectionem satis aptam esse. At enim vero, haud scio, an interpretes græci, uti sapissime, ita h. l. quoque lectionem codicis Samaritani expresserint **יִאֲמָצוּהוּ** *confortavit eum*, quam recepta longe meliorem esse nemo non intelligit. — Verum etiam in posteriori membro prioris hemistichii hic codex lectionem valde probabilem exhibet, dum pro recepta **וּבְתוֹחוֹ יָלַל יִשְׁמַן** habet: **בְּתַהוֹלּוֹת יִשְׁמְנֶהוּ**. Vocabulum quidem **תַּהוֹלּוֹת** in aliis locis non extat, sed ex simili voce et tropo non male illud illustratum putem ab *Hubigantio*. **צַחַח** est *lucere, candidum esse*, hinc **צַחִיחָה**. **צַחַח** locum aridum, solitudinem notat, ab arena nimirum in vastis illis et desertis locis splendente. Quid igitur? cur non ab **חָלָל** *lucere* **תַּהוֹלּוֹת** eodem tropo et sensu *loca arida et vasta* significant? Alterum vero verbum lectionis Samaritanæ **יִשְׁמְנֶהוּ** bene respondet verbo prioris membri **יִאֲמָצוּהוּ** atque Moses infra v. 15. idem verbum in eodem sensu de Israelitis adhibuit: *pinguis factus est Israel*.

custodivit eum ut oculi sui pupillam. 11. Ut aquila ferventi amore complectitur nidum suum *e*) et super pullis suis molli foetu incubat: expansis alis suis eos sustentat, tollitque super pennis suis. 12. Jova solus eum duxit, nec fuit cum eo Deus alienus. 13. Vexit eum ad regionem montanam *f*), ut vesceretur agrorum proventibus, nutrit eum melle de rupe *g*) et oleo ex petra durissima, 14. cremore lactis, armento et pecore, adipe agnorum et arietum Basaniticorum et hircorum, optimo tritico. Sanguinem uvarum, mustum bibisti. — 15. At pinguis factus Jechurum recalcitravit: pinguis factus es, obesus, adipe obductus; deseruit Deum creatorem suum et vilipendit refugium salutis suæ. 16. Zelum

Israel. Equidem fateor nullum interpretum antiquiorum hanc lectionem indicare; sed errori scribarum eam tribuendam esse nemo dixerit.

e) Sic verbum ער et omnino hunc locum erudite explicat Celeb. Schroederus in Observatt. ad Origg. hebr. p. 22.

f) hebr. על במותי הארץ *super excessa terra.* Sic describitur Palaestina a montibus, quibus fere ab omnibus partibus circumdatur. cf. Es 58, 14.

g) Alii mel ex dactylis palmarum intelligunt. Celsus in Hierobot. P. II. p. 462. Alii mel ex uvis passis: utrumque frequens est Palaestinae proventus. cf. Harmarus in Observatt. orient. P. I. p. 266.

lum ejus commoverunt peregrinis diis. Factis abominandis eum irritaverunt. 17. Sacrificarunt dæmonibus, non Deo. Diis, quos non noverunt, novis, qui e vicinia venerunt, quos non timuerunt majores vestri. 18. Creatorem, qui te genuit, deseruisti, oblitus es Dei, qui te procreavit. — 19. Vidit hoc Jova et præ ira filios filiasque suas abjecit, 20. et dixit: abscondam faciem meam ab illis, videbo qui exitus eorum sit futurus. Est enim natio perversa, filii perfidi. 21. Illi zelum meum commoverunt diis falsis, irritarunt me idolis suis inanibus. Igitur et ego zelum eorum excitabo alieno populo, per gentem stolidam eos irritabo. 22. Ignis enim accensus in ira mea, ardebit usque ad ima terrarum, absumet terram cum proventu suo et inflammabit usque ad montium fundamenta. 23. Accumulabo in eos mala, tela mea in iis consumam. 24. Exerunt fame, absumti ab avibus rapacibus et peste virulenta. Dentes etiam ferarum illis immittam et venenum serpentum. 25. Foris orbabit gladius et intus tremor cum juvenes tum virgines, lactentes et senes. 26. Dicerem: perdam eos *b*), memoriam eorum

b) Ex lectione textus recepti **וְנִסְּתִי** quæ est a **נִסְּתִי** Arab. **فلي** scindere, excindere. Sic *Schultensius* in *Animadv. philol.* ad h. l. Plura vide in *Disp.* cit.

eorum delebo, 27. nisi factum hostium vererer, ne alienum factum sibi tribuant adversarii. Ne dicant: tanta est potentia nostra, Jova hoc non fecit. 28. Nam est natio quæ suis perit consiliis, in qua nulla est prudentia. 29. Utinam scaperent, atque hoc intelligerent, *utinam* considerarent exitum suum: 30. Quomodo unus mille persequeretur et duo fugarent decem millia, nisi quod Deus eorum i) eqs venderet et Jova eos traderet. (31. Deus enim eorum non est sicuti Deus noster, vel hostium nostrorum iudicio k).) 32. Sed de vitibus Sodomiticis est vitis eorum et de agris Gomorranis. Uvæ eorum sunt uvæ venenatæ l) et baccæ amaræ, 33. Venenum draconum est eorum vinum, et virus aspidum sævum. 34. Nonne hoc reconditum est apud me, ob-

signatum

i) hebr. בִּיָּהוּ *petra eorum*. Sic quoque in sequenti versu.

k) Hic versus in parenthesis est ponendus. Deus enim inde a v. 20. loquitur, nec tamen hæc possunt esse verba Dei. Sed sunt verba Moïsi, qui hæc interserit zelo incitatus pro Dei honore, quibus docere vult, gentiles quidem habere quoque Deos, quos ut petram suam, ut refugii tutissimi locum considerent; sed illos cum Deo Israël nullo modo esse comparandos, ipsos gentiles summam hujus Dei potentiam agnoscere atque fateri coactos esse, Deum Israël esse vere magnum, immo aliarum gentium diis majorem.

l) cf. dicta de בִּיָּהוּ ad Cap. 29, 17. s).

signatum in meis thesauris? 35. Ego ulciscar et retribuam tempore, quo pes eorum vacillabit. Profecto appropinquat dies interitus eorum, appropierant eorum fata. 36. Sed causam aget Jova populi sui, et fervorum suorum miserebitur, quando videbit eorum vires esse exhaustas, raros esse omnium ætatum homines m).

37. Tunc

m) Verba textus sunt: אָפּס עַצּוֹר וְעוֹב. Quæ phrasis quanquam in aliis quoque locis occurrit, nempe 1 Reg. 14, 10, 21, 21. 2 Reg. 9, 8. 14, 26. tamen cum in simili contextu legatur, parum lucis ex collatione singulorum locorum ipsi vocabulorum explicationi potest afferri. In eo quidem consentiunt fere interpretes dictionem esse proverbialem, qua destructio s. perditio totalis indicetur; sed unde hoc proverbium ductum sit, non æque inter eos convenit. Mihi quidem *Lud. de Dieu* explicatio maxime probabilis videtur, qui in *Critica S.* ad h. l. עוֹב et עַצּוֹר de personis explicat, docetque apud Arabes *celibem* dici עוֹב substantivum etiam אֶלְעוֹבָה significare *celibatum*, ejus oppositum esse עַצּוֹר *patrem familias*. Quam bene hæc propriæ verborum significationi convenient, quisque intelligit. Ita enim עַצּוֹר dicitur, qui vinculo matrimonii, uxori et liberis adstrictus est; עוֹב contra qui sibi suæque libertati est relictus. Favet præterea huic explicationi locus 1 Reg. 14, 10. ubi tertia quasi species his duabus additur מִשְׁתִּין בְּקִיר *mingens ad parietem*, quem idem *de Dieu* rectius, uti arbitror, de parvulis quam de canibus, ut vulgo fit, explicat. Minatur enim

37. Tunc dicet: ubi sunt dii eorum, numina quibus sunt confisi? 38. qui adipem victimarum eorum comederunt et biberunt vinum libaminum eorum. Surgent et adjuvent vos, sint vobis præsidio. 39. Videte igitur me esse illum *n*), nec esse Deum præter me. Ego interficere possum et in vitam revocare, vulnerare possum et sanare, non est qui de manu mea eripiat. 40. Nam sublata ad cælum manu in hæc verba juro per vitam meam æternam: 41. Acnam gladium meum fulgurantem, parabo iudicium. Rependam ultionem meis adversariis, et osoribus meis retribuam. 42. Inebriabo fagittas meas sanguine et gladius meus devorabit carnem; sanguine occisorum et captivorum. Carnem de capite capillato hostis *o*). 43. Canite, gentes, ejus
jus

Deus Jerobeamo excidium totale, atqui hoc in ejus familia, non in canibus absolvebatur. — Sensum vero dictionis proverbialis in versione indicandam putavi, quæ ad litteram versa non erit adstrictus et relictus, a nemine intelligitur.

n) נִיִּי Ille נִיִּי יְהוָה de nomine Dei dicitur. cf. *Glossius* p. 153. edit. recent.

o) De parallelismo membrorum in hoc versu, in quo duo priores hemistichii membra respondent duobus membris posterioris, vid. *Lewy* de poesi s. hebr. p. 370. edit. Gœtting. prioris. — Ultima verba מִרְאֵשׁ פְּרָעוֹת אוֹיֵב
inpri-

jus p) populum. Nam sanguinem servorum suorum ulciscetur. Ultionem rependet suis adversariis et placatus erit terræ et populo suo. q) — 44. Hoc carmen Mo-
fes

inprimis difficilia sunt et varie explicantur ab interpretibus antiquioribus et recentioribus. Equidem inter duas explicationes fere dubius hæreo pro duplici nempe significatione vocis פָּרְעוֹת ex arabica فَرْعٌ sine dubio illustrandæ. Significat vero *principem* et *comam*. Hinc illa verba utique verti possunt, quemadmodum αὶ ὁ ea verterrunt: ἀπὸ κεφαλῆς ἀρχόντων ἐχθρῶν, a quibus Syrus interpretes non videtur esse diversus: a capite coronato hostis. Verum et altera significatio, qua de *coma* dicitur, non videtur esse inepta. Simillima est horum duorum substantivorum conjunctio ראש פָּרְעוֹת *caput comæ*, ei quæ legitur Ps. 68, 21. קֶדֶד שֵׁעָר *vertex pili*, quem Deus dicitur percussurus. vid. plura in diss. cit.

p) nempe Jovæ Dei.

q) Quoniam Moses in hoc carmine jussu Dei populo Israelitico fata prædicit ei sequentibus temporibus eventura Cap. 31, 19. quaeritur, quousque hoc vaticinium progrediatur, siue quæ tempora sint, in quibus subsistat? Mihi quidem ex diligenti et sine præconcepta opinione instituta lectione, quæ ornamenta poetica sciat a rebus ipsis, quas poeta tractat, separare, plane constare videtur, Moſen in vaticinio suo non ultra tempora reditus ex captivitate babylonica et restitutionem reipublicæ Judaicæ esse pro-
Z z 2 gressum.

ses assumto Josua effatus est coram populo, 45. et
sic

gressum. In disputatione citata partes hujus carminis, earumque inter se nexum plenius edisserui pag. 41. seqq. quæ hoc loco repetere non licet. Duo tantum argumenta breviter indicabo ex illo ipso carminis nexu sumta, quæ tempus, in quo Mosi vaticinium definit, plane probare videntur. *Primum* est: quod promissio liberationis ex malis immissis populo aliquando expectandæ, conneditur cum redargutione idololatriæ, ob quam illa mala populo immissa dicuntur. v. 36. seqq. Jam vero populus Judæus post reditum ex captivitate babilonica diligenter sibi cavet ab idololatria, et ab ea vere abhorruit. Constat ex historia Maccabæorum, quantas persecutiones perpessi sint ob constantiam in religione patriæ, quomodo atrocissima supplicia atque adeo mortem ipsam subire maluerint, quam idolis immolare, aut quicquam committere, quo in communionem sacrorum gentilium venire viderentur. Ex quo sequitur, liberationem illam, in cujus laudibus carmen definit, eandem esse quæ facta est in reditu ex captivitate Babilonica et temporibus eum proxime excipientibus. *Alterum* hujus sententiæ argumentum non minus evidens esse videtur: Nimirum in toto carmine, unius modo liberationis mentio fit, quæ nisi est ipsa illa, quæ facta est ex captivitate Babilonica, hæc omnino non esset commemorata. Jam vero nemo facile probabile dixerit, Moïsem, qui fata populi prædicere volebat atque ex his ipsis Dei summam justitiam et in populum benignitatem demonstrare, illum reditum aliis prophetis tam sæpe celebratum

fic absolvit sermones ad Israelitas habendos, 46. addita admonitione hujus tenoris: attendite ad ea omnia, quæ vos edocui de harum legum ratione; quæ et posteris vestris præcipiatis diligenter servanda. 47. Etenim hæ leges minime vobis inutiles videri debent; sed causam vestræ felicitatis continent; his legibus *observatis* diu vivetis in terra, ad quam occupandam mox Jordanum estis trajecturi. — 48. Eodem die Jova Mosen jussit 49. partem montis Abarim, quæ Nebo vocatur, in terra Moabitica e regione Hierichuntis ascendere, inde contemplari Cananæam quam Israelitis possidendam sit daturus, 50. atque mori in eo monte et ad populares suos colligi; quemadmodum idem Aaroni ejus fratri in monte Hor evenisset, 51. quoniam eum præsentis Israelitarum cœtu offendissent ad aquas contentionum, Kadeschi in deserto Sin, neque honoris ei debiti tunc rationem habuissent. 52. Igitur videret modo sibi ex adverso terram, quam Israelitis daturus sit, ipsum vero eo non esse perventurum.

ZZ 3

CAPUT

bratum silentio præterisse. Quod, si non est, sequitur, eam liberationem cujus meminit eam ipsam esse debere, quæ facta est ex captivitate babylonica. Atqui in hac earmen desinit. Ergo nec vaticinium ultra illa tempora progreditur. Neque loca Pauli in epistola ad Romanos Cap. 10, 19. et 15, 10. huic sententiæ esse contraria, ibidem a me est probatum.

CAPUT XXXIII

Vota Moſis pro Iſraelitis.

1. **H**æc ſunt vota quæ Moſes vir divinus pro Iſraelitis antequam moreretur concepit: a) 2. Jova, inquit,

a) Inſcriptionem hujus capitis non eſſe a Moſe ipſo his votis præmiſſam, plane apparet ex titulo illo honoris וַיִּקְרָא מֹשֶׁה אֶת־הַנָּאָם הַזֶּה quo Moſes condecoratur, quod ei etiam in deſcriptione Pſalmi nonageſimi tribuitur. Nunquam Moſes ipſe de ſe ita eſt locutus. Sed is, qui ultimum caput addidit, quod de morte et ſepultura Moſis exponit, præmiſit quoque hanc inſcriptionem bonis votis, quæ Moſes literis conſignata reliquerat. Nemo, uti ſpero, me reprehendet, cum dixerim, duo ultima capita ab alio ſcriptore addita eſſe. Olim quidem fuerunt, qui defenderent, Moſen mortem et ſepulturam ſuam in ſpiritu prophethico deſcripiſſe. Sed jam plures interpretes monuerunt, nullum prorsus hanc pericopam vaticinii indicium habere, ſed potius ejus ſcriptorem ſummam animi reverentiam præ ſe ferre, qua tanti viri memoriam, qualis Moſes fuerat, vereretur. Hinc etiam titulus ille honoris venit, *vir Dei*, quem huic capiti præmiſit. Auctoritati divinæ librorum Moſaicorum hæc ſententia minime adverſatur. Etenim illos et reliquos ut ſacros et divinos recipimus non ex auctorum ſuorum dignitate, quæ in multis incerta eſt et dubia, ſed ex teſtimonio Chriſti et Apoſtolorum.

inquit, de Sina venit, ortus est eis *b)* ex Seire, illuxit ex monte Pharan, profectus est *c)* cum myriadibus lectissimi exercitus *d)* ad ejus defensionem *e)*, columna ignea *f)* eis præivit. 3. Profecto amas
popu-

b) לְמוֹ eis. Affixum uti sæpe ad sequens nomen רַבְּבַת קָרַשׁ pertinet.

c) אָתָּה non venit, sed profectus est, uti לָךְ in Nov. Test. sæpe sic dicitur.

d) רַבְּבַת קָרַשׁ non angelos intelligo, qui, quod ego quidem sciam, nunquam קָרָשִׁים vocantur, sed Israelitas, qui statim in sequenti versu et alias quoque sic vocantur e. c. Exod. 19, 6. Num. 16, 3. ex singulari prærogativa, qua Deo sacri, sive separati ex tot aliis gentibus erant.

e) hebr. מִיְמִינוֹ a dextra ejus. Quod construo contra accentus cum קָרַשׁ et explico ex phrasi sæpe obvia, *stare ad dextram alicujus* pro: adesse ad alicujus defensionem.

f) אֵשׁ דָּת לְמוֹ. Jam aliis interpretibus observatum est, Mosen innuere columnam nubis et ignis, in quo symbolo Deus se ducem præbuit Israelitis. At enimvero num דָּת columnam significat? Probabiliter hoc asseruit Lenz in Observatt. Miscell. ad selecta V. T. loca, (leguntur in Sylloge Disputatt. Schultensii et Schræderi P. II. p. 1010.) ex radice יָרָה in alterum protendi, quod sit contractum ex דָּוָה sensio, protensio, et metonymice, pro eo quod protenditur. Eodem significatu quo יָרָה quod haud dubie
est

populum g) omnes tibi sacri, sunt sub cura tua. Igitur ad pedes tuos provoluti accipiunt h) tua eloquia. 4. Moses legem nobis dedit, quæ singularis est cœtus Jacobitici prærogativa. i) 5. Sit igitur Israelis rex k) quoties se ad eum capita populi congregant, omnesque tribus Israelis. 6. Vivat Ruben! non pereat, homines ejus faciant numerum. l) 7.

De

est ab eadem radice ירה, etiam columnam notat. — Non sermo esse videtur de illa apparitione Dei in monte Sina ad legem populo ferendam. Sed Moses in fine itineris sui longinqui constitutus commemorat loca quadam insigniora, per quæ Deus populum duxerat, quod etiam verba זרח et הופיע innuunt, quæ legislationi minus conveniunt.

g) עמים *singular tribus.*

h) Pro ישא legendum est ישאן. Sic codex Samaritanus et Syrus מקבלין *accipientes.*

i) In hoc et sequenti versu formula est confessionis, quam Israelitæ coram Deo provoluti edere debebant. — מורשה intelligo de lege, quæ possessio populi vocetur, quod populus ea ab aliis distinguebatur. Quam prærogativam Moses quoque commemorat Cap. 4, 8 seqq.

k) Non Moses, qui nunquam se pro rege gessit, sed Jova.

l) Sic verito verba textus: יהי מתיו מספר quæ utique plures explicationes admittunt. Etenim מספר absolute positum, sed raro et quantum scio tantum Jes. 10, 19. dicitur

De Juda dixit: Audi, Jova, vocem Judæ et duc eum
ad

dicitur quoque pro *paucis*, fortasse tantum ex ellipsi מְּרִי cum quo sæpe obvium est מְּרִי *focii numeri* h. e. pauci. Hinc verti possent hæc verba: *sint hominum ejus pauci*. Quæ vero esset imprecatio, non bonum votum. Neque existimo Vulgatum sic locum legisse, sed fortasse pro מְּרִי sine Vau legit מְּרִי hinc vertit: *et sit parvus in numero*. Inepte. Sed quoniam מְּרִי h. l. non construitur cum מְּרִי, possunt hæc verba quoque verti: *et sint homines ejus numerus*, h. e. *numerus faciant, l. multi eorum sint*. Sic Syrus videtur accepisse מְּרִי. Num. 26, 7. Num. 26, 14. coll. Num. 1, 13. Atque ego quoque fateor, mihi minime probabile videri, Mosen huic tribui non æque ac reliquis omnibus bene esse precatum. Attamen omnes Codices et versiones in lectione recepta consentiunt, præter unum codicem Alexandrinum, qui ha-

ad populum suum; sua ipsa virtus sufficiat m), auxilio ei sis ab hostibus suis. 8. De Levi dixit: Urim et Thummim maneat viro tui studiosissimo, quem tentasti Massæ, cum quo contendisti ad aquas Meribæ n). 9. Qui dicit de patre suo et matre sua,

non

bet: καὶ Συμεὼν ἔγω πολὺς ἐν ἀριθμῷ. Fortasse breviter tantum Moses utramque tribum nominavit, uti in versu 18. tribum Sebulonem et Mascharem. *Vivat Ruben, non moriatur! Vivat Simeon, sint mortuorum ejus pauci!* Sed quis in re prorsus incerta audeat aliquid definire?

m) Pro plurali יָדָיו codex Samaritanus habet singularem יָדוֹ qui sequenti רַב melius convenit, quod רַב construo cum Lamed sequenti eodem sensu quo supra adfuit, 1, 6. εἰ δέ, αἱ χεῖρες αὐτοῦ διακραῖεν αὐτῷ, et Vulgatus: *manus ejus pugnabunt pro eo.* Sic alii quoque. Sed רֹוֹב quod ego quidem scio, dicitur tantum de contentione, quæ fit verbis s. in judicio, non de contentione cum armis, de qua tamen hoc loco sermo est.

n) Plerique interpretes existimant Mosen alloqui populum. Sed placet S. R. Herderi sententia (in epistolis super literis theologicis P. I. p. 98.) qui totam pericopam putat preces continere ad Deum directas, partim quoniam suffixa תְּמִיךָ וְאֹרֶיךָ non commode ad populum referri possunt, partim quoniam nimis subita videtur mutatio objecti in versu nono: *observant dicta tua*, quæ manifeste ad Deum pertinent. Favent quidem vulgari explicationi ultima verba hujus versus. Sed possunt quoque de Deo

ex-

non video eum, et fratrem non curat, nec filii rationem habet, sed verbum tuum observat et fœdus tuum custodit: o) 10. hi sunt qui doceant Jacobitas jura tua et legem tuam Israelitas, qui suffitum tibi offerant et juge sacrificium imponant tuo altari. 11. Fave, Jova, eorum redditibus, placeant tibi quæcunque suscipiunt, ita prosterne eorum hostes et osores, ut surgere non possint. 12. De Beniamine dixit: Dilectus Dei secure habitat, supremus tegat eum quotidie p) et inter montes ejus confideat. 13.

De

explicari et cum historia, quam Moses sine dubio respexit, bene conciliari. Deus tentavit Aaronem, cum juberet eum petram alloqui; contendit cum eo, cum ejus diffidentiam reprehenderet, quam illa occasione prodiderat. Num. 20, 8. et 12.

- o) Hic versus laudat Aaronem propter integritatem suam. Ab omni partium studio alienissimum eum semper fuisse, dignum propterea honore sacerdotii. In altero hujus versus hemistichio est mutatio numeri singularis in pluralem, quod non de uno Aarone, sed potissimum de ejus familia et tota Levitica tribu sermo est.

- p) Pro priori עֲלֵיךָ oī ō videntur legisse עֲלֵיךָ ō Deus ex-
אֵלֶיךָ לֹא אֲנִי. Quæ lectio valde probabilis videtur. Pri-
mo enim hoc עֲלֵיךָ non admittit explicationem, quoniam
subiectum non est Jova, sed Benjamin dilectus Jovæ. De-
inde tria membra sibi melius respondent. Tandem error
facile poterat admitti, qui ex unius literæ Nun omissione
venit. Antiquus tamen fit necesse est, quoniam reliqu

De Josepho dixit: Fertilissima erit ejus terra Dei beneficio, munere cœli præstantissimo, rore, et fontibus subterraneis. 14. propter fructus optimos, qui gignuntur beneficio solis, propter fructus optimos, qui singulis mensibus nascuntur. 15. qui in montibus et collibus jam olim celeberrimis procreantur. 16. ob cupedias terræ omnibus bonis refertæ, ob favorem ejus, qui in rubo habitavit q). Veniant, *inquam*, hæc omnia super caput Josephi, super verticem lectissimi fratrum suorum. 17. Decus ei sit, ut bovis sui primogeniti, cornua ejus ut cornua bubali, quibus gentes percutiat, extremos terræ fines. Nimirum hæc sunt myriades Ephraimi, hæc sunt chiliades Manassis. 18. De Sebulone dixit: Lætare Sebulon negotiis tuis r) et Isaschar tuis tentoriis. 19. Alias tribus invitabunt ad montem *sacrum* s) ibique

interpretes prius עֵלֵי videntur legisse, sed omittunt posterius.

q) h. e. Dei, qui Mose in rubo ardente apparuit. Exod. 3. 2.

r) hebr. בְּצִנְחָתְךָ *exitu tuo*. Qui in sequenti versu explicatur de commercio, quod Sebulonitæ cum finitimis Sidoniis habituri sint.

s) *Sacrum*. Addidi hoc epitheton, quod in textu non extat, ut lectores intelligant, de quo monte sermo sit. De eo nempe, in quo aliquando templum extrui et sacra Jovæ Dei Israelitarum celebrari debebant. — Sub עֵלֵי

gen.

ibique sacrificia eucharistica offerent: nam divitiis mari advectis fruuntur et thesauris arenæ abditis. *t*)

20. De Gado dixit: Laudetur *Deus*, qui amplos et latos fines Gado concedit, uti leo habitabit, brachium et verticem prædabitur *u*). 21. Primitias *terra* promissæ sibi expetiit, ibique in portione statuta cum dignitate vivet *x*). Sed *antea* præcedet

popu-

gentibus, tribus Israeliticis intelligo, quanquam non repugnem, si quis gentiles malit intelligere, qui a societate sacrorum populi Israelitici exclusi non erant.

t) In finibus Sebulonitarum fuerunt ostia fluvii Beli, qui arenam vitriariam effundit, ex qua primum vitrum est confectum. vid. *Bachien* in descript. Palæstinæ P. I. Vol. I. p. 176. et *Michaelis* in notis ad vers. germ.

u) Descriptio fortitudinis, ut Genes. 49, 9.

x) Verba textus *בִּי שֵׁם הַלֵּקֶת מִחֶקֶק סֶפֶן* si qua alia hujus capituli difficultia sunt, in quibus omnes quos vidi interpretes laborant. Liceat et mihi meam asserere conjecturam et versionem supra positam explicare. Adverbium loci *יֵם* *ibi*, emollit, uti spero, duritiem ellipseos præpositionis *ב* ante *הַלֵּקֶת*. Participium activum *מִחֶקֶק* quod ex meo sensu paullo durius vel de Mose, vel de Gado explicatur, ego passive lego, et, quoniam cum *חֵלֶקֶת* construitur, in foeminino *מִחֶקֶקָה* ne quem offendant enallage generis, cujus tamen quam plurima exempla sunt in lingua hebræa. Tandem *סֶפֶן* ex usu hujus vocis in lingua chaldaica explico (vid. *Buxtorfus* in Lex. Rabb. et

populum, Jovæ vóluntatem executurus atque officio suo inter Israelitas satisfactorius. 22. De Dane dixit: Dan est leo catulus ex Basane profiliens. 23. De Naphtali dixit: Naphtali favore et beneficiis Jovæ exsatiatus et repletus mare et meridiem occupa. 24. De Aschere dixit: Sobole felix sit Ascher, carus fratribus suis, immerget oleo pedem suum. 25. Ferreæ et æneæ erunt seræ tuæ, felix sis quam diu vives! 26. Non est Deo similis, o Israel, qui cœlo vehitur in tui auxilium, et majestatem suam *ostendit* in nubibus. 27. Perfugium *est* Deus antiquus, demittit γ) brachium æternum. Expellit ante te hostem, et dicit: perde. 28. Secure habitabit Israel, solus

Talmud. sub h. v.) et ad Gadum refero, qui in portione illa ei tributa cum honore et dignitate sit habitaturus. Sic evito alteram enallagen generis, quæ statuenda est si ספון cum חלקה construitur. Quod si quis illis generis enallagis non offenditur, possunt etiam verba verti: *Ibi portio statuta ei est s. manet spectabilis*. Sic non opus est ellipsi præpositionis Beth. — Sensus cæterum totius loci non est obscurus. Tribus Gad cum tribu Ruben et dimidia Manassis primam partem terræ occupatæ cis Jordanum accipiebat, quam sibi a Mose expetierat sub hac conditione, ut adjuvaret populares suos in occupatione terræ trans Jordanum. Historia legitur Num. 31.

γ) hebr. ומתחת *et infra*, scilicet sese exerit, aut ostendit potentia Dei.

solus fons Jacobi 2) in terra frumenti et musti, cujus cœlum rorem destillat. 29. O te felicem, Israel! quis tui similis? popule, per Jovam fervate! auxilii tui clipeus, et gloriæ tuæ gladius. Blandientur tibi hostes tui et tu eorum terga aa) calcabis.

CAPUT XXXIV

Mosis mors et sepultura.

Posthæc ascendit Moses ex planitie Moabitica in montem Nebonem in summum Pisgæ fastigium, quod est in regione Hierichuntis, unde ostendit ei Jova totam terram, Gileaditidem usque ad Danem. 2. Terram Naphtaliticam, Ephraimiticam, Manassiticam, totam terram Judaicam usque ad mare occidentale. 3. Regionem meridionalem, planitiem vallis Hierichuntis, quæ et urbs palmarum vocatur, usque

2) hebr. עַין יַעֲקֹב *fons Jacobi* est in appositione cum *Israel*, qui, ut rivi ex fonte Jacobo deductus est, cf. Ps. 68, 27. אֵל pro עַל construendum est cum שָׁכֵן. Sic Syrus quoque interpretes locum intellexit: מְבוּעַת דִּי יַעֲקֹב *fons Jacobi in terra frumenti* etc. et Onkelos quoque verba de posteris Jacobi explicavit.

aa) hebr. בְּמוֹתֵיהֶם *excelsa eorum*, quæ non de terra intelligo. Nam hæc jam occupata præsupponitur, dum hostes blandiuntur, sed ex more orientis hostes pedibus calcandi dicuntur. Sic quoque omnes interpretes veteres hæc verba intellexerunt.

736 DEVTERONOMIUM CAP. XXXIV.

que ad Zoaram. 4. Hæc est, inquit Jovæ, terra, quam jurejurando promisi Abrahamo, Isaaco et Jacobo, me eorum posteris esse daturum. Ostendo tibi eam, sed eo ipse non intrabis. 5. Igitur mortuus est Moses servus Jovæ ex ejus voluntate in terra Moabitica, 6. atque sepultus est in valle illius regionis e regione Beth Peoris, nec quisquam ad hunc usque diem ejus sepulcrum rescire potuit *a*). 7. Annum ætatis agebat centesimum et vicesimum cum moreretur, oculis nec caligantibus nec corporis animique vigore amisso. 8. Lugebant obitum ejus Israelitæ in planitie Moabitica per integros triginta dies. 9. Josua quidem Nunis filius magna fuit sapientia præditus (Moses ei manus imposuerat) atque Israelitæ ei quoque ex voluntate Jovæ per Moysen indicatæ obtemperarunt. 10. Sed propheta Mosis similis posthæc nunquam inter Israelitas extitit, qui cum Jovæ præsens locutus esset. 11. Cui tot signa et prodigia in Aegypto patranda Jovæ mandarant, in Pharaone, ejus ministris, et in tota ejus terra. 12. Per quem tanta et tam stupenda miracula Jovæ ediderat spectantibus omnibus Israelitis.

a) De sepulcro Mosis, quod anno 1656, a pastoribus quibusdam Maroniticis detectum putabatur, legatur *Bachienæ* in descriptione Palæstinæ P. I. Vol. I. p. 335.

CORRIGENDA.

- P. 20. in nota g) lin. 11. pro Itaque, lege, Idque.
- p. 53. lin. 8. post, virorum, adde, doctorum.
- p. 61. in nota lin. 7. l. aquam.
- p. 85. lin. 6. l. quoque.
- p. 92. vers. 14. l. circumciderint.
- p. 99. vers. 7. l. hortatus est.
- p. 101. vers. 21. pro, eam, l. id.
- p. 102. in nota lin. 3. l. neget.
- p. 109. vers. 29. post, finem, adde, hoc.
- p. 123. lin. 10. l. inuit et lin. 11. l. lenivit.
- p. 126. vers. 26. l. prodit. ibid. vers. 30. l. rogavit.
- p. 145. vers. 25. l. rogavit.
- p. 147. Cap. XXXI. lin. 3. l. furripuisse.
- p. 151. vers. 38. l. capræ.
- p. 156. in nota l. 2. l. hæc.
- p. 171. Cap. XXXVII, lin. 6. l. maxime.
- p. 183. vers. 22. l. Hunc.
- p. 197. vers. 22. l. saccis nostris.
- p. 209. vers. 29. l. iussit.
- p. 215. lin. 2. l. venerentur.
- p. 216. Cap. XLIX, lin. 2. l. allocutus est.
- p. 242. Cap. V. lin. 1. l. adeunt. lin. 3. l. dimittat.
lin. 9. l. concedat.
- p. 271. lin. 3. l. nascatur.
- p. 352. in nota lin. 11. post, sic, adde, legem.
- p. 401. in nota d) lin. 3. l. tamen.
- p. 467. in nota lin. ult. l. censu.
- p. 486. lin. 5. l. erit.
- p. 504. lin. 2. dele, non.
- p. 538. in nota lin. 4. post, hujus, adde, loci.
- p. 563. in nota b) lin. 1. post, loco, adde, non.
- p. 608. in nota f) lin. 2. l. et 13. 14.
- p. 640. in nota b) lin. 7. l. attinet.
- p. 642. lin. 3. addatur uncinus) signum finis parentheses.



101

0

8-22